

2637  
APOLOGIE

P O V R I E H A N

CHASTEL PARISIEN, EX-

ECUTE A MORT, ET POVR LES

peres & escholliers, de la Societé

de I E S V S, bannis du Roy-

aume de France.

C O N T R E L' A R R E S T D E

*Parlement, donné contre eux a Paris,*

*le 29. Decembre, 1594.*

Diuisée en cinq parties.


*Par FRANÇOIS DE VERONE Constantin.*



Deus conteret dentes eorum in ore ipso-  
rum, molas leonum confringet

Dominus. *Psal. 57.*

L'AN clb. cl. XCV.



**L'**AN 1594. que Paris fut liuré entre les mains de Henry de Bourbon, comme iceluy après son retour de Picardie, estoit en la chambre de la Dame de Liencourt, sa favorite, dite vulgairement la Gabriele, le 27. de Decembre, Iehan Chastel Parisien, fils de Pierre Chastel, marchand bourgeois de Paris, aagé de 19. ans, emeu du zeile de religion & de iustice, se coule dedans. Et d'un cousteau qu'il auoit, pensant luy donner dans la gorge, le frappe en la bouche, enuiron les 7. heures du soir & luy rompt une dent. Il est apprehendé, il auouë le faict, soustient en la question, n'auoir esté emeu d'autre, que de luy mesme. Et conneu, qu'il auoit faict son cours, au college des Iesuites, & illec eu pour precepteur, un nommé Iehan Gueret (qui la dessus estant appliqué a la question, est trouué innocent) l'arrest est prononcé, le 29. suyuant, tant contre le d'ict Chastel, que contre la Societé entiere des dicts Iesuites, en la forme qui sensuit.

## EXTRAICT DES REGISTRES de Parlement.

**V**E u par la Cour (les grand chambre & Tournelle assemblées) le proces criminel commencé a faire, par le Preuost de l'hostel du Roy, & depuis paracheué d'instruire en icelle, a la requeste du Procureur general du Roy, demendeur & accusateur, a l'encontre de Iehan Chastel, natif de Paris, escholier ayant faict le cours de ses estudes, au College

de Clermont, prisonnier es prisons de la conciergerie du Palais, pour raison du tresexecrable, & tresabominable parricide, attenté sur la personne du Roy, interrogatoire & confession dudit Iehan Chastel, ouy & interrogé en ladicte Cour ledict Chastel, sur le fait dudit parricide, ouys aussi en icelle Iehan Gueret Prestre, soy disant de la congregation & Societé du nom de Iesus, demeurant audict College, & cy deuant precepteur dudit Iehan Chastel, Pierre Chastel & Denise Hazard, pere & mere dudit Iehan, conclusions du Procureur general du Roy, & tout consideré.

Il sera dict, que ladicte Cour a déclaré, & declare ledict Iehan Chastel, atteint & convaincu, du crime de leze maiesté, diuine & humaine au premier chef, par le tresmechat & tresdetestable parricide, attété sur la personne du Roy. Pour reparation duquel crime, a condamné & condamne ledict Iehan Chastel, a faire amede honorable, deuant la principale porte de l'Eglise de Paris, nud en chemise, tenât vne torche de cire ardante, du poix de deux liures, & illec a genoux, dire & declarer, que malheureusement & proditoiremēt, il ha attenté ledict tresinhumain, & tresabominable parricide, & blelé le Roy d'un cousteau en la face: & par faulses & damnables instructions, il a dict audict proces estre permis de tuer les Roys, & que  
le Roy



le Roy Henry quatriesme a present regnant,  
 n'est en l'Eglise, iusques a ce qu'il ait l'ap-  
 probation du Pape, dont il se repent & de-  
 mande pardon a Dieu, au Roy, & a Iustice.  
 Ce fait, estre mené & conduit en vn tom-  
 bereau, en la place de Greue, & illec tenaillé  
 aux bras & cuisses, & sa main dextre, tenant  
 en icelle le cousteau, duquel il s'est efforcé  
 cōmettre ledict parricide, couppée. Et apres  
 son corps tiré & demembré avec quatre che-  
 uaux, & ses membres & corps iettez au feu,  
 & consumez en cendres, & les cendres ier-  
 tées au vent. A déclaré & declare, tous &  
 chacuns ses biens acquis & confisque au  
 Roy. Auant laquelle execution, sera ledict  
 Iehan Chastel appliqué a la question ordi-  
 naire & extraordinaire, pour sçauoir la verité  
 de ses complices, & d'aucuns cas résultant  
 dudict proces. A fait & fait inhibitions &  
 deffenses, a toutes personnes, de quelque  
 qualité & cōdition qu'elles soyēt, sur peine  
 de crime de leze maiesté, de dire ne proferer  
 en aucun lieu, public, ne aultre, lesdicts pro-  
 pos, lequel ladicte Cour a déclaré & declare  
 scandaleux, seditieux, contraires a la parole  
 de Dieu, & condamnez cōme heretiques, par  
 les saincts Decrets. Ordōne, que les Prebſtres  
 & Escholiers du College de Clermōt, & tous  
 autres soy disant de ladicte Societé, comme  
 corrupteurs de la ieunesse, perturbateurs du  
 repos public, ennemis du Roy & de l'Estat,

vuidierōt dedās trois iours, apres la significa-  
tiō du present Arrest, hors de Paris, & aultres  
villes & lieux, ou sont leurs Colleges, &  
quinze en apres hors du Royaume: sur pei-  
ne, ou ils y serōt trouuez, ledict temps passé,  
d'estre punis, cōme criminels & coupables,  
dudict crime de leze maiesté. Serōt les biens  
rāt meubles qu'immeubles, a eux appartenās  
employez en œures piroyables, & distribu-  
tion d'iceux faicte, ainſi que par la Cour sera  
ordonné. Oultre faict deffense, a tous subiects  
du Roy, d'enuoyer des Escholiers, aux colle-  
ges de ladicte Societé, qui sont hors du Roy-  
aume, pour y estre instruits, sur la mesme  
peine de crime leze maiesté. Ordōne ladicte  
Cour, que les extraicts du present Arrest, se-  
rōt enuoyez aux Balliages & Senesc haussées  
de ce reilort, pour estre executé selon la for-  
me & teneur. Enioinēt aux Ballifs & Senes-  
chaux, leurs lieutenāts, generaux & particu-  
proceder a l'execution dedans le delay, con-  
tenu en iceluy: & aux substitus du Procureur  
general, tenir la main a ladicte execution,  
faire informer des contrauentions, & certi-  
fier ladicte Cour, de leur diligence au mois,  
sur peine de priuation de leurs Estats. Signé  
du Tillet. Et plus bas. Pronōcé audiēt Jehan  
Chastel, executé le Ieudy 29. Decēbre 1594.

646

# SOMMAIRE DES MATIERES COMPRISES EN CE DISCOVR S.

## PREMIERE PARTIE.

De la source de l'erreur, qui se voit tant  
icy qu'allieurs.

<b>R</b> <i>Essemblance m. re d'erreur.</i>	1.
<i>Ruse du Diable pour tromper pas la ressem- blance, en trois sortes.</i>	2.
<i>Aduis en l'escriture, pour se preualoir a l'encan- tre.</i>	3.
<i>Praëtique de ceste ruse cõtre la Ligue des Catholi- ques, en ces trois sortes. Et I. en la premiere</i>	4.
<i>En la seconde.</i>	5.
<i>En la troysieme.</i>	6.
<i>Praëtique particuliere, pour le saët de Chastel &amp; del' Arrest.</i>	7.

## SECONDE PARTIE.

Que l'acte de Chastel est iuste.

<b>A</b> <i>Cte heroique ne peut estre sans iustice.</i>	1.
<i>Personnes de Roys inuiolables.</i>	2.
<i>Chastel n'a voulu estre Roy.</i>	3.
<i>Ne peut estre diët Roy, pour sa conuersion pre- tendue.</i>	4.
<i>N'y au preiudice de l'excommunication.</i>	5.
<i>Censure</i>	

*Censure temeraire du Parlement contre la Sorbonne pour cest article.* 6.

*Ne se peut preualoir contre l'excommunication, par l'exemple des Roys de France.* 7.

*N'est Roy, quand mesmes il seroit absous.* 8.

*Ne peut estre dict Roy, par droit de succession.* 9.

*N'y pour l'obeissance qui luy est rendue.* 10.

*Heretiques deputez a la mort, par droict diuin & humain, & principalement les relaps.* 11.

*Peuvent estre executez par les particuliers, si autrement n: se peut.* 12.

*Le mesme est il pour les tyrans.* 13.

*Et plus pour le tyran & heretique ensemble.* 14.

*Virtuez particulieres de l'entreprise de Chastel.* 15.

---

### **TROYSIEME PARTIE.**

#### **Que l'acte de Chastel est Heroique.**

**A**cte de Chastel heroique en sa substance. 1.

Heroique en la Confession. 2.

Artifices contre Chastel, & abus du Sacrement de penitence. 3.

Execration de ce mesme abus, en ceux du Parlement. 4.

Impudence de calomnies contre Chastel. 5.

Imposture au sacrement, comme descouuerte par Chastel. 6.

Constance de Chastel en l'interrogatoire. 7.

Constance a la question & torture. 8.

Constance a l'amende honorable. 9.

Constance au supplice. 10.

**Acte**

Acte ne laisse estre heroique, quoy que l'entreprise  
ne vienne a Chef. 11.

## QUATRIESME PARTIE.

### Vices & impertinences de l'Arrest, contre Chastel.

- |  |     |
|--|-----|
| <b>I</b> mpertinence en la censure du faict.   | 1.  |
| <b>I</b> mpertinence en la condemnation de la personne<br>& speciallement pour l'amende honorable. | 2.  |
| Falsitez notoires contre Chastel.  | 3.  |
| Herésie manifeste en l'Arrest.   | 4.  |
| Nul moyen d'excuser l'herésie.   | 5.  |
| Impertinence de l'inhibition, de proferer les pro-<br>pos de Chastel.                              | 6.  |
| Propos de Chastel ne sont scandaleux, ne seditieux.  | 7.  |
| Ne sont contraire a la parole de Dieu, ny condam-<br>nez comme heretiques par les saints Decrets.  | 8.  |
| Exemple des Emperours infidelles, ne conclud en fa-<br>ueur des princes heretiques.                | 9.  |
| Ny celuy des Emperours heretiques.   | 10. |
| Et moins en France.  | 11. |
| Ny la patience des saintz.   | 12. |
| Ny l'exemple de Nabuchodonosor, & commande-<br>ment de luy obeyr.                                  | 13. |

Animo-

## CINQVIESME PARTIE.

Vices & impertinences de l'Arrest, contre  
les Iesuites.

- A** Nimosité des iuges, notoire & oculaire contre  
lesdicts Iesuites. 1.
- Precipitation & desordre au iugement. 2.
- Nullle raison valable de haster ce iugement. 3.
- Calomnies & impostures en l'Arrest. 4.
- Deffense de la Societé, cōtre les crimes de l'Arrest 5.
- Deffense contre le plaïdoyè d'Arnauld. 6.
- Injustice & tyrannie en la condemnation. 7.
- Injustice contre le pere Iehan Gueret. 8.
- Cruauté & sacrilege, en la personne du P. Guy-  
gnard. 9.
- Martyre du P. Guygnard Iesuite inuisité de tout  
point. 10.
- Advis aux Catholiques, de la consequence de ce  
faict. 11.
- Advis de cooperer avec Dieu, pour se preualoir con-  
tre la tyrannie heretique 12.
- Exhortation finale, a exterminer l'ennemy de Dieu  
& de son Eglise. 13.

# Faultes suruenues en l'impression.

page.	ligne.	faute.	correction.
15.	16.	souffrances.	afflictions.
46.	17.	fenduë.	fendu.
ibid.	21.	har.	harpe.
ibid.	23.	pece.	ce.
53.	12.	Héry d'Albert.	Iehá d'Albret
71.	21.	me.	mesme.
80.	25.	monde.	moule.
18.	11.	par	pour.
82.	31.	droict de faict.	de droict & de faict
101.	31.	bien de.	bien peu de.
120.	31.	la.	le.
125.	21.	tes.	les.
127.	17.	perne.	personne.
129.	12.	lietenant.	lieutenant.
136.	6.	tant ames	tant d'ames.
167	7.	exterieur.	interieur.
170.	4.	Cliel.	la Clielle.
211.	23.	ordinaire.	naturelle.
217.	16.	sur nous.	sur moy.

Fault noter, que depuis la page 176. il y a erreur en la quotte, aiant mis 167. au lieu de 177. & ainsi continuant.

# SONNET.

**N** On, Lecteur, ne croy pas, que soit contre les  
 Reys,  
 Ou contre vn vray Senat que ceste plume es-  
 crime,  
 Ces deux ont trop d'honneur, & ne pourroit ce  
 crime  
 Tomber en l'ame d'un qui honore les loix,  
 Mais s'il loup se iuge aux dents & a la voix,  
 Si le Serpent au siffle, & air qu'il enuieime,  
 Garde toy del'erreur, de dire legitime,  
 Le tyran & la Cour, ou tout cela tu vois.  
 L'un veut, & l'autre fait, tout ce que l'heresie,  
 Comme dedans son cœur. Et de pareille enuie.  
 Iohēt a qui mieux mieux. O pestilens accord  
 Heureux, qui pour sauuer la France Catholique,  
 Renuersera d'vn coup, tout ce regne heretique,  
 Et luy brisant la teste en brisera le corps.



## P A R T I E

## P R E M I E R E.

DE LA SOVRCE DE L'ER-  
REUR QUI SE VOIT TANT  
icy, qu'allieurs.

*Ressemblance mere d'erreur.*

## CHAP. I.



E NE fut pas mal rencontré  
a celuy la qui dict, que LA  
RESSEMBLANCE est la mere  
de l'erreur. Pour estre celle qui  
plus nous trompe, qui nous  
eblouit les sens, perd & egare  
nostre raison, & induict a tout propos à pré-  
dre ou iuger l'un pour l'autre. Ainsi pour  
la ressemblance le loup se prend pour le  
chien, le serpent pour l'anguille, la cicie  
pour le percil, le cuyure pour l'or, l'estein  
pour l'argent, & le verre pour l'emeraude.  
Ainsi la grappe peinte par Zeuxis trompe  
les oyseaux, la genice de Myron faict courir  
les taureaux a soy; & le chien d'Esopé est de-  
ceu par l'ombre. Ainsi les perdrix & les cail-  
les sont pipées par les appeaux, & les pigeons  
chassez par les espouuataux de chenueiere.  
La consistent les vanitez des songes, les illu-

B

sions

*Aeneid.* 10*Herodot.*  
*lib. 3.**Ioseph.*  
*lib. 17.**Ant. c. 14.**Val. lib. 9.*  
*c. 16.**Fulgos.*  
*lib. 9. c.*  
*16.*

fiōs des charmeurs, les stratagemes de guerre, & toutes sortes de tromperies, pires que celle des deux beſſons, dont Virgile dict que la grande reſſemblance trompoit meſme les parens, mais d'un erreur plaiſant & agreable. De la ſont les piperies de ceux, qui pour quelque rapport de lineamens, de coſſage, de parole & meſme de nom, ſe ſont ſuppoſez & intrus aux plus nobles familles, voire aux plus grands eſtatz, & au liēt des plus chaſtes mariages. Tel que fut l'eſſoreillē Smerdis, qui ſe gliffa a la Monarchie des Perſes, ſoy diſant eſtre Smerdis fils de Cyrus, auquel il reſſembloit de nom & de viſage. Vn Prompalus ſoy diſant fils d'Antiochus, qui par ce moyen raut le Royaulme de Syrie. Vn certain Iuiſnatif de Sidō, qui ſoy diſant Alexādre fils d'Herodes, auquel il reſſembloit, ſe fit receuoir Roy par les Iuiſs : & recogneu par Auguſte Caſar, a la rudelle de ſes mains, fut enuoyē aux galeres. Et aultres en l'antiquitē, racontez par Valere & Fulgoſe. Et du temps de Loys VII. Roy de Frāce, celui qui ſoy diſant Baudouin Comte de Flādres, a qui il reſſembloit, ſe feit ſuyure par la Nobleſſe du pais, & depuis fut exēcutē a mort. Et de noltre temps a Tolōſe, celui qui ſe diſant eſtre Martin Guerre, pour la grande reſſemblance qu'il luy auoit, ſeſtoit emparē des biens & de la femme de celui, qu'il ſe ſuppoſoit eſtre. Ainſi en la Poēſie Ixion eſt abuſē

par

par l'idole de Iunon, & embrasse vne nuée.  
 Et Turnus deceu par la figure & phantasme  
 d'Aeneas, que Iunō luy mit deuant les yeux,  
 s'eschauffe de courir apres, & ainſi ſort de la *Aeneid. 10*  
 bataille. Dans Plaute la transformation de  
 Iupiter en Amphytruo, & de Mercure en *In Am-*  
 Soſia, donne ſuiect a mille plaiſantes trom- *phytr.*  
 peries. Et ſ'il faut mettre le ſacré avec le  
 profane, la tromperie de Iacob enuers ſon *Genes. 27.*  
 pere Iſaac, pour emporter la benediſtion de  
 ſon frere, n'a peu eſtre mieux, que par la reſ-  
 ſemblance des mains velues de celui, pour  
 qui il ſe ſuppoſoit, par le conſeil de ſa mere.

Ainſi ſe coulent les faux amis, les faux  
 Chreſtiens & Catholiques, & tant qu'il y a  
 d'hypocrites, qui couurent le loup de la bre-  
 bis. Et pour parler en general, la reſſemblan-  
 ce eſt celle qui faiſt prendre le laid pour le  
 beau, le plaiſant pour l'honneſte, le tortu  
 pour le droict, la chair pour l'eſprit, le men-  
 ſonge pour verité, brief qui faiſt ſuir le bien  
 pour le mal, & ſuyure le mal pour le bien.  
 Toutes choſes, ſelon les Philoſophes, appe- *Ariſt.*  
 rent naturellement le bien. Mais *ce qui nous* *1. Eth.*  
*trompe la plus part* (dict le Poëte) *eſt l'apparen-* *Horac.*  
*ce du droict.* Qui faiſt que le vice ſe préd pour *in arte.*  
 la vertu, & la vertu pour le vice, & generale-  
 ment faiſt par tout que l'un eſt pris au lieu  
 de l'autre.

De la, par vn meſme moyen ſe font les *Faux iu-*  
 iugemens peruers, & les diſcours a contre- *gemens*  
 poil. *pour la*

ressem-  
blance.

poil. Le volleur est nommé vaillant, le zelateur seditieux: le vindicatif hōme de cœur, & le patient homme de peu: le corrompu homme d'esprit, & l'incorruptible vn pendant: le iuste & seuer est cruel, & l'indulgent est raisonnable: le cauteleux homme prudent, & le simple sot & stupide: le chiche & auare est menager, & le prodigue est honneste homme. L'vsurier en sa cruaulté, sous ombre de suruenir a la necessité d'autrui, soit publique ou particuliere, veut estre dict officieux, & maintient son iniquité estre vn œuvre recommandable. Ny ayant par ce moyen ny chose si bonne qui ne se condamne, ny si meschante qui ne se deffende, & qui ne trouue vn aduocat. Suyuant ce que dict vn autre Poète.

Ovide.

*Le mal qui pres du bien s'approche,  
Faitt que sous c'est erreur souuent  
Le vice gaigne le deuant,  
Et la vertu a le reproche.*

*Ruse du Diable pour tromper par la ressemblance.*

#### CHAP. II.

**O**STEZ ce moyē au Diable, & ses traiets sont inutiles. C'est par la qu'il tēte les hōmes, qu'il les trōpe & les seduit, & principalement en trois sortes. La premiere est de tascher faire couler le mal pour le biē, voire aux plus spirituels, & fuisse mesme a Iesus Christ, pour luy persuader s'il peut, sous apparence

1. Trom-  
perie.

Matt. 4.

parée tâtost de necessité, qu'il chage la pierre en pain: tantost de cōfiance en Dieu, qu'il se iette du hault en bas. Et se trāsfigurant en Ange de lumière, sous ombre de pieté, ou de quelque deuotion sensible, qu'il peut aisement enflammer, il tire apres soy les heretiques, & les plus plains de vanité, & remplis de l'amour d'eux mesmes: iusqu'a se faire des martyrs, pour tromper les moins rusez. Tels qu'on a veu les Adamites, quelque falle & vilaine que fust leur superstition & folie, comme tesmoigne saint Bernard. Et depuis les Lutherians & Caluinistes psalmodians dedans les flammes, pour deffendre leur impieté, & dont plusieurs ont esté seduits.

2. Cor. 11.

Epist. 46.

Et si ceste voye ne succede, son recours est a la deuxiesme, pour faire que sous couleur de mal la verité soit persecutée: & en consequence de la persecution, elle soit mesprisée & condamnée. Vfant de ce second artifice, du traictement faiēt aux bons comme s'ils estoient meschans, & aux meschans comme s'ils estoient bons, pour en confondre le iugement, & ainsi donner blasme a la vertu, & faire hōneur a la malice. Ainsi il tue les martyrs, & crucifié Iesus Christ en guise de mal-faicteur. Et en l'innocence d'iceluy, il execute par dessus tous, la hōte, le blasme, l'impropre, le deshonneur, la moquerie, le mespris & cruauté de supplice, comme si c'eust

2. Tromperie.

esté le plus meschant, & le plus scelerat qui fust au monde.

Et pour ce que l'on voit, que les meschans sont a leur aise, & les bons sont en peine, & que les seruiteurs de Iesus Christ sont traitez comme leur maistre, de la vient c'est erreur parmy les hommes, qui ignorent les secrets de Dieu, de cōdamner les derniers, & iustifier les premiers, suyuant le dire cōmun, que le miserable a le tort, & le battu paye l'amende. Qui est la vraye vanité, que le Sage dict estre sur la terre. Disant, *Qu'il y a aucuns iustes, ausquels il aduient selon l'œuvre des meschans: & aussi il y a tels meschans, ausquels il aduient selon l'œuvre des iustes.* Dont le monde ignorant fait son fondemēt ordinaire. Soit pour condamner les bons, comme faisoient Iob ses amys, pour l'affliction ou ils le voyoient. Et comme ceux de l'isle de Malthe, qui iugeoyent S. Paul estre vn meschāt, pour vne vipere qui luy prit le doigt. Et quelques vns mesmes de cē temps, qui condamnent les Machabées, pour les malheurs qu'ils ont receu, de mesme que fit Constantius de son temps en faueur des Ariens, alencontre des Catholiques, qui luy faisoient resitance, cōme Lucifer tesmoigne. Soit pour iustifier les meschans, de mesme que les idolatres de Iuda, qui estoient en Egypte du temps de Hieremie, lesquels adorant la Royne du Ciel, qui est la Lune, & luy faisant sacrifice, s'ima-

ginoient

*Eccles. 3.*

*Eccl. 23.*

*Lucifer  
cont.*

*Const.*

*Hier. 4.*

ginoient que ceste impieté estoit vraye religion, & se moquoient du Prophete, qui leur preschoit le contraire. *Pour ce que tandis (disoient ils) qu'ils en auoient ainsi vse, ils estoient rassasiez de pain, & bien a leur ayse, & n'auoient point veu de mal.* Qui est iustemēt le lāgagedōt le Cardinal Polus tesmoigne que les courtisans de Henry huictiesme d'Angleterre vsoient pour iustifier son schisme & mespris des censures. *Disant que depuis qu'il estoit excommunié, rien de mal n'estoit auenu au Royaume, que la terre produisoit les fruiſts, que ses affaires alloient bien, qu'il vainquoit ses ennemis.* Et dōt encores aujourd'huy ils vsent en ceste mesme Isle, en faueur de celle qui y commande. Dont ils iustifient l'impieté, & canonisent les actions, par la longue prosperité & felicité de son regne. Voire que c'est le grand lieu commun, sur lequel leurs prescheurs insistent, pour remplir leurs sermons, & abuser tant eux mesmes, que le pauvre peuple, & sans lequel ils seroient souuent muets.

Et ce qui est le plus estrāge, il ny a pas mesme les superstitieux, & ceux qui vsent de sortileges, voire aussi les Atheistes, qui ne se aydent de cest argumēt, pour iustifier leur impieté. Tesmoin pour les premiers, l'opiniastreté d'aucuns, qui portēt des caracteres, & vsent de charmes & de paroles, tant escriptes en bulletins, que verballes qu'ils pronōcent, pour garir hommes & bestes. Qui pour



l'apparence de quelques garifons auenues (n'auisant ou ilz s'engagent, & combien ils le payerôt cher) se font croire qu'ils ont raison, & que leur action est bonne. Tesmoing pour les derniers, ceux qui pour estre en leur impieté abandonnez de Dieu, & pour ne sentir aucune affliction, dont Dieu ordinairement exerce & visite les siens, se figurent estre plus heureux, & plus auisez que les autres. Tel qu'eltoit vn Seliu, remarqué par Martial.

Lib. 4.  
Epiq.

*Seliu, tant est stupide,  
Soustient que le ciel est vuide,  
Et qu'il n'y a point de Dieux:  
Et dict pour toute assurance,  
Que depuis ceste creance  
Il est deuenu heureux.*

3. Trom-  
perie.

Iob. 19.

Que s'il aduient que bons & mauuais fassent ou souffrent mesmes choses, il faict ce troisieme erreur, que de faire iuger des vns comme des autres, & les condamner tous ensemble, pour ce qu'ils sont en mesme peine. Ainsi il crucifie Iesus Christ avec deux larrons, & au mi-lieu d'eux. Il faict mourir les premiers Chrestiens, avec les plus scelerats. Faict traifner en mesme supplice, a mesmes gibets, & sur mesmes clayes, les vrayes martyrs Catholiques, & les faux martyrs heretiques, comme on voit en Angleterre, du temps de Henry huietiesme. Pour faire iuger des vns comme des autres, & abuser de



la simplicité de ceux, qui ne regardent la difference de la persecution d'Isaac par Ismael, & de celle d'Agar par Sara. Dont la premiere est autant iniuste, comme la seconde est sainte & iuste. Nî a ce que dict saint Augustin, *que ce n'est a ce qu'on endure, mais a ce pour quoy on endure, qu'il faut assavoir iugement. Et que sous la ressemblance des passions, la dissimilitude des patiens ne laisse d'estre. Ne plus ne moins, que sous un mesme fleau le froment est purgé, & le chaume brisé: sous un mesme feu l'or reluit, & la paille fume: & n'est pourtant l'huyle confusée avec le mard, si tous deux sont soulez en mesme pressorage.*

Genes. 21.  
Genes. 16.

Lib. 1. de  
C. i. l. c. 8.

*Aduis en l'escriture pour se preualoir contre l'erreur de la ressemblance.*

### CHAP. III.

**O**C CASION pourquoy si iamais ailleurs, on peut dire que c'est icy qu'il cōuiet practiquer ce dōt Iesus Christ nous aduertit, d'estre prudens cōme serpēs. Et auiser a ce que l'escriture nous veut dire, distinguāt les bestes nettes d'avec les souillies, en ce que les nettes ont l'ongle diuisee & ruminant, & les autres non. Entendant par la diuision de l'ongle, la discretion necessaire, pour sonder l'interieur & merite de la cause: & par la rumination, dy penser profondement. Et ailleurs, quand elle dict, *que l'homme voit ce qui est devant les yeux, mais Dieu regarde le cœur, elle*

Matt. 10.

Leuit. 11.

1. Reg. 16.

nous donne aduis a l'exemple de Dieu, qui doit servir de regle, pour faire tout droit iugement, autant qu'on le peut imiter, de ne iuger selon l'escorce, ains examiner le faict. A faulte dequoy, est icy verifié, pour les mondains & sensuels, & qui ne s'arrestent qu'a l'exterieur, ce que dict le Sage, que les creatures ont esté faites, pour faire tomber les fils des hommes, & pour servir de piège a leurs pieds. Cōme au contraire, S. Paul dict de l'homme spirituel, qu'il iuge tout, c'est a dire comme il fault. Aussi que pour venir au faict, Iesus Christ nous en a donné exēple, lors qu'estāt frappé iniquement, comme ayant mal parlé au Pontife, il répondit, *Si j'ay mal parlé, donne témoignage du mal : mais si bien, pourquoy me frappes tu ?* Arguāt par là la faulte de ceux, qui condamnent ou punissent pour la ressemblance du mal, sans regarder plus avant a la nature du cas.

*Pratique de ceste ruse en ces trois sortes, contre la ligue des Catholiques.*

#### CHAP. IIII.

**C**E que s'il fault monstrier par pratique, la teulle consideration de l'estat de la ligue des Catholiques en France, & de leurs cōtraires, sans aller chercher plus loing, fournira dequoy amplement, en tous sens & en toutes sortes. Pour les diuers & estranges iugemens qui s'en sont faicts, & font encore, tant

re, tant sur le merite & nature de la cause, que sur les euenemens ruyneux d'une part, & auantageux de l'autre: que aussi sur les effects communs, qui sont les maux & inconueniens de la guerre. Ne se pouuant dire ou la ressemblance auroit plus causé d'erreur, pour faire prendre le bien pour le mal, & le mal pour le bien, qu'en ces trois sortes de discours, & nommement pour la ligue.

*Pratique  
en la pre-  
miere sor-  
te.*

Car quant au merite de la cause, l'erreur y est manifeste, soit pour le general d'icelle, soit pour le particulier de ceux qui s'en disent ou se sont dictés estre. Pour le general, en ce qu'on appelle rebellion, ce qui est religion, crime de leze maïeste, ce qui est conseruer la maïeste: infraction de loix, ce qui est cōseruer les loix: nouuelleté, ce qui est garder l'antiquité: sedition, ce qui est protection, & obuïation au mal auenir. Le tout pour l'opposition faicte par les Catholiques, d'une part, non a la Royauté, ains a la tyrannie: & tyrannie, non occulte ou tolerable, ains ouverte & au premier chef: qui opprime la religion, & religion non telle quelle, ou inuentée depuis trois iours, ains la seule veritable, & ancienne aux François, & par laquelle ils ont c'est hōneur d'estre nōmez Tres-chrestiens. Et par mesme moyen a la domination des heretiques, que de long temps on proie-  
ctoït, a la corruptele generale de la foy &  
des

des bonnes mœurs, & ouuerture patente de la perdition des ames. Non a la maniere des Huguenots, qui pour planter leur heresie, leur inuention damnable, & synagogue de Satã, ont conuvert leurs sacrileges, du manteau de religion : & en leurs rebellions ouuertes, ont faicta croire aux Roys de France, que c'estoit pour leur seruice. Ains pour maintenir les Roys es termes de leur deuoir, pour obeir a l'Eglise, pour euites les censures & excommunications, pour sauuer l'honneur des Frãçois, l'autorité des Estatz, & loix fondamentales du Royaulme. Et d'aulture part, pour la pretension faicte par les ennemis, de droict ou il ny en a point, d'ordre en ce qui renuerse l'ordre, de Maiesté en ce qui est hostilité, & d'autorité legitime, ou elle n'est, ny ne peut estre. Et en consequence, pour la ressemblance qu'il y auroit en tels mouuemens, & plus que iustes oppositions, a celles qui sont purement illicites, est venu l'erreur de ceux, qui condamnent par l'exterieur, ce dont le merite ne se peut iuger, que par la iustice du suiet, qui pousse les vns & les aultres.

Et quant au particulier, pour raison d'aucuns qui se sont dicts de la Ligue, & en effect n'en furent onc, sinon pour la perdre & destruire, ou n'en furent iamaïs dignes, qui ont couuert leur ambition du manteau de deuotion, abusant d'une sainte cause,  
pour

pour seruir a leurs passions, & cupiditez insatiables, & par ce moyen l'ont perdue, on sçait l'erreur qui en est venu, de iuger les vns par les autres, & condamner le general, pour la faute de peu de gens, comme si pour vn Iudas, qui estoit larron & hypocrite, il falloit reiecter, ou donner blasme au college des Apostres. *Ioh. 6.*

Et au contraire pour l'egard des ennemis, on sçait comme les perfidies, desloyaultez, hostilitiez & oppressions de ceux, qui ont plus estimé la terre que le ciel, la gloire des hommes que la gloire de Dieu, la promesse faicte cõtre Dieu aux hõmes, que celle qu'ils ont faicte a Dieu, au sacrement de baptesme : qui se sont faicts ensemble protecteurs de tyrannie & d'heresie, ennemys ouuers de lafoy & de l'Eglise Catholique, & meurtriers de leur patrie & de leurs freres : pour l'apparence de soustenir vne Maiesté qui n'estoit plus, & en consequence, de s'en forger vne qui ne peut estre, cõtre le iugemēt de l'Eglise & des Estats, sainctement faict & prononcé, & cõformemēt aux loix tant diuines que humaines, telles perfidies, dy-ie, ont esté dictes bons & loyaux seruices, offices de bõs Frácoys, & de fideses seruiteurs du Roy & de la Courõne. Mais avec autāt d'absurdité, que la seule nature du faict, sans chercher aultres argumens, le monstre & publié a tout le monde. Nyaianť besoing d'aultre chose, *fin on*

finon de detourner le voyle, & mettre au jour ce qui en est, pour en iuger la turpitude.

*Pratique en la seconde sorte  
d'erreur.*

CHAP. V.

**Q**VANT au second poinct, pour legard des ennemis, on sçait les discours qui s'en sont faicts, & comme d'une part les adversitez, misères, humiliations, confusions, mocqueries, bannissemens, proscriptions, pauvretes, prisons, questions, gibets, cruauté de suplices, de ceux qui vilainement ont esté trahys & liurez, par ceux de qui ils sestoient fiez: & de l'autre les prosperitez, succez, grandeurs, victoires, honneurs, iouissance de tout bien, assurances, libertez, abondances, plaisirs, contentemens de toutes sortes, ont servi d'argument aux imprudens, pour condamner les premiers, & iustifier les derniers. Voire d'arguer d'atheisme, ceux qui diront le contraire. De mesmes, que iadis les

*Matt. 27.* Juifs, lesquels voyant Iesus Christ en croix, sen mocquoient plus que iamaiz, & se confirmoyent eux mesmes, en leurs folle opinion, destre iustes de leur part, & que le crucifié estoit vn meschat. Gens sans iugement & cervelle, qui voient le croix des affligez (comme disoit S. Bernard) & ne voyent leurs onctions; & comme ceux que S. Paul dict estre

*2. Cor. 6.*

estre

estre tristes en apparence, sont interieurement ioyeux. Pour se veoir dignes d'endurer contumelié, pour le nom de Iesus Christ. Et recoyuét avec ioye le raiſſemēt de leurs biens, congnaiſſant en eux meſme, qu'ils ont vne meilleure cheuance & ſubſtāce, reſeruée es cieux, & qui eſt permanente. Prenant au reſte a grand honneur, d'eſtre receus a l'eſſect & pratique des termes du cōtract, qu'ilz ont faiēt & iurē a Dieu, qui eſt de n'eſpargner biens, moyens, cōmoditez, femmes, enians, parens & amys, voire la vie, qu'ilz ne ſoient preſts de quicter, pour maintenir ſa foy, & garder ſa Religion. Sur laſſeurance, qu'eſſectuant leur promeſſe, Dieu ne manquera a la ſienne. Suyuant ce que diēt leſcriture, *Que le ſage garde la loy de Dieu, & la loy luy eſt ſidelle. Que les ſouffrances du temps preſent ne ſont comparables a la gloire a venir, qui ſera reuelée en eux, par celuy qui leur diēt, comme a Abraham leur pere. Je ſuis ta ſauuegarde, & ton loyer treſabondant. Que ſi bien leur homme exterior deſchet, tantesfois l'interieur eſt renouuellē de iour en iour, & que l'affliction lege- re, & qui ne faiēt que paſſer, qu'ils endurent a preſent, produiēt en eux vn poids eternel de gloire excellent a merueilles.*

Act. 5.  
Heb. 10.

Luc. 14.

Ecli. 33.  
Rom. 8.

Genes. 15.

2. Cor. 4.

Et quand bien ſeroit pour leurs fautes, que le malheur fuſt tombē ſur eux, ſi ſe garderont ils de ceſte abſurdité, & ignorance intolerable, de confondre la cauſe avec les perſonnes, & de condamner l'un pour l'autre,

tre,



d'Ours, de Pard, d'une beste qui n'en a point de semblable, qui a les dents de fer, comme il est escrit en Daniel, & figuratives des cruautéz exercées sous les tyrannies de Pharaon, des Assyriés, des Perses, des Grecs & des Romains, finalement la dernière est la teste d'un homme pour la tentation dernière, sous le regne de l'Antechrist, dont le commencement sera de simulation de toute pieté, vertu, humanité & pureté, pour se terminer en une persecution si cruelle, que jamais (comme dit Iesus Christ) *Dan. 7.* il ne s'en veit de pareille. Car ainsi le décrit S. Hippolyte au liure de la consommation du monde. L'Antechrist, dit-il, sera d'abordée clement, *Hippolyte de cons. mundi.* paisible, religieux, ennemy d'injustice, detestant les presens, ne voulant admettre idololatrie, ayant les escritures, respectueux envers les Prestres, honorant les vieillards, reietant les paillardises & adulteres, ne prestant l'oreille aux detracteurs, hospitalier, soigneux des pauvres, deffendant les vesues & pupilles, pacifiant & accordant ceux qui sont en debat, ne montrant se soucier aucunement des richesses. Et fera tout cela par un conseil feint & cauteleux, par lequel il trompera tout le monde; à fin de se faire establir Roy. Car les peuples voyans de si grandes vertus en luy s'assembleront tous d'un consentement en un lieu pour le faire & creer Roy. Et luy diront (principalement les Juifs, qui ont rebuté Iesus Christ) vous estes celuy à qui nous voulons obeir, que nous recognoissons iuste sur toute la terre, de qui nous esperons estre sauvez, & recevoir de vostre bouche toute iustice & droicteure. Si fera semblant le menteur & inique, de refuser du premier coup l'honneur qui luy

C

sera

*Mat. 24.**Hippolyte de cons. mundi.**Hypocrisie merueilleuse de l'Antechrist.*



sera offert. Et les hommes perséuerans, voire avec instantes prières, le déclareront leur Roy & Seigneur. Iusques icy les paroles d'hippolyte. Et quant à la suite de sa grandeur, elle est descrite par Daniel, en ce qu'il aduancera ceux de son party, leur donnera de grands estats, & seigneuries. Il leur multipliera gloire (dict le Prophete) leur donnera puissance sur plusieurs, & diuisera la terre en pur don. Par lequel allechement ne luy manqueront de faux Prophetes, que Sainct Iean décrit par la beste qui monte de la terre (c'est à dire de la conuoitise des choses terriènes) & aura deux cornes comme l'aigneau, c'est à dire, qu'ils s'ayderont de l'escriture de l'un & l'autre testament, comme les gens de bien, avec apparence d'innocence, pieté, & deuotion, mais neantmoins parlera la beste comme le dragon, pour ce qu'ils prendront langue de luy, avec pouuoir & autorité pour le faire adorer sur la terre, iusques à faire des signes merueilleux. Et avec telle cruauté, que qui n'adorera la beste sera executé à mort. Et qui ne portera son chiffre ou caractère ou à son front ou à sa dextre, c'est à dire ou au chapeau pour les hommes, ou aux doreures pour les femmes, ou bien aux anneaux des doigts, ou aux brasselets, il ne pourra acheter ny vendre. Extremité d'autant plus insupportable, que n'y ayant lors nulle charité entre les hommes, comme tesmoigne l'Euangile, force sera ou de se laisser aller, ou de perir de malefaim aupres du sien.

9. OR si le diable en vse ainsi en gros, il n'en

Dan. 11.

39.

Multipli-  
cabit glo-  
riam, &  
dñs eis  
potestare  
in multis,  
& terram  
diuidet  
gratuito.

Apoc. 13.

Quoniam  
abunda-  
bit ini-  
quitas, re-  
fuge scet  
charitas  
multorū.

Mat. 24.

n'en fait pas moins en détail, à qui regardera  
 ses actions ordinaires, tant pour les tentations  
 particulieres, des hommes, que pour les perse-  
 cutions generales de l'Eglise. Car quant est du  
 particulier, chacun sçait en sa conscience, de  
 quels traicts de tentation il a esté premiere-  
 ment feru. Qui tous se rapportent à trois  
 chefs, d'orgueil, d'auarice & de la chair. Et  
 comme dès noz premiers ans, ce sont les pre-  
 miers mets & seruices, dont il nous attire &  
 nous charme, sous vmbre d'un contentement  
 qu'il fait glisser dedans noz ames, d'honneur,  
 de biens, & de plaisir. Et s'il se voit estre escon-  
 duit, & que la crainte de Dieu le gaigne, à lors  
 mille & mille trauaux, mille pertes & ruines,  
 mille & mille inuentions, mille calomnies &  
 iniures, pauuretez, souffrances, mespris, tels  
 que Iesus Christ promet à quiconque le vou-  
 dra suyure. Car telles sont les marques neces-  
 saires de ceux qui ayment & cherchent Dieu,  
 pour porter apres luy sa croix. Cōme au cōtraire  
 les meschans sont en la paille iusqu'au ven-  
 tre: voire que comme dit le Prophete, de trop  
 d'aise qu'ils ont, *l'iniquité degoutté d'eux comme*  
*d'une gresse qui se fond, & dont les gouttes pro-*  
*cedent de toute la masse. Et passent au desir de leur*  
*cœur, c'est à dire, prennent habitude d'obeir*  
*à toutes leurs affections & volonte de sordor-*  
*nées. Et tout ainsi qu'il est dict de Dieu, qu'il ne*  
*se trouue en la terre de ceux qui viuent à leur aise,*  
*ainsi de luy-mesme il est dict qu'il est avec ceux*  
*qui endurent tribulation. Et voyant ce meschant*

Hypocry-  
 sic de Sa-  
 tan aux  
 tentatiōs  
 particu-  
 lieres.

Prodige  
 quasi ex  
 adipe ini-  
 quitas  
 eorum.  
 Transie-  
 runt in  
 affectum  
 cordis.  
 Psal. 73.  
 Job 22.  
 Psal. 94.

que l'affliction ne luy profite, pour abbatre les gens de bien, il reuiet à ses erres premieres, pour les gaigner par flaterie, alleguant leurs incommoditez, & les attirant peu à peu, par vn ie ne sçay quel apast de sortir de ceste misere, & r'entrer en leurs aises & souhaits. Cachant par sa ruse & finesse, l'extreme calamité & ruine, où il les veut precipiter.

Hypocri-  
sie de Sa-  
rā au pro-  
gres des  
heresies.

10. DE mesme est-il, & à plus forte raison des tentations generalles de l'Eglise, à qui voudra considerer le progres & aduancement des heresies, principale inuention dont l'Eglise est affligée, desquelles autant que les commence-  
mens ont esté avec apparence tant de pieté & zele à l'honneur de Dieu, que de douceur & mansuetude, comme il s'est veu en Simon Magus, Valétinus, Arrius & autres, iusques à prendre des noms specieux, cōme de Gnostiques, Cathares, Enkratites, Angeliques, & depuis quelque temps d'Euangeliques, & autres semblables, autant ont esté les progres pleins de cruauté & inhumanitez, telle que se sont veuz anciennement aux Arriens, Donatistes & Vandales, & depuis les derniers siecles és Hulsites, Vvicleffistes, Anabaptistes, Lutheriens, & sur tous és Calvinistes. Et voyant les autheurs de telles tragedies que par là ils n'auançoient, ou le cas auenant que leurs forces fussent diminuées par vne puissance contraire, ont eu recours derechef à la simulation. Suyuant ce que dict l'eseriture, *Que les pecheurs ont degainé leur*

*Psal. 36.*  
*Gladiū e-*  
*uagina-*  
*uerūt pec-*  
*catores,*  
*&c.*

*Psal. 10.*

*glaine, Ils ont rendu leur arc, pour surprendre le pauvre*

& le

& le souffreteux, pour massacrer ceux qui ont le cœur droit. Et ailleurs, Les pecheurs ont tendu leur arc, ils ont mis les fleches sur la corde, pour tirer en l'obscurité ceux qui ont le cœur droit. Car comme le glaive signifie la force & la furie, dont ils auoient vſé premierement, ainsi l'arc pour surprendre, & l'obscurité pour tirer en cachette signifie l'hypocrisie, dont apres ils se ſçauent ayder, changeât le lyon en regnard. Ce qui est décrit clairement par Hieremie. *Ils ont tendu leur langue comme vn arc de mensonge, & non de verité. Ils sont fortifiez en terre, car d'un mal ils sont passez à vn autre, & ne m'ont point cogneu, diët le Seigneur.* Entendant par ce mal dont ils passent à vn autre, que ne le pouuant gagner par force, ils ont recours à l'hypocrisie. Quoy que pour tant en différentes manieres, vſant de ceste ruse, ou pour se tapir & cacher sous le manteau d'une douceur, innocence & patience simulée, sans quitter ny abiurer pour cela leur erreur, ou estans contrainsts de passer outre, faire vne feinte abiuration & conuersion à la foy Catholique, pour couuer sous ce pretexte les moyens de paruenir à leurs desseings. Et, comme dit l'escriture, ils n'en cognoissent pas mieux Dieu pourtât.

Ecco peccatores intendērūt arcū, parauerūt sagittas suas in pharetra vt sagittent in obscuro rectos corde.

Hierem. 9. Extenderunt linguam suā quasi arcū mendacij & nō veritatis. Cōfarracti sunt in terra, quia de malo ad malū egressi sunt: & me nō cognouerunt, dicit Domini. Hypocrisie des heretiques en temps d'afflictio. Lib. 2. cōt. Petil. c. 28 Absit à nostra cōsciēcia, vt ad fidē nostrā aliquē compellamus.

Cōtra epist. 1. Gaudē.

II. DV premier se voit l'exemple es Docteurs en S. Augustin contre Petilian qui disoit, *La à Dieu ne plaise que nostre conscience s'oublie tant, que de vouloir contraindre aucun à nostre foy.* Ce qu'ils disoient ayant du pis, de peur d'estre contrainsts eux-mesmes. Et contre Gaudentius qui disoit, *J'ay exhorté ceux de mon party à ce que si aucuns*

ont volonté de se retirer en seureté, ils le disent librement. Car nous ne voulons retenir aucun par force. qui auons appris que personne ne doit estre contrainct à la foy de nostre Dieu. Mais Sainct Augustin leur decouure fort bien le malique. Par ce que vous craignez (dict il) ou d'estre chassés par les loix, ou d'estre tirez en enuie, ou que n'estes assez forts pour resister, ie ne dy pas à tant d'hommes, mais à tant de

*Isto modo & multis cum columbo rapere non poterit, columbum se nominat. Vbi enim potuistis, & non fecistis? Epist. 42. ad Vincet. Sed nulla bestia si neminem vulneret, propterea man' ueta dicitur, si dentes & ungues non habet. Vos scitis: nolite dicitis, ego non possum ar. bitror. &c.*

nations & peuples Catholiques, vous vous vantez d'estre doux & paisibles. Mais ainsi le Milan se dict estre coulomb, quand il ne peut prendre les petits. Car quand auez vous peu, & n'auiez fait? dont vous monstrez que vous en feriez bien d'autres, si vous en auiez les moyens. Ainsi, dit-il des Rogatistes. Entre vous Rogatistes, Il semble que soyez plus doux que les autres, pour ce que vous ne faictes les enrager avec les Circoncillions. Mais iamais beste ne sera ingée estre douce, si elle ne blesse personne, quand elle n'a ny dents ny ongles. Vous dites que ne voulez vser de cruauté: & moy ie dy que vous ne pouuez. Car vous estes en petit nombre, que vous n'oseriez vous renuer contre vne si grande multitude, quand bien vous en auriez enuie. Mais si vous pouuiez quelque chose, combien en feriez vous, veu que vous ne pouuez rien, & ne cessez pourtant?

En quoy se peut remarquer comme en vn tableau vif la façon de noz heretiques, lesquels quand ils ont eu les ongles rongnez, par tât de victoires obtenues contre eux, ont eu ceste coutume de faire autant les doux, & les chiens couchans, qu'au parauant ils faisoient les tygres, les lyons, & les cheuaux eschapez. Voir que

que par là ordinairement se cognoist leur foiblesse, & qu'ils ont du pis, quand ils brouillent le papier de leurs plaintes & remonstrances, & des protestations qu'ils font de leur patience, innocence, douceur & modestie. Iusqu'à tant que se voyans remonter (comme ils ont esté souuét par la faueur de ceux qui suiuant l'axiome du secretaire Florentin, pour entretenir deux partis ensemble afin de se maintenir, scauent donner à propos la main au plus foible, & le releuer à ce qu'il ne s'abbatte du tout) ils ont faict paroistre leur rage & furie plus que iamais, par tant de massacres, bruslemens, pilleries, sacrileges, & autres abominations, que l'on a veu en France. Avec telle & si cruelle barbarie, que ny les Scythes, ny les Busires, ny les Scines ou Proustes, ny les Phalaris & Perilles, ny les Nerons, ny les Caligules, ny les Attiles & Tamberlans, & autres tels monstres de nature, que l'ire de Dieu & l'Enfer ont ietté parmy le monde, ne feirent n'y inuenterent iamais rien de comparable. N'ayant iamais esté Satã si ingenieux ny inuentif, à trouuer de nouueaux & prodigieux tormens, qu'il a esté par ceux cy, contre les Prestres & autres Catholiques. Et dont la seule memoire faict herisser les cheueux, fremir les nerfs, & tourner le sang à ceux, qui y pensent.

12. DV second les exemples se sont veuz en ceux, lesquels ou pour se maintenir en leurs biens, ou pour rair ce qu'ils n'auoient, ce sont tapis deslous l'abry d'une feincte deuotion

Escrips  
des Hu-  
guenots  
signes de  
leur foiblesse.

Chap. 20.  
du Prince.

Cruautez  
des heretiques.

Hypocri-  
sie pour  
paruenir  
à l'estat,  
& establis-  
tyrannie.



tion ou abiuration, & ainsi ont seruy au diable d'instrument trop plus dangereux, pour perdre & ruyner l'Eglise. Car mieux n'eust-il peu s'aider ny de l'ambition d'Absalon, pour troubler le repos de Dauid, & par mesme moyen de l'Eglise, que de l'armer d'hypocrisie, couurant son voyage en Hebron d'un pretexte de deuotion, qui en effect estoit le rendez-vous, pour rair l'estat de son Pere. Ny de la malice & crainte d'Herodes, pour surprendre & faire mourir Iesus Christ, dont il apprehendoit la venue, que par vne fiction de le vouloir adorer; dont l'intention fut cogneue par le massacre qu'il feit depuis, de quatorze mille petits enfans innocens. Et peu luy eust serui l'impieté de Iulian l'Apostat, s'il ne luy eust mis en teste de contre faire le Chrestien, voire de se faire moine, & raser la teste, lisant deuant le monde les liures Chrestiens, pendant que sous main il faisoit profession de la discipline des Philosophes, voire mesme des arts magiques, pour ainsi appaiser Constantius, & paruenir à l'Empire: & mesmes de peur que si du premier coup il declaroit son impieté, le peuple ne se bandast & reuolast contre luy, de faire le doux & affectionné aux Chrestiens au commencement, reuoquant d'exil ceux qui auoient esté bannis du temps de Constantius, restituant les biens des pros crits, & deffendant par edict, que personne n'eust à iniurier ou offenser les Chrestiens. Iusques à ce qu'estant estably, il comença pour ruiner l'Eglise, d'oster les droicts, honneurs, & immunitéz

3. Reg. 15

Matt. 2.

Socr. lib. 8.

Soz. o. lib. 5

Niceph. lib.

401

immunitiez des l'Eglise, confisquer leurs reuenuz, reuoquant les laiç faicts par Constantin le Grand en faueur d'eux. Rebastit les Eglises des Nouatiens, qui estoient ruinées, renouuela les coustumes des Gentils, ouurit leurs temples, sacrifia aux idoles. Et montra par les tyrannies qu'il exerça contre la religion Chrestienne, l'espace de deux ans qu'il fut Empereur, quel il eust esté, si plus il eust vescu, & quel estoit le dessein de son hypocrisie. Les bonnes mines de l'imposteur Mahumed ne sont que trop congneues, dont ce monstre s'est aydé, soy disant Prophete, par l'artifice d'une coulombe accoustumée de manger en son oreille, qu'il disoit estre le S. Esprit, pour se former l'estat, dont depuis la Chrestienté a esté & est si cruellement trauaillée. Le mesme est-il des Heretiques, sinon que d'autant plus qu'ils semblent approcher de la religion Catholique, & ont eu affaire a des gens plus aduisez, que n'estoient les Arabes & Ismaelites, il leur a esté besoing d'artifices plus subtils. Tels que descrit S. Hilaire auoir esté ceux de l'Empereur Constance, duquel detestant la feincte religion, proteste mieux aimer estre sous la dominatiō des Nerons & Deciens, qui estoient tyrans ouuers. *Qu'a la mienne volonté, dict-il, ô Dieu Tout puissant & createur de toutes choses, qu'eussiez tant fait pour mon aage & mon temps, que de me faire accomplir le ministère de ma confession, tant enuers vous, que vostre fils vnique, du temps des Nerons & Deciens. Car ie n'eusse ny craint le cheualet ardent, qui scauoit qu'Esaye a esté*

*Vincet. lib.  
23. c. 41.  
Zon. li. 10*

*Hypocrisie de  
Princes  
Heretiques.  
S. Hilaire  
contre Con-  
stance.*



scie en deux; ny redoubté les flammes de feu, dans lesquelles il me souuenoit que les enfans Hebreux ont chanté, ny refuý le supplice de la croix, ou d'estre rompu bras & iambes, &c. Mais maintenant nous combatons contre vn persecuteur trompeur, contre vn ennemy flatteur, contre Constance Antechrist, qui ne frappe p.us sur le doz, mais chatouille le ventre: ne bannit pas pour laisser viure, mais enrichit pour faire mourir: n'emprisonne pas pour mettre en liberté, mais auance en sa court pour mettre en seruitude: ne donne des coups sur les reins, mais se saisit du cœur: ne trence pas la teste du glaíue, mais tue l'ame par l'or: ne menace pas du feu en public, mais en secret attise le feu d'enfer: ne debat pas pour estre vaincu, mais flatte pour dominer: Confesse Iesus Christ pour le renier: procure l'vnité, à fin qu'il n'y ait paix: reprime les heresies, à ce qu'il n'y ait plus de Chrestiens: honore les Prestres, afin qu'il n'y ait plus d'Euesques: rebastit les Eglises, pour destruire la foy. Bref, Seigneur Dieu, il vous honore par tout de bouche & de parole. Et plus bas, Tu mens te disant Chrestien, & es l'ennemy nouueau de Iesus Christ. Tu preuiens l'Antechrist, & pratiques les mysteres de ses abominations secrettes. Tu bastis la foy, viuant au contraire. Docteur passé es choses profanes, & ignorant en ce qui est de pieté, &c. Et plus bas, Tu es la nuit, & veux illuminer le iour. Tu publies la Foy, que tu ne crois p.us. Tu te vante mensongèrement de pieté, estant impie. Et commets tout le monde par haines & inimities couuertes. Ainsi parle le grand Docteur des Gaules. De mesmes aussi a trouué ce malin esprit des instrumens à sa porte en d'autres

Paroles  
hardies  
de S. Hil-  
laire.

en d'autres Empereurs heretiques, les faisant tous hypocrites, comme aussi c'est le naturel de l'heresie. Tel a esté l'Empereur Valens, lequel comme escrit Sainct Gragoire de Nazianze, ayant esté instruiet à la Religion Catholique, en fit profersion quelque temps, tant qu'il pensa cela luy estre commode: vsant de douceur & humanité enuers les Catholiques, iusqu'à se ietter aux pieds des Euesques, & rechercher avec humilité l'ayde & amitié de S. Basile. Lequel depuis il traita inhumainement, comme ausi les autres Euesques Catholiques, qu'il bannit & chassa de leurs Eglises, ayant quitté la religion Catholique. Avec tant de cruauté, que permettant à tous heretiques, & mesmes aux Payens l'exercice de leur impieté, les seuls Catholiques estoient interdicts de celui de leur religion. Tel depuis Basiliscus, qui de Catholique contrefaisit, au commencement de son Empire, osa s'attaquer au Concille de Chalcedoine, qu'il abrogea par ses patentes, que de tous costez il enuoyoit aux Magistrats. Tel Zenon, qui tua le susdict Basiliscus, & luy succeda à l'Empire: qui ayant fait vn Edict d'VNION pour contrefaire le Catholique à son entrée, s'en seruit comme de piege, pour faire mourir les plus gents de bien. Tel Anastasius successeur de Zenon, qui ayant esté refusé d'estre sacré Empereur par le Patriarche de Constantinople Euphemius, pour la suspicion d'heresie, tant qu'il eut iuré & signe de sa main la pro-

Orat. in  
laude Ba-  
sili.

Theod. lib.  
4. cap. 18.  
Nicep. lib.  
11. c. 11.  
& 3.

Nicep. lib.  
16. c. 2.  
& 3.  
Circula-  
res literar.

Ibid. c. 18.  
Zon.

Zen. in A-  
nast.  
Theod. lib.  
3. c. 149

la professiō de la foy Catholique, & mis l'escriit entre les mains dudiēt Patriarche Euphemius, depuis se montrant ouuertemēt Arrien & Manichean, luy demanda sondit escriit, & pour le refus qu'il luy en feit, le luy osta de force, l'enuoya en exil, mit vn autre Euesque en son lieu, & persecuta la religion, tant qu'apres auoir esté aduertý deux fois par songe, & excommunié par les Papes Gelatius & Anastasius, il fut tué du foudre du Ciel. Tel Hunerich Roy des Vandalles, qui ayant du commencement faict demonstration de Catholique, pour pacifier son Royaume, chastiant les heretiques Arriens & Manicheans, iusqu'à les faire brusler, depuis estant fait paisible, vsa de toute sorte de cruautéz contre les Catholiques, iusqu'à fermer les Eglises, bannir les Euesques & autres du Clergé, iusqu'au nombre de quatre mil neuf cens. Et les autres contrains de viure en guise & habit de paysans, sans oser dire Messe ny matines. Mesmes du seul clergé de Carthage en fut faict mourir iusqu'à cinq cens. Tel que depuis peu de temps George Podiebrad, qui fut faict Roy de Boeme, de Gouverneur general qu'il estoit, lequel se voyant rebuté de quelques prouinces du Royaume, pour le soupçon d'estre de l'herésie des Hussites, ayant enuoyé au Pape, & fait profession de la foy Catholique, pour auoir paix avec ses subiects, vsa depuis de sa puissance à opprimer les Catholiques, commençant par l'enprisonnement de Fantinus Legat du Pape, sous la captieuse interpretation de sa profession

*vi. l. vii.  
lib. 3. c. 2.*

*Calchani  
hist. Hussit.  
lib. 1. 2.  
Dubranini  
lib. 30. hist.  
Eorm.*

profession de foy, disant que la foy estoit Catholique. Ce que depuis il continua faisant guerre ouuerte à l'Eglise, suyuant les conseils de l'heretique Rokizane, qui sur tous les gouuernoit. Dont la Boeme à depuis tellement esté infectée, qu'à peine y est demeuré aucun vestige de la religion Catholique, & n'a iusques auourd'huy esté restituée à l'Eglise.

Capituleuse  
interprétation de  
profession  
de foy.

Dé tout lequel discours deux choses se trouuent rendues toutes claires & prouuées par experience, ordinaires aux Princes, tyrans, heretiques & schismatiques. L'une de feindre d'estre humbles, saincts & religieux, pour paruenir à l'Estat: & au commencement se montrer doux, courtois & humains, voire mesme corriger les fautes de leurs predecesseurs, soulager leurs subiects, diminuer les impôts, & faire tels autres offices pour s'insinuer. L'autre estàs establis d'en vser à leur fantasie, leuer le masque de leurs dissimulations, reuenir à leurs premières erres, ne garder aucune promesse, approcher d'eux des Conseillers & Magistrats selon leur humeur, exercer vengeance & cruantez, tant en public qu'en particulier. Qui est ce que Lactâcé delcrit en termes exprez. Quelques-vns, dict-il, sous vne feinte probité taschent à deuenir grands, font beaucoup de choses de mesme que les gens de bien: & d'autant plus volontiers, qu'ils le font pour trôper. Et à la miemie volonté qu'il fust aussi aisé d'estre

Lact. lib. 6.  
cap. 6.

Quidam enim probitate ficta viam sibi ad potetiam

muniunt, faciuntque multa quæ boni solent: eoque promptius, quod fallendi gratia faciunt. Utinamque tam facile esset præitare, quam simulare bonitatem, &c.

Gradus  
per quos  
accende-  
runt am-  
putat, ne  
quis illos  
contraip-  
sos possit  
imitari.

huc. ep. 94

Semper  
hæretici li-  
mulat pe-  
nitentiâ,  
vt docet  
in ecclie-  
sij ha-  
beat ia-  
culatorem.

Leo Papa

Ser. 5. de

sermone 5.

humili-  
ter acci-  
piat, blade

capitum,

molliter

ligant, la-

teretibus oc-

cidunt.

Hypocri-

tie du

grad Duc

de Mo-

schouie.

Alexand.

Gagninus

descript.

Mojoue.

hōme de bien, que de le contrefaire. Mais quand ils sont  
venus à bout de leurs intentions, & se sont rendus les  
maistres, à lors leuāt le masque, montrēt quels ils sont,  
raussent tout, efforcent & renuersent tout. Persecutent  
mesmes les gens de bien, dont ils auoient espousé la cause.  
Coupent les degrez par où ils sont mōtez, à ce que per-  
sonne ne face comme eux, & contre eux-mesmes. Et  
pour reuenir aux heretiques, c'est ce que S.  
Hierosime dit d'eux. Tousiours, dit-il, l'heresie simu-  
le la penitence, afin de pouuoir enseigner en l'Eglise. Et  
S. Leō Pape. Ils se glissent avec humilité, ils surpren-  
nēt avec courtoisie, ils liēt doucemēt, ils tuēt en cachette.

Et pour en alleguer vn exemple moderne  
& nouueau, sera celuy de Iean Basiliades na-  
gueres grand Duc de Moschouie, mort seule-  
ment depuis douze ou treize ans en ça. Lequel  
pour changer sa Seigneurie en cruelle Tyran-  
nie, s'aduifa de contrefaire le Moine, & feindre  
de quitter le gouuernement à ses enfans. Soubz  
pretexte de la recommandation desquels, par  
lettres patentes enuoyées en toutes places for-  
tes, ayant subtilement & par commissions se-  
crettes fait à ceste occasion ruer ou chasser  
tous les Gouverneurs, qui craignoit luy pou-  
uoir resister, pour y en mettre d'autres à sa  
poste, continua le reste de ses entreprises bar-  
bares & cruelles, il en fut oncq, par ceste mes-  
me hypocrisie. C'est qu'ayant basti vn Mona-  
stere en son Palais d'Alexandrouie, il y establit  
vne confrairie de penitens, ou moynès noirs,  
ceints d'vne ceinture de cuir, avec vn petit  
cousteau, & vne lanterne, dont il estoit le pre-  
mier,

mier, & tous ceux de sa court de mesmes, sur  
 peine d'auoir des bastonnades, ou se gardoient  
 les mesmes ceremonies, tant pour chanter Ve-  
 spres & Matines à l'Eglise, selō l'usage du pays  
 que pour le boire & le manger, qu'on a veu de-  
 puis obseruer par deffunct Henry III. en sa  
 confrairie des penitens à Paris, selon le patron  
 qu'il en auoit appris en Pologne, voisine de la  
 Moschouie. Et comme ce fut le moyen à Basi-  
 liades de faire le fondement des cruautez &  
 barbaries, que depuis il a exercées : ainsi l'a esté  
 au dict Henry pour l'establissement de deux  
 monstres, qui sont encores parmy nous, l'He-  
 resie & la Tyrannie. Comme aussi le plus sou-  
 uerain moyē d'entretenir, & establir ces deux,  
 n'est autre quel'hypocrisie, figurée pour cela  
 par le cheual palle en l'Apocalypse, qui suit le  
 cheual rouge, qui est la tyrannie, & le cheual  
 noir, qui est l'heresie. *Et celuy qui est monté dessus,*  
*qui est Satan gouverneur des hypocrites, qui*  
*les pique, qui les tourne, qui les guide cōme il*  
*veut, est appellé la mort, & l'enfer le suit apres, pour*  
*engloutir ceux, que ce funeste cauailher à puis-*  
*sance de faire mourir de glaiue, de faim, de mortalité,*  
*& de bestes cruelles.* Qui sont les quatre playes  
 ordinaires de Dieu, comme il se voit en Hiere-  
 mie, & quel'hypocrisie apporte, à sçauoir la  
 guerre, la famine, la pestilence, & les loups &  
 autres bestes affamées & furieuses, comme  
 l'on voit aujourd'huy, tant corporellement  
 & de faict, par experience oculaire, que spiri-  
 tuellement & metaphoriquemēt par le glaiue  
 d'une

Apoc. 6.

Hier. 15.



d'une faulſe doctrine & perſuaſion, par la famine de la parole de Dieu, par la peſte de l'atheisme & débordement à tout vice, & par les beſtes, qui ſont tant de tyrans, qui ruinent & oppriment le pauvre peuple.

Hypocriſie entre tous heretiques particuliere aux Caluiniſtes.  
Iudas chef & premier des Caluiniſtes.  
*Ioan. 6.*  
Sunt qui- dam ex vobis, qui non credunt.  
Sciebat enim, quis eſſet traditurus eum.  
Vnus veſtrum diabolus eſt.  
Dicebat autē Iudā Iſchariothem.  
*Mat. 26.*  
*Luc. 22.*  
*2. Tim. 3.*  
Speciē pietatis habēs, virtutē autem eius abnegas.  
*Mat. 7.*

13. Que ſi cela eſt vray en toute ſorte d'herēſie, d'autāt plus l'eſt-il aux Caluiniſtes, qu'ils en ont par deſſus tous autres, & l'exemple le plus authentique, & la doctrine & la pratique plus expreſſe. L'exemple en la perſonne de Iudas, le premier de tous les Caluiniſtes: comme celui qui le premier à debated le myſtere du Sacrement de l'Autel, & la preſence du corps de Ieſus Chriſt en l'Eucharieſtie, comme le reſmoigne meſme Ieſus Chriſt, diſant, qu'il ne croyoit pas, & partant l'appelle vn diable. Et l'Evangeliſte n'oublie de dire, que c'eſt du traître qu'il parloit. Et qui a en ce beau chef, d'œuvre donné vn plat de ſon meſtier & hypocriſie, liurant Ieſus Chriſt aux Iuiſ & Payens, ſoubs couleur d'un baiſer & de le ſaluer. Et quant à la doctrine & pratique, c'eſt merueille de la profeſſion qu'ils en font par deſſus les autres. Bien declare S. Paul en general l'hypocriſie des Heretiques quand il diſt, *qu'ils ont l'apparence de pieté, mais nient la force d'icelle*: & Ieſus Chriſt quand il diſt, *que ſont loups raiſſans veſtus en habit de brebis*. Mais d'en faire des axiomes, & en donner des documēts, & pour s'y iuſtifier ſe former vn Dieu hypocrite, & en conſequence faire vertu de la perfidie & du parjure, voire d'y obliger les conſciences, ſur peine de double



sainct Cyprian, qui n'a l'Eglise pour sa mere.  
 Ny lieutenant ou ministre du Royaulme  
 de Iesus Christ ( tels que sans plus sont tous  
 Roys Chrestiens, & par l'expresse parolle de  
 l'escriture, Iesus Christ estant *seul domina-*  
*teur*, c'est a dire, seul Roy en propriete, & *Epist Ind.*  
 qui le nie est mis par l'Apostre sainct Iude, au  
 nombre des heretiques ) qui ne faict le ser-  
 ment a Iesus Christ, & au Parlement de Ie-  
 sus Christ, qu'il a souuerainement estably en  
 terre, qui est l'Eglise Catholique, Apostoli-  
 que & Romaine, ce que l'heretique ne peut  
 faire. Ny par consequent Roy de France, ce-  
 luy qui manque en ceste premiere, princi-  
 pale, & plus essentielle capacite, & sans la-  
 quelle il ne le peut estre.

*Ne peut estre dict Roy pour la conuersion pre-*  
*tendre.*

### CHAP. III.

**N**E faict rien de dire qu'il est mainte-  
 nant conuerty, puisque la beste se voit  
 aux dens, & aux ongles & aux griffes. Puis-  
 que sans changer de nature, courrat le loup  
 de l'agneau, il ne s'est serui de ce masque, que  
 pour entrer au bercail, pour y exercer sa fu-  
 rie, contre les agneaux de Dieu. C'est a dire  
 pour saper la religion, & y establir l'her-  
 sie, comme il faict pis que iamais. Suyuant les  
 promesses par luy faictes, tant a la Roynne  
 d'Angleterre, qu'a tous aultres heretiques,

**D**

**tant**

rât dedâs que dehors le Royaume. Et lesquel-  
les seules il est capable de tenir. Gômé l'ex-  
perience s'en voit, par ses actiôs nouuelles.

1. Par l'entretènement des alliances hereti-  
ques, ausquelles il n'a renoncé, n'y pretend  
renoncer encore.

2. Par l'approbation de ses actions par les  
mêsmes herétiques, d'Angleterre, d'Alle-  
magne, de Geneue, & tous aultres, qui ne se  
pleignent, & ne disent du tout mot de sa  
conuersion pretenduë. Eux qui d'ailleurs  
ne se pourroient tenir, & qui lors de sa pre-  
miere conuersion, 1572. escriuirent de gros  
liures a l'encontre, detestant sa legereté, &  
le deschirant d'iniures. Iusqu'a le dire estre  
bastard, & engendré par vn ministre.

3. Par le mespris des Catholiques, & auance-  
ment des herétiques, dont il rebute les pre-  
miers, & honore les derniers, des plus im-  
portâtes charges, tant de la courône, qu'aul-  
tres: & tant aux armes, qu'en la iustice. Tes-  
moing le pretendu Duc de Bouillô hugue-  
not, qu'il a créé Mareschal de Frâce. Et côm-  
me tel a esté receu contre les formes, sans  
faire le serment ordinaire, par le Parlement  
de Paris. Voire avec ceste nouuelle Theolo-  
gie, & plus qu'heretique impieté, pronon-  
cée, comme on asseure, par les pretendus gês  
du Roy. *Qu'il suffit pour estre Chrestien, de croire  
les articles de la diuinité, & de l'incarnation du fils  
de Dieu, & que le reste n'est qu'accessoire.* Moyen  
souuerain

*Impieté  
horrible.*

souuerain pour receuoir tant qu'il y a de VViclefistes, Hufsites, Lutheriâs, Anabaptistes, voire d'heretiques en general. Les Ariâs & Manicheans seuls exceptez, tât que quelque aultre plus generale maxime leur en donne cy apres entrée. Comme de dire a la Turquesque. *Qu'il fault seulement recognoistre vn Dieu, sans parler des trois personnes. Ou que tous seront sauuez, en la religion qu'ils tiennent quelle qu'elle soit.* Comme aucuns du Parlement tiennent, suyuant en ce l'opinion la plus frequente des Mahometans.

Par l'establissement de son conseil, composé de purs heretiques, comme Bouillon, Plessis Mornay, Sansy Caluinistes, Schombert Lutherian, & aultres.

Par l'edict de 1577. remis incōtinent apres la trahyson de Paris 1593. autorisant le presche heretique, par tous les endroiets de la France.

Par l'edict de Ianuier, qui est de liberte de conscience, publié ceste annee 1595. que l'on scait estre le seminaire de tous les maux & troubles de la France. Par lequel l'heresie est remise dans les villes, & les heretiques faicts egaux, & de pareille condition aux Catholiques.

Par l'argument notable, que c'est pour paruenir a l'euerfion de la religion Catholique, de cé que contre la volonte des Catholiques, il publie cest edict aux terres des Catholiques.

tholiques. Et la ou le Calvinisme regne, cōme en son pays de Bearn, la mesme liberté n'est donnée, pour y viure a la Catholique. Et ce pour accomplir la volonté de sa mere, qui luy ordonna par testament, qu'il ne tint iamais aultre religion que la Calviniste, ny ne permist estre tenue en ses païs.

8. Par la cassation des prouisions de benefices faictes par le Pape, & des Legats Caetan & de Plaisance, qu'il appelle *prebendus*. Comme il se voit par Arrest de Parlement, de l'an 1594. Et depuis confirmé & renouuellé par l'edict faict sur la reduction du Duc de Guyse, au chap. 7. 1595. Moyen souuerain pour planter l'heresie, comme il s'est veu en Angleterre.

9. Par l'establissement d'un Patriarche & Antipape en France, faict a Paris l'an 1594. en la personne de l'Archeuesque de Bourges, qui de faict pourueoit aux benefices, & faict le Pape en France. Comme cy deuant en Angleterre il fut faict en la personne de Cranmer Archeuesque de Cantorbie.

10. Par les prouisions faictes a gens indignes & incapables, voire mesme mariez & heretiques. Comme audiect de Bouillon, qu'il a faict Abbé de S. Remy de Rheims. Et de tous ceux, dont l'impertinence en toutes sortes, n'est propre a rien, qu'a réuerfer la religion, & fauoriser les volonteiz de leur Prince. Cōme aussi en Angleterre.

Par

Par la pratique en consequence, du mespris du S. Siege, fait par les Euesques de son party, qui escriuent en leurs lettres patentes & testimoniales. *N. par la grace de Dieu Euesque de N. & non a l'ordinaire. Par la grace de Dieu & du S. Siege Apostolique.* Mesmes quelques vns ont escrit, *N. Euesque de N. par le bienfait & ordonnance du Roy Henry 4. & c. a cause de l'interdiction de la Cour de Rome.* Comme a fait vn soy disant Euesque de Lussou. Qui est iustement establi heresie des Henriciens, condamnée au Concile de Beneuete par le Pape Victor, & depuis par Gregoire 7. en vn Synode de cent & dix Euesques.

16. q. 7. c.  
Per laicos.

12.

Par la persecution des Catholiques, tant ouuerte par les executions a mort, de prestres comme de laiques, sous pretexte & couleur de crimes, que secrette & cachée par poisons a toutes sortes de personnes. Tant des Princes, comme du Duc de Nemours, que des gentilshommes come, du sieur D'O, que aussi des predicateurs Catholiques, tant reguliers que seculiers, & de quatre entre les autres, ceste presente année. Apres auoir esté a quelques vns le silence imposé, par la Cour de Parlemēt. Pour ce qu'ils auoient esté trop hardis, a prescher contre les heretiques.

Par le desordre qui continue, en toute sorte d'impieté. Et nōmement des incestes des religieuses, & toute espee de Simonie en l'Eglise.

13.

D ;

Par

14.

Mat. 19.

Par l'entreprise mesme contre les sacre-  
mens, comme de penitence a reueler les cō-  
fessions, cōme tantost sera dict. Et du mari-  
age, pour separer ce que Dieu auroit cōioinct  
contre sa parolle expresse, comme il a esté  
attété, pour l'egard de celle dont il abuse, &  
que pour cest effect il a procuré estre separée  
de son mary legitime, voire quant au lien,  
comme des lōg temps au parauāt il en auoit  
enuahy la couche.

15.

Et d'abondant avec tout cela, par l'exerci-  
ce qu'il continue encore, de la perfidie here-  
tique. Comme on tient qu'il a faict ceste an-  
nee 1595. au bois de Vincēnes a Pasques. Et  
comme chacun peut inferer, estant tout con-  
stant que la Cene de Calvin s'y est faicte, &  
que la il a passé les festes, accompagné de ses  
plus affidez Huguenots, qui y ont faict leurs  
deuotions.

Car voyla dont on peut iuger, quelle est  
ceste conuersion, ou comme il est deuenu  
Catholique. Comme de tout ce que dessus, la  
Frâce seruira de tesmoing. Car elle le voit,  
elle le sçait, & neantmoins elle l'endure.

*Ny au preiudice de l'excommunication.*

#### CHAP. V.

**I**OINCT l'excōmunicatiō, tant de droit  
comme de faict, qui le tient tousiours lié,  
& qui opere tousiours son effect, pour le pri-  
uer dela royaulté. N'ayant gaigné par l'abso-  
lution

lution pretendue a S. Denys, sin on rendre sa cōdition pire, & s'y plonger plus auant, pour le sacrilege y commis, & l'iniure tant au sacrifice de la Messe, & Sacrement de penitence, qu'a l'autorité de l'Eglise.

Et rien ne seruira de dire, *que l'excommunication ne priue vn homme de son bien, ains seulement d'estre hanté des hommes, comme dict le Satyre Menippée.* Iuge trop plus competant au vin, quand il est pur ou brouillié, qu'a ce qui est de religion vraye ou sophistiquée, & qu'a parler de telles matieres. Pour n'estre de mesme vne Royaulté & puissance souveraine, que vn patrimoine ou heritage. Ny ce qui est office & ministere sacré, pour distribuer la iustice a tous, faire garder les loix diuines & humaines, extirper les heresies, & deffendre le peuple & l'Estat de toute oppression (comme il se voit par les ceremonies de leur sacre, & par le serment qu'ils en prestant, a Dieu, a l'Eglise & au peuple, & cela suyuant l'escriture, qui appelle les Roys, *Ministres du Royaume de Dieu, pour iuger droitement, & garder la loy de Iustice*, & dont ils rendront compte, comme de ce qui n'est de leur propre, & comme pasteurs du troupeau qui leur est commis) de mesme qu'une possession priuée. Ny en somme, ce qui touche le public, tant spirituel que temporel, de mesme que l'interest particulier d'un homme.

Et veu l'erreur que seroit, de penser que

*Royaulté  
nest de  
mesme  
qu'un pa-  
trimoine.*

*Sap. 6.*



*Authorité  
de l'Eglise  
sur les  
Roys quel  
le, & ou  
fondée.*

*Esa. 61.*

*Esa. 57.*

*Dist. 40.*

*5. Si papa.*

leurs dignitez & domaines leurs soyent naturelles, & autrement qu'en conséquence de la charge, de mesme que l'on dict que le benefice est pour l'office, n'estant pour autre raison, qu'on leur paye les tributs, les gabelles & subsides, que l'honneur, autorité, obeissance, & toutes prerogatives leur sont deferées, & la fidelité iurée: comme reciproquement ils s'obligent a garder ce que dessus, & moyennant quoy, & non autrement, le peuple est tenu de ses promesses, pour estre vn contract mutuel, qui oblige egallement: n'est merueille si l'Eglise, qui est la mere commune, a qui les Roys sont suiects de droit diuin, & a qui appartient d'oster les scandales hors de la voye du peuple, vsant d'autorité absoluë pour le faict du Spirituel, prend subsidiairement aussi, la cause du peuple & de l'Estat, pour excludre de l'accessoire, celuy qui est incapable du principal, & qui s'en est rendu indigne, voire mesme luy est contraire, comme est sus tous l'heretique. Comme de mesme il s'en faict, aux charges Ecclesiastiques, & se feroit mesme contre le Pape, si le cas y escheoit, comme il est aict par les Decrets. Et dont la maxime est resoluë, aultre part que dans Varron & Festus, & qu'au clavier & au cellier du Polypragmon, surinommé le riche laboureur, ou plustost le mauuais riche ou a esté forgé le Menippée. Ioinct que prouer d'estre hanté des hommes

mes

mes (ce que ce plaisant Grammairen, qui faict la guerre aux syllabes, il y a cinquante ans, accorde estre faict par l'excommunication) est necessairement priuer de la Roy-  
 aulté. Pour estre icelle vne qualité relatiue, *Royaulté,*  
 & non absoluë, qui consiste essentiellement *qualité*  
 en hantise & habitude avec les hōmes, pour *relative.*  
 commander & estre obeï, estre honoré & sa-  
 lué. Voire que c'est pour c'est egard que les  
 Maïestez sont sacrées, pour le reng de per-  
 sonne publique, & non de particuliere, qu'ils  
 tiennent. Ny ayant raison quelconque, que  
 celuy qui est priué de la grace, soit l'instru-  
 ment de la mesme grace. Ny que qui est  
 maudict de Dieu, exerce souuerainement ce  
 qui est de Dieu & non des hommes, qui est  
 d'administrer la Iustice, comme il est dict en *2. Par. 19.*  
 l'Escripture. Ioinct que la mesme qui com-  
 mande d'honorer les Roys, & deffend d'hono- *1. Pet. 2.*  
 rer l'excommunié, iuge & declare par mesme  
 moyé, que d'estre excommunié, & créé ou re- *Mat. 18.*  
 ceu pour Roy, ce sont choses incōpatibles.

Cōme aussi n'est ce souuerain remede des  
 cēsures Ecclesiastiques, a l'endroiect des Prin- *Nota. A*  
 ces & Roys, qui se bandent contre l'Eglise, *quelle fin*  
 & s'oublient en leur debuoir, tant pour leur *les Roys*  
 peine particuliere, quoy qu'elle leur soit in- *sont ex-*  
 stement deuë, que pour le danger du trou- *communiez.*  
 peau de Dieu, & pour le mettre en seureté, a  
 ce que tels loups ne le deuorent. Et a ce que *lib. 4. de*  
 n'aduienne ce que dict Saluian, *quel honneur* *provid.*

*d'un seul homme soit la ruyne de tout vn monde.*  
 Comme aussi c'est le propre du pasteur souverain, en vertu de son autorité, & de la clause expresse du pouuoir, que Dieu luy a donné en terre, *de paistre ses brebis & agneaux,* d'exclure les loups dehors, & les chasser du bercail, voire de leur faire courre sus. Cela ne debuant estre trouué estrange, & moins que d'oster la vie aux enragez, comme l'on faict (bienqu'ils n'ayent fortaict) par autorité publique, a ce qu'ils ne nuysent aux autres. Ce cas particulier faisant, que ce qui aultrement seroit contraire a la nature, & contre le commandement de Dieu, qui est d'oster la vie a vn homme, est rendu conforme a la nature, & au commandement de Dieu. Tant pource que l'enragé n'est plus homme, que pour ce que sa mort est necessaire, pour conseruer la vie aux hommes.

*Puissance  
 du Pape  
 sur le tē-  
 porel cōme  
 je doibt  
 entendre.*

Qui est ce que les Theologiens veulent dire, ioustenant que le Pape peut sur le temporel, sinon directement, au moins indirectement. C'est a dire au cas qu'il preiudicie au Spirituel, & pour en empescher le desordre. Ny ayât que tenir, que comme les Princes souverains, & entre tous les Roys de France, pour raison de leur temporel, c'est à dire de leur domaine particulier, & choses purement ciuiles, ne releuent d'aucun seigneur superieur, comme il est dict au chap. *Per venerabilem*. ny du Pape non plus que d'un

d'un aultre, & ne recognoissent pour c'est  
 egard, aultres iuges ny aultres loix, sinon les  
 ordinaires du Royaume ou ils commandēt,  
 par lesquelles ils sont sùjets d'estre con-  
 damnez comme les aultres, & ainsi se pra-  
 ctique en France, sans qu'il y en ait appel  
 ailleurs: Ainsi en matiere de crime de leze  
 Maiesté diuine, tel qu'est l'heresie, en la  
 personne du Prince, voire qui seroit legiti-  
 me (& plus encor d'un vsurpateur violent  
 & iniuste) & generalmente pour la capacité  
 de leurs personnes quāt au spirituel, & spi-  
 rituel non particulier, mais general, l'autho-  
 rité est en celuy, qui a le spirituel en charge,  
 pour y regler le tēporel, & pour empescher  
 qu'il ne nuysē a ce qui est le principal, qui  
 est le salut des ames. Et non seulement en ce  
 faict, mais aussi pour l'hostilité & leze Maie-  
 sté humaine, quoy qu'avec quelque differen-  
 ce. Car comme alors en premiere instance  
 la cognoissance est aux Estats, ou aux Pairs  
 qui les representent, ainsi auenant que ce  
 moyen ne subsiste, soit par l'empeschement  
 ou impossibilité de l'assemblée, ou par la  
 violence a eux faicte, cōme il aduint a Bloys  
 1588. soit par la corruption des Pairs, qui fa-  
 uoriseroient le crimē, le recours du peuple  
 est a celuy, qui estant pere general, ha droict  
 a faulte de tous aultres, voire mesme aussi  
 est tenu, de procurer par tous moyens, tant  
 de son autorité, qu'implorant layde des  
 aultres

*Recours  
 au Pape  
 contre  
 l'hostilité,  
 quel.*

autres Princes, que iustice soit faite aux innocens, & a ceux qui recoiuent iniure.

*Devoir  
reciproque  
de l'Eglise  
& de l'E-  
stat.*

Voire mesme que si cela est commun a l'une & l'autre puissâce, & spirituelle & temporelle, d'estre subsidiaires l'une a l'autre, pour suppleer, obuier, remedier aux deffaux l'un de l'autre, comme il eschet en certains cas, que l'autorité temporelle reforme la spirituelle, d'autant moins se doit reuoker en doute, le pouuoir de la spirituelle sur la temporelle, que pour l'egard de ce deuoir reciproque & mutuel, l'inegalité ne laisse d'y estre grande. Ne plus ne moins qu'en la relation d'office mutuel, du pere enuers le fils, & du fils enuers le pere, l'inegalité demeure tousiours, pour estre ceuy du pere enuers le fils, avec authorite paternellé, comme celui du fils enuers le pere, est plustost obeissance & assistance filiale. Comme l'ont ainsi reconnu, tant qu'il y a eu d'Empereurs, qui se sōt dignemēt entremis, pour ayder a reformer l'Eglise, & les Ecclesiastiques. De mesme que seroit le fils enuers sō pere phrenetique, lequel si biē il tiēdroit de force, si seroit-ce avec respect pourtāt, cōme nature l'y oblige.

*Censure temeraire du Parlement contre la Sorbonne, pour cest article.*

#### CHAP. VI.

**C**E QVE si eussēt bien cōsidere, si ou s'en fussent rendus capables ceux de Parlement

ment, qui ont tant faict les eschauffez ceste  
 annee 1595. d'une proposition mise en these  
 par vn Bachelier en Theologie, disant que  
*Papa spiritualem & tēporalem in omnes reges ex-*  
*ercet potestatem*, que de le tenir prisonnier  
 quatre moys, luy & son president, puis ve-  
 nir avec scandalle en plain College de Sor-  
 bonne, lacerer publiquemēt la these, comme  
 cy deuāt lēs Bulles du Pape a Tours, & faire  
 prononcer tout hault, a celuy qui l'auroit e-  
 scrite, *que temerairement & malicieusement il*  
*auroit auancé ladicte proposition, dont il demande-*  
*roit pardon au Roy &c.* ne leur eust esté be-  
 soing faire de si longues harangues, desplo-  
 ier tant de rhetorique, & faire tāt de mon-  
 tre de leur bien dire, comme ils ont faict au-  
 dit College, sur la preuue d'une negative,  
 qui ne leur est niée ny debatue (estant prise  
 sainement) ny contraire au sens de celuy qui  
 tenoit la these. Et moins d'inuectiuer sur ce  
 suiect, si ardemēt contre le Pape. Estant a  
 presumer, que comme le sens de la proposi-  
 tion ne pouuoit estre aultre, que le commun  
 de l'escholle, suyuant la distinction que des-  
 sus, qui est saine & veritable, & le contraire  
 est heresie, cela deuoit les contenter, comme  
 ils veulent estre receus a declarer & interpre-  
 ter leurs Arrests, quand les fautes en sont  
 palpables. Et quant bien cela n'eust suffy, &  
 que le meilleur eust esté de la supprimer du  
 tout, il y auoit d'aultre moyens, pour le  
 passer

*Temeraire  
entreprise  
sur la So-  
bonne.*

*Leuit 11.*

*Psal. 136.*

passer doucement & a petit bruiet, sans en venir aux emprisonnemēs, & demōstrations si patentēs de la tyrannie & furie Politique. Et plus encore sans venir avec tel apparat, cēsurer en plaine escholle, ou temerairement ce qu'ils n'entendent, ou malicieusement ce qu'ils dissimulēt. Prenāt ceste occasiō a propos, pour brauer & fouller aux pieds vne escholle, que de long temps, & avec suiet ils redoubtēt, & qui leur serd d'espine en leur pied. Osant amener *Babylon* au my-lieu de *Ierusalem*, cest a dire la confusion au lieu de distinction, & en *Sion les Idūmeans*, cest adire au lieu de speculation, les gens de sang & de terre: & (ce qui est deffendu par la loy) au lieu sainct les animaux immondes, qui n'ont poinct longle fenduē, cest adire qui ne scauent ou ne veulent distinguer. N'auisant comme les paroyz de ce lieu, qui ont de tout temps des oreilles, & qui entendent le Latin, qu'byque muettes alors, cōme la harpe de Dauid entre les Babyloniens, & mesme pece bâc formidable, qui faiet paour a tout le monde, remarquoyent l'infirmité de leurs debiles argumens, leurs traictz qui ne touchoient au but, & toute la masse inutile de leur mal cōcluāt discours, qu'un seul *distingo* couperoit, comme le rasoir de Phocion trenchoit ceux de Demosthene, & qui le scauront releuer vn iour. Ny ayant qu'une chose a dire, c'est que la mort n'a esté soufferte



ferre, pluſtoſt que de riē demordre, & chan-  
celler ſoubs ceſte crainte.

Et ne ſe peut dire pour excuſe, que ſi bien  
le ſens de la theſe eſtoit bon, que les termes  
ne l'eſtoiet de meſme, ou qu'elle eſtoit cou-  
chée crūement. Pour eſtre touſiours le  
plus ſeur en matiere de propoſitiōs moyen-  
nes, qui ont deux extremitez vicieuſes, pour  
les conceuoir & exprimer en general, d'vſer  
de termes qui approchent de la moins viti-  
euſe extremite, & qui s'eloignent de la pire.  
De meſme que les vertus morales appro-  
chēt plus pres d'une extremite que de l'aut-  
re, & de l'exces plus que de la deſſectuoſite.  
Comme la liberalite de la prodigalite, plus  
que de l'auarice. Qui faiēt que des deux er-  
reurs qui ſeroient, l'un de dire. *Que l'Eglife a  
toute puiſſance, tant directe qu'indirecte ſur le  
temporel,* & l'autre de ſouſtenir *Qu'elle n'a  
ny l'une ny l'autre,* au my-lieu deſquels deux  
eſt la propoſition veritable, le dernier eſtant  
le pire, l'affirmatiue eſtoit plus propre, pour  
declarer ceſte verite moyenne, & conceuoir  
la propoſition, que non pas la negatiue. Ne  
pouuant non plus eſtre blaſmee ceſte affir-  
mation generale, que celle des deux Euan-  
gelistes S. Matthieu & S. Marc, diſant en ter-  
mes generaux, *que les larrons qui eſtoyēt crucifiez*  
*avec Ieſus Chriſt, luy faiſoiet des reproches, & di-*  
*ſoyēt des outrages.* Encore que cela ne fuſt vray  
que de lun des deux, cōme S. Luc le declare.

*Forme de  
theſe irre-  
prehenſi-  
ble.*

*Mat. 23.*

*Marc. 13.*

*Luc. 23.*

Ioinct

Basil. ad  
Valentem  
Imp.

Num. 6.

Num. 16.

Ioinct la condition du temps, auquel ce dernier erreur prenant vogue par la France, qui est l'heresie des Politiques, se rengier a la negatiue, estoit luy donner gaigné, ou du moins môtrer en auoir quelque grain sous la langue. Et on sçait la regle de S. Basile, qu'en matiere d'heretiques, il ne leur fault lascher vn seul iota, ny le moindre poinct qui se puisse couler dans la lettre. Et la regle ancienne vsitée en l'Eglise, qui est de s'abstenir des mots & du langage des heretiques, quoy qu'autrement veritables, quand le venin y est caché. De mesme que les Nazareans estoient tenus s'abstenir voire d'un pin de rasin. Et Moysse commandoit de se retirer des schismatiques, & ne rien toucher de ce qui leur appartenoit. Et en la loy de Dieu, toucher vn corps mort, voire du bout du doigt, rendoit l'homme souillé & immonde.

Aussi que ce n'est cōtreuenir au chap. *Per venerabilē*. qu'ils ont tāt fait sonner hault, par lequelsi biē il est dict, *que le Roy de Frāce ne conoist aucun superieur au temporel*, si ne laisse il d'estre dit apres, *qu'il y a certains cas, ou le Pape iuge in tēporalibus*. Et ne pouuāt y auoir aucun cas plus digne, ny plus ne cessaire, que quand l'heretique commande, ou entreprend de commander, en vn Royaume Catholique, pour l'ē exclure & debouter, deffendre l'autorité du Pape en ce sens, est autant eloigné

de

de contrauention faicte au decret, comme ceux qui l'alleguent en ce cas, totalement le renuersent.

Joinct les exemples pour c'est egard, de l'autorité des Papes, cōme des Sacrificateurs en l'anciēne loy, pour destituer les Princes. Comme seït Samuel Saul, Azarias Ozias, & Ioiada Athalie. Et depuis entre les Chrestiens, de Leon briseur d'images, priuē de ce qu'il tenoit en Italie, par Gregoire 2. Des Grecs priuez de l'empire d'Orient transféré aux François & Allemans, par Leon 3. de Héry 4. depossédé par Paschal 2. d'Othon 4. par Innocēt 3. de Frederic 2. par Innocēt 4. au Concile de Lyon, de Loys de Bauieres, soy disant Loys 4. par Iehan 22. & le iugement executé par Clement 6. & d'autres. Le tout en suite de l'excommunication, & pour des crimes moindres, que ceux du iourd'huy. Par laquelle estans retranchez de l'Eglise, ils l'ont esté aussi de l'Estat. Et en France comme ailleurs, comme il s'est veu en Childeric dernier de la race de Clouis, depose par Zacharie, & depuis en Loys le Faigneant, & autres.

*Ne se peut preualoir conr: l'excommunication, par l'exemple des Roys de France.*

#### CHAP. VII.

**Q**UE si on allegue les Roys de France, comme Philippes 1. Philippes 2. & autres,

tres, & mesme ceux de dehors, cōme Theodose l'Empereur, qui estant excommuniez n'ont pour cela perdu leur tiltre, on respōd que s'ils ne l'ont perdu, ils n'y estoient condamnez aussi. Comme aussi n'estoient les pechez semblables, ny en nōbre, ny en subtilité. Pour n'y auoir comparaison, entre vn peché seul, faict par passion, comme il a esté en ceux la, & vn nombre infiny de crimes, en toutes sortes & de tout temps, comme il se voit icy. Ny particulierement, entre vn peché moral, ou la foy ne laisse d'estre, & quoy que morte, comme dict S. Iaquez, n'est pas nulle toutes fois : & celuy de l'heresie, qui coupe la racine de la foy, & ou la foy est du tout nulle. Ny d'un membre blessé & malade, mais capable de garison : & d'un membre sec & aride, qui n'a plus esprit ny vie.

Et partant aussi les excommunications differentes, pour estre celle pour peché moral, comme vne medecine a l'excommunié, & comme vn bandeau qui le serre, & qui le priue de la fonction ordinaire, mais non pourtant de la vie. Et qui excite la vigueur de sa foy, & routes les puissances de son ame, par le remors de conscience, & consideration du piteux estat ou il est, pour reuenir a foy mesme, & rendre les fruiets de penitence. Comme il s'est veu excellemment, es susdicts Theodose Empereur, & Philippes 1. & 2. Roys de France. Et celle qui est pour  
heresie,

*Difference  
de l'exco-  
munica-  
tion du  
iourdhuy,  
aux prece-  
dentes.  
La. 2.*

heresie, est vn remede plus pour la communauté, que nō pas pour l'excommunié, pour retrancher le membre, non seulement mort, mais aussi pourry & infect, à ce qu'il ne nuysse aux autres.

Et partant ne meurt la Royaulté au premier (& la censure ne l'en priue aussi) comme elle meurt au dernier, quand mesme il auroit esté au parauant Roy legitime. Pour ne pouuoir icelle resider en vn suiet du tout mort, & ou n'y a vn seul brin de vie, qui ne peut estre, que par la foy, à laquelle l'heretique n'a part aucune. Ne pouuāt estre foy Chrestienne, sinon en celuy qui demeure en l'Eglise. Ce qui fut iadis figuré, par la ladretrie d'Ozias, Roy de Iuda, qui de Roy legitime, le fit estre pur priué, & decheu entièrement de la couronne. Auec telle rigueur du iugemēt de Dieu, que pour le respect qu'on luy eut, de luy donner vne maison separée dans la ville, sans le mettre du tout hors, comme tous les autres ladres, Dieu ferma la bouche aux Prophetes, tant que ce ladre suruesquit. Et apres sa mort seulement, Esaie recommença a auoir les visions, comme amplement le declarē S. Chrysostome, en ses homilies sur Esaie. Argument euidēt, par l'interpretation de SS. Peres, & de toute l'antiquité, non seulement du droit de Royaulté perdu au Prince heretique, mais aussi de la necessité, de le ranger au pied des

*Excommunication pour heresie  
oste tout droit de Royaulté.*

*2. Par. 26.*

*Esa. 6.*

*Homil. 4.*

*Es. 5. in.*

*Esa.*

aultres, & le punir comme heretique. Et qu'entre ceux, qui le soustiennent, ne peut y auoir de vrayz Prophetes.

Excom-  
mication  
posterieu-  
re ou an-  
terieure.

Et en oultre y a difference entre, l'excommunication posterieure a la Royaulté, comme ont esté celles des Roys susdicts, & celle qui est anterieure & va deuant, comme est celle cy. Car si bien la posterieure ne faict perdre le tiltre, qui estoit ia acquis, & en possession actuelle, & sans aucune controuerse, ains seulement en suspend l'action pour vn temps, tant que l'Eglise soit obeie, comme il s'est veu sous Philippe Auguste, durât l'excommunication duquel, on disoit *Regnante Christo*, & non pas *Philippo*, si n'en est il de mesme de l'anterieure, & qui precede la Royaulté. Et notamment, quand la clause de priuation & exclusion, est comprise en la censure. Pour ce qu'elle empesche que le tiltre n'aduienne, le faisant passer sur l'excommunié, a l'instant de la succession escheüe, pour chercher vn aultre suiet capable, sur lequel il reside, l'aultre en demeurant priué non seulement *quoad actum*, mais aussi *quoad habitum*. Estant comme l'empeschement de mariage, par cognition *ex fornicatione*, ou autrement. Lequel si bien *contractum non dirimit*, (n'empeschant lors que la cohabitatiō) du moins *impedit contrahendum*, pour eiter l'inceste & conionction illicite. Et au cas que l'ō passe oultre, elle rend le mariage nul.

Excom-  
mication  
anterieure  
faict per-  
dre le  
droit.

Or



Or il est certain, qu'en celny dont est question, l'excommunication precede le tēps de la royaulté, avec clause expresse d'exclusion & priuariō, de tout droit de principauté & couronne, nommement de celle de la France. Dessendant sur peine d'excommunication, de le recognoistre pour tel. Et encore avec prescription de temps, troys & quatre foys redoublée. Pour ce que l'an entier suffit, pour toute prescription de droit, voire en ceux qui sont ia Roys. Tefmoin Henry d'Albert Roy de Nauarre, pere de Henry d'Albret, grand pere de cestuy-cy a cause de sa mere, priué du Royaume, pour n'auoir obeï en l'an. Et la haste quē prit, il y a cinq cens ans & plus, Henry 4. Empereur, pour preuenir l'année de son excomunicatiō, allant par le plus rude hyuer, & extreme danger de sa personne, & avec toute humilité, pour demander son absolution, au Pape Gregoire 7. Et icy la censure precede, de trois voire & de quatre années, le temps de la succession pretendue. Aiant esté l'excommunication l'an 1585. le 9. de Septembre. Et la mort de Henry 3. dont la succession se pretend, l'an 1589. le 2. iour d'Aoust. Ce qui faict mesme que la vanité des priuileges pretendus, en faueur des Roys, & de la couronne de France, ne trouue icy place, pour n'auoir esté iceluy lors Roy de France.

Et pour venir au dernier point, la parti-

*c. Rursus  
c. Qui-  
cunque 11.  
q. 1.*

*Prescri-  
ption du  
temps  
iointe a  
l'excom-  
munica-  
tion.*



cularité speciale, qui est inserée en la censu-  
re, d'exclusion, priuation, & inhabilitation, tant  
pour luy que pour ses heirs, a perpetuité & touf-  
ioursmais, ce qui n'a esté de mesme aux au-  
tres, avec le concours des raisons cy dessus  
mises, montre qu'il n'y a rien en l'exemple  
des Roys de France, qui luy puisse estre fa-  
vorable.

*Ny mesme quand il seroit absous.*

#### CHAP. VIII.

**M**AIS ce qui est le plus notable, c'est  
que quand bien il seroit absous, & par  
celuy qui seul le peut, si ne seroit il Roy  
pourtant, aultrement qu'il est a present, qui  
est de faict & non de droict. Premiere-  
ment pour n'estre telle attribution ou re-  
stitution de droict, de la nature & essence  
de l'absolution. Ny par consequent necessai-  
rement y cōioincte, ou despédante d'icelle.  
Ny ayant pareille raison de restituer en ab-  
soluant, que de destituer en condamnant.  
Comme la facilité n'est de mesme, de reba-  
stir que de destruire, ny de recouurer que de  
perdre. Et n'est chose sans exemple, que les  
reconciliez ne soient remis en leurs char-  
ges. Comme ny aussi au contraire.

Aussi qu'estant question d'une dignité  
temporelle, ce n'est chose qui simplement  
despende de la vertu des clefs. Comme aussi  
il ne faut craindre, que ses agens le requie-  
rent

rent, ny mesme l'acceptét, quand bien on le leur offriroit, pour ne préiudicier a la maxime politique, qui est pour c'est egard, de ne recognoistre en aucun sens le Pape. Et pour n'estre veus deferer a l'Eglise, & aux canons des Conciles, qui priuent les heretiques de tout droict de couronne & principaulté.

Ioinct qu'estant iceluy condamné, non seulement par l'Eglise, mais aussi par les Estats, si bien le Pape peut relascher la condemnation Ecclesiastique, si ne pourroit il la ciuille. Comme il ne se voit iamais aussi, que l'absolution de l'Eglise exempte le criminel, de la peine a laquelle la loy & le Magistrat ciuil le condamne.

Mesme que quant a la conscience, cela repugneroit a l'effect de l'absolution. Qui ne peut estre sans satisfaction aux parties offensées. Ce qui ne pouuant estre aultremét, que par la priuation de l'Estat, en celuy en qui toutes sortes de crimes de leze Maiesté se trouuent, le fruiet de telle absolution seroit incompatible avec la dignité Royale.

Et d'autant que pour la disposition ou il est, demeurant, comme il faict, notoirement impenitent, heretique, & adultere, nul discours ne se peut figurer, pour lequel on le deust absoudre, voire seulement en parler, sinõ pour en venir au cas, que les Docteurs n'ont obmis, & dont il se trouue des exemples, qui est d'absoudre l'impenitent, & ce-

*Effet d'absolution  
redoutable en  
l'impenitent.*

luy dont la fiction est notoire, quand cela sert au public, & pour empescher vn plus grand mal: comme on allegue en c'est endroit, la craincte d'un schisme, & desunion du Royaume d'avec le saint Siege (car c'est tout ce qui s'en dict de mieux, & avec le plus d'apparence) cela n'estant en tout, que pour redimer la vexation, comme disent les Theologiens, & non pour operer en luy riē de solide, sinon de l'abandonner au iugement de Dieu, retirant de luy la discipline, & luy mettant son sang sur sa teste, dont l'experience se veit en Arius & George Roy de Boëme, à l'un & l'autre desquels l'absolution accordée, & donnée sur vn pareil discours, n'apporta aultre chose, qu'une mort terrible & espouuantable, qui ne leur permit de iouir du bien, de ce dont ils estoient indignes, & qu'ils demandoient avec simulation & brauade: mesme que cela seroit argument d'une euidente oppression de l'Eglise, que l'on voudroict emporter par la force, cela ne luy pourroit donner non plus de droit, ou preiugé pour la Royauté, que feita Elia l'adoration de son frere Iacob, repetée par sept fois, ou que feroit a vn voleur l'absolutio exorquée de force, pour le rendre iuste possesseur, de ce qu'il auroit pris a aultruy.

*Genes. 33.*

Et qui est encore plus, c'est que ne pouuāt estre Roy de droit, sinon ou par l'aduen & valida

validation du droit pretendu iusqu'a huy, qui est de la succession, ou par acquisition de droit nouveau, pour la perte & annulation du premier, ne l'un ny l'autre ne pourroit estre, en vertu de l'absolution. Le premier, obstant toutes les loix, tant canoniques, que ciuiles, qui excluent les heretiques de tout droit de principaulte, & plus encore les relaps. Et meisme les iugemens donnez contre luy, tant par l'Eglise que par les Estats, dont les termes sont expres, *Qu'il est condamné comme ennemy iuré del'Eglise, du Roy & de l'Estat, crimineux de leze Maiesté diuine & humaine au premier chef, & déclaré inhabile a succeder a la couronne de France, priué tant luy que ses hoirs, de tout droit de succession.* Qui vault aultant a dire, qu'il est priué non seulement *actu*, come les aultres Roys, mais aussi *habitu*, & qu'il ne luy en reste aucune ressource: l'Eglise mesme adioustant ce mot *a perpetuité*, pour auoir iugé, qu'il n'y auroit seureté iamais en luy, & faisant en cela ce qu'elle a peu faire, suyuant le reglement que dessus. Toutes lesquelles parolles valant autant qu'elles sonnét, suyuant la maxime cōmune, est necessaire aussi qu'ils produisent c'est effect. Voire seroit du tout les renuerser, si au preiudice de tout cela, on l'auoioit auoir esté Roy de droit.

Et de dire que sans offenser les loix, qui auroient eu leur effect, l'absolution l'auroit restabli au droit perdu, moins y auroit il

d'apparence. Pource que le droit perdu par le crime, ne reuiet essentiellement, par l'absolution du crime. Ains sont choses se- parées, & actions différentes, mesmes es choses spirituelles, & purement Ecclesia- stiques, cōme il se voit au Simoniaque. Au- quel l'absolution donnée ne peut valider sa prouision illicite, ny le faire legitime posses- seur, ains est besoing de droit nouveau. Suyuant la regle de droit, tant ciuil que ca- nonique. *Que ce qui au commencement ne subsi- ste en droit, ne peut reuenir avec le temps.*

De reg.

in i. in 6.

reg. 18. ff.

de reg.

lar. l. 29.

Et si on vouloit tant s'auācer, que de pas- ser par dessus toute loy humaine, la naturel- le mesme y resisteroit, par laquelle & suyuant laquelle ce droit luy estant perdu, auroit icy lieu la maxime de Physique, que *A priua- tione ad habitum non fit regressus*. Pour y auoir mesme proportion a ce droit perdu vne foys, que de la veuë qui est perdue, ou d'un membre coupé ou mort, qui ne peut pas re- uenir, sinon par vne grace purement surna- turelle, & qui ne seroit fondée en nature. L'argument pour la nature estant icy infal- lible. Que le fondement du droit estant deperi, le droit necessairement deperit aussi. Or que le fondement du droit de Royaulté soit depery en luy, la preuue en est necessaire. Car veu que ce fondement n'est aultre, comme de toute seigneurie en gene- ral, sinon vn contract mutuel, & obligation recipro-

reciproque, entre le seigneur & le vassal, sur lequel le droit de succession subsiste, & est ce qui le regle & modifie, & suivant les termes, & avec presupposition duquel, & non autrement, les peuples ont consenty en la reconnoissance, de ceux de la lignée & souche de leurs Roys, & d'ailleurs il est certain, que la contrauention par l'une des parties rend l'obligation nulle, pour l'égalité de droit qui y est, la contrauention de celui cy ayant esté telle, qu'il ne s'en peut dire ny imaginer de plus grande, par tant d'hostilitez & remuemens, non seulement contre les Roys, mais aussi contre l'Etat, & par tant de cruautéz cõtre toutes sortes de personnes, & contre toutes loix, tant ciuiles que de guerre mesme, par lesquelles il n'y a espee de felonie, dont il ne soit atteint, il sensuit de nécessité, que l'obligation par ce moyen n'estant plus, le fondement n'est plus aussi, & par ainsi le droit deperi de mesme.

*Fondement  
du droit  
de Roy-  
auté  
quel.*

Oultre ce que d'abondant, tout violent possesseur, qui s'establit par la force, & contre les loix de Iustice, voire en ce qui luy est propre, est par la loy, priué de sa possession. Qui fait que d'autant moins doit estre favorable a cest vsurpateur, la violence derniere, enuahissant ce qui n'est sien, pour y acquérir aucun droit, que c'est vne nouuelle iniure, & incapacité avec les precedentes. Et partant, selon la regle que dessus, le droit, si

aucun



aucun il eut iamais, luy estant vne fois perdu, ne luy peut par reuenir.

*La cause  
cessant  
l'effect ces-  
se, comme  
se doit  
entendre.*

Et ne seruira de dire, *que la cause ostée, qui est la condamnation, l'effect doit cesser aussi.* Pour ce que si bien la maximé est vraye, de l'effect qui est en action continue, comme de bastir, de peindre, d'escrire (car en ce cas la cause ostée, l'effect necessairement cesse) si ne l'est il de l'effect, qui est œuvre cōsomme, & parfaict vne fois. Soit positif, comme vn bastiment, vn tableau, vn liure: soit priuatif, comme la perte de la veuë, de la vie, de la virginité. Qui ne laissent d'estre, quand bien la cause ne seroit plus. Assauoir pour les premiers, le bastiment apres l'architecte, le tableau apres la peintre, le liure apres l'escruiuin, & le filz apres le pere. Et pour les derniers, laueuglement apres estre gary le mal, pour lequel la veuë est perduë. Et la vie ou la virginité ne reuiennent, pour auoir puny celuy, qui a osté l'vn ou l'autre.

*Difference  
de droit  
suspēs, &  
droit per-  
du.*

Et partant pour venir au poinct, comme la maxime auroit lieu, en matiere de simple suspension, comme il s'est veu es Roys de France, dont a esté dict cy dessus, pour ce qu'alors la cause ostée, qui est l'excommunication, l'effect aussi cesseroit: ainsi en matiere de droit perdu, comme il aduiēt en ce faict, elle ne pourroit auoir lieu, pour faire en tout qu'il reuienne. Y ayāt icy quelque chose de semblable, a ce que les Theologiens distinguent,



D. Th. 3.  
p. q. 89.  
ar. 5. & 6.

linguent, entre *œuvre mort*, & *œuvre mortifié*. Entendant par l'œuvre mort, celui qui est fait hors de la grace, comme en estat d'heresie ou excommunication, & par l'œuvre mortifié, celui qui estant fait en estat de grace, est par le peche suyuant rendu inutile, infructueux, & sans merite a l'auteur. Desquels deux comme le dernier reuiet, par la penitence & grace subsequente, ainsi le premier ne reuiet iamaïs, quelque bon moralement qu'il puisse estre.

Exech. 18.

*Absolu-  
tion, que  
pourroit  
faire.*

Et si l'on demande alors, que seroit donc l'absolution, si le droit perdu ne reuiet? On respond, que comme l'absous estant impenitent, l'effect n'en seroit aultre, que ce qui a esté dict cy dessus, ainsi au cas (ce que Dieu veulle) que la penitence fust vraye, l'effect n'en seroit pas petit pourtant, sans en venir si auât. Ne fuisse que pour le Spirituel, le remettant au gyron de l'Eglise, & le rendant capable du Royaume du Ciel. Côme pour l'egard du temporel, tout ce qu'elle pourroit operer, seroit de le rédre susceptible d'un nouveau droit, & par election, ostant l'empelchement *in foro fori*, durant lequel il ne le pouuoit estre. Mais sans auoir egard neantmoins, au susdict droit pretendu, comme chose qui ne subsisteroit plus. Et ce tant pour seruir d'exemple, que pour maintenir l'autorité des iugemens, & des loix

loix tant canoniques, que fondamentales du Royaume.

Et par ainsi estant besoing de nouveau droict, on demande alors, qui le luy auroit donné? Ce ne pourroit estre le Pape, par la regle que dessus, pour n'estre cela simplement despendant des clefs. Et ne le voudroient les agenstenir a ce tiltre. Et en tout ne le pourroit sa Saincteté, sans ladicte election des Estats. Ce ne seroit pas les Estats aussi, car ils n'ont esté assemblez. Et de dire que le consentement public y supplée, c'est vne mauuaise interpretation de la liberté publique (sans laquelle le droict ne peut estre) que d'une captiuité forcée. Et de la volonté des Catholiques, que de la puissance des heretiques. Et du consentement des peuples, que de la force des ennemys, & des ministres de tyrannie. Estant a presumer, par les larmes & sanglots, de ceux qui gemissent sous la persecution, qui se voit & continue, que telle n'est leur volonté.

*Droict acquis a un autre.*

- Mais ce qui passe plus oultre encore, c'est que ce n'est chose qui se puisse, au preiudice de celuy, a qui le droict est acquis. Et auquel a l'instant de l'incapacité & exclusion aue nue, & prononcée en iugement, il a esté irreuocablement deuolu. Estant constant entre les Iurisconsultes, que *l'incapable est réputé comme mort, & n'empesche les suyuaus.*

*quod sit.*

Et n'importe cōtre cela, quand bien mesme

me en l'absoluant, ou en quelque sorte que  
 ce fust traictant a Rome, la qualité de Roy <sup>pretendat</sup>  
 de France se couleroit, voire seroit admise, <sup>ou recent</sup>  
 proferée, & inserée au proces. Veu que par <sup>ne preiu-</sup>  
 disposition de droict, les qualitez pretédues <sup>dicie.</sup>  
 ne preiudicient aux parties. Et ne pourroit  
 cela en tout empeïcher l'interest, tant de  
 ceux qui sont offensez, & qui iustement s'y  
 opposent, que de quiconque en a la droict.  
 Ny mesme quand ils seroient presens, & ne  
 protesteroient a l'encontre, pour n'estre (&  
 par la loy mesme) *besoing de protestation*, pour <sup>l. crime</sup>  
*infirmier vne actiō qui de soy est nulle.* Et suffit de <sup>ff. de pi-</sup>  
 ny dōner cōsentement. Et par ainsi, d'autant <sup>gnorat.</sup>  
 moins se pourroit il faire, au preiudice de <sup>act.</sup>  
 tant de gens absens, & detenus en captiuité,  
 qui de cœur & d'esprit, i'adiouste d'oblig-  
 ation qu'ils en ont en conscience, s'y oppo-  
 sent. Et si mesme Dauid, pour deferera Saul, <sup>1. reg. 18.</sup>  
 pour le seruir comme Roy, & le recognoi-  
 stre tel, & estant persecuté iniustement de  
 luy, se tenir sur la seule deffensue, voire l'ay-  
 ant en sa puissance, espargner sa personne,  
 protestant de ne vouloir mettre la main sur  
 l'oingt de Dieu, mesme se prosterner deuant  
 luy, & l'appeller son seigneur & son Roy, se <sup>1. reg. 24.</sup>  
 dire vn chien mort en comparaison de luy, <sup>26.</sup>  
 s'y tout cela, dy-ie, ne luy a peu preiudicier,  
 que le droict de la couronne qui luy estoit  
 deuolu, ne luy demeurast, & par la cōfession  
 mesme de Saul son ennemy, a combien plus  
 forte

forte raison, le silence en ceste action, de qui y a interest, & mesme de ceux qui sont absens; ne peut il ny preiudicier a eux, ny seruir au pretendan?

Aussi que pour l'egard de la Saincteté, qui admetteroit ladiète qualité de Roy, voire la profereroit, cela n'importeroit nō plus, pour n'estre cela du faict dont est questiō. N'estāt a presumer, que le iuge eust prononcé, plus que, ce qui seroit demandé. Comme aussi par disposition de droict, cela ne seroit valide. Et comme il a esté dict, il ne fault craindre que les agens en viennent la. Comme aussi ils n'y ieroient receuables, sans ouyr les parties. Et de dire que la simple enunciation attribue droict, moins y a il de raison. Attēdu que par le mesme droict, *Verba enuntiativa non disponunt*. Et moins en vn faict de telle consequence.

*Ne peut estre dict Roy par droict de succession.*

#### CHAP. IX.

**M**AIS que sera-ce, si non seulement le droict est depéry, mais si iamais il n'a esté ny en nature, ny autrement? S'il en est, icy, non comme d'un qui a perdu la veue, ou l'ouye, ou la parolle, mais comme d'un qui ne veit, ne ouyt, ne parla iamais? Et nō cōme d'un, a qui on a osté la vie, mais cōme d'une masse de chair, en qui l'ame n'a esté infuse?

Car ceste nullité se voit, tant par la consideration

l'heredite generalle, de la nature des Royaumes, que par le reglement special, en matiere des successions. La premiere, pour estre simplement abus, que de dire que la succession, quelque part qu'elle soit receue, soit en France, soit ailleurs, lie tellement les Royaumes, ou les peuples, que ce soit vn fondement immuable & necessaire. Attendu, que si bien elle a esté admise, pour l'experience qu'il y a, que les inconueniens en sont moindres, que de l'election, si ne fut-ce iamais pour tant, pour preiudicier au droit de nature, sur le quel est l'electiō. Ny pour y renoncer, ou se lier les mains, au cas que pour le vice & indignité des successeurs, la succession fust nuyable, & l'election necessaire. Cōme celle qui est le fondement, sur lequel la succession subsiste, & aux conditions de laquelle, comprises au contract mutuel, d'être le seigneur & le vassal, & d'être les Roys & les peuples, dōt a esté dict cy dessus, la succession est liée. Voire en telle sorte, que quoy qu'elle semble hereditaire, si est elle plustost electiue.

*Succession  
est electi-  
ue.*

Tesmoin la pratique des Royaumes, ou la successiō a eu le plus de lieu, ou souuēt les plus éloignez ont esté preferez aux plus proches, & les puisnais aux aînez. Voire les familles du tout changées. Tantost pour la maleuerfation de celuy qui doit succeder, tantost pour celle de son pere, tantost pour la minorité d'ans, aultresfois par la seule faueur

du peuple. Et même de ce qu'en recevant & consacrant les Roys, quelques proches en la succession qu'ils soient, si est ce toujours avec quelque forme d'élection. Comme l'expérience l'a montré, tant au Royaume d'Israel, qu'ès Royaumes de Chrestienté, Espagne, Portugal, Angleterre, & particulièrement en France.

3. reg. 1.

3. reg. 12.

2. Par. 22.

2. Par. 23.

Ainsi en Israel; outre ce que Dauid est eleu diuinement; au preiudice de Saül, & de sa maison, Salomon son dixiesme fils, emporte la couronne sur ses aînez. Et en la succession d'iceluy, souuēt est il dict des Roys, qu'ils ont esté constituez par les peuples. Comme Roboam, Azarias, Ioas, Ochozias, & aultres.

En Espagne, depuis l'an 416. que les Gots en chasserent les Romains; de trois races qui y ont esté, iusques a l'an 1240. que la maison d'Austriche y entra, dont la premiere fut des Gots, qui a duré 300. ans, la seconde de dom Palazo, Roy des Asturias, qui dura aultres 300. ans, la troisieme de dō Sancho Mayor Roy de Nauarre, qui a duré 500. ans, infinis exemples se trouuent, non seulement des aînez, mais aussi de tous les enfans des Roys deboutez, & les oncles preferez par les Estats, mêmes lors que la succession y estoit tellement authorisée, qu'elle sembloit hereditaire. Et même depuis Dō Ramiro, quand les fils aînez des Roys commence-

rent

rent a prēdre le nom de Prince d'Espaigne.

Tesmoïn cent ans apres ou enuiron, l'exclusion des enfans de Dom Ordonio 2. qui estoient quatre fils & vne fille, pour raison de leur bas aage, & Dom Fruela leur oncle, eleu Roy en la placē. Et apres le deces d'iceluy, quoy qu'il eust laissē plusieurs enfans, l'aîné du dict Dom Ordonio, au parauant exclus, receua l'Estat.

Tesmoïn l'an 950. Dom Sācho, surnommē el Gordo, frere de Dom Ordonio 3. eleu par les Estats, au preiudice du prince Dom Vermudo, fils aîné dudiect Ordonio, pour estre iceluy de bas aage. *Anib. Merat.* Tesmoïn l'an 1207. Doña Berenguela, mariée au prince de Leō, eleuē Royne par les Estats, & sa sœur Doña Blanca exclue, avec son fils S: Louys, Roy de France, craincte que le Royaume ne vint en la main des estrangers. Et l'an 1276. Dom Sancho el Brauo, déclaré par les Estats, assēble a Segouie, successeur de son pere, au preiudice des enfans de son frere aîné, & suyuant ladiecte declaratiō, couronné l'an 1584. Duquel est descēdu le Roy qui est a present, & les Ducs de Medina celi, descēdus desdicts enfans du frere aîné depostedez. *Caribag.*

En Portugal, Dō Iuan frere bastard de Dō Fernando 1. fut eleu Roy, & la fille dudiect Dom Fernādo (a qui la courōne appartenoit par succession) en fut exclue, pour ce qu'elle estoit mariée a Iehan I. Roy de Castille.



En Angleterre, les exemples de l'election, contre le droit de succession, se trouuent iusques a vingt fois, tant deuant qu'apres la conqueste des Normans. Assauoir depuys l'an 802. que Egbert fut eleu Roy de Bretagne (laquelle il fit appeller Angleterre, lors que que Pepin regnoit en France) iusqu'a la dicte conqueste, dix fois, & dix fois depuys. Dont la derniere escheut en Henry 7. grand pere de la Roynie, qui est a present.

*Polyd.  
Virg.*

*Election  
en France,  
contre la  
Succession.*

Mais sur tout, & particulierement en France, les exemples en sont autant notables que frequens. Et pour ne parler de la premiere race (pource qu'aucuns disent que la succession n'estoit alors bien establee) Pepin premier Roy de la seconde race, entre par election, ses deux enfans Charles & Carloman, furent pareillement eleus apres son deces, a partager le Royaume egallement. Et trois ans apres Carloman venant a mourir, les Estats de France firent le serment du Royaume entier audict Charles, excluant du tout les enfans de Carloman. Aussi par election succeda a Louys debonnaire, Charles la Chauue son quatriesme fils, l'an 840. Audict Charles succeda Louys le Besgue son troiesme fils, par l'exclusion de l'ainé, pour sa maluerfation. Audict Loys, ses deux enfans bastards, Louys & Carloman, par election des Estats, l'an 881. & le fils legitime, qui estoit Charles le Simple, exclus pour son

bas aage. A cès deux succeda Louys le Faye-  
neant, & iceluy depose, fut eleu Charles le  
Gros. Et iceluy aussi depose, fut eleu par  
les Estats Odo Comte de Paris, & duc d'A-  
njou. Et puis iceluy chassé, fut mis en son  
lieu ledict Charles le Simple. Aussi depuys  
fut eleu Hue Capet, l'an 988. & Charles de  
Lorraine, fils de Louys d'oultremer, legitime  
successeur exclus, pour auoir fauorisé les Al-  
lemans. Et sur le fondement, que luy alle-  
guerent les Ambassadeurs des Estats, disant  
*qu'il est permis d'exclure de la couronne, ceux qui en  
sont indignes*, comme du Haillan le recite.  
Et l'an 1110. apres le deces de Philippes I.  
fut Loys le Gros son fils, en danger d'estre  
depose par le peuple, pour le mal talent  
qu'il portoit a son pere. Pour a quoy obuier,  
fut soudainement & sans ordre, par le con-  
seil & ayde de ses amys, couronné, a Orleans.  
Le semblable resmoigne Philippe de Comi-  
nes, auoir esté de la deliberation du peuple,  
pour demettre de la succession Charles 8.  
fils de Loys II. pour la malueillance qu'il  
portoit audict Loys son pere.

Ioinct aux exemples que dessus, la coustu-  
me ordinaire des Roys Chrestiens, de se  
nommer *Roys par la grace de Dieu*. Declarant  
par ceste confession, que si bien la grace  
& la nature, cest adire la succession, s'accor-  
dent ensemble, au tiltre de la Royaulté, si  
n'en peut estre la succession le principal

*Roys par  
la grace de  
Dieu.*

fondement, pour l'emporter cōtre la grace. Et moins encore au Royaume, lequel par speciale prerogatiue, est appellé Treschretien.

Et d'abondant encore, la forme du sacre & couronnement des Roys de France, tant ancienne que moderne. L'ancienne ayant esté, que le Roy de France, venant a estre couronné, faisoit son serment en ces mots. *Je N. par la grace de Dieu, prochain d'estre ordonné Roy de France.* Laquelle ayant commencée a Clodouée, a duré 600. ans, si nous croyons Guillaume de Nangis, & apres luy du Tillet. C'est a dire iusqu'a Loys le jeune. Lequel au sacre de son fils Philippe Auguste, y adiousta les douze Pairs, & beaucoup d'autres ceremonies, pour le rendre plus magnifique. Changeant vn peu la forme du serment, sans rien innouer de la substance. Cōme il se voit aujourd'huy, par le couronnement des Roys. Entre les ceremonies duquel, celle-cy estant expresse, que l'on demande trois fois au peuple, *s'il veut auoir tel pour Roy* (qui est représenter la forme, d'une vraie election) on infere de tout ce que dessus, veu que par ce moyen, le tiltre de Roy est deferé au sacre, & au consentement du peuple, que si bien la succession y a lieu, & y est la tresbien venue, quand rien n'y a qui empesche, si n'en est-ce le principal fondement. Et moins qui puisse deroger a toutes loix,

*Bellefeste.*

*Représentation de l'élection au sacre des Roys de France.*

loix, tant diuines que humaines, & aux iugemens au contraire, comme l'on pretend au iourd'huy.

Et quant au reglemēt special, pour le faict des successiōs, veu que, par la confession des Docteurs, tout droit de consanguinité, cesse au dixiesme degré, on peut iuger quelle est l'infirmité, voire nullité du droit de celui, qui n'est qu'au vingtdexiesme. Car quant a ce que Balde adiouste, que *scilicet regula in familia Borboniorum*, dont quelques vns font vn Achilles, c'est vn trop foible argument, pour vn faict de telle importance. Pour estre cela vne exception sans suiet & fondement ( sans preiudice neantmoins, du merite qui y pourroit estre ) & que ce docteur, quoy que soit qui l'ait emeu, donne a entendre par luy meisme, n'en allegant raison aucune, qu'elle ne doibt estre creüe, & n'y doibt estre eu aucun egard. Et que par me facilité qu'elle est dicté, par la mesme elle doibt estre reietée aussi.

*Droit de succession  
cesse au  
dixiesme  
degré.*

*Exception  
ridicule.*

Ioinct, que quand il diroit a bon eſciant, & quād mesme la chose seroit, il ne le pourroit auoir entendu des Bourbōs heretiques. Veu qu'il ſcauoit assez, que de droit les heretiques sont indignes & incapables des successions. Et partant, que quand bien il seroit a propos, d'en prendre vn de ceste famille, comme les derniers Estatz de Bloys, ny cōtredissent, en tout cas il doibt estre libre, de

choisir le plus vtile, & en qui du moins l'incapacité la plus grande, qui est d'estre heretique & excommunié relaps, oultre tant d'hostilitez exercées contre la France, seroit connuë n'auoir lieu.

*Ne peut estre dict Roy, pour l'obeissance qui luy est rendue.*

# CHAP. X.

**Q**UE si on dict pour conclusion, qu'en fin Henry s'est fait le maistre, que sa prosperité est son tiltre, & l'obeissance qui luy est rendue par toute la France, respondront les Catholiques, oultre que ceste obeissance luy est fort mal asseurée, que si bié il est Roy *de fait*, si ne l'est il pourtant *de droict*, Non plus que celuy qui en l'Evangille est dict en ceste mesme sorte, *Prince de ce monde*. Et tout tant, qu'il y eut iamais d'vsurpateurs sur la terre. Et emploiront en c'est endroict la response de Lucifer a Constantius, qui se targoit de ce bouclier, pour deffendre son Arianisme, & n'appelloit qu'a son espée, & a sa prosperité, pour se faire recognoistre prince legitime. Luy disant ce Prelat, *Que si bien Saul a regné long temps & fait la guerre a Dauid, apres estre reprouué de Dieu, si n'en auoit il le droict pourtant, & ne laissoit d'estre illegitime.* Ne pouuant y auoir de droict, a qui Dieu l'auoit osté, voire donné à un autre, par iugement irrevocable. Et comme de ce qu'il permet regner telles

*Iob. 12.*

*Lucifer  
cont. Cōst.*

*1. reg. 13.*

*15.*

*1. reg. 16.*

*psal. 88.*

telles gens, sont des secrets de saprouidēce, soit pour experimenter les siens, s'ils l'aymēt *Dent. 13.* ou ne l'ayment pas, comme dict l'Ecriture: soit pour seruir de crible a cribler la maison *Amos 9.* d'Israel, ou de pierre de touche, pour reueler les pensées secrettes, & faire parestre au iour, ce qui est caché au dedans: soit (comme dict S. Chrysostome) pour ne laisser les siens sans rien faire de leur part, & pour les exccer, tant a prendre patience, qu'a resister & combattre: soit pour chastier le peuple, ou aultre cause que Dieu sçait, & n'entendons pas, comme il s'est veu sous les Antioches, les Valens, les Iulians, & sur tout sous le detestable Copronyme, autant heureux en ses affaires, qu'il estoit meschant & impie, c'est le mesme qu'on iugera du regne de cestuy-cy, & non pas pour accorder, qu'aucun droit luy soit acquis.

Voire mesme adiousterons, que si bien les perfidies, de ceux qui ont faiēt naufrage, & d'honneur & de conscience, luy en ont faiēt ouuerture, si ne sera il dict pourrant, que ceste tentation soit si forte, que d'ebanler le demeurant, non plus que celle du temps des dessusnommez. Que Dieu ne s'en reserve *3. reg. 19.* tousiours bon nombre, qui ne flechiront deuant Baal. Et que si bien par les trous de ce crible, passe toute la poulriere, des ruynes de la maison d'Israel, secouēe & ebranlée, comme *Amos 9.* dict le Prophete, Dieu n'en reserve pourtāt

*Psal. 50.**2<sup>e</sup> Cor  
Vitic. lib.  
2.*

les pierres, dont la moindre ne tombera par terre, pour rebastir vn iour les murs de Ierusalem. Et si par le mesme crible, tout le menu grain se coulle, comme Dieu montra en vision, declarant l'estat de la persecutiō de l'Affrique, sous Hunerich Roy des Vandalles, qui contrefaisoit le Catholique, pour le moins il n'en demeure vn petit tas, pour seruir a l'a-  
uenir de semence, & faire reuiure l'Eglise.

*Heretiques deputez a la mort par droict diuin & humain.*

## CHAP. XI.

*Exod. 20.  
Num. 25.**Iud. 3.**3. reg. 18.  
2. Mac. 2.**Iudith 13.**Iud. 4.*

**M**AIS pour ce que ce n'est assez de dire, que Chastel n'a voulu attaquer vn Roy, ains vn qu'il sçauoit n'estre, ny ne pou-  
uoir estre Roy, si on demande quelle iustice neantmoins, d'attenter a sa personne, veu que la loy deffend l'homicide : ie demande-  
ray aussi alors, pourquoy loué Phinées, & ap-  
prouué de Dieu, pour auoir enfoncé d'vn  
mesme coup le paillard Israélite, & la pail-  
larde Madianite Pourquoi Aiod, qui tue le  
tyran Eglon, Roy des Moabites, & luy met  
la dague dans le ventre ? Pourquoi Elie, qui  
tue les faux Prophetes ? Pourquoi loué Ma-  
thathias, qui tue l'idolatre Hebrieu, & le  
sergent ou officier du Roy, qui le contrai-  
gnoit a ceste impieté ? Pourquoi louée Iu-  
dith, qui tue Holofernes ? Pourquoi Iahel,  
qui tue Sisara, & luy fiche vn clou dans la  
teste



reste? Pourquoy canonisées telles executions & louées publiquement par l'Eglise, & par les hommes, s'il n'y a dispensation de la reigle, tant diuine que humaine?

Car pour legard du droict diuin la respõce est toute claire, que les commandemens superieurs derogent aux inferieurs, ceux de deuant, a ceux d'apres, & la premiere table a la seconde, & a tous les commandemens en general, celuy qui est le premier de tous. Qui appartient a l'honneur de Dieu, qui est par dessus le Sabbath, & aupres duquel il n'y a pere, ny mere, Roy, ny maistre quelconque, comme il est porté par texte expres de l'Ecriture.

Mat. 12.

Mat. 23.

Que suyuant cesté regle, si bien en general il est defendu de tuer, si ne laisse cela d'estre permis, en certaines sortes de personnes. Et en deux entre les aultres, qui sont les heretiques & les tyrans. Mais plus encore, quand les deux sont ioincts ensemble. Car pour legard des premiers, Celuy (dict l'Ecriture) qui ne voudra obeir au prestre, qu'il meure par decret du iuge. Car par celuy qui desobeit au prestre, il fault entendre l'heretique. De mesme elle commande ailleurs, de tuer les Cananeans, Iebuseans & Amalecites, & Dauid dict Je tueray de bon matin tous les pecheurs de la terre, pour exterminer de la cité du Dieu, tous ceux qui operent iniquité. Voire que qui en espargne vn seul, sa vie respon-

Deut. 17.

Deut. 25.

Psal. 100.

dra

1. reg. 15.  
3. reg. 20.

2. Par. 25.

dra pour la sienne, cōme il s'est veu en Saül espargnant Agag Roy d'Amalec, & en Achab, espargnant Benadad Roy de Syrie, suyuant quoy na esté pardonné, mesme aux Roys de Juda, tesmoin le Roy Amasias, mis a mort en Lachis, pour raison de son Apostasie. Et on scait que tous ceux la tenoient le reng d'heretiques.

Mat. 7.  
Iob. 10.

Ainsi au nouveau testament, l'escriture qui nomme les heretiques, du nom de ce qui doibt estre mis a mort, les appellant tantost *Loups ravisans, vestus en habits de brebis*, tātost *larrons & brigans*, mōtre par mesme moyen, que l'engeance en doibt estre exterminée.

Conc. Cal.  
Act. 1.

Iob. 15.

Hier. ep.  
ad Cresiph.  
cont. Pelag.  
Leo  
ep. 93.

Quant au droict humain, tant canonique que civil, le Concile de Chalcedon, qui condamne Eutyches heretique au feu, & par consequent en luy tous les heretiques, pour accomplir le mot de l'Evangille, *que la branche qui est separée du tronc devienne seche, & brule*, nous y servira de garend, ce que S. Hierosme, & S. Leon Pape tesmoignent, que Priscillian heretique, & quelques siens disciples, ont esté mis a mort, par le glaive des loix publiques. Pareillement aussi les loix des Empereurs Theodose, Valentinian, & Martian, qui condamnent les heretiques d'estre executez a mort. Et ce que S. Augustin escrit, que les Donatistes appelloient pour ceste raison les Catholiques, *massac-reurs des corps*, ce qui n'eust esté, sinon pour la

Lib. 1. cōt.  
ep. Parm.  
c. 7.

coustu-

coustume, qui dessors estoit, d'executer les heretiques, par le glaive materiel, comme le mesme docteur dict ailleurs. Laquelle loy mesme il a approuée, pour les fructs qui en sont venus. Quoy qu'au parauant il en eust esté d'opinion contraire, que depuis il a retractée, comme au parauant luy S. Basile, pour le faict des Apollinaristes. Et la pratique qui en a esté depuis, au Concile de Constance, en la personne de Iehan Hus, & Hierosme de Prag. Et de nostre temps par toute la Chrestienté, & specialement en France. Voire mesme parmy les heretiques. Temoin Calvin, qui en ceste qualité ht brusler Seruet a Geneue.

Et pour ce que la conuersion de quelques vns, a donné suiet a l'Eglise, de moderer au cunemēt ceste rigueur, il est dict particulièrement des relaps (qui sont reputez incorrigibles, & tels iugez par la loy) que sans leur donner aucune audience, ils seront mis entre les mains du bras seculier, pour estre executez a mort. Car telle est la constitution de Lucius 3. au chap. ad Abolendam. Et depuis d'Alexandre 4. au chap. Super eo. & depuis du Concile de Narbone, cōtre les reliques des Albigeois, par les Euesques & Prelats de France.

lib. 2. cōt.  
lit. Petil.  
c. 92. 97.  
99. &  
100.  
lib. 2. re-  
tr. c. 5.  
Basil. ep.  
137.

Moderation de la  
peine aux  
heretiques  
n'a lieu  
pour les  
relaps.  
Alphonf.  
de iust.  
haer. pun.  
lib. 2. c. 2.  
Cod. de  
Epif. au-  
diēt. l. 3.

Here

*Heretiques executez par les particuliers, si autrement ne se peut.*

## CHAP. XII.

*Deut. 13.*

**Q**UE si l'on dict, que cela se doit faire par l'ordre du Magistrat, & qu'ainsi s'entendent les lieux sus alleguez, on respond, que comme cela est vray; quand les choses sont en lieres, & y a moien de le faire, aussi sçait on, que le cas estant aultre, & la necessité publique le requerant, & speciallement si le proces en est faict, laultre voye y est ouuerte, par l'un & l'autre droit, au premier qui le pourra. Dieu disant en l'écriture, *Si ton frere, ou ton filz, ou ta fille, ou ta femme, qui est en ton sein, ou ton prochain qui est comme ton ame, te veut inciter, disant en secret: allons & seruons aux aultres Dieux, lesquels tu n'as conneus, toy ne tes peres, ne luy pardonne point, & ne luy fay misericorde, & ne le cache point: mais soudain tu le tueras, ta main sera sur luy la premiere, pour le mettre a mort. Et apres la main de tout le peuple, & le lapideras, & ainsi mourra &c.* Suyuant lequel commandement les exemples cy dessus alleguez, de Phinées, d'Aiod, d'Helie, de Mathathias, de Iudith, de Iahel; n'ont esté par forme iuridique, mais a la premiere occasiō, qui s'est présentée a eux.

Aussi que si les heretiques sont *loups & brigans*, comme il a esté dict, dont les premiers

miers se tuent, par le premier venu, & les derniers s'ils se rencontrent de nuit, ou si de iour ils se deffendent de force, selon la loy des 12. Tables (n'y ayant rien plus iuste, que ou la raison ne peut rien, d'opposer force contre force) il sensuit par mesme moyē, qu'il est loisible a tout venant, de mettre telles gens, specialement les relaps condamenez, a mort, quand aultre moyen ne se presente.

*Cic. pro  
Milone.*

Et est ce que l'Eglise veut dire, quand elle declare & prononce telles gens estre *diffidez* (comme il a esté dict cy dessus, des Princes fauteurs d'heretiques, & a plus forte raison des heretiques mesmes) cest a dire condānez & proscripts a la mort, & en qui tout deuoir d'obligation, de respect, de seruice, de iunction, d'amitié, de parenté, de foy promise, ou aultre chose quelconque cesse. Leuant par moyē le scrupule, qui peut est e, au premier qui se presentera, & en pourra vider le monde. Comme executeur du bras seculier, qui n'auroit la main assez forte, & comme faisant acte de iustice, & par autorité publique. Adioustāt encore au Concile de Lateran ce point, *qu'il soit priné de sepulture, & que ses actions soyent rescindées & declaries nulles &c.* Par lequel moyē elle traite le meschant, qui auroit ainsi esté accablé, comme estant executé par iustice. Ou comme la beste furieuse, qu'on a tué parmy les champs.

*Que est  
questre  
diffidé.*

champs, dont on se contente de la peau, & le corps est ietté a la voyrie.

Ioinct pour le ciuil la pratique en tous Royaumes, & speciallement en Frâce. Tefmoin l'Arrest de Parlemét, de l'ã 1560. prononcé par feu Monsieur le President le Maistre, contre les Huguenotz. Par lequel il est permis a vn chacun de les tuer. Et non sans grâde consideratiõ. Pour ny auoir beste plus funeste, que celle qui deuore les ames, ny larron plus pernicieux, que celuy qui pille la foy & religion des hommes. Ny plus veneneux a l'pic, que celuy qui en blandissant, donne droit au cœur. Ny plus dangereux empoisonneur, que celuy qui corrompt les eaux du puy de Iacob (qui est la parolle de Dieu en l'Escripture) comme iadis les Philistins. Et comme l'estoille nommée *Absyntion*, qui rend les eaux ameres, & faict mourir la tierce partie des poissons, c'est à dire des Chrestiens. Car on sçait par experience, ce que dict l'Apostre d'eux, *que leur parolle gaigne comme le chancre*. Figurez qu'ilz sont par les grenouilles, sorties du puy de l'abyfme, & formez au monde de celuy qui est leur Roy, que l'Escripture appelle en Grec *απολλων*, en Latin Exterminans. Comme celuy dont le mestier est de tout gaster & tout perdre.

Et si on dict que cela est pour les Heresiarches, on sçait aussi que les chefs heretiques, tiennent reng d'Heresiarches. Et que  
l'Arrest

L'Arrest ayant esté donné pour l'Amiral Colligny, & ses adherans armez, il peut estre employé aussi pour ceux, qui en vseroient de mesme.

*Le semblable aussi des Tyrans.*

CHAP. XIII.

**Q**VANT aux tyrans, on sçait ce que de tout réps a esté dict & iugé contre eux, tant par le sentiment de nature, que par le consentement des sages, tant Payés comme Chrestiens. Tesmoin par les Payés, ce que si souuent Ciceron en escrit, tant en ses plaidoiez & oraisons, qu'en ses liures de Philosophie. Tantost disant, *qu'il n'y a point de mal:* Offic. 3. tantost, *qu'il est honnesté:* tantost, *qu'il est glorieux de tuer le tyran, quand bien il seroit amy & familial.* Tus. 5. Phil. 2. Tantost, *que tous droicts de nature cessent enuers les tyrans:* & que souuent a rec honneur, les femmes ont tué les maris, les peres les enfans, les amis les amis, & les peuples & Republiques leurs gouuerneurs, mesmes qui auoient bien faict, pour raison de la tyrannie. Tesmoin les loix qui ont esté, tant entre les Grecs, d'eriger des statues lib. 5. Po- a la memoire des tyrannicides, comme dict lit. 6. 10. Aristote, & apres luy Quintilian: qu'entre Quint. les Latins, telle qu'on voit dans Plutarque lib. 7. celle de Valerius Publicola, par laquelle il est P'ut. in Public. permis tuer celuy, qui affecte la tyrannie. Tesmoin la pratique qui en a esté, & les exé-  

G

ples



Valer.  
lib. 2.

ples a ce conformes. Comme entre les Grecs de Timoleon, loué publiquement, pour auoir fait mourir son frere Timophanes, qui affectoit la tyrannie. Et les statues erigées a Harmodius & Aristogiton, pour auoir voulu deliurer le pais de la tyrannie. Et entre les Latins, ce qui s'est passé a Rome, contre Mâlius Capitolinus, précipité du mesme Capitole, qu'il auoit si brauement deffendu. Et les deux Gracches, Tyberius & Caius. Et a Syracuse contre Calippus & Tyndarides, pour le mesme crime de tyrannie.

Seff. 15.

Et pour l'egard des Chrestiens, quoy que le Concile de Constance, ait avec raison cōdamné, ceux qui di'ent, *Que tout tyrā peut estre tué, par tout vassal, quelque qu'il soit, & mesme contre la foy iurée, & sans ordonnance publique,* & ce tant pour l'abus, qui pourroit estre (cōme dict Alphonse de Castro) que tout ne fut rempli de meurtres, de maris par les femmes, de peres par les enfans, de maistres par les seruiteurs, & de seigneurs par les vassaulx, sous couleur de dire qu'ils seroiēt tyrans, comme aussi pour euitier l'ouuerture aux periures, que ceste proposition semble faire: si ne laisse pourtant le droict de Nature de subsister, pour les tyrans inuaseurs, ou qui se bandēt cōtre le bien public, & specialement de la religion: & qui sont recognuz pour telz, & eniers qui toute obligation est de droict de fait leuée. Entendant par la religion,

Alph. cōt.  
Heres.  
verb. tyr.  
vanus.

religion, non vne telle quelle inuention, ou  
nouuelle perfidie, introduicte de puis trois  
iours, telle que se forgent les heretiques, ains  
la seule veritable, c'est à dire Catholique, A-  
postolique, & Romaine. A laquelle s'opposer,  
ou en quelque sorte nuire par le Prince, est  
vne autant vraye tyrannie, comme de cha-  
ssier les heretiques, est œuvre essentiellemēt  
Royal. Partant aussi œuvre juste, de mettre  
telles gens à mort. Tesmoin ce que dict le  
Pape Honorius, *quel homicide n'est point peché, In Psal. 5.*  
*quand il se fait pour venger le peuple de Dieu.*  
Et ce que Lucifer soustient ouuertemēt, estre  
faisable en la personne de Constantius, a *Cont Cost.*  
l'exemple de Phineés & Mathathias. Et la  
resolution conforme sur cest article, tant des  
Theologiens, Lyranus, Caietan, Soto, Syl-  
uester, Humus, & aultres apres S. Thomas, *Lyr. in 31.*  
que des Iuriconsultes, comme Fernandus *Num.*  
Vasquius, Couarruias & aultres, voire  
mesme sans toucher le fait de la religion. *Couarru.*  
Disant tous d'yn mesme accord, *disp. de*  
*Matrim.*  
re de tyrans, qui s'vserpent par armes, ou aultres *4. num. 6.*  
voies iniques, vne seigneurie iniuste, & ou ils n'ēt *Fumus in*  
droict, & ou il ny a recours a aucun superieur pour *armil.*  
en auoir iustice, ny aultre moyen d'oster la tyrannie. *Caiet. 2.*  
il est loysible a vn chacun du peuple, de la tuer. *12. q. 64.*  
Voire adioust Caietan, par poison & predi- *13. q. 3.*  
toirement. Et S. Thomas pour c'est egard ius- *Th. 2.*  
tifie le dire de Cicerō, cy dessus allegué en *sent. dist.*  
ses liures des Offices. Adioustāt pour raison, *ult. q. 2.*  
*ar. 2. ad*  
*ult.*

Que d'autant que le tyran a guerre iniuste, contre  
 vn chacun du peuple, en general & en particulier,  
 & que tous au contraire ont iuste guerre cōtre luy,  
 pourtant peuuent contre sa personne, ce que le droit  
 de guerre permet, contre vn vray ennemy. Et si  
 ainsi on le tue, que cela est par authorité, non priuée,  
 mais publique. Vn chacun seul & pour le  
 tout, en estant faict iuste & legitime execu-  
 teur. Le mesme est il de Gerson, Chancelier  
 de l'vniuersité de Paris, lequel ayant esté  
 audict Concile de Cōstance, dont il n'a peu  
 ignorer l'intention, ne faict difficulté, au  
 traicté qu'il a faict, de *decem considerationibus*,  
 ne *fatuis adulatorū decipiantur erraribus*, d'em-  
 ployer contre les Princes violens, & qui de  
 faict sont iniurieux au public, la maxime na-  
 turelle, que *vim vi repellere licet*. Et ce que  
 dict Senecque en ses tragedies.

par. 4.  
 li. 1.

En l'Her-  
 cule fu-  
 rieux.

*Sacrifice plus grand, plus grs, & authentique*  
*Ne peut on faire a Dieu, que d'vn tyran inique.*  
 Et que diroient ils donc, d'vn qui opprime  
 la religion, & qui luy est du tout contraire?

Les heretiques mesmes, quoy qu'ils chā-  
 gent de discours, selon la marée de leurs af-  
 faires, & selon qu'ils ont vn Prince, qu con-  
 traire ou favorable, en ont remply leurs li-  
 ures. Tesmoin l'autheur des questiōs, sous  
 le nom de Iunius Brutus. George Buccha-  
 nā en son liure, de *iure regni* &c. Ou il met le  
 tyran au nombre des bestes cruelles, & qui doit  
 estre traicté de mesme. Bodin aussi en sa Re-  
 pub.

li. 2. chap.  
 3.

pub. qui condamne le tyran vsant de violence, a passer par la loy Valeria, qui ordonne telles gens estre executez, sans forme ne figure de proces. Et en consequence, les executions, que sur ce discours ils ont faictes, sur la pluspart des nobles en France, en Escosse, Angleterre, & Allemaigne, par le conseil des Ministres, sous couleur de les dire tyrans, pour ce qu'ils estoient Catholiques. Et sur la personne mesme des Roys, comme de Charles 9. Et sur tout le panegyrique de Beze, qui canonise Poltrot, & en faict vn saint, pour le meurtre par luy commis, en la personne du grand François de Lorraine, Duc de Guyle, que sur tous ils qualifioient tyran. N'y ayant pour c'est egard, difference d'entre eux & nous, sinon pour la particuliere determination du tyran, pour sçauoir qui l'est ou ne l'est pas. Qui est autāt ridicule de la part des heretiques, fondez qu'ils sont sur leurs songes & nouueaultez, comme de la part des Catholiques, immobiles qu'ils sont en la ferme pierre de la creance de l'Eglise, elle est vraye & infallible.

*Cruantez  
des hugenots sous  
couleur de  
se bander  
contre les  
tyrans.*

*Seuls Catholiques  
determinent  
vrayement  
le tyran.*

*Et plus pour le Tyran & heretique ensemble.*

### CHAP. XIIII.

**Q**UE s'il est ainsi, a prendre l'heretique & le tyran a part, combien plus quand les deux sont ioincts ensemble? Quant le veau d'or est couronné, & l'impieté mise

anthrosme? Quand le mechant est armé,  
 & le furieux a le glaïue? Ou pour mieux dire  
 quand le milan a les griffes, le vaultour son  
 bec, le loup ses dents, le taureau ses cornes,  
 le serpent son dard, le dragon son venim, le  
 sanglier son croc, & le lyō ses dagues? Quāt  
 soubs mesme toict on voit le Renard, & le  
 Lyon ensemble: le Renard d'heresie, & le  
 Lyon de tyrannie? Comme cest vnabus de  
 dire, que la ou l'heresie & la souueraineté  
 sont ensemble, la tyrannie n'y soit pourtant  
 Veule tesmoignage authērique des Apōstres  
 en S. Clement, disant en termes expres: *Que*  
*le Roy impie n'est plus Roy, mais tyrān.* Et cē tāt  
 pour cē que le droit ne peut estre iōinct avec  
 l'impietē, que pour estre assez cōnūe par  
 eux, la nature d'icelle. Laquelle estat en au-  
 thorité, ne se peut contenir, qu'elle ne pro-  
 duise les fruits, de celuy qu'elle a pour pere,  
 & qui des le commencement est homicide.  
 Et que diroient ils d'vn, en qui l'impietē  
 & tyrānie, sont assemblées en toutes sortes,  
 & au plus hault degré qui puisse estre?

Car si l'impietē y est patente, comme il a  
 esté monstré cy dessus, la tyrannie ne l'y est  
 moins, en quelque sens que le tyran se pren-  
 ne, soit de droict soit de faict, comme di-  
 sent les Docteurs. Cest a dire, ou pour estre  
 iniuste inuaseur, ou pour estre inique ad-  
 ministrateur, comme icy tous les deux se  
 voyent.

Const.  
 Apost. lib.  
 3. c. 2.

Iob. 1.

Tyrannie  
 en tout  
 sens.

Le

Le premier, par l'usurpation par luy faite, de la couronne qu'il pretend, par force d'armes; contre l'autorité des loix, tant diuines que humaines. Par lesquelles, tât de droit que de fait, & par iugement expres, il en a esté exclus, comme crimineux de leſe Maieſté diuine & humaine, au premier chef, comme a esté dict cy dessus.

Et le dernier, par les actions tyranniques, & persécution ouuerte, contre les catholiques; tant Ecclesiastiques, prestres & Eueſques, que laïques, qui n'ont fait son party. Opprimez en leurs biens, vies, liberté, honneur, familles: par bannissements, prisons, executions a mort, tât secrette par poisons, comme il a esté dict, que violente & sanglante, telle qu'on a veu depuis qu'il est en regne, tant a Tours, qu'a Paris. Ou ne se trouue, qu'on ait fait le proces a vn seul heretique, ny a d'autres que de la Ligue. Sur lesquels seuls ils employent le temps, comme si ils n'auoient, aultre chose, ny en l'ame ny es mains. Et par l'imputation de crimes, tels que sont les deux reseruez, par l'edict de la trahyson de Paris, qui n'ont seruy que de voile, pour couvrir telles iniustices, & vindiſtes manifestes, & pour leur donner couleur, soit que l'accusatiō soit vraye, ou faulſe. Dont le premier est de ceux, qui auroient attenté a la personne, tant du ſeu Roy, que de luy. Comme si la mort du ſeu Roy luy

Et de  
fait.

Reserua-  
tion de  
faits pour  
couvrir la  
tyrannie.



touchoit si fort au cuer, dont il a monstre  
l'allegresse par les lettres aux Suysses, du 18.  
Aoult, 1590. disant (parlant du Roy) *Que*  
*Dieu l'auoit vangé de son vieil ennemy.* Comme  
aussi il luy auoit faict la guerre. Et comme  
s'il n'estoit tout constant, que comme ceste  
mort n'a esté par conseil humain (comme a  
esté dict cy dessus) ainsi ce n'est qu'un feint  
pretexte, pour iustifier les cruaultez, qui de-  
puis sur ce suiet ont esté executées. Et pour  
l'egard de sa personne, comme si l'on de-  
uoit dire crime, ce que le droict de nature &  
de la guerre permet, voire exige, contre  
un ennemy ouuert, & le plus capital du  
monde. Et comme s'il y auoyt aucun hom-  
me de bien, & du party Catholique, qui ne  
l'eust deu desirer faire. Et neantmoins cest  
la dessus, que l'on pend & execute, que l'on  
tire a quatre cheuaux tant prestres que lai-  
ques. Quelque faulseté qu'il y ait en l'accu-  
sation. Si non de la volonte commune, qui  
ne deuant manquer en personne, est pour  
faire a tous le semblable, qu'au prieur des

*Prieur des  
Iacobins  
sur quoy  
executé.*

Iacobins de Paris a Tours, duquel la con-  
fession seule, de l'allegresse qu'il auoit eue  
de la mort du feu Roy, comme tous autres,  
seruit de charge suffisante, pour suppler a  
l'infirmité des raux tesmoins, & luy faire  
endurer le supplice.

*Pretexte  
de la mort  
de Brissot*

L'autre est de la mort de Brissot, presi-  
dent a Paris, que lon couloure du nom ge-  
neral,



neral, des iniures faictes a gens du mesme party. Comme s'ils estoient toucieux de venger ceux de la Ligue, qu'ils voudroient estre tous morts. Ou comme si Brissou en eust esté. Ou comme si ses intelligences & trahisons, contre le party Catholique, & entre aultres de l'attentat, a corrompre les garnisons, l'an 1590. & du iugement inique, en faueur dun trahystre decouuert, & suffisamment conuaincu, donné l'an 1591. n'estoient claires comme le iour. Oultrel'impureté & scandale, de celuy dont les faulsetez, les coups & rapines, & toutes sortes de corruption, qui le rendoient aultant dangereux, que son esprit estoit grand, sa doctrine consommée, & sa qualité honorable, crioient vengeance deuant Dieu. Pour lesquelles les mesmes iuges, qui seignent s'en formaliser, & mesme le President de Harlay, des long temps au parauant, au lieu de Barnabas, qui estoit son nom, l'auoient nommé Barabbas. Et notamēt des dernieres, & faictes de fresche memoire, pour lesquelles l'action estoit preste, & le gibet infallible. Ou comme si le seul excès de la forme, n'estoit excusable, en vn peuple iustement irrité, & qui apres tant de mespris, en ses tresiustes plaintes, apres tant de denis de iustice, par ceux qui estoient tenez de la faire, & parmy tāt de dangers, ne sachāt a qui auoir recours, ny mesme a qui se fier, y a esté porté de force & necessité,

*pour excuser les Catholiques.*

*Brissou  
President  
quel.*

*Exces de la forme en la mort du President Brissou excusable.*

nécessité, plus que de la volonté, & comme si n'é deuoit estre la coulpe imputée a ceux, qui par faulte de iustice, ayant cause le desordre, l'ont acheué par vn aultre, trop pire que le premier, & qui n'aura iamais d'excuse. Et au fort, comme si l'abolition qui en auoit esté faicte, & verifiée au Parlement, n'eust deue estre maintenue. Brief en tout, comme si cela n'estoit vn piege, pour atträper les Catholiques, & en quelque sorte que ce soit, en diminuer le nombre.

Considérez me me les circonstances, des iugemens qui s'en sont faicts. Se donnant du platir, d'en mettre seize pour vn iour, sur la rouë en effigie, & douze a la portence, pour renenir, avec les quatre du 4. Decembre 1591. au mesme nombre de seize, & ainsi se moquer des seize, qu'ils auroient penduz & rouez. Deussent ils pour remplir le nombre, prendre ceux qui n'en pouuoient mais. De me me que iadis Caligula, par faulte de condamnez, pour ietter aux bestes, faisoit prendre des premiers, que l'on trouuoit au theatre. Dont ils ont esté c<sup>on</sup>traincts depuys, par la constante verité, le dedire de quelques vns, & casser le iugement. Voire aussi iusqu'a mettre du nombre, le pere religieux, qui confessa Brisson a la mort, lequel sur ce seul suiet, ils ont condamné a mourir. Cés dignes qu'vn iour a leur mort, il n'y ait prestre ny clerc, puis qu'ils se rendent les

bour-

Nombre  
de seize  
aff. & e  
aux Inge-  
men.

Dion in  
Calig.

Condem-  
nation a  
mort, de  
celuy qui  
a confessé  
le p<sup>er</sup>et.

bourreaux, de ceux qui font cest office. Car que peur-rais vn confesseur, de la mort de celuy qu'il console, & duquel il cherche le salut? Ou quelle charité enuers le deffunct, d'oster la vie temporelle, a qui s'est mis en deuoir, de luy sauuer l'eternelle?

De mesme est aussi le beau pretexte, de la commiseration de la veue; qu'ils enflent comme vne balle, de la substance de tant de pauures, ou comme dict l'escriture, *des cachez de Dieu*, qu'en fin elle en creuera, Et des larmes de Crocodil, d'une Lamie insatiable, qui contrefait la dolente, pour la chose du monde, que plus elle desiroit. Et dont ils font montre en public, comme d'une Portie enuers Brutus, d'une Cornелиe enuers Gracchus, d'une Artemisie enuers Mausolus, luy composant de beaux escrits, qu'on a fait en son nom voller par la France. Elle qui hayoit son mary, qui n'en pouuoit dire bien, ny ouyr dire a vn aultre, qui n'auoit plus grand plaisir, que de luy faire deplaisir. Comme si l'on ignoroit, les riottes qui estoient entre ces deux, qui ne se voioient iamais, & ne pouuoient viure ensemble. Qui faisoient menage a part, l'un aux champs, l'autre a la ville. Dont ceste fidelle espouse remplissoit la maison d'adulteres & incestes, abusant de celuy mesme, a qui elle auoit abandonné sa fille, & du fait de qui, elle la scauoit estre enceinte. Qui estoit le prieur

*Pretexte  
de la veue  
sue Briffon  
ridicule.  
Psal. 16.*

curé de Longpont, & au lieu mesme du monastere. Et le mary plaidoit & informoit a l'écontre. Et se plaignant a quelques vns, des trauerses qu'il en receuoit, qui n'estoient que trop connues, & dont le scandalle estoit public, comprenant en vn mot la petulance, tant de langue que d'impudicité, de celle qui le tormentoit, ne faisoit difficulté, de l'appeller vne chienne. Vlant de ces propres termes. *Ceste braque me faict mourir. Ce sont des traitts de ma braque.* Ou cōme si on ne scauoit, quelle est ceste gelodacrye, d'une femme qui pleure au dehors, ce qui la faict rire au dedans. A qui l'odeur des condamnations, sert d'oignons & de fumée, comme iadis aux femmes nommées *Prasica*, pour ploter les funeraillies de celuy, dont la mort luy est trop plus chere que la vie. Et dont elle se festoye, comme d'un porc en saloir. Semblable a ceste vieille nommée *Acco*, qui a donné le lieu au prouerbe *Akkezcin*, qui faignoit ne vouloir pas, ce que plus elle vouloit: & auoir regret de ce, dont elle eust esté bien marrie, qu'il en eust esté aultrement. Ou plustost a ceste *Babylon*, enyurée ensemble du vin de ses paillardises, & du sang des gens de bien, & qui pourtant ne laisse cōme le feu, la mer, & l'enter, dire tousiours, *Apporte, apporte.*

Car voyla les couuertures, dont la tyrannie se deguise, tant qu'icelles estant fallies, & ren-

*Gelodacrye de la  
refue  
Briffon.*

*Apoc. 17.*

& rendues inutiles, on'vienne simplement & a l'ouuert, a tirer la religiō en crime. Cōme le commencement s'en est veu, par le silence imposé aux predicateurs, par la violence faicte aux 'escholles, mesmes de la Sorbonne, par l'obseruation quel'on faict, de ceux qui sont les plus deuots, & par la cōfiscation mesme de biens, & adiournemens a troys brieſs iours, de quelques vns des Catholiques, faict depuis en ce mesme mois, sur ce simple suiect, ( faulte d'autre ) d'auoir esté au conseil des seize, & assisté aux predications de la Ligue.

*En Iulles*  
1595.

Ce que tout bien considéré, on peult veoir si c'est merueille, qu'un Francois s'eschauffant du zele d'un Aiod, d'un Phinées, & de tant qu'il y en eut iamais, qui pour le zele de la religion & du peuple, ont attenté aux tyrans, ait entrepris de faire un coup, aultant comparable a tous ceux la, que le suiect en est plus grand, en toutes sortes & manieres.

*Raisons & vtilitez particulieres de l'enterpriſe de Chastel.*

#### CHAP. XV.

**E**T si tout cela ne suffit, n'eust manqué a Chastel le fondement de l'vtilité publique, tant spirituelle que temporelle, tant de religion que d'estat, qui eust reussi de ce coup. Premieremēt, pour oster l'Anatheme  
de

de la France, comme iadis du peuple d'Israel par la mort du sacrilege Achan, & du paillard Zambri, avec la paillarde Madianite. Dont l'une, & l'autre appaisa l'ire de Dieu, & remit les enfans d'Israel, au cours de leurs premieres victoires. Dieu ayant dict pour le premier, *qu'ils ne pourroient plus subsister, denant leurs ennemis, & qu'il ne seroit plus parmi eux, tant qu'ils eussent fait mourir celui, qui en estoit coupable.* Et de l'autre, que Phinees auoit appaisé son courroux, *assin qu'il n'exterminast Israel.* Ce que d'autant plus doibt icy auoir lieu, qu'il n'y a rié de comparable, ny au paillard Zambri, a l'adultere & incestueux, corporel & spirituel, & qui en fait profession notoire: ny au sacrilege Achan, a celui dont les sacrileges de toutes sortes, sont connus a tout le monde. Et que partant il est plus requis de se preualoir cōtre celui, qui traine apres soy tant de malencontre.

Plus aussi pour couper broche, a l'establisement de long temps proietté, & qui tous les iours s'auāce, d'un bastard notoirement adulterin & heretique: engēdré, cōçu, nay, nourry, & eleué en l'heresie, & parmi les heretiques. Et garentir par mesme moyen, le Royaulme de France, des menaces de Dieu, prononcées par le Prophete Amos. *Voicy (dit-il) les yeux du Seigneur, sont sur le Royaume qui peche, & il le brisera du my-lieu de la terre.* Consideré, que n'y ayant plus, souuerain moyen,

Iosue 7.

Num. 25.

2.

Amos 9.



moyen de faire pecher vn Royaume, que d'establiſſir en ſouueraineté vn hereſique & ſchiſmaſique, tant pour raiſon de l'hereſie & du ſchiſme, que pour les impuretez & enormitez, qui ordinairement ſuyuent l'vn & l'autre, & dont l'experience ſe voit en France, par les Simonies, inceſtes, abus des biens d'Egliſe, & renuerſement de tout ordre & diſcipline Eccleſiaſtique, depuis ce regne pretendu, ne pouuoit auſſi ce malheur eſtre mieux diuertie, que luy en coupant la racine, & oſtant celuy, qui eſt l'aſtre principal, qui domine en ceste influence.

Plus pour deſtruire le corps du peché, qui deia ſeroit formé en France, tant par les hereſies nouuelles, oultre le Caluinisme, que par la corruptio generale des bones mœurs, en toute eſpece de vice. Quant aux hereſies, telles que ſont celles cy. 1. *Qu'un heretique relaps, & notamment excommunié du S. Siege, ne perde le droit de la couronne.* 2. *Que tel eſt Roy legitime, donné, & ordonné de Dieu.* 3. *Que l'Egliſe ne le peut priner de ce droit, ny les Eſtats, ny generallment les Princes, de leurs dignitez ou Royaumes, pour crime ou hereſie quelconque.* 4. *Ny absoudre les ſuiets, de l'obeiſſance & fidelité a eux deuë.* 5. *Qu'il ſault reſiſter a tels iugemens, & qu'ils ne obligent en conſcience.* 6. *Qu'il ne ſe ſault enquerir des actions, ny de la conſcience de ſon Prince.* 7. *Que la Loy Salique ne peut eſtre reglée & modifiée, par la religion Chreſtienne, pour aſſeruiſſer.*



*astreindre le Roy a estre Catholique. 8. Qu'un heretique est par la grace de Dieu Chrestien.*

*9. Qu'il n'est loysible de resister a un prince heretique.*

*10. Qu'un Roy Catholique peut permettre deux religions en son Royaume.*

*11. Qu'il ne fault punir les heretiques, ny les contraindre par force a estre Catholiques.*

*12. Qu'il fault prier mesmes pour les excommuniez, tant vifs que mors, & publiquement en l'Eglise, & y doibuent les gens d'Eglise estre contraincts, sur peine de vider le Royaume.*

*13. Que les confessions se peuuent reueler, pour le bien de la iustice.*

*Et autres telles propositions, non au parauant ouyes en France.*

*Lesquelles nouuellement escluses, selon que la passion les a conceuës, ont trouué*

*aussi tost autorité, en la bouche tant des Ecclesiastiques, que des Parlemens en France.*

*Et trouueront de plus en plus, tant que ce regne durera.*

*Pour raison desquelles, le*

*psal. 80.*

*pauvre Ioseph est reduict en seruitude, & oyt un langage qu'il n'entendoit poinct, & que ses peres ne luy ont poinct appris.*

*Et quant aux mœurs, pour repurger tous Estats, & en otter le vieil leuain.*

*Les Simoniaques de l'Eglise, les volleurs des gouuernemens, les larrons des finances, les*

*corrôpuz de la Iustice, le bordel de la Cour, les Atheistes du Conseil, & de tous quar-*

*tiers l'heretique.*

4.

*La quatrieme, pour diuertir de la France les peines deuës aux pechez, tât de celui-cy,*

*que*

que des siens, que Dieu ordinairement repe-  
te des peuples, qui supportent les meschans  
Princes. Comme iadis du peuple de Iuda,  
qu'il affligea de mortalité, de glaive de fa-  
mine & de bestes, pour les pechez de Ma-  
nasses. Roy de Iuda, comme il est dict en Hie-  
remie. Consideré le iugement de Dieu, par  
lequel, de ces mesmes quatre fleaux, la Fran-  
ce commence au iourd'huy d'estre affli-  
gée. De mortalité, par la peste & contagion  
dans les villes. De glaive, par la guerre & ba-  
tailles perduës. De famine, par le traffic qui  
cesse, comme aussi la recolte en plusieurs  
lieux. Et de bestes par la campagne, qui criët  
& qui deuorent, mesmës aux enuiron de  
Paris. Ce que la Frâce doibt tant plus crain-  
dre, qu'elle a moins d'excuse de sa faulte.  
N'estant obligée a celuy cy, comme Iuda a  
Manasses. Qui estoit Roy legitime, ce que  
celuy-cy n'est. Et fils aîné du bon Roy Eze-  
chias, & non au 22. degré, comme celuy-cy  
de S. Loys. Et qui en oultre, n'estoit cōdam-  
né par iugement special & personel, de l'E-  
glise & des Estats, comme on sçait que ce-  
luy-cy est.

Hier. 15.

Fleaux de  
la France  
comme du  
temps de  
Manasses.

Aussi que ce seroit pour desillir les yeux,  
& oster le scrupule a ceux, qui sous la vani-  
té d'un sermēt, ou promesse faicte a l'excō-  
munie, qui ne les peut obliger, & d'une pa-  
rtion par eux faicte, comme dict l'Escripture,  
avec l'enfer & la mort, s'estiment engagez a

5.  
Vanité du  
serment  
presté a  
H. de B.  
Esa. 28.

H luy

a luy. Et pour faire, que l'obiet n'estant plus, ils se souuiennent au moins alors, du serment qu'ils ont faict au baptesme, tant a Dieu, qu'a l'Eglise: & que si perfidement & damnablemēt, ils auroient depuis violé. Et ainsi le bandeau osté, ils recognoissent leur faulce, & reuiennent a eux mesmes.

6.  
*Captiuité  
des Catho-  
liques par  
la France.*

Pouuoit aussi considerer, le bien qu'il feroit aux Catholiques, tant pour liberer de captiuité, ceux qui sont par les villes de la France, qu'on traueille, qu'on mastine, qu'on observe a tout propos, qu'on priue de la liberté de seruir Dieu a leur aise, & a qui on oste le pain spirituel, iusqu'a violenter les escholles, comme il a esté dict cy dessus: que pour rassembler les dispersions, d'Israël, & de tous ceux qui sont bannis, pour la cause de l'Eglise, faisant que par la mort d'Herodes, Iesus-Christ reuienne, en la terre de Iuda. Comme avec le temps il fera, & plustost qu'ils ne le desirent.

*Mat. 2.*

7.

Et pour n'obmeestre les Politiques, & leur faire part de la charité, pour oster la seruitude de certains de ce nōbre la, qui soy disans Catholiques, contraincts qu'ils sont par leur vanité, d'adorer & le veau, & la genisse qui est sa seur, comme du temps de Iero-boam, se laschent a ceste impieté, que parlant de l'heresie, ou des heretiques, en la presence de l'un des deux, ils disent *la religion*, & *ceux de la religiō*. Et ainsi cōtre leur consciēce,

*3. reg. 13.*

*Seruitude  
impie de  
Politi-  
ques.*

faisant

faisant hōneur a la paillardē, (de mesme que les miserables Anglois, & le Turc Amurath en ses lettres, à celle qu'ils appellent vierge & pucelle, & la terre conquise en son nom, au pais des Indes, Virginie, & qu'ils sçauent estre vne Messahne, & la plus insatiable, que ce siecle ait produit) perdent a credit, ce qu'il y auoit d'huile & de lumiere en eux, infatuent leur sel, & s'engagent d'estre par le iuste iugement de Dieu, & suyuant sa parole, foulez aux pieds comme la botte. Mercur. Gallo-belg. Ioh. 12. Mat. 5.

On adioust, pour deliurer de peine, tant qu'il y a de ceste caballe, que deça, que de là les monts, qui adorent ce Dagon, moitié chair & moitié poisson, comme iadis les Philistins, ou plustost ce Dragon, comme les Babyloniens. Qui courēt apres, comme les petits enfans aux bouilles, voire s'en empeschent, comme d'une poupée, pour luy faire leurs presens, & vuiden en faueur de luy leurs bourses. A ce qu'estant iceluy par terre, comme Dagon deuant l'Arche, bras & teste coupée, (car de pieds il n'é auoit point) ou creué, comme le Dragon, par la soupe de Daniel, ou comme la poupée de paste, qui a la col rompu, ils retirent leurs espingles, sans plus faire tant de despens, perdent le sujet de tant de couroux, cōme Cotys apres auoir brisé sa belle vaisselle de terre. Et desistāt de courir au vent, qui les meine au precipice, ils regardent mieux a leurs pieds. Et ce qui est

*Injure  
faicte au  
corps de  
Iesus  
Christ,  
l'approchāt  
de l'extē-  
muniē.  
Psal. 77.*

*1. reg. 6.  
Allegorie  
de l'Arche  
prise par  
les Philis-  
tins.*

la principal, ils aprennent deormais a faire honneur a l'Arche, qui est le corps de Iesus-Christ, tant veritable, au sacrifice de la Messe, que myltique en l'Eglise, aultremēt & plus, que de le vouloir mettre au pres d'une idole, qui n'a de fondement, en matiere de religion, non plus qu'un poisson n'a de pieds. Et s'ils sont frappez au derriere, c'est a dire si la conscience, qu'ils auoient mis au derriere, les point, leur honte estāt descouuerte, qu'ils se hastent, comme les Philistins, qui offroient a l'Arche, la figure de leur derriere en or, de confesser leur peché, faire leur offrande a Dieu, recognoissant l'Eglise estre par dessus l'Estat. Et l'Arche estant mise sur un chariot neuf, c'est a dire entre les mains de gēs d'Eglise renouuellez, & d'une toute aultre vie, que leurs courtisans Simoniacles, ils la renuoyent, pour estre tirée, par les vaches, qui oublient leurs veaux, c'est a dire pour estre conduite par les Catholiques, qui sçauent quitter femmes, enfans, & tout cē qu'ils ont, pour leur religion. Et deussent ils estre sacrifiez eux mesmes, pour aller en Bethsames, c'est a dire a la maison du Soleil, qui est Dieu, & la ou le spirit de Dieu les guide. Et iugeant par la, comme les Philistins, que l'injure par eux faicte a Dieu, est cause de leur malheur, ils aprennent a luy faire aultre seruice.

*9.  
Esparguer*

Et pour aller plus auant, pour epargner & sauuer le reste du sang François, tant des Princes,

princes, que de la noblesse Catholique, que  
celuy-cy cōtinuera de faire mourir, comme  
il a fait iusqu'a huy. Tescmoin pour les pre-  
miers, le Prince de Condé son cousin, em-  
poisonné par sa propre femme, qu'il auoit  
au parauant corrompue. Tescmoin les deux  
Cardinaux de Bourbon, l'un son oncle, a  
qui appartenoit la courōne, qu'il a fait mou-  
rir en prison. Et l'autre son cousin, qu'il a  
fait empoisonner, & par sa confession mes-  
me, menaçant le frere du deffunct, de luy en  
faire autant, ou plus encore. Et depuis le feu  
Duc de Nemours, contre lequel n'ayant peu  
rien, ny les armes, ny les captiuitéz & trahy-  
sons, recours a esté au venin, pour l'envoyer  
avec les aultres. La mesme aussi se rapporte,  
la condēnation fraischement faicte, cōtre M.  
le Duc d'Aumalle, par le Parlemēt de Paris.  
Et en fera ainsi des aultres, tant proches pa-  
rens luy soyent ils. Tescmoin pour les der-  
niers, le Sieur d'O empoisonné, & son gou-  
uernement de Paris présenté a vn hereti-  
que, qui est le susdict Bouillon. Tescmoing la  
noblesse Catholique, qu'il sçait mettre aux  
hazards des coups, autant accortement &  
brauement, que subtilement il s'en retire, &  
les aultres Huguenots. Comme il s'en ou-  
urit luy mesme, en sa lettre du 15. Mars, 1596.  
au camp de d'Yury, a la Royne d'Angleter-  
re, se glorifiant de n'auoir perdu en la batail-  
le, que bien de Huguenots, mais bien quel-

*le sang  
Francoys.*

*Princes  
mis a  
mort.*

*Noblesse  
Hugue-  
notte  
epargnée,  
& la Ca-  
tholique  
mise aux  
hazards.*



que nombre de Catholiques, qu'il estimoit autant d'ennemis perdus. Quoy qu'il s'en die pourrât, auoir dissimulé grãde fascherie. D'ot la Noblesse Catholique deust ouurir les yeux, pour rougir de honte, & pallir de frayeur ensemble. Voyât le iugemēt de Dieu sur elle & les siēs. De ce que d'ēfāns de l'Eglise qu'ils estoient, ayant puissance, de marcher sur l'aspic & le basilisc, & de fouler aux pieds le Dragon & le Lyon, pour s'estre affermis a celuy, dont ils pouuoient estre les maistres, ils sont deuenus enfāns perdus, pour les enfāns de perdition, & rempart pour les heretiques. Voire sont faicts la lictiere, des cheuaux & mulets de Satan. (car c'est la figure, sous laquelle Dieu montra en vision, a S. Antoine, le naturel des heretiques) & mis au desloubz de l'excrement le plus vil, & le plus abiect, qui soit au monde.

10.

Et par consequent, pour arrester le cours, de ce desesperē Neron, qui faisant bon marché, de ce qu'il a rauy d'emblée, & sçait ne luy appartenir, dict comme l'autre iadis a Rome, apres Tybere.

*Moy mourant, la terre en feu*

*Soit peste mesle en tout lien.*

Sueton in  
Tyb. &  
Neron.

Ou plustost de ce nouveau Abimelech, meurtrier de ses freres, pour sasseurer de l'Estat. Et a ce que la prediction, faicte de luy aux François, comme iadis d'Abimelech, a ceux de Sichem par Ioatham, leur disant, que

Iud. 9.

*c'estoit*



c'estoit la ronce, dont sortiroit le feu, qui brasleroit leur ville (comme depuis il aduint) ne soit icy effectuée de mesme.

Et par mesme moyen, pour descharger la France, de ce dont elle est en peine depuis trente ans, & qu'elle a recherché au pris du sang, de tant milliers d'hommes, qui sont mors a son occasion. Et qu'en tout cas, estât nécessaire d'asseurer la religion, ce qui ne se peut du viuant de celuy, qui est comme la teste du Serpent, qui donne vie a tout le corps, force estoit, comme il est encores, de le briser premierement.

Aussi, que c'est le souuerain expediēt, pour pacifier le Royaume, par vn bō accord, avec sa Sainteté, & le puissant Roy Catholique. Cōtre la force duquel, se vouloir opiniastrer, & en faueur de celuy-cy, est chose autant ridicule, & pernicieuse, s'adiouste aussi, honteuse aux Francois, veu les biens receus de sa Majesté, comme follement, temerairement, au preiudice de l'Estat, & a la ruine certaine & alleurée, de ceux qui le suyuerōt, ce gentil auanturier luy a osé denoncer la guerre.

Et veu que ce n'est a la France, ny aux Catholiques, mais a luy & a ceux qui le suyuent, tant heretiques, qu'adherans & fau-  
 teurs des heretiques, que la guerre se faict, comme depuis ce grand Monarque, l'a expressément déclaré, par ses patentes, il n'y a

discours de raison, qui ne iuge, que le plus court chemin, pour arrester les limiers, ne soit de terrasser la beste, a qui la chasse se fait. Ny ayant rien de plus absurde, que de veoir deschirer la France, pour celuy qui est l'enemy, le rebut, l'anatheme, & le scandale de la France: & vouloir mourir pour celuy, dont la vie est la mort, & la mort est la vie du public, & de la patrie. Et que si l'Elephant quicte ses dens, & le Bieure ses genitoires, pour se garantir de la mort, d'autant plus a d'occasion la France (& tout bon naturel Francoys pour elle) de diuertir ceste guerre, aux despens d'un homme seul, que cest celuy du monde, dont elle a le moins affaire, & qui ne luy sert d'autre chose, sinon de filer a la langue, d'apostume en la chair, de gratelle en la peau, de cor en son pied, de maille en l'œil, de fiebvre au sang, de paralysie aux nerfs, de resuerie en la teste, & de diable en tout le corps, qui la rend ensemble sourde, aueugle, & muette.

14. Et en somme, pour oster la diuision, qui ne fut iamais que funeste a la Chrestienté, entre ces deux puissantes Monarchies. Et l'inuention diabolique, de faire des amis les ennemis, de guerre de religion, guerre d'estat, & de la guerre contre les heretiques & fauteurs d'heretiques, guerre de couronne contre couronne. Comme aussi, pour oster le malheur contraire, de ioinre Catholiques & heretiques

*Diuision  
de France  
& Espagne  
funeste a la  
Chrestien-  
té.*

heretiques ensemble, c'est a dire le feu & l'eau, la lumière & les ténèbres. Ce qui ne s'est veu en Frâce, que sous celuy, qui pour establir & aduancer les vns, ie dy les heretiques, scait si accortement (& neantmoins honteusement, pour les Francois) piper & gourmèder les aultres, quelque seruice & coruée qu'il en tire. Et pour faire, que par vne paix, tant bonne & assurée, qu'elle seroit selon Dieu, selon l'Eglise, & selon les loix de la France, qui si miserablement, ont esté violées, toutes les forces se tournent a la ruyne des meschans, tant heretiques dans le Royaume, & regions voisines, que Turcs & Mahometans au dehors.

Pour faire cesser l'abus, & damnable tromperie, de ceste vaine ressemblance, de ceux, qui se figurant combattre, pour vn Roy legitime & naturel, & mourir au liest d'honneur, s'enseuèlissent en l'execration publique, de Dieu, de l'Eglise & des hommes: au gouffre de la damnation, & ruyne de leurs anies, & perte irréparable, de la vie temporelle, & éternelle. Et a la reputatiō a iamais, & a toute la posterité, d'auoir esté trahystres & infidelles, a Dieu, a l'Eglise, a leur patrie, & a leur propre conscience.

Pour destourner le malheur, & le deshonneur de la France & des Francois, qui est de combattre pour vn heretique, & sous des chefs heretiques, eux qui les

15.

*Tromperie  
damnable  
des Fran-  
coys.*

16.

*Malheur  
& deshon-  
neur des*

*François,  
de comba-  
tre pour  
vn here-  
sique.*

premiers de tous les Chrestiens, ont eu iadis l'honneur de combattre les heretiques, sous Clouis premier Roy Treschrestien. Et que faisant mourir de la main d'un François, celuy qui a deshonoré les François, la honte en fust aussi plus honorablement expiée.

17.

Mais sur tout, pour oster le cours en general, de la perte de tant d'ames, & la pierre de scandalle, qui faict chopper les Francoys: l'escueil, ou ils brisent le nauire de leur conscience: le leuain, qui les corrompt: le malefice, qui les charme: la peste, qui les enuénime: le poison qui les suffoque, le boucon de Circé, qui les fait deuenir pourceaux: l'arbre superstitieux, sous qui ils font leur fornication spirituelle: le veau d'or qu'ils idolatrent, & en tour duquel ils dansent, comme iadis du tēps de Moyse: le Beelphegor ou Priape, a qui ils se sont initiez: le Moloch, a qui ils consacrent leurs enfans: le Baal a qui ils offrent encens: l'ange de l'abyssme qui les infecte, de l'halene de ce trou: la montagne pestifere, qui gaste toute la terre. Brief pour faire d'un seul coup, & sans tant faire de despens, que le Dieu que tant ils honorent, sen aille a l'assemblée des autres Dieux, qui luy ressemblent, c'est a dire des Tyrās, & persecuteurs de l'Eglise, des princes excommuniez, & des Geais duiſts à la guerre, comme parle l'Eſcriture, au manoir qui luy est prepare, des tenebres exterieures, pour y faire son

*Hier. 3.*

*Exod. 32.*

*Num. 25.*

*Psal. 106.*

*4. reg. 23.*

*Apc. 9.*

*Hier. 15.*

*Baruch. 3.*

son

son entrée, comme le Roy de Badylon, & Lucifer long temps au parauant. Et a ce que, comme dict le Prophete, *tout l'Enfer en soit emeu, & tous luy viennent au deuant*, pour luy donner place avec eux. Pour y goulter l'Ambrosie du feu, du souffre, & de la gresle, & du souffle des tempestes, & boire a grands traits le doux Nectar, du fond de la coupe de l'ire de Dieu, & de la lie qui est reseruee a luy, & a la paillarde Babylon, comme il en a fait boire le dessus aux aultres. Et si on dict, que cela est dur, qu'il iuge que c'est misericorde, que le temps luy soit racourcy, a ce que sa damnation en soit moindre, qui plus il vit, plus elle croist. Ny aiant q'une chose a craindre, que Dieu ne veuille perdre avec luy, tous ceux qui sont de sa caballe. Et partant qu'il le reserue, pour tirer avec luy, la suite de tout son brigandaige, comme le serpent son venim, quand il veult mourir, & comme la bosse ou abces pestilēt, toutes les humeurs peccantes du corps. De mesme que iadis Catilina a Rome, que pour ceste raison, le Cōsul Ciceron protesta, ne vouloir faire mourir seul, bien qu'il le tint en sa puissāce. Affin qu'estans tous ensemble, & comme dict l'escriture, *tous les poissons du dragon Leviathan, estans ioincts & collez à ses escailles*, il les enuoloppe tous en mesme ruyne. Pratiq; en eux, ce qui est dict ailleurs, *que leur passion avec l'enfer, & leur alliance avec la mort, seruira pour*

Esa. 14.

Psal. 10.

Psal. 74.  
Apoc. 16.Sallust.  
Cic. 1.  
Catil.Esa. 29.  
Num. 16.  
Esa. 28.

les

Apoc. 14.

les brises . Et que ceux qui ont adoré la beste , & en ont porté l'esgarçe, le fumée de leurs tourmens monte par tous les siecles des siecles , & n'ayent repos ny iour ny nuict , pour auoir adoré la beste , & en auoir porté l'image.

Importu-  
nité faicte  
au S. Siege

Et d'abondant, pour sortir le France , & venir au general de l'Eglise, pour deliurer le S. Siege, tant de l'importunité de ceux qui demandent l'absolution, pour vn qui se moque du S. Siege, que du hazard de l'abus & tromperie intallible, auenant qu'elle se donne.

Artifices  
d'Ambas-  
sades.

Du premier, pour tant d'artifices premeditez, & langages composez, pour noircir ce qui est blanc, & blanchir ce qui est noir, tant par la legation premiere, faicte par le Duc de Neuers, que par la nouuelle, qui se manie. Et de tous ceux, qui a ceste occasion, tant deça que dela les monts, sur le fondemēt de leurs passions, cōuoitises, imaginations, & de leurs cōmoditez particulieres & temporelles, vuides qu'ils sont du zele de l'honneur de Dieu, & de la discipline ecclesiastique, osent entreprendre, de trauerser le S. Siege.

Epist. Iud.

Et pour euitier le scandale, préparé sur le fondement de l'auarice & conuoitise de ceux, qui ayant perdu l'esprit, pour s'estre diuisez eux mesmes, comme dict S. Iude, & quicté leur foy premiere, donnent a esperer d'eux, le mesme que fait Iudas, pour liurer

urer celuy, en la compagnie de qui il auoit eu cest honneur que d'estre . Et que ceux mesmes qui s'en aydent , ne scauront que trop publier.

Du second, pour les moyens de tromper, qui sont tous au suppliant. Sa malice naturelle, son impieté asseurée, & que tousiours il continue . L'obligation qu'il en a , par les maximes d'Estat, qui est la seule religion qu'il suit. Les promesses qu'il en a fait, à tous les heretiques, rât dedans que dehors le Royaume. Ses Conseilliers heretiques, tant Lutherians que Calvinistes, qu'il a pres de luy, & les plus rusez matoyz, qu'il y ait sur le rond de la terre, par qui tout cecy se meine, Vn Parlement a sa deuotion, composé la pluspart d'heretiques, ramassez de tous costez, tant de la Rochelle, que des aultres recources de Geneue, cōme en l'arche de Noë, & aux despens de la bourse commune des Huguenots, qui ont payé les estats. Et le reste de Politiques, ou gens contraincts de les suyure, pour ne s'oser decouurir. Les excuses routes trouuées, & moyens proiectez d'eschapper, par delais sur delais, par excuses sur la guerre, & multitude des affaires, cōme cy deuant de sa conuersion. Par suppositions de cas nouueaux, & accortement inuentez . Et quand tout cela manquera, voire aura esté employé (qui sera autant gaigné de temps) par l'opposition finale, de ceux qui pour le bien

*Moyens de  
tromperie  
& abus de  
l'autorité  
du S. Sie-  
ge.*



bien de l'Estat, allegueront mille raisons, & qu'ils scauront forger a plaisir, comme ils en sont bons inuenteurs, & comme on dict, en ont le mâle & la femelle. Et qui en oultre scauent faire, d'une fourmis vn Elefant. Et deussent ils arrester, sur vn pied de mouche, n'auront faulte de Remores, pour mettre le tout a neant. Et pendant feront leurs affaires, ayant l'une & l'autre corde pour tenir les Catholiques, & d'Estat & d'Eglise, qu'ils feront autât lors sonner hault, que cy deuant ils l'ont deprimée. Iusqu'a ce qu'estans bien establis, ils reprennent leurs erres premieres, plus seuremēt, & avec plus d'effect; qu'ils n'auroient faict par le passé. Que la temerité & arrogance heretique, les a portez inconsiderement, aux excez qu'ils ont commis, de brusser les Bulles & casser les prouisions de Romme, proscrire le Nunce du Pape, faire mourir prebstres & moynes, & aultres tels desordres, qui ont quasi gasté leur ieu: & dōt ils n'ōt eu faulte de reprimende, par les plus auisez & entendus Cōseilliers d'Estat, pour s'estre si fort haltez, auant que d'estre bien ancrez. Et en somme faire avec plus de iugement, ce que la furie n'a sceu faire. S'aydant de l'absolution, comme d'un moyen souuerain, de reprendre leur haleine, & temporer vn peu. Pour seruir de mantelet, a mieux faire leurs approches. Tant qu'estans logez au fossé, & les casemattes prises, leur batterie

estant

*Moyen de  
reparer la  
faute des  
premieres  
furies.*

estant dressée, contre la fort de le religion, ils donnent furieusement dedans, pour s'en rendre du tout maistres. Et pour tout dire en vn mot, pour deliurer l'Eglise d'vne des plus fortes, plus delicates, & plus dangereuses tentations, qui ait esté, non seulement en ce siecle, mais depuis la Chrestienté.

*Tentation  
grande en  
Eglise.*

Et si on dict que c'est deuiner, on scait trop, oultre les actions passées, qui donnent a iuger des futures, comme faisoit le Renard du Lyon,

*Diminatis  
bien son  
cœur.*

*Pour la frayeur, que i'ay des pas qui tournent  
Tous deniers toy, & nuls qui en retournent:*  
ou plustost, cōme dit le Prophete Hieremie. *Hier. 13.*  
*Sil Ethiopien peut muer sa peau, ou le Leopard ses  
taches, tout ainsi pourrez vous bien faire, vous  
qui estes a pris a mal faire: on scait, dy-ie, oultre  
tout cela, ce que peut la malice des ministres,  
quand elle est appuyée d'vne autorité  
souueraine. Comme Cacus de la terre, combattant  
cōtre Hercules. Et qu'il n'y a meilleur moyen,  
pour renger telle engeance de terre, que de luy  
faire perdre pied, de ce qui principalement  
l'appuye. Car si vn seul thresorier Cecil, enfant  
de terre, cest a dire, petit fils d'vn tauernier,  
& dont la mere ne voulut souffrir estre  
appelee Mestris, cest a dire Damoysselle, tant  
que la Royne l'eust fait Mylord, a esté  
suffisant en Angleterre, sur l'appuy de sa  
maistresse, de faire passer la religion  
Catholique, & tout exercice d'icelle*

*Cecil  
Thresorier  
d'Angle-  
terre.*

*Que peut  
la malice  
des mini-  
stres, ap-  
puyée de  
souverai-  
neté.*

*Estranges  
artifices  
de Cecil.*

celle, comme de se confesser, communier, porter chappellet ou grains benis, recevoir ou n'accuser vn prebître, en crime de leze maiesté: d'auoir par tout des espions, contrefaisans les Catholiques, iusqu'a se faire Prebîtres, & dire Messe, qui se coulent de tous costez, tant dehors que dedans le Royaume, pour decouurir les Catholiques, & tirer d'eux, voire leurs plus secrètes pensées: d'attiltrer des delateurs, & faulx tesmoins, entretenus a gaiges, & payez a poinct nommé, pour seruir a discretion: d'inuenter des subtilitez & interrogatoires captieux, pour faire chopper de la langie, & tomber en desordre, les plus innocens de la terre, dont on se veut defaire, & les rendre conuaincus, de ce a quoy ils n'ont iamais songé: de se faire redoubter, par les gens de Iustice, pour les tenir a sa deuotion, & comme chiens en laisse, pour faire courre, cest a dire, condamner qui il vouldra, fustle mesme les Princes, comme il a faict la Royne d'Escoffe: & oultre cela faire mourir de poison, ceux qu'il ne peut auoir aultremét, cōme il a faict le Cardinal de Chastillon Francoys, le Duc de Lenox Escoffois, & dernièrement le Comte de Derby, & sa femme qui estoit enceinte (mais elle reschappa, & son fruit mourut) pour faire espouser sa petite fille, au frere dudict Comte, auquel par ce moyen la succession viendroit. Et par ainsi remuet tout cest

eltat,

estat & y entretenir la tyrannye, que l'on  
sçait & que l'on voit, si vn seul (dy-ie) peut  
tout cela, que feront tant de gens, si accors &  
inuétifs, que feroût dix mil Cecils, qui ne sont  
moins, ny heretiques, ny meschâs, que le Ce-  
cil d'Angleterre, appuyez de ceste souuerai-  
neté, pour suiure les mesmes erres, & les pra-  
tiquér en France? Veu l'expérience que l'on a  
de ce qu'ils scauēt faire, & des cōmencemens  
qui s'en volēt, en toutes sortes & manieres.

Car voyla les raisons, dont Chastel, ou qui  
 que soit auroit peu iustifier l'vtilité de son  
 coup. Et dōt l'effect ne leust trompé, veules  
 exēples qui en sont, & qui l'y pouuoient re-  
 souldre. Absalon l'vsurpateur, & fils indigne  
 d'un tel pere que Dauid, n'est si tost mort, que *2. reg. 18.*  
 le peuple est remis en paix. Holofernés n'a si  
 tost perdu la teste, que le cāp des Assyriēs est *Indib. 13.*  
 en confusiō, & le peuple de Dieu deliuré. Et  
 par la mort d'Eglō, Roy des Moabites, Israel *Ind. 3.*  
 reprēd courage, & se met en liberté. Et cōme  
 on dit, la beste morte, le venin est mort aussi.  
 Car cest la qu'il l'eust deu prēdre, & non aux  
 incōueniēs, alleguez par certains discoureurs,  
 de la mort des Alexandrēs & des Cēsars.  
 Aux remuemens desquels, comme il n'y  
 alloit que de l'Estā, & non de la religion,  
 n'y a aussi rien de semblable, au faict dont  
 est question, ou la religion est tellement  
 engagée. Estāt celle, qui passe par dessus toute  
 consideration d'Estāt, & pour la deffence  
 I de

de laquelle, il faut courir a tout hazard, la teste baissée. De mesme que le serpēt, pour sauuer sa teste, expose son corps a toute playe.

Et comme il n'appartient qu'aux Huguenots, d'alleguer en ce suiet, les Alexandres & les Cæsars, en faueur de celuy, qui est leur Alexandre & leur Cæsar, (& n'a de religiō, nō plus quē ces deux) pour establis leur impietē, ainsi quād il faudroit decider ce faiet, par le poinct de l'antiquité, & des hystoires purement humaines, Chastelauoit assez de iugement, lisant es lettres profanes, les exemples des statues d'Harmodius & Aristogiton, de Sceuola brulant sa main, pour auoir failly Porsena, de l'un & de l'autre Brutus, & de ce qui fut escript du temps de Cæsar, au pied de la statue de l'ancien Brutus, pour exciter la vertu de l'autre, *Brute dormis? Brute dormis? utinam Brute uiueres:* dont l'effect puis apres aduint, & aultres semblables dans Plutarque & ailleurs, pour de la tirer argumēt, & conclure du moindre au plus. Et que si telles gēs pour le seul amour du païs, auoiēt couru tels hazards, sans auoir aultre lumiere, vn Chrestien, & vn François, qui d'abondant seroit instruit, par le zele d'un Phinees, d'un Aiod, d'un Elie, & aultres dont tātost il sera dict, ne pouuoit moins que d'en faire aultāt, pour celle pour qui Iesus Christ est mort, & en laquelle seule pour iamais, les hommes ont assurance de vie, qui est l'Eglise Catholique.

PARTIE

Valer.  
lib. 2.  
Florus.

Plut. in  
Bruto.

## PARTIE

## TROISIEME

## QUE L'ACTE DE CHASTEL EST HEROIQUE.



Et qu'estant dict de la iustice, & de l'vtilité y conioincte, reste de veoir les circonstances, qui seruent d'aelles a la vertu, pour la mettre au plus hault degré, de ce ou elle pourroit atteindre. Et pour monstrier que le faict dont est questiō, est puremēt heroique.

Et d'autant que le tout consiste en deux poinctz, l'un de la substance du faict, l'autre de la confession, le premier pour l'action qui est passée vne fois, & le second pour la persistance & perseueran ce en icelluy, la vertu n'estant louable, qu'entāt qu'elle perseuere) voyons icy tous les deux, & comme en l'un & en l'autre, rien n'a manqué a la vertu de Chastel, qu'elle ne soit dictē purement, & vraiment heroique.

*Acte de Chastel heroique en sa substance.*

CHAP. I.  
Or le premier sera clair, a qui considere-  
ra, que cōme la vertu de Force, se voit  
es crainctes & hardieses, es crainctes pour



vaincre le peril, & toutes risques de souffrir:  
 & aux hardiesses, pour entreprendre quel-  
 que acte braue & genereux, sur le fondemēt  
 de iustice, & de la pieté publique, les deux se  
 rencontrēt icy, en si hault degre d'excellen-  
 ce, a considerer simplement le faict, qu'il n'y  
 auroit plus qu'adiouster, n'estoit que la ten-  
 dre ieunesse, d'un enfant nourry aux estudes,  
 & aagé pour tout de dixneuf ans, qui n'a riē  
 veu, que les parois, & la pouldre de son es-  
 cholle, nous rait plus hault encor, voire  
 par dessus le vol des aigles, pour donner a  
 entendre par tout, que peut le feu du S. Es-  
 prit, depuis qu'il embrase les amēs. Pour fai-  
 re icy plus qu'un Aiod, un Phineés, un Ma-  
 tathie. Car si bien ils ont faict genereusemēt,  
 si n'ont ils pas couru pourtant la risque d'un  
 ne mort tant ineuitable, & douloureuse s'il  
 en fut onc, & plus que l'aage ne portoit.  
 Quoyque soit, ne s'y en est veuē ynepartic-  
 que si authentique. Ou ensemble & en mes-  
 me instant, la vieillesse cede a la ieunesse, la  
 cruaulté a la vertu, la furie a la patience, la  
 rage a la deuotion, la barbarie au feruent  
 amour, & les tourmens a la constance. Ou  
 l'ignorance du droit diuin & humain, faict  
 ioug a la science de l'un l'autre, & plus infu-  
 se qu'apprise: & la ruse & imposture a la pru-  
 dente & simple verité. Ou l'impudente ca-  
 lomnie, & calomnieuse impudence, de ceux  
 qui attribuoient a l'or, & aux appoinctemēs  
 d'Es-

*Chastel  
 aagé de  
 19. ans.*

*Vertu &  
 courage de  
 Chastel.*



d'Espaigne, tout ce qu'il y auoit de bon zele, entre les pauures Catholiques, se trouue par vne nouuelle preuue, apres celle du siege de Paris, ou la famine & la langueur, ont tesmoigné de leur courage, & leur syncere pieté (teille qu'il ne faut attendre des aultres) estre honteusement vaincue. Voyant, que mesmes les plus ieunes, y couchent si gaillement de ce que or n'y argent ne peut rendre. Auec des peines si cruelles, dont le Diable mesme est confus, voyant les deux extremittez de la vertu de Force, si rarement ioinctes ensemble. N'y ayant rien peu auoir, ny de plus grand a entreprendre, que de mettre a mort le Tyrā, au my-lieu de ses delices, & en la chambre de sa Venus: & de venger d'un seul coup, tant de cruaultez & iniures faictes a l'Eglise, tant de prebstres massacrez, tant de violemens, & incestes de moniales & religieuses, tant de sacremens profanez, tant de pariures & moqueries, tant de mespris de censures, & tant d'hostilitez commises. Et sur tout l'iniure de tant d'ames perdues, & qui se perdrōt cy apres, tant de ceux qui le suyuent, que des pauures enfans, qui serōt nourris de ce venim. Et de la religion blessée, a qui il donne le coup de la mort, & qui tire comme a la fin. Ny de plus fort a surmonter, que ce qui par la confession de tous, est iugé le plus terrible, a sçauoir l'attēte de la mort, & d'une mort non telle quel-

*Atte de  
Chastel  
dement  
calomnie  
faictes  
aux Ca-  
tholiques.*

*Les deux  
extremi-  
tez de la  
Force  
iointes  
au fait de  
Chastel.*

le, ains la plus cruelle de toutes, a laquelle il s'attendoit, & en auoit veu les exemples.

*Resolutio  
de Chastel.*

Car que la resolution fust telle, le hazard ou il le mit, & le temps qu'il demeura, apres le coup donne, ayant moyé d'eschapper, comme on dict, pour n'estre remarqué d'aucun, tant pour l'obscurité de la nuit, que pour la confusion, qui estoit parmy eux, en donne suffisante preuve. De mesme qu'il en prit aux deux, qui ont attaqué le tyran, vsurpateur des pays-bas, surnommé le Prince des Gueux. Dont l'un fut Iehan de laureguy, Biscain de nation, aagé de 18. ans, qui luy donna d'un pistolet dans les machoires, en la ville d'Anuers, le 18. de Mars, 1582. Et l'autre Balthasar Gerard, Gentilhomme Bourguignon, aagé de 34. ans, qui d'un aultre pistolet, chargé de trois balles, le rendit roide mort, en la ville de Delph, en Hollande, le 10. de Iuillet, 1584. Au lieu mesme que ce meschant, oultre tant d'autres prestres massacrez, auoit quelque temps au parauant minuté la mort, du docte vieillard, & deuot Poëte Cornelius Musius, pere spirituel des Relligieuses, du monastere de S. Agathe de Delph. De l'habitation desquelles, pour la beauté & excelléce du lieu, ce tyran s'estoit fais, pour y faire sa demeure. Qui pour se desfaire de ce bon pere, l'ayant faict sortir la ville, sous couleur de quelque charge honorable, l'auoit faict surprendre en chemin,

par

*Acte de  
Iehan  
laureguy,  
& Baltha-  
zar Ge-  
rard, con-  
tre le  
Prince  
d'Auran-  
ge.*

*Martyre  
de Corne-  
lius Mu-  
sius.*

par le Sieur de Lumay. Qui luy feit ce bon  
 traictement, que de le pendre nud premiere-  
 ment par les mains, auec des plombs pesans  
 aux pieds, & brusser les aisselles, auec des tor-  
 ches. Puis coucher a la réuerse, sur vne table,  
 pieds & mains liez, & ainsi le réplir d'eau,  
 versée de force, auec vn éntonnoir, par la  
 bouche, qu'on luy feit rendre par apres, a  
 force de coups de baston sur le ventre; tant  
 par ou il l'auoit prise, que par les aultres cō-  
 duiçts de nature. Puis derechef, pendre par  
 les deux gros orteils des pieds, tant qu'iceux  
 estant escorchez, le pauvre corps tomba par  
 terre. Et finalement, pendre & estrangler à  
 vn gibet. Dont le bourreau de Lumay, fut  
 apres payé, cōme il meritoit. Deschiré qu'il  
 fut, & mangé de ses propres chiens. Comme  
 iadis les Donatistes, dans Opat Mileuitain.  
 Comme Iesabel au liure des Roys, & mieux  
 qu'Acteon dans les fables.

*Jugement  
 horrible  
 sur le  
 Sieur de  
 Lumay.  
 4. reg. 9.*

De mesme aussi, qu'il en prit a frere Iac-  
 ques Clement, de l'ordre de S. Dominique,  
 qui en vsa de mesme a S. Cloud, pres Paris  
 1589. le premier iour d'Aoust, en la person-  
 ne de celuy, qui apres le niasacre de Bloys,  
 venoit auec main armée, pour deuorer Paris,  
 & le reste des Catholiques. Qui tous d'un  
 mesme esprit, pour n'estre vertueux a demy,  
 & ne manquer a la partye principale de la  
 force, & celle ou le martyre se cōsomme, qui  
 est d'endurer les toutmens, pour le bien de

la vertu, ont mesprisé les moyens, de s'euader & guentir des peines.

*Resolutiō  
a la mort,  
de Laureguy & Gerard.*

Tesmoin pour le premier, la disposition dudiect Laureguy, & preparation a la mort, par le sacrement de confession. Apres lequel, emeu de seul zele de Dieu, donna le coup en presence de ceux, qui sur le chāp le massacrerent. Disposé qu'il estoit a mourir, soit de ceste façon, soit d'une aultre, & avec plus de peines, s'ils eussent eu la patience. Tesmoin pour le second, l'allegresse dudiect Gerard, qui s'estant préparé de mesme, dict apres le coup donné, sans s'estōner aultrement, *J'ay executé ce que ie voulois, faites vous autres, ce qui est de vostre charge.* Et ainsi se disposa, a la cruaulté des peines, dōt le recit faict horreur: comme de la seule apprehension, de la veuē d'icelles, plusieurs tomberent pasmez. Dont l'ordre fut, de la fouetter premierement, par cinq diuerses fois, en une nuit. 2. Puis frotter de miel tout le corps, pour le faire lecher par vn bouc, a ce que la rudesse de la langue l'escorchast. Ce que le bouc ne voulut faire. 3. Puis lier pieds & mains ensemble, & le vanner troys fois en vn van. 4. Puis guinder en l'air, ayant pendu au gros orteil d'un des pieds, vn plomb de cent cinquante liures. 5. Puis l'approcher d'un grand feu, luy ayant chauffé des souilliers de cuir tout crud, imbibe de huille. 6. Luy brailer les aisselles avec flam-

*Martyre  
& peines  
de Balthazar Gerard.*

1.

2.

3.

4.

5.

6.

flambeaux. 7. Le vestir d'une chemise,  
 trempée en eau ardent, qui luy fut allumée  
 sur le corps. 8. Le piquer aux doigts, entre  
 la chair & les ongles, de grosses eguilles, &  
 ficher des clouds dedans. Le tout sans qu'il  
 criast, ny monstrost aucun signe de passion,  
 dont il fut estimé forcier. 9. Puis le bai-  
 gner en vieux pissat, avec gresse bouillante.  
 Ou aultre parole ne fut ouye, quoy qu'on  
 l'interpellast de parler, sinon, *Bon Dieu pati-  
 ence*. Adioustât pour responce, a ceux qui luy  
 demandoiēt, qui le fortifioit ainsi, *Que c'estoit  
 les prieres des saints, & que la constance seroit  
 iusques a la mort*. Au sur plus doux & modeste  
 aux iniures qu'on luy faisoit. Comme a vn,  
 qui luy demanda, depuis quand il s'estoit  
 donné au Diable, il respondit simplement,  
*qu'il ne rec noissoit point le Diable, & n'auoit que  
 faire a luy*. Et aux aultres iniures se teut. Mes-  
 me remercia ses iuges, de l'auoir sustenté en  
 prison, disant *qu'il s'en reuengeroit, priant Dieu  
 pour eux en Paradis*. Et luy estant prononcée  
 la sentence de mort, a la quelle, comme S.  
 Cyprian, il diēt *Deo gratias*, s'ayda soy mesme  
 a monter sus l'eschaffault. Bailla librement  
 la main dextre, qui pour le 10. tourment, luy  
 fut bruslée, entre deux platines de fer, en for-  
 me de gausfrier. 11. Puis brulé & serre bras  
 & cuylles, de chaisnes de fer ardâtes (ou per-  
 petuellement il prioit, & prononcoit les  
 Pseaulmes de Dauid) mesme la main bruslée

luy estant vn peu relachée, il en fist la signe  
 de la Croix. Puis s'ayda luy mesme a estre  
 mis sur le banc, ou apres <sup>12.</sup> les genitoires  
<sup>13.</sup> coupees & <sup>13.</sup> le ventre fendu pesammét, &  
<sup>14.</sup> a loysir, en forme de Croix <sup>14.</sup> le cœur luy  
 estant arraché, rendit ainsi son ame a Dieu.  
 Avec aultant d'admiration, & estonnement  
 d'un chacun, que l'exemple est memorable;  
 pour toute la posterité. Tescmoin pour le  
 dernier, l'assurance dudit Clement, pas-  
 sant au trauers des ennemis, & qui n'en per-  
 doit pour cela, ny le manger, ny le dormir,  
 & moins de celebrer la Messe, comme il fit  
 le mesme iour, & auât que de faire son coup.  
 Et mesme a esté obserué, qu'icelluy auant  
 sortir Paris, comme il refaisoit ses souliers;  
 avec vne eguille & du fil, pour faire son voi-  
 age de S. Cloud, ou estoit le Roy, avec son  
 armée, a deux lieues de la ville, quelques  
 vns de ses freres, qui le voyoient, & rioyét  
 de sa simplicité, luy aiant demandé, com-  
 bien cest ouurage dureroit, il leur respondi  
 de mesme, & en riant comme eux, qu'il du-  
 rerait assez, pour le chemin qu'il auoit a fai-  
 re. Son intelligence estant, qu'il deuoit al-  
 ler, mais non pas reuenir. Comme depuis  
 il aduint. Aiant icelluy apres son coup, ten-  
 du les deux bras en croix, pour receuoir son  
 martyre, qu'au mesme instant il receut.

Quoy que soit, tous d'un mesme esprit,  
 comme Chastel apres eux, estoient prepa-  
 rez

*Assuran-  
 ce de F.  
 Jaques  
 Clement.*



rez a la mort, quilz scauoient ne pouuoir fuir.  
Se pouuât dire d'eux avec raison, ce que di-  
soit le Poete lyrique, de M. Regulus, retour-  
nant (pour ne manquer a la foy promise) vers  
ceux de Carthage, dont il auoit ruiné les af-  
faires a Rome.

*Trop scauoit il, quel seruice*

Horac.  
lib. 3. Car.  
Ode 5.

*Le bourreau luy preparoit,*

*Et n'ignoroit le supplice,*

*Que le barbare aprestoit.*

*Si sceat il bien se distraire*

*Des siens qui le retendoient :*

*Et des peuples se deffaire,*

*Qui sont retour empeschoient.*

*Aussi gay, qu'un qui s'entraye*

*D'auoir trop long temps playdé :*

*Et renuoye sa partie,*

*Quand le proces est vuidé.*

*Allant a sa me' airye,*

*Voir son menage des champs,*

*Ou bien a l'Academie.*

*Philosopher quelque temps,*

Y ayant en'cor icy deplus, que non seule-

ment ils ne craignoient la mort, ains aussi

ils la desiroient. Soit que fust pour euitter la

vanité des louanges, & gloire des hommes,

soit pour donner a entendre la grandeur de

leur zele, soit pour rendre leur ceuure par-

fait, comme dict S. Paul, *que la patience a l'eu-*

*ure parfait,* soit pour le desir extreme, d'en-

durir pour l'honneur de Dieu, & iouir de

Heb. 10.



Ignac. ep.  
ad Rom.  
Hierony.  
de script.  
accl.

sa presence. Ou plüstoit les quatre ensemble. Tel qu'estoit S. Ignace, qui disoit des bestes, qui luy estoient préparées a Rome, *Que si elles le respectoient, & venoient caresser, comme elles auoient fait les autres martyrs, que luy mesme les agaceroit, pour se faire deuorer.*

Jud. 16.

1. Mac. 6.

Joh. 15.

Action ne  
laisse de-  
stre bonne  
quoy qu'on  
meure en  
la peine.

Le tout pour s'uyre les erres, d'un Sanson & d'un Eleazar, qui pour terrasser l'enemy, & venger le peuple de Dieu, au prix de leur sang & de leur vie, se sont iettez a corps perdu, au my-lieu de la mort. S'enseuelissant sous la ruyne, l'un du palais, ou estoient les Princes Philistins, que par sa force il secoua: & l'autre, de l'Elephant armé, sur lequel il pensoit, que le tyran Antiochus fust, qu'il tua de ses deux mains. Et trop plus heureusement, ny qu'un Codrus, ny qu'un Curtius, ny les deux Decius Romains. Practiquant ce que l'Escripture tesmoigne, estre la souveraine charité, de mettre son ame pour ses freres. Et par mesme moyen, condemnant l'ineptie de ceux, qui reprouuent les actions, comme n'estant de Dieu, quand les auteurs meurent en la peine. Comme si Iesus Christ mesme, n'estoit mort en la peine de l'action, pour laquelle il estoit venu, qui est de sauuer le monde. Et comme si cela n'estoit, condamner tous les martyrs. Ne voiant, que comme la resurrection de Iesus Christ, a iustificié sa mort, & rabatu l'erreur des Iuifs, qui pensoient l'auoir vaincu, ainsi fera la resurrection

rection dernière, la mort de tous les saints  
de Dieu, & qui ont péri pour son service.

*Acte de Chastel heroique en sa confession.*

CHAP. II.

**M**AIS si l'action de Chastel, a de soy e-  
ste heroique, la confession l'est d'au-  
tant plus, que comme c'est la marque ordi-  
naire, ou se connoist la vertu, & le calibre  
auquel on la mesure, pour estre ce qui l'a-  
nime, & luy done vie, & a quoy elle se iuge,  
comme l'argent au son, le claron a la voix,  
& l'instrument a l'harmonie, & qui pour-  
tant est signifiée, par les clochettes d'or fin,  
qui estoient a la robe du grad Sacrificateur,  
par les harpes, trôpettes, clairons, & toutes  
sortes d'instrumens, en l'ancien testament, &  
est ce que Iesus-Christ principalement re-  
commande, l'exemple aussi s'en voit icy,  
plus beau, plus singulier, & plus rare entre  
les autres. Comme celle, qui estonne au-  
tant ses ennemis, comme leur presumption  
& fureur, se promettoit d'abattre la ferme-  
té, & deuborer la costée. Ou la prudence de ce  
mode, fait ioug a celle de l'esprit, & la mali-  
ce inueterée a la renouvelée jeunesse. D'au-  
tant plus admirable, & recommandable a  
la posterité, qu'estant plus furieusement cō-  
batuë, de cruaulté & malice, ny les tour-  
mens d'une part, ny l'impieté des artifices  
de l'autre, n'ont rien peu gagner dessus,  
pour

*Confession  
est la mar-  
que de la  
vertu.*

*Exod. 28.  
Or 39.*

*Luc. 12.*

Num. 10.  
Aug. in  
Psal. 97.

pour en alterer le discours. Qui le tendent en effect, vraye trompette d'argent, forgée au marteau, assaouir par les tourmens, & vraye trompe de corne, que S. Augustin expose de ceux, qui estant nais de la chair, cōme la corne, surmontent neantmoins la chair. Desquels deux, le Prophete commande, que l'on donne louange, & face des cantiques a Dieu. Et dōt plus les iuges se sont efforcez, d'obscurir l'honneur, par la calomnie de l'arrest, qui se dement soy mesme, comme tantost il sera dict, plus la lueur les eblouit, & leur fait perdre leur escrime.

Psal. 126

*Artifices contre Chastet, & abus de Sacrement de penitence.*

### CHAP. III.

**E**T pour parler des artifices, le bon lieu tenant Lugoly, qui y'a si bien ioué son rouler, scait bien en conscience, qu'en dire. En ceux qui ont eu participation, au sacrilege par luy commis, se deguisant en habit de prestre, & supposant la personne d'un confesseur, pour tirer, ou pourvoir dire auoir tiré du penitent, en guise de confession sacramentale, chose dōt on peult se preualoir, tant contre luy, que contre ceux, qui ont en leur part au martyre.

*Sacrilege  
& calomnie des  
iuges.*

Comme de fait, l'impudence des bruiets, qu'ils ont fait courir, aultant eloignez de la pensèe du defunct, comme la leur est du ciel,

ciel, & leur ame plongée dans le borbier de mensonge, en declare l'intention. Publiant qu'il auroit dict en confession, que pour satisfaction de certains cas enormes, par luy commis, les Iesuites luy auroient ordonné, de tuer & assassiner le Roy. Chose horrible & non encore ouye, au moins en matiere de Iuges, & dont a peine se peut dire, lequel est le plus execrable, ou l'abus du sacrement, qu'eux mesmes publient, & s'en vantent: ou l'intention qui les pousse, pour calônier de la sorte, pour se rendre du tout Diables.

Bien est il que parcy deuant le semblable auoit esté faict, par deux aultres de la mesme faction, l'un ouuert ennemy & heretique, & l'autre trahystre & hypocrite. Dont le premier fut Sautour Champenois, en la personne du docteur & predicateur Mauclerc, qu'il prit sur le chemin de Troys, ou il auoit presché le Quaresme, comme il s'en retournoit a Paris, l'an 1589. Auquel il vsa de ce traict, apres luy auoir donné toutes les frayeurs de la mort, & estant requis de luy, qu'il peust auoir vn cōfesseur. L'autre a esté Marins Gascon, nepueu du Sieur de Belin, l'un des ministres de la trahyson de Paris, & laissé a cest effect dans la ville, en la personne d'un chirurgien, domestique du sieur le Bailleur, l'an 1594. peu au parauant la trahyson, pour vne bague-egarée, a la maison d'une miserable, trop connue, & de laquelle,

comme

*Indignité  
de ce sa-  
crilege en  
sa person-  
ne des Ju-  
ges.*

Comme d'autres, & de ces plus proches, il abusoit alors, & sur le soupçon qu'il eut, que le chirurgien, qui l'estoit venu penser leans, l'eust prise. Auquel apres auoir a ceste occasion, serré les poulces, & apres avec plusieurs oultrages l'auoir mené de nuit, les yeux badez, a la riuiera, pour le ietter dedatis, finalement, comme le pauvre affligé demandoit confession, luy en vsa de mesme l'autre, se supposant pour vn prebste. Et le lendemain fut la bague rapportée a la Daulé, par vn de ses autres amoureux, qui par passeréps s'en estoit saisy. Lequel crime qui eust puny, comme le cas le meritoit, & crioit a Dieu vengeance, se fust ensemble descouuert, par vne confession veritable, & non apostée, le venim de la trahyson, que ce garnement en re'aultres couuoit. Dont cette acte le rendoit digne, pour se rengér avec ceux, que l'auarice de Iudas, ioincte a vne plus secrette ordure (comme Dieu abandonne telles gens) en rendit tost apres, les principaux & le plus apparés ministres. Mais si cela est digne d'un ribleur, d'un volleur & d'un heretique, (comme cela est vne inuention, de bordel & d'heretique, pour abuser les femmes, & se rire de l'Eglise) pourquoy d'un homme de iustice, d'un lieutenant de Preuost d'Hostel, & de robe longue, & d'un qui avec sa soutane & son chapelet, contre faict le Iesuite ? Si l'heresie ioincte

ioincte aux armes, & la temerité & furie de Mars, au bordel de Venus, ont laché bride a ce sacrilege, pourquoy la discretion & sagesse, de ceux qu'on appelle Dieux, & qui se disent Catholiques, se porter a ce mesme crime? & a vne impieté si grande? Quelle conuenance, de la guerre, qui n'escoutte point les loix, & de la grauité de l'estat, de ceux qui parlét des loix? De la barbarie & licence des armes, & de la maiesté de iustice? Supposer vne personne sacrée, toucher la prunelle de l'œil de Dieu, contrefaire son lietenant, & vicaire en terre, ce qu'ils n'endureroient estre faict, en la personne du moindre officier de iustice, profaner le sacrement, l'employer en vsage contraire, & ce qui est donné pour la saluation, en tirer la perdition: & ce qui est iustification, en forger la calomnie, & supposition de faux crime: violer le secret du seel, forcer le cabinet de Dieu, scandaliser les infirmes, & donner suiet, de ne se confesser qu'a demy, ou de ne se cōfesser du tout, a quiconque sera en peine, soit a tort, soit a droict; aprelter a rire aux heretiques, & leur exposer en passé temps, ce nerf de la religiō, quelle syncerité de iuge? quelle preuue de Catholique?

*Grandeur  
de labus  
faict au  
sacremēt.*

K

Execra-



*Execration de ce mesme sacrilege, en ceux du Par-  
lement.*

### CHAP. IIII.

**Q** V E si l'on dict, que c'est pour suyure les erres, des premiers de ce Parlemēt, qui nommerent au grans iours de Poictiers, les prebstres qui deuoyent confesser, avec deslences d'aller a d'autres, & exigeoyent d'eux, qu'ils eussent a reueler les cōfessions, sur peine de la vie, ce qu'ils ont depuis continué, & semblent vouloir aujourd'huy continuer a Paris, par la mesme façon, de nommer les confesseurs, dont encore ils vsent, sous couleur de dire, que c'est pour vne bōne fin, a ce qu'ils n'errent en la iustice, & que le coupable n'eschappe, & l'innocent ne partisse, & le passent ainsi doucement en coutume, soustenant que c'est bien faict, ô ridicule hypocrisie, & damnable impieté! Ridicule hypocrisie, de gens conscientieux, qui ignorent la maxime, *Q V E* le iuge n'est tenu en conscience, de iuger que selō les preuues, & les formes ordinaires. Qu'il est homme, & non pas Dieu, & partant luy suffit se contenir es termes de sa profession, & des voyes & instructions humaines, & n'en sera plus auant recherché, ny responsable deuāc Dieu. Qui ignorent le dire de S. Paul, *qu'il ne fault faire le mal, afin que le bien aduienne.* Et par mesme moyen, concluront pour les deuins & forciers,

*Hypocrisie  
ridicule.*

*Rom. 3.*



forciers, voyre mesme s'en ayderont, pour auoir reuelation, s'il n'y a qu'a dire, que l'intention est bonne, pour iustifier vne meschâceté, & approuuer les moyēs sinistres. Vrays Pharisiées hypocrites, qui osent pour leur tradition, & inuention particuliere, toucher aux decretz du Ciel, & ordonnances del'Eglise. Et a fin de sauuer le bras, ne feignent de couper la teste. *Aueugles & conducteurs d'aveugles, qui coulent le moucheron, & engloutissent la chaineau. Qui disment l'aneth & le cumin, & laissent les choses de la loy, qui sont de trop plus d'importance.* Mat. 23.

Et damnable impieté, de gens qui directement entreprennent sur Dieu mesme: tirant de force, ce que le prebstre sçait, nō comme homme, ains comme vicaire & lieutenant de Dieu. Estant en la mesme qualité, qu'il sçait le pechié, & qu'il absout le pechié: & il ne l'absout, que comme lieutenant de Dieu. Pour ce que c'est œuvre est de Dieu seul. Dont le prebstre estant le ministre, il agit comme Dieu aussi. Et ce qu'un superieur en l'Eglise, voire le Pape mesme, qui a toute la iurisdiction spirituelle sur terre, ne peut ny par excommunication, ny autrement commander, ou y contraindre le prebstre, pour estre cela de droict diuin, & superieur a luy, attendu, que si bien sa iurisdiction s'estend sur les personnes, qui administrent le sacrement, si ne s'estend elle sur le sacrement

*Impieté damnable.*  
*Th. Suppl. 9. 11. ar. 1.*

mesme, qui est œuvre purement de Dieu, & non d'homme, pour en alterer la substance: cōme aussi le prebſtre n'y doibt obeir, pour quelque ſuieſt, ou commandement de qui que ſoit, deuſt il endurer la mort (ce qu'en ce cas il eſt tenu faire, & luy ſera vn iuſte martyre) ceux cy l'oſent entreprendre.

De meſme qu'en vſerent les heretiques du pais bas, ſurnommez Gueux, en la ville d'Anuers l'an 1582. en la perſonne du venerable pere, Antoine Antonin Temermans (c'eſt Charpentier en Frâçoyſ) del'ordre de S. Dominique, natif de Dunkerke, predicateur excellent Flamē, Frâçoyſ & Eſpagnol, auquel le ſuſdict Iehan de Iaureguy s'eſtoit reconcilié, auant que de faire ſon coup. Duquel ayant exigé, qu'il euſt a dire le ſecret, & reueler la confeſſion, & ne l'ayant peu obtenir, pour le refuz qu'il en ſeit, & ou il perſeuerera conſtamment, voire pour obuier aux impoſtures, le proteſta par eſcrit, qu'il fit en Latin, en la paroy de la priſon, avec vn ferret d'eguillette, (& qui depuis a eſté tranſcrit authentiquement, par la main des notaires Royaulx) ils l'executerent a mort, l'eſtrangleant a vn poteau. Le corps mis en quatre quartiers, & la teſte ſur vn pieu, en la citadelle. Ce que n'ayant eſté ſans admiration, & eſtonnement public, tant pour le merite de la cauſe, & vertu du perſonnage, qui le rendoit vray martyr, que pour vne certaine

lueur,

*Martyre  
du P. An-  
tonin Te-  
mermans,  
pour na-  
voir vou-  
lu reueler  
la confeſ-  
ſion.*

lueur, que quelques vns estant en garde, as-  
 feurerent auoir veu de nuict, rayonner des-  
 sus ce chef, qui depuis a esté, & est en venera-  
 tion & garde, en ladicte ville d'Anuers, au  
 conuent des freres Prescheurs: seruira c'est  
 exemple, pour condâner ensemble, & l'im-  
 pieté de ceux, qui exigent telles reuelations,  
 & le sacrilege de ceux, qui y obtemperât, soit  
 pour craincte de la mort, soit pour se mettre  
 en credit, souillent l'ordre sacerdotal, hon-  
 nissent l'honneur des Leuites, polluent la  
 dignité du caractere, & tombent en la iuste  
 feuerité des condamnations & censures de  
 l'Eglise.

*c. Sacerdos  
De pœnit.  
dist. 6.  
c. Omnis  
v. r. de  
sent. ex.*

N'estant merueille au surplus, si ceste cu-  
 riosité de iuges, s'est laschée a ceste impieté.  
 Pour estre cela du mesme esprit, dont ils ont  
 entrepris cy deuant, de pouruoir aux benefi-  
 ces, deffendre d'aller a Rome, & faire mou-  
 rir prebstres & moynes. Et depuis encore,  
 sur l'administration de la parolle de Dieu,  
 deffendâ aux Euesques, de receuoir en leurs  
 Eglises, aucuns predicateurs, sinon qu'ils  
 soient nommez par eux, & ausquels ils pre-  
 scriuent, ce qu'ils doibuent dire ou taire. A  
 ce que s'eleuant de tout point, sur l'Eglise,  
 & Dieu mesme, il ny ait rien plus a dire,  
 qu'ils ne soient vrays Antechrists. En vne  
 chose seule excusables (si telle impieté a ex-  
 cuse) de ce que leurs Euesques sont muets,  
 pour ne s'opposer a l'encontre. *Que leurs pro-*

*Entrepri-  
ses sur  
l'Eglise en  
toutes  
sortes.*

*2. Theff. 2.*

*Exech. 13.*

Hier. 2.

Psal. 77.

phetes sont comme renards aux deserts, qui ne montent point aux bresches, & ne se presentent, pour remparer, & servir de mur a la maison d'Israel, pour se tenir en bataille au iour du Seigneur. Et les prestres n'ot point dict, ou est le Seigneur? Et ceux qui tenoient la loy, ne l'ont point cogné. Les pasteurs ont preuariqué contre luy. Et comme dict le Psalmiste, Les fils d'Ephraim armez, & qui tirent de l'arc, ont tourné le dos au iour de la bataille. Soit que la Simonie, soit que la lubricité, soit que l'auarice & ambition, & sur tout l'hypocrisie, leur face tomber les armes du poing, & qu'estans veuz les premiers du loup, qu'ils ont deu preuoir les premiers, ils ont tous perdu la parolle. Hors mis ceux, qui ne l'ont peu perdre, pour ce qu'ils n'en eurent iamais.

*Impudence de cal'omnie contre Chastel.*

## CHAP. V.

*Maxime  
de propre  
volonté  
quelle.*

**M**AIS puis qu'ils n'ont aultre maxime, pour faire tout ce, que leur furie, & leur peruerse volonté leur suggere, sinon que cela leur a pleu, & leur venoit a propos, qui est la maxime de Babylon, la loy souueraine du Royaume des tenebres, la clef du puy de l'abyssme, le sommaire de l'inimitié de Dieu, la vraye & seule porte d'Enfer, le seul tiltre de damnation, sans lequel & hors lequel elle ne peut estre, quelle lumiere en ont ils tiré? Qu'ont ils profité de ce sacrilege?

ge? Quelle preuue & enſeignemens, de ce larcin de confeſſiõ? de ceſte curioſité impié? Car l'inuention eſt plaiſante, de dire, *qu'ils ont appris du penitent, que pour penitence & ſatisfaction de ſes fautes, il auroit eu charge des Ieſuiſtes, de tuer & aſſaſſiner le Roy, & l'auroit ainſi reconnu.* Car telles penitences ſe donnent. Ils en ont veu par les hiſtoires. Et tout cela eſtoit credible, en la perſonne d'un ieune homme de dixneuf ans, & en la diſcretion d'un pere confeſſeur, qui luy auroit commis ce ſecret. Que veult on de plus vray ſemblable? Au moins a faulte de trouuer mieux, il faut vſer de ce moyen. Car a quelque prix que ce ſoit, il faut garder que lon ne croye, que le ſeul amour de Dieu, & de la religion, ait peu auoir tant de force, que de faire traſper tels coups, s'il n'y a tentation d'ailieurs. Et en matiere d'impudent, quand le Rubicon eſt paſſé, il le faut eſtre a toute reſte.

*Inuention  
ridicule.*

*Impoſture au ſacrement, comme deſcouuerte par  
Chaeſtel.*

#### CHAP. VI.

**E**T quel mainrien au penitent, en vne fourbe ſi infame? Ceſt ameçon eſt trop foible, pour leuer vn ſi gros poiſſon. Ce ſont traiçts de petits enfans, & ſubtilitez trop groſſieres. A telles toilles d'araignée, ne ſe prent vne ſi forte mouche. Tels lieures ne ſe prennét a ce tabourin, ny tels oy ſeaux a la

*Cōfession  
en forme  
commune.*

*Prebſtre  
contrefait  
decouuert  
par ſon  
ignorance.*

veüe du rets. Il fault pour iouer vn roulet,  
apprendre mieux les contenances. Et le  
pauvre animal, qui ne ſcauoit les traictz du  
meltier de confeſſer, comme celuy qui ne  
frequente ce Sacrement, *qu'en forme commune,*  
*tous les ans vne fois* (comme reſpondit l'An-  
gloix de luy meſme, apres la trahyſon de Pa-  
ris) & partant n'eſtant ruſé a cela, comme  
il eſt aux tours du Palais, & a tromper filles  
& femmes, quelque bonne morgue qu'il feiſt  
lors, & quelque obſcurité qu'il y euſt, ne  
laissa d'eſtre deſcouuert du premier coup,  
par celuy qui l'entendoit mieux, & en eſtoit  
plus practié que luy. Pour auoir ce reuerend  
pere en Dieu, nouueau imprimé, failly a dire  
l'oraiſon, & benediction ordinaire, que le  
confeſſeur dict au penitent, auant la confeſ-  
ſion. D'ou conneu par Chaſtel, pour n'eſtre  
prebſtre, comme le rat a ſon bruiet, & com-  
me l'afne a ſon ramage, auſſi propre a ce  
meltier, comme vn enfant a faire l'Hercule,  
ou vn fol le Philoſophe, & ayant beſoing de  
protocolle, comme les ioueurs de l'hoſtel  
de Bourgoigne, la mine eſtant euentée, auât  
qu'auoir peu prendre feu, l'inuention eſt  
miſe au neant, & le miſerable autant confus,  
que ſon impié ignorance, & ignorante im-  
pieté le requeroit. Sauí neantmoins ſon re-  
cours, a faire courir impudément, les bruiets  
& ordures que deſſus, contre celuy, de qui il  
n'auoit ouy aultre propos, que d'vne ſeuere  
repri-

reprimende, & detestation de son sacrilege. Et qui n'ayât acquis de la, qu'un degré nouveau d'honneur, deuant Dieu & deuant les hommes, & de demonstration de iugement, plus que l'age ne le portoit, celuy est aussi vne qualité nouuelle, pour estre le iuge vn iour, de celuy qui a voulu souiller son nom, & perdre sa reputation, pour le conuaincre, comme il fera, de calomnie & de mensonge.

*Constance de Chastel en l'interrogatoire.*

CHAP. VII.

C'EST LA aussi estant trop grossier, pour estre employé au proces, que feront messieurs les iuges? Il fault des moyens plus subtils, & que les maistres du mestier y mettent leur cinq cens de nature. Et qu'ils espuisent tous leurs artifices, pour faire l'interrogatoire, & tirer quelque chose de plus. Mais ce fut alors, que la cellette seruit de chaire de Docteur, ou l'enfant enseigne les vieux, & le criminel faict la leçon aux iuges. Soustenant a haulté voix, *Qu'il a voulu tuer le tyran, l'excommunié, relaps heretique, & que c'est chose qu'il a deu faire. Qu'il ne le reconnoist point pour Roy, pour estre iceluy hors de l'Eglise, & que sans le Pape il n'y peut estre. Ains seulement pour ennemy, & declaré tel par les loix. Que ce qu'il en a faict, est par le seul motif de sa conscience, & pour le zele de l'honneur de Dieu, & non a la persuasion*



*suasion d'aucun*. Allegant pour ses raisons, le peril de la religion, l'establissement de l'heresie, & du preiche Huguenot, par edict public, la persecution ouuerte contre les Catholiques, le schisme formé contre l'Eglise, & la ruyne de tant ames. Et en oultre, la condemnation, par l'Eglise & les Estats, l'exemple des Saints, cōtre tels tyrans, persecuteurs de l'Eglise, & du troupeau de Iesus Christ. Souttenant avec assurance, tout cela estre argument suffisant, & deuoir estre tousiours a l'auenir, a vn qui ayme la religiō, son prochain, & sa patrie, pour l'inciter a faire le sēblable. Brief comme vn aultre Caton, qui des sa ieunesse menaçoit les tyrans, & estoit courageux contre eux, voire plus que Caton ne fut iamais, & avec trop plus d'honneur, & meilleur fondement, il faict le discours, en esprit de vehemence, dont vn seul article n'a peu estre publié par les iuges, sans le falsifier, & vser de calomnie. Qui les estonne tellement (ferme qu'il est sur son quarré, autant qu'eux vacillans, sur laboulle de leur inconstance) que n'ayant dequoy satisfaire, ny de parer a l'encontre, sinon de luy imposer silence, c'est lors qu'o veit pratique, ce qui est dict par le Prophete. *Vos anciens sengeront des songes, & vos iouuenceaux verront des visions*. Que on veit renouueller la merueille, d'un Dauid contre Goliath, d'un Samson contre les Philistins, d'un Daniel

*Plutar. in  
Cat.*

*Ioc. 2.*

con-

Contre les vieux fols, d'un S. Estienne contre les Iuifs, & de tant de martyrs en l'un & en l'autre sexe, qui ont rebouché d'un mesme esprit les tormes des bourreaux, & la prudence des mondains, voire en leur plus tendre ieunesse. Tels qu'oultre les Macchabées susdicts, ont esté un S. Pancrace, un S. Mâmas, un S. Iustin, un S. Agapit, un S. Symphorian. Et entre les pucelles, une S. Luce, une S. Agnes, une S. Prisque, une S. Catherine, & tant d'autres, qui en leur plus bas aage, de 18. de 15. de 13. & de 10. ans, ont surmonté, & la sagesse des plus vieux, & la vieillesse des plus sages de ce monde, iusqu'à l'effusion de leur sang, dont l'Eglise est honorée.

*Constance de Chastel en la question.*

CHAP. VIII.

**Q**UE leur conuient il donc de faire? Cest qu'on l'applique a la question, ordinaire & extraordinaire, pour scauoir de luy ses complices. On l'estend sur le cheuallet, les traicts de corde sont redoublez. Une seule voix de luy s'entend. *Quelle seule conscience l'a incité a ce faire, pour la liberté de l'Eglise, pour en venger les iniures, pour le bien de la religion, & en empescher la perte.* Et autant qu'il peut, il decharge tout le monde, comme depuis il a perséueré, iusqu'au dernier soupir de la vie. Et notamment ceux, dont

on

on l'interroge, pour auoir estudié chez eux, qui sont les peres Iesuites. Comment donc ne sera il dict, que cest le seul esprit de Dieu, qui domine en cest affaire? Mais ce mot de *conscience*, qui n'est desormais receuable, a gens qui luy ont coupé la teste, & tranché la premiere syllabe, & qui se contentent de *la science*, pour deuenir Dæmons & Gnostiques, cest a dire Huguenots, coustera cher a ceux qui sont du mestier, de manier les consciences. Les Curez en seront suspects, & ceux qui souuent communient, & qui oyét plus d'une Messe. Mais sur tous les Iesuites, & fusse pour la plus legere presumption. Et comme dict le Sonnet, que sur ce sujet ils ont fait imprimer.

*Il faut tous delateurs en telle cause entendre,  
Et mesme aux vains rapports adionster quelque foy.  
Deusse ton mettre a la question, voire pendre & estrangler, quelques vns de la compagnie, quelques prestres & religieux qu'ils soient, sans en chercher plus grande preuues. Pour ramener en France, le teps de Tybere, auquel tous delateurs estoient creus, & tout crime estoit capital, voire pour peu & de fort simples parolles.*

*Constance de Chastel en l'amende honorable.*

#### CHAP. IX.

ON passe oultre neantmoins a executer l'arrest, a ce que Chastel se dedise, & face

*Suet. in  
Tyb.*

face amende honorable, la torche au poing,  
 nud en chemise, deuant l'Eglise de Paris.  
 Il est mené au paruy nostre Dame suyuant  
 l'arrest. On le presse de dire par sa bouche,  
*qu'il se repent, & demande pardon a Dieu. Que*  
 faict donc le pauvre ieune homme? Tout  
 inutile & estropié qu'il est, de la question  
 endurée, faict haultement & rondement  
 vne responce, qui cōfond, & l'imposture de  
 Lugoly, & la grauité des iuges, & la sagesse  
 des entenduz, & la cruauté des bourreaux.  
 Disant, *Qu'il crie a Dieu mercy, des pechez, qu'il*  
*a commis, en tout le discours de sa vie, & notam-*  
*ment de n'auoir mis a chef ce qu'il a essayé de faire,*  
*pour deliurer le monde, de l'ennemy le plus funeste,*  
*quel'Eglise eust auourdhuysur la terre.* Car ceste  
 confession est notoire. Ouyé & entendue  
 en public, a la consolation & edification des  
 vns, & a la confusion des aultres. O con-  
 stance plus que d'enfant, & digne d'estre  
 mise en la memoire, de tous les siecles au-  
 nir / Car plus icy ne s'admirera, la constan-  
 ce d'un Sceuoile, punissant la main, qui a erré,  
 pour auoir failly l'ennemy, en presence de-  
 l'ennemy mesme, puisqu'icy se voit le sem-  
 blable. Voire quelque chose de plus, non  
 en vn guerrier, mais en vn enfant: non entre  
 les soldats, mais entre les bourreaux: & non  
 pour se brusser la main, & mal faire a soy  
 mesme, ains pour la liurer au supplice, com-  
 me iadis les saincts & vertueux Machabées. 2. Ma. 7.

Prot:sta-  
 tion de  
 Chastel.

Pour

Pour la reprendre vn iour, en la gloire dela resurrection. Et au rebours de ce que l'ennemy pense, avec d'autant plus de seurété, que c'est sur vn meilleur suiet. Non d'Etat, mais de religion. Non pour vne telle quelle vanité, mais pour le seul honneur de Dieu, & repos de son Eglise. Et sur le fondement de la foy, qui seule (comme dict S. Augustin) rend les vertus veritables. Telles, que pour faulte dicelle, n'ont iamais eu, ny les Scenoles, ny les Regules, ny les aultres braues Romains, celebrez par les histoires.

lib. 3. cōt.  
Iul. Pelag.  
6. 4.

*Constance de Chastel au suppl. ce.*

CHAP. X. -

**A**VSSI cela n'estoit assez, si iusques au dernier soupir, la vertu ne perseueroit, que ny la honte du tōbereau, ny les voix sanglantes & cruelles, ny le tranchant des tenailles enflammées, ny les traicts de cordes redoublez, ny toute figure & apprehension de mort, n'ont peu faire departir, de sa resolution premiere. Non pas mesme (ce qui est plus emerueillable) aiant ia vn bras separé du corps. Tesmoin ceux qui le veirent, & ouyrent a lors, redoublant & continuant de vne voix, sa proposition premiere. Tant que le corps tout demembré, & cruellement en pieces, l'esprit vainqueur est allé vers celuy, dont au prix de son sang, il a tenté de venger la querelle. Ame heureuse, & autant digne d'elire

d'estre partie d'un François, que ceste seule  
 qualité, de venger sa religion, ie dy religion  
 Catholique, & l'obeissance de l'Eglise, d'ex-  
 terminer l'heretique, & heretique Calui- Rom. 2.  
 niste, & Caluiniste relaps, de detester un  
 hypocrite, d'en couper la tēste & racine, &  
 pour un si digne sujet, exposer son sang &  
 sa vie, iusqu'a reduire les siens en miēre, Luc. 14.  
 pour accomplir l'Euangille, & n'aymer les  
 siens plus que Dieu, est la marque d'un vray  
 François. Et d'autant plus heureux ce corps,  
 qui a esté apres reduict en cendre, que c'a  
 esté par le mesme feu, qui a brulé a Tours,  
 l'Arrest de Iesus Christ, prononcé par la bou-  
 che de son Vicaire, & Lieutenant general en  
 terre, & par les mains d'un bourreau: & pour  
 la deffence duquel, il a esté consumé de mes-  
 me. Le tout sur un pareil discours, qu'ont  
 esté iadis les corps des martyrs, a ce que les  
 cendres n'en fussent recueillies & reuerçes: Euseb. lib.  
5. cap. 1.  
 comme Eusebe le tesmoigne.

*Acte ne lessé d'estre heroique, quoy que l'entre-  
 reprise ne vienne a chef.*

#### CHAP. XI.

**E**T n'importe pour la louange, que le  
 coup n'a esté parfait: & n'a esté le suc-  
 ces conforme a la volonté. N'estant par  
 l'euenement, qu'on mesure la vertu. *En choses  
 grandes, dict le Poëte, il suffit d'auoir voulu.* Et  
 l'écriture promet recompense, non tant  
 selon

1. Cor. 3. selon l'œuvre, que selon le labeur de l'œuvre. *Chascun* (dict l'Apostre) *receuera recompense selon son labeur*. Et aillieurs il fait estat, non tant du bon œuvre, *que de la patience du bon œuvre*. Et ne l'aisse pour l'egard del'autheur, y auoir perfection en l'œuvre, quand la patience y est conioincte. Estant celle, comme dict le mesme, *qui rend l'œuvre parfait*. Et partant, rien ne luy manque pour la louange. Cela n'estant sans grande raison. Veu que en bonne Philosophie, des deux actes, qui se trouuent en la vertu de Force, l'un d'exciter le courage, pour attaquer l'ennemy, l'autre de surmonter la crainte, pour se resouldre a souffrir choses tristes & ameres, pour le bien de la vertu, le dernier (comme dict S. Thomas) est recongneu pour le plus braue, & qui excelle par dessus l'autre, comme estant le plus difficile. Pour y auoir plus de peine, a quicter le bien que l'on a, comme la paix, les biens, le repos, & sur tout le bien de la vie (qui est la matiere de la crainte) que non pas a quicter ce qu'on n'a point, & dont la recherche appartient a l'audace. Occasion pourquoy dict Aristote, *Que les hommes sont dictz principalement fors & vaillans, en ce qu'ils endurent choses tristes pour la vertu*. Mais plus clairement encore, le S. Esprit en l'escriture. *Meilleur est* (dict le Sage) *l'homme patient, que l'homme vaillant*. De sorte que, si bien Dieu n'a per-

mis



mis, pour vn plus grand secret, que le coup n'ait passé oultre, & que l'experience ait maqué a la vertu, & l'adresse au courage, ne laissera pourtant d'estre vn acte, aultant vertueux & heroique, qu'il a esté digne d'estre blasmé par les ennemis de Dieu, & detesté par ceux, qui ne sont capables de louer, sinon ce qui est cõtre Dieu, & iniurieux a l'Eglise.

# PARTIE

## QVATRIEME.

### VICES ET IMPERTI-

*nences del' Arrest; contre Chastel.*



**M**AIS pour venir au second chef, qui est d'examiner l'Arrest, pour en declarer le vice, & comme en tout il est defectueux, tant en la forme; qu'en la matiere, nous n'vserons de long circuit, y ayât prou dequoy le veoir, a qui y prendra vn peu garde. Pour veoir icy assemblé, tout ce qui se peult dire de mal, & que la passion peult eclorre, pour rendre vn iugement inique, deuant Dieu & deuant les hommes. D'heresies, impietez, ignorances, nullitez, erreur en faict & en droit, iniustices, animositez, faulses suppositions, voire falsitez notoires, & de certaine

L

science,

le commençémēt, iuger le lyon par l'ongle, pour y veoir en ce peu de mots, autant de vices, que de parolles. Disant crime ce qui n'est crime, Roy celuy qui n'est Roy, leze maieſté diuine & humaine, ou ny a ny l'vn ny l'autre, ains ſeruice a tous les deux. Paricide, ou il ny a ny pere, ny rien qui en approche, & mechant ce qui eſt louable. Le tout, ſuyuant c'eſt erreur commun, de la reſſemblance, qui les trompe, & dont ils veulent tromper les autres.

Je ne repeteray ce qui a eſté dict, pour montrer que ce n'eſt vn crime, & que l'acte de ſoy eſt iuſte. Ny de ce que le bleſſé n'eſt Roy, & ne le peut eſtre. Moins m'arreſteray ie a ces mots, de treſmeſchāt, treſinhumain, treſdeſteſtable, treſabominable, & treſexecrable, qui font peur aux petits enfans. Me remettrant a la ſubſtance du faiēt, lequel eſtant ſimplement iuſte, ceſte ſeule qualité diſſipe comme vn Soleil, tous ces brouillas de vitupere, & par l'excellence de la vertu, dont il a eſté parlé cy deſſus, donne a entendre le contraire. Pour dire, que c'eſt vn acte treſſainēt, treſhumain, treſdigne, treſlouable, & treſrecomendable. Ny pouuāt y auoir rien de plus ſainēt, de plus humain, de plus digne, de plus louable, & de plus recommandable, que de ſauuer tant de milliers d'hommes, tant preſens qu'auenir, de la damnation eternelle, ou celte Royaulté tend, par l'eſta-

*Vanité de  
blasmes  
contre  
laſſe de  
Chaste.*

blissement de l'heresie (oultre tāt d'effusion de sang, de ruynes, & de pertes temporelles, que les guerres apporteront) aux despens de la vie d'un seul homme. Et de l'ame la plus vile, que soit peut estre sous le ciel. N'y ayant celuy de tant de gens, qui sont mors a son occasion, tant melchant & miserable soit il, qui ne soit de cōditiō trop meilleure, que celuy qui n'excelle de rien par sus les autres, sinon que comme il est plus en autorité, ainsi il luy en prend, comme au Prince des tenebres, lequel pour sa principauté, est le plus miserable, le plus damné, & le plus maudict de tous. Pour estre ceste distictiō notable, entre le Royaume de Dieu, & celuy du Diable, que cōme au Royaume de Dieu, qui plus y est esseué, & est plus proche de Dieu, est plus heureux, plus sainct, & plus honorable, ainsi au Royaume de Satan, qui plus y excelle en grandeur, plus il est malheureux, plus maudict, & execrable.

*Melchant  
mis en  
autorité,  
est plus  
miserable.*

*Ce n'est  
leze ma-  
iesté diui-  
ne.*

Et pour l'egard de la maiesté, suffira icy de dire (oultre ce que n'est leur mestier, de determiner de leze maiesté diuine, qui n'appartient qu'a l'Eglise) que ce ne peut estre leze maiesté diuine, puisque tuer les heretiques, & heretiques relaps, est cōforme a la maiesté diuine, qui hait les heretiques: & comme il a esté dict & prouué cy dessus, tant par l'escriture, que les canons, donne puissance de tuer les heretiques.

Ce

Ce ne peut estre aussi leze maiesté humaine, puisque maiesté ne peut estre, en celuy que les loix de la maiesté condamner. Moins encores leze maiesté, puisque c'est faire suyuant les loix du Royaume, contre les rebelles & attaincts de felonnie. Et conformement aux Arrestz de la Cour, donnez contre luy & les siens. Puisque c'est faire suyuant le iugement des Estatz, emologué & enregistré es Parlemens, & Cours souueraines de France, & passé en loy fondamétalle. Par lequel, comme ennemy iuré, de l'Eglise & de l'estat, & comme il a esté dict cy dessus, il est déclaré, crimineux de leze maiesté, diuine & humaine, au premier chef, & priué tant luy que ses hoirs, procreez ou a procreer de tout droit de succession. Et ce par requeste présentée au Roy, par les trois ordres, & par la personne mesme, de l'Archeuesque de Bourges. Le tout pour les hostilitéz patètes, tant contre l'Estat & la Couronne, que cōtre l'Eglise, de celuy qui a tout remply de feu & de sang en France, depuis les mons Pyrenées, iusques aux extremitéz du royaume. Qui a esté chef des voleurs, qui a amené les estrangers, & estrangers heretiques. Qui a fait triōpher le Casimir de la France, avec des beufs aux cornes dorées.

Et quād la seule heresie seroit, cōmēt l'eust peu la loy admettre a la royauté (cōme la seule force, accōpagnée d'ignorāce & malice l'y a porté) veu qu'elle reiente telles gens,

*Ny leze  
maiesté  
humaine.*

*Dessus  
page 57.*

*Chefs de  
condem-  
nation  
contre. H.  
de B.*

*Auth. de  
bar. col.*

*Auth.  
de priui-  
leg. col. 8.  
Ce n'est  
point pa-  
ricide.*

Voire de faire testament, & d'estre ouys en tesmoignage, & de toutes charges ciuiles ?

Moins aussi peut cest acte, estre nommé paricide. Ne pouuât estre dict pere du pais, sinon celuy qui est vray & legitime Roy: ce que ne peut estre celuy, que les loix tant diuines que humaines auroyent exclus. Ioinct que par la loy, *neque fur, neque prædo cõsetur nomine patrisfamilias*. Aussi que plus grande absurdité ne peut estre, que d'appeller paricide, celuy qui tue le paricide. Et plus vray paricide ne peut estre, que celuy qui tue les deux meres, & celle qui engendre les corps, & celle qui engendre les ames, qui est l'Eglise & la patrie. Et moins peut il estre auoué, que le tyrannicide soit paricide, non plus que le tyran soit pere. N'appartenant qu'aux mesmes tyrans, ou aux supposés de tyrannie, de vouloir prendre l'un pour l'autre.

*Impertinence en la condamnation al'amende honorable.*

## CHAP. II.

**Q**VANT a la condamnation, qui a trois poincts, asçauoir l'amende honorable, la quelstio, & le supplice, me remettant pour les deux derniers, a ce qui a esté dict cy dessus, suffira icy de considerer l'amende, tât en la forme, qu'en la matiere. La forme est, en ce qu'on condamne Chastel, a faire amende honorable, deuant la principale porte, de l'Eglise

glise de Paris, nud en chemise, tenant vne torche de cire ardente, du poix de deux liures, & illec a genoux &c. Et voicy vn cas nouveau, dõt ceste mesme porte de l'Eglise de Paris, donnera tesmoignage, au iugement de Dieu, s'ouurant allencontre de ceux, qui au lieu mesme, ou leurs peres seãs au Parlement, enuoyoiẽt les heretiques, du Bourg, Nez d'argent, & les aultres, pour faire amende honorable, de leur heresie & impietẽ, ils y enuoient les Catholiques, en faueur des heretiques, contre la religion Catholique. Pour en auoir estẽ zelateurs, & pour auoir en faueur d'icelle, voulu suppleer le deffaut d'eux mesmes. Essaiant de faire contre le tyran, & vsurpateur heretique, ce qu'ils estoient reñus par leur charge, & quẽ leur corruption n'a voulu faire. Et par vne methode a rebours, donnent la peine, a qui merite salaire: & salaire plus grand, que les statues de bronze, & tant que l'antiquitẽ erigea iamais de monumens, a l'honneur des tyrannicides.

Mais pour l'egard de la matiere, quelle amende y aura il? C'est que Chastel en la forme quẽ deffus, condamnera son action, & ses parolles. Son action, pour le coup par luy faict: & ses parolles, pour la confession, & propos par luy dicts, & soustenus au proces. Et pour le premier, *Il dira, que malheureusemẽt & proditoirement, il a attentẽ le tresinhumain &*

*tresabominable parricide, & blesse le Roy d'un  
cousteau a la face.*

Digne proposition, de gens constans en leur erreur, & qui du mesme esprit, par lequel cy deuant ilz ont iugé, contre Dieu & sa parolle, cōtre l'Eglise & les Decrets, cōtre les estatz & loix fondamentales du Royaume, le tyran estre Roy, l'vsurpateur legitime, le criminel souuerain, l'ennemy Prince & naturel Seigneur: & depuis ils ont fait encore, d'un heretique, vn Catholique: d'un hypocrite, vn penitent: d'un frere couuert, vn conuers: d'un infidelle, vn treschrestien: d'un excommunié, vn enfant de l'Eglise: voire du mesme, par lequel le zele leur est sedition, la conscience rebellion, la craincte de Dieu folie, la religion superstition: du mesme esprit, dy-ie, ils continuent icy, a faire de vertu vn crime, pour dire prodicion, ce qui est deuoir; assassinat, ce qui est execution de iustice: & paricide, ce qui est venger le paricide, & attaquer la paricide.

N'auisant, comme par ce mesme iugemēt, condemnant Moyse, Phinées, Aiod, Helie, Mathathias, & autres semblables, qui ont seruy de patron & exemple, au zele de Chastel, consequemment ils iustifient les Idolatres du veau d'or, le paillard & la Madianite, la tyrannie d'Eglon Roy de Moab, les faulx prophetes de Baa<sup>l</sup>, la persecutiō d'Antiochus, & aultres tels impies, contre qui ces  
saincts

*Exod. 33.*

*Num. 25.*

*Iud. 3.*

*3. reg. 18.*

*.Mac. 1.*



saincts personnages ont degainé, & au sang desquels ils ont baigné, le trenchant de leurs espées. Et par mesme consequence, le Dieu mesme d'Israël n'eschappera leurs censures, qui a déclaré, tant par miracles & beaux succez, que par parolle expresse, que tels actes courageux, & genereuses entreprises, luy sont pour bien agreables.

*Falsitez notoires contre Chastel.*

CHAP. III.

**M**AIS cela n'estoit assez, si passant outre aux propos, tât veritables que pretendus de Chastel, ils ne s'engageoient en deux bien pires qualitez, sçauoir est de falsité & d'heresie. Et de falsité en deux sortes, & par texte tout expres. L'une de dire, *que Chastel a soustenu au proces, qu'il est loysible tuer les Roys: & l'autre, que instruction luy en auroit esté donnée.* Supposition en tous les deux, d'autant plus ridicule & intolerable, que la raison naturelle, voire par leur discours mesme, montre euidentement le contraire, & argue estre imposture. Et imposture miserable, de gens vaincus & abatus, *Art. 7.* & qui n'ayant sceu respondre, non plus que les Iuifs a saint Estienne, ny resister a l'esprit qui parloit, ont recours comme les Iuifs, a la seule calomnie.

Car pour parler de la premiere, tout bon esprit iugera, quel besoing auoit Chastel de *Premiere falsité.*

dire, *qu'il est permis tuer les Roys*, pour tuer vn qui n'est pas Roy, & qu'il ne recognoist pour Roy, & que si hault & si clair il soustient n'estre Roy, ny le pouuoir estre. Et de ceste verité negatiue, faiçt le fondemēt de son martyre. Et quelle raison a luy d'alleguer, ce qui seroit se contredire, & renuerser sa procedure? Ioinçt le peu d'apparence, que celuy qui est dict par l'arrest, auoir faiçt le cours de ses estudes aux Iesuites, ou la Philosophie est exactement montrée, & au surplus qu'ils ont conneu, & a leur confusion, homme d'esprit & de iugement, & comme dict le Poëte,

*Ieune hōme, en qui le nez & le sens ne manquoit,*  
ait faiçt ceste faulte en son syllogisme, de conclure vne affirmatiue, par vne negatiue, contre les reigles de Logique. Comme s'il eust dict, *Il est permis tuer les Roys. Or Henry de Bourbon n'est pas Roy. Il est donc permis le tuer.* Car qui ne sçait, que la conclusion suit tousiours la pire partie? & qu'en la premiere figure, il ny a iamais d'assomptiō negatiue? Et ce qu'un Dialecticien de quinze iours, ne peut ignorer, vn Philosophe consommé, qui a faiçt son cours entier, mesme estant question de rendre raison d'un tel faiçt, y auroit il choppé de la sorte?

Que s'ils scauēt en conscience, que sa ratiocination estoit telle. *Il est permis tuer le tyran, heretique, relaps, persecuteur de la religiō Catholique*

*Syllogisme vicieux, & ridicule-ment imputé a Chastel.*

tholique, excommunié & diffidé par l'Eglise, & <sup>Vray Syl-</sup>  
 priné tât par icelle, que par les Estats, de tout droit <sup>logisme</sup>  
 de Royaulté, domaine, succession, & déclaré enne- & dis-  
 my public par tous les deux, & usurpateur de l'e- <sup>cours de</sup>  
 stat. Or Henry de Bourbon est tel. Il est donc permis <sup>Chastel.</sup>  
 le tuer. D'autant plus sont ils miserables, de  
 sophistiquer ainsi son dire, & l'alleguer a  
 cōtrepoil, que par la on voit a l'œil, de quel-  
 le foy ils procedent aillieurs, & fuisse mesme  
 pour alleguer, comme rancost il sera dict, les  
 canons & l'escriture. Et comme pour ne  
 pouuoir demordre, que leur Henry est Roy  
 de Frâce, & en faire, cōme ils font, vn prin-  
 cipe, ils veulent que la verité cede a leur te-  
 merité, la raison a leur passion, & le discours  
 a leur folie.

Or si ceste falsité est claire, celle de l'in- <sup>Seconde</sup>  
 structiō ne l'est moins. N'appartenât qu'aux <sup>faulseté</sup>  
 Calvinistes, de dire, *Qu'il faut tuer les Roys.* <sup>en larrest.</sup>  
 Tesmoing les liures qu'ils en ont escrit, &  
 le conseil que donna Beze de tuer la mere  
 & les enfans, & ce qui se passa a Meaux, con-  
 tre le Roy Charles 9. comme il a esté dict cy <sup>pag. 28.</sup>  
 dessus. Et ie m'asseure qu'ils ne diront, que  
 Chastel ait esté instruiet par les Calvinistes,  
 ny au conseil des Calvinistes.

Bien peut auoir apris Chastel, ce que Na-  
 ture mesme enseigne, & qui est iustifié par  
 le droit, tant ciuil que canonique, & que les  
 plus ieunes scauent, que *vim vi licet repelle-*  
*re,* & ce que Ciceron entōne si haultemēt, en  
 l'vne

Pro Mil-  
lone.

l'une de ses oraisons. Car c'est, dict-il, une loy, non escrite, mais née avec nous, que nous n'auons apprise, leuë ny receuë, mais de la nature l'auons prise, puissee & tirée : a la quelle nous ne sommes enseigner, mais faicts : non instituez, mais imbus : que si nostre vie tomboit en quelques embusches, & en la force & aux consteaux, ou des larrës, ou des ennemys, tout moyen seroit honeste, de pourueoir a son salut. Et moins pouuoit il ignorer, qu'il n'y a force plus douloureuse, que de veoir violer sa mere, & celle en qui toutes les charitez sont comprises, qui est l'Eglise & la patrie. De veoir le meurtrier de ses freres, & le loup dans le bercail, qui tué les agneaux de Dieu, de mort eternelle & temporelle. Et quel besoing d'instruction, a qui est assez instruiet de luy mesme ? Et si de tuer telles gens, quand aultre moyen ne se presente, cela s'appelle tuer les Roys, que sensuit il, si non que les volleurs, meurtriers, oppresseurs de l'Eglise & de la patrie, soyent Roys ? Or pour ce que l'arrest dict, *ceste instruction estre damnable*, on laisse icy a iuger, quelle est l'instruction la plus damnable, ou celle que la nature enseigne, conformément a Dieu, aux loix, aux Decrets, & a l'Eglise : ou celle que l'heresie nous ameine, & confirme par cest arrest, contre Dieu, contre les loix, contre les Decrets, & l'Eglise.

*Herésie*

*Herésie manifeste en l' Arrest.*

CHAP. IIII.

**M**AIS pour venir a l'herésie, voions ce que poursuit l' Arrest. C'est que Chastel dira. *Que par faulx & damnable instruction, il a soustenu au proces, que Henry quatriesme, a present regnant, n'est en l'Eglise, iusques a ce qu'il ait l' approbation du Pape.*

Car l'herésie est indubitable, qui se trouue icy estre double: asçauoir celle des Politiques, & celle de Calvin & Luther, ou plustost de tous les heretiques. La premiere, de dire Roy legitime (car telle est leur intelligence, l'appellant Henry 4. & le mettant au nombre des Roys) celuy qu'on scait, auoir esté de tout temps, & estre encore heretique, & excommunié de l'Eglise. Et la seconde, de soustenir, que l'excommunié du saint Sieg<sup>e</sup>, est en l'Eglise, ou y peut estre, sans l'approbation du saint Sieg<sup>e</sup>. *Herésie double.*

Car que le premier soit herésie, cela est sans difficulté, veu les erreurs, voire heresies *Dessus pag. 95. & 96.* y comprises, dont a esté dict cy dessus, & que par la ils iustificient. Aussi que cela estant contre la parolle de Dieu, contre la doctrine de la foy, contre les iugemens de l'Eglise, & des Conciles, il n'ya que tenir, que l'herésie ne soit infallible. Car bien est ce contre la parolle de Dieu, veu la deffence expresse, & repetée par trois foys, que Dieu faict au peuple

*Dent. 17.* ple d'Israël, de se constituer un Roy, sinon qui soit du nombre des freres. Entendant par les freres, ceux de la mesme religiō, & enfans d'une mesme mere, qui est l'Eglise Catholique. Comme l'exposent les saincts Peres, & entre autres Lucifer contre Constantius. Et en est l'exposition necessaire. Pour ce que la vraye religion, n'estant lors qu'au peuple d'Israël, force estoit, pour declarer le vray fidelle, qui n'est aultre que le Catholique, d'vser de ce mot de frere.

*Dent. 7.* Le mesme se voit, tāt par la deffence, que Dieu faict a son peuple, de s'allier par mariage, avec les Cananeans, que par la deposition d'Ozias, Roy de Iuda, depouillé de son estat, par ordōnance & approbatiō de Dieu, pour la ladrerie qui luy vint. Consideré, que comme la royaulté, est vne espece de mariage, entre le Roy & le peuple, ainsi les saincts peres sont d'acord, que la ladrerie en cest endroit, signifie l'heresie. Occasiō pourquoy, en vertu de ces deux passages, le susdict Lucifer conclud, contre le mesme Constantius, qu'il doibt estre priué de l'Estat, pour raison de son Arianisme.

C'est aussy contre la doctrine de la Foy, pour l'iniure que cela faict, (comme les Theologiens de Paris, prouuerent par escrit public, l'an 1592.) tant au regne, qu'a la grace, & merite de Iesus Christ, & a la foy qui y est deuë. A son regne, luy bail-  
lant

*Frere signifie Catholique.*

*dessus  
page 51.*

*Ladrerie  
figure  
heresie.*

Iāt pour Lieutenant (car les Roys sont Lieutenant sans plus, Iesus Christ estat seul propriétaire) celui qui luy est ennemy iuré, voire qui est Antechrist, & avec qui il n'a nulle conuenance, comme est tout heretique. A sa grace, pour l'abus que seroit, veu quela Grace tant ministerielle, que meritoire, ne peut estre qu'e l'Eglise, de dire *Roy par la grace de Dieu*, celui qu'on scait n'estre en l'Eglise. Et plus de faire instrumēt de la grace, celui qui n'est susceptible de la grace. Et plus encore, veu que toute grace de Dieu, est le fruit du merite de Iesus Christ, qui ne peut estre, que pour edifier, & bastir sō corps mystique, qui est l'Eglise, & l'heretique au contraire, n'est au monde, que pour ruiner l'Eglise (suyuant ce que dict l'Euangille, que le larron ne vient, que pour derobber, pour tuer & destruire: & dessus a esté dict, qu'il est ministre, de celui qui s'appelle *Apolhyon*, cest a dire exterminateur) dire que l'heretique est par la grace, seroit de pouiller la grace, de sō fruit propre & naturel, & luy en dōner vn cōtraire. Voire est vn blaspheme manifeste, de dire que la grace de Dieu, soit destinée a destruire. Cōme aussi de dire, celui la estre par la grace de Dieu, qui est plustost par sa fureur. De mesme que les beltes furieuses, & l'exploit des mauuais anges, que Dieu enuoye en son indignation, & en l'embrasement de son ire. Comme il est dict en l'Ecriture.

Dessus  
page 33.  
Tout heretique  
est Antechrist.

1. Cor. 12.

Ephes. 4.  
L'heretique  
que nest  
au monde  
que pour  
ruiner.

Ioh. 10.  
Dessus  
page 80.

Psal. 77.

C'est



C'est aussi contre les Conciles, veu ce que l'on scait estre ordonné, par le concile de Latheran : qui priue & destitue tous heretiques, de toutes charges, dignitez, & fonctions publiques.

*Herésie de Luther & Calvin.* Que l'autre aussi soit l'herésie, tant de Luther que de Calvin, les termes mesmes le demonstrent. N'estant autre chose de dire, que l'excommunié par le Pape, est en l'Eglise sans le Pape, & sans son approbation, sinon depouiller le Pape, de sa souueraineté, & de l'autorité qu'il a par sus tous, de lier, & de lier. *Et de la clef de David, qui luy est cōmise, par la quelle il ouure, & personne ne ferme : & ferme, & personne n'ouure.* Et par ainsi, niant vn chef visible, & vniuersel en l'Eglise, renuerser la Hierarchie : & au lieu de Hierusalem, establir vne Babylon. Et veu que c'est l'escueil, ou non seulement Calvin & Luther, mais ausly tous les heretiques ont heurté, & se sont brisez, ils ne peuuent eschapper, que disant souuerainement & iudiciairement le mesme, ils ne soient, & par leur arrest, mis aussi au mesme nombre. Car comment s'accorderoit, qu'un mesme soit souuerain, & qu'on casse ses iugemens? Que l'inférieur condamne le supérieur, qu'il deface ce qu'il a fait, & contre luy & malgré luy, il delie ce qu'il auroit lié? Brief comme se peut iustificier, ce que la loy & les Decrets, mesme ce que le sens & la nature si

*Cum inferior de maiorit. l. Minor. ff. de minorit.*

haulte-

haultement, souuerainement & notoïremēt  
condamnent.

Car il ny a nul moyē, de tergiuerfatiō. Les  
parolles sont trop claires. Puisque *sans l'ap-*  
*probation du Pape*, c'est à dire maugré le Pape,  
celuy qu'il a excommunié, ne laisse d'estre en  
l'Eglise. Ioinct aussi les actions, precedentes  
& subsequentes, conformes a la parole, & la  
parole aux actions, qui montrent euïdem-  
ment, que c'est la sans plus qu'ils en veulent.  
Et que de l'abondance du cueur, dont ils  
ont cy deuant brulé les Bulles, proscript les  
Nûces, deschiré l'hôneur des Legats, cassé &  
biffé les indulgences du S. Siege, fermé la  
bouche a ceux, qui en deffendent l'autorité,  
& en pleine escholle: & sur tout en ont  
profané l'ordre, par les massacres qu'ils ont  
faicts, & continuent tous les iours, sur les  
Prebſtres, leur bouche a parlé alors. Comme  
aussi ce n'est merueille, si estans la plus part  
de profession Caluinistes, & le reste ou in-  
firme, ou d'accord avec eux (tels que sont  
tous Politiques) & par consequent portez,  
que de volonté que de force, par l'esprit de  
l'heresie, le fruiēt aussi qu'ils ont produict,  
est conforme a la racine. Suyuant ce que dict  
l'Euangile, *Engeance de viperes comment pour-*  
*riez vous parler bien, estant mauuais?* Car de l'a-  
bondāce du cueur, la bouche parle. Le bon homme,  
du bon thresor de son cueur, fait sortir bonnes  
choses. Et l'homme mauuais, du mauuais thresor de

*Euidence  
d'heresie.*

*Actions  
confor-*  
*mes.*

*Politiques  
d'accord  
aux here-*  
*tiques.*

*Mat. 12.*

M

son

Mat. 7.

*son cueur, tire aussi choses mauuaises. Et en tout (cōme il est dict aillieurs) on ne cueille point, ny la grappe des espines, ny les figurs des chardons*

*Mutation  
de Parle-  
ment fu-  
neſte.*

Ihren. 4.

*Etiuge icy qui voudra, quel honneur de Parlement. Et quelle mutation funeste, de l'antique probité, grauité, ſyncerité, integrité, pieté & religion de ce ſiege'. Puisque au lieu, la ou iadis on puniſſoit l'heresie, on prononce l'heresie. Puisque le lieu, que sur tout redoubtoient les heretiques, est l'appuy des heretiques, & le North ou ils aspirent. O ſace iadis de iuſtice, comme de belle que tu estois, tu es maintenant obſcurcie, & noircie sur les charbons ! O fructs de la bourse Huguenotte, & de la vendition des offices ! Et toy maison ancienne, comme ayant changé de maistre, tu as bien changé de nom aussi. Rendue que tu es, d'oracle de verité, la boutique de menſonge : de ſupport de pieté, la mere d'impieté : & de domicile de vertu, le refuge de malice. Et reduicte a ce malheur, qu'au lieu de l'eſprit de Dieu, qui preſidoit en toy, aujourd'huy, ſelon le Prophete, Le butor, le hybou, & le corbeau y habitent. Les espines, les chardons, & les ortyes y croiſſent. La eſt le repaire des dragons, & l'habitation des auſtruches. La les oyſeaux ſauuages, & les luytons crient l'un a l'autre. La y couche la Fie ou Lamie, c'eſt a dire l'heresie, & en ſon ombre le hybou fait ſon nid, pour y eclorre ſes petits.*

Eſa. 34.

*Les espines, les chardons, & les ortyes y croiſſent. La eſt le repaire des dragons, & l'habitation des auſtruches. La les oyſeaux ſauuages, & les luytons crient l'un a l'autre. La y couche la Fie ou Lamie, c'eſt a dire l'heresie, & en ſon ombre le hybou fait ſon nid, pour y eclorre ſes petits.*

Nul

*Nul moyen d'excuser l'heresie.*

CHAP. V.

**E**T ne seruira pour excuse, de dire qu'ils ont enuoyé a Rome, & qu'ils recognoissent le S. Siege. Car que sert d'honorer de bouche, & en effect l'opprimer? Ioinct que si la legation nouuelle, n'est, d'autre subtilité, que celle du Duc de Neuers, dont les lettres qu'il portoit, & que luy mesme il a publiées, ne parloyét que d'*obedience, benedictiō, & approbation du passé*, & nullement d'absolution (quoy que ledict Seigneur, par le discours de sa legation, tesmoigne l'auoir demandée) ce n'est pas amender la faulte, que d'y mettre vne telle emplaître. Et de vouloir encore vne fois, que la mine serue de ieu, seroit trop abuser du S. Siege. Et diroit on quē tels sophismes, de gens qui portent deux visages, qui ont le feu & l'eau ensemble, qui veulent & ne veulent pas, demandent & ne demandent pas, se submettent & ne se submettent pas, qui viennent en serpens & renards, & veulent estre veus brebis, qui voltigent en espreuiers, & veulent estre veus colombes, qui font les Cameleons, les Vertumnes & Protées, ne doiuent ainsi s'adresser au lieu, ou le S. Esprit preside, qui commande de *prendre les renardeaux, qui veulent demolir la vigne*. Et que tost ou tard il sçaura prendre, quād bié les hōmes y manqueroiēt.

*Nullité  
d'excuse  
sur la legation a  
Rome.*

*Cant. 20.*

*Legation  
a Rome,  
condamne  
l'arrest.*

Mais si c'est a bon esciant a ce coup (& on s'en rapporte a ce qui en est) & pour demêder absolutiō, cela ne sera pour sauuer l'Arrest, ains plustost pour le condamner, & auec solennité. Car pourquoy dire estre en l'Eglise sans le Pape, celuy qui si solennellemēt on demande, y estre mis par le Pape? Comme au contraire, s'ils maintiennent leur Arrest, ou si en effect ils y sont soustenuz, il ny a que tenir, que toute ceste legation, pour demander absolution a Rome, n'est sinon pour s'establiir d'une part, & pour s'en rire & moquer de l'autre.

*Traicté  
d'absolu-  
tion cano-  
nique.*

Ne leur seruira non plus, ny la Theologie de S. Denis, ny le beau traicté, que depuis ils en ont fait imprimer a Paris, ceste année 1595. chez Montrœil & Richer, *De la iuste & canonique absolution de Henry 4. &c.* Qui n'ayant osé paroistre, que deux ans apres le coup, ne l'ose encore maintenant, quoy qu'il ait la main forte, que sous le nom d'un estranger. Car on leur dira de mesme, si l'absolution est *canonique*, pourquoy donc aller

*Tiers moyē  
inutile  
& impos-  
sible.*

a Rome? Car de penser couler entre deux, & trouuer vn tiers moyē, pour ensēble deferer a la legation, & iustifier neantmoins, tant l'actiō des Euesques, que leur Arrest, & ioindre en vn, deux extremitez si contraires, le chemin est trop contrainct, les espines trop espaisies, & n'en sortiront que sanglans. Ou plustost, comme dict le Prophete, *le liēt est*

*Isa. 28.*

*trop*

*trop estroit, de sorte que l'un tombera a terre. Et la couuerture trop estroite, ne peut couvrir tous les deux. Et ne les sauueront alors, les exceptions canoniques, du peril & article de mort, des inimitiez capitales, & du danger en la demeure, pour dire qu'au refus du Pape, les Euesques, qui comme preudhommes, l'auroient ainsi iugé, auroient peu passer oultre, contre la volonté mesme du Pape. Et qu'attendant l'absolution de Rome, & sans preiudice d'icelle, la leur auroit eu vigueur, pour faire que le penitent, ne laissast d'estre en l'Eglise.*

Car quelles exceptions canoniques, contre la volonté expresse, & au refus de celuy, de qui elles s'ot emanées? Ou qui ouit iamais dire, que la grace du souuerain, fust pour agir contre son autorité, & preiudicier a luy *Excepiōs ne valent contre l'intentiō du legislateur.* mesme? Et veu que le deuoir de *preudhommes*, est de iuger selon l'intention du legislateur, comme seront ils receuables, iugeât directement a l'encontre, & contre le refus par luy faict?

Aussi que les raisons du refus de sa Sainteté, ayant esté simplement canoniques & peremptoires, comme encore elles conti- *Raisons du refus de sa Sainteté canoniques.* nuēt, pour l'impenitence notoire & publique, de celuy pour qui on parle, & de qui mesme les deleguez, qui allerent vers icelle, n'auoient charge ny adueu, autant ridicules sont les plainctes, qu'ils ont faict du-

*Impertinences de ceux qui se plaignent du refus de Pape*

dict refus, que leur procedure y a esté inciville: & damnable l'entreprise, que la dessus ils ont fondée. Gens sages, & entendus aux formes & reglemens canoniques. 1. Qui veulēt vne requeste estre receuē, pour celuy qui ne l'auouē, ny n'en est susceptible. 2. Qui parlent d'absolution, auant la conuersion. 3. Qui demandent la grace presente, sur le phantasme d'une conuersion future. Dignes & sages architectes, 4. qui veulent bastir sans fondemēt. 5. Et accorts & rusez marchans, qui veulent le drap sans payer, & sur vne caution en l'air. Car c'est ainsi que Tertullian en parle, disant *que la penitence est le prix, auquel se vent la grace de pardon.* Et dōt Dieu mesme est le marchand, & le Pape est son facteur, qui luy en doit rendre bon cōpte. 6. Et plus encore, qui promettent pour aultruy, ce que le mesme, pour qui ils parlent, ne peut promettre pour luy mesme, n'estant chose qui soit en sa puissance. Voire y auroit contradiction, de condamner ensemble, & approuuer vne mesme chose. La condamnant, en promettant le contraire. Et l'approuuant, y perseuerant en core. 7. Qui ne scauent que le temps des requestes presentées, pour se pouoir plaindre de la loqueur de iuge, ne doit estre compté, que du iour, que le suiet est disposé a l'effect de la requeste, & en est rendu capable. Ce qui ne peut estre, en matiere d'absolution, que par la conuersion: & conuersion

*Tertul. de penit.*



uerſion non future, mais preſente : & non preſente ſeulement, mais reconue pour veritable, & par vrayſ fruits de penitence. Et encore, comme dict l'ancien Pere Pacianus, *Epist. 1. ad Sympron.* avec grand poix & balancement, apres de grands gemiſſemens, & prieres de toute l'Egliſe. 8. Qui ne ſçauent la diſtinction du for exterieur & exterieur. Et que come pour l'interieur, Dieu *Nota.* qui ne ſe peut tromper, donne la grace au meſme inſtant de la conuerſion, ainſi pour l'exterieur, l'Egliſe qui ne voit le cueur, eſt tenuë de ſ'informer deuant, & iuger par les effectſ: comme eſtant la ſeulle marque canonique, que Ieſus Chriſt luy a donnee. Et *Mat. 7.* qu'on ne ſ'eſt ſie du premier coup a S. Paul, quelque vraye que fuſt ſa conuerſion, que premierement, tant par reuelation, que par *Act. 9. Gal. 1.* effectſ & bons teſmoignages, la verite n'en euſt eſte conueuë.

Et par ainſi tomberont de meſmes, ceſbelles exceptions, du peril & article de mort, des inimitiez capitalles, & du danger en la demeure, dont c'eſt eſcrit faiſt ſi grand feu. *Exceptions canoniques, mal fondees.* Car tout cela n'eſt ait canonique, ſi non pour les penitens, ny autrement qu'a la condition du principal, qui eſt la penitence, quelle raiſon d'alleguer ceſ choſes, ou la penitence n'eſt poinct?

Ouſe les autres raiſons peremptoires, qui rendent icy telleſ exceptions nulles. Car ſi bien le peril de mort, eſt fauoriſe au canon,

pour celuy qui est en dâger, si ne l'est il pour celuy, qui fait le danger luy mesme, tant pour luy que pour les aultres, & qui est cause de tout le mal. Nypour celuy, qui court hazard volōtaire, & en action illicite. Cōme aussi en action vaine & temeraire: telle qu'est celle des ioueurs de passe passe, & qui sautent sur la chorde. Suyuant ce qu'un ancien, escriuant sur ce passage, ou il est dict, *Que Dieu donne charge aux Anges, de garder l'homme en toutes ses voyes*, expose ce mot, des voyes iustes, & non temeraires. Et sur tout, n'est pour celuy, qui court hazard, pour violer les loix, tât canoniques que ciuiles. La loy voulât expressement, *que nul ne tire cōmodité, de la chose qu'il s'efforce de combattre.* Et quelle raison donc, de favoriser des Canons de l'Eglise, celuy qui combat contre l'Eglise, & contre les iugemens de l'Eglise?

*l. Ita tamē.  
men. Qui  
suspectā.  
ad Sēn.  
Trebel.*

Et pour les inimitiez capitalles, voire qui seroient acquises, par la coulpe de l'excommunié, si bien telle exception a lieu, pour vne coulpe vne foys commise, & qui ne se peut plus retenir: si ne l'a elle pour la coulpe, qui continue, & laquelle cessant, l'inimitié cesseroit. Comme est celle, d'vsurper un Estat, contre les loix, par celuy qui en est iustement exclus, & de favoriser les heretiques. Aultrement, la grace favoriseroit le mal. Et ne sensuit, que si bien la personne peut receuoir cōmodité de sa coulpe, que

pour-

pourtant la coulpe, doibue receuoir commo-  
 dité de la personne. Cest a dire, que pour  
 espargner la persône, la coulpe soit entrete-  
 nire. Veu que pour ceste raison, les incorri-  
 gibles, & qui continuent au mal, sont exclus  
 de toute grace, par les Loix & les Canons. *c. de Episc. aud. l. 3. de heret. in. 5. .4.*

Et au fort, quand ces deux exceptions au-  
 roient lieu, qui l'auroit lors pressé si fort,  
 veu qu'elles n'auoient este moindres, voire  
 plus grandes au parauant?

Car quant au principal qu'ils alleguent, *De penit. & remiss. c. ult.*  
 du danger en la demeure, veu que le danger  
 compris au Canô, n'est aultre que celuy *des*  
*ames*, cela auroit icy apparence, si le spirituel  
 les eust emeu, & non le seul temporel, tant  
 pour l'absous, que pour eux mesmes. Pour  
 la craincte qu'il y auoit lors, tant de la no-  
 mination d'un Roy aux Estats, que du re-  
 muement sourd entre les Catholiques, qui  
 commençoient a s'ennuyer, & qui a cousté  
 la vie, au dernier Cardinal de Bourbô. *Danger purement temporel, n'est a- nonique.*  
 Pour raison de quoy, n'y aiant aultre remede, que  
 de ceste conuersion & absolution, qu'il gar-  
 doit pour l'extremité, & a ce besoing seule-  
 ment, force luy fut de boire ce calice, sans  
 differer dauantage. Saut de le faire trouuer  
 bon aux Huguenots, tant eltrangers, An-  
 gloix, Hollandois, Allemans & Suysses, que  
 de tous les endroicts de la France: qu'il as-  
 seura de toute faueur & gratification, par ses  
 patentes du mesme iour, 25. Iuillet, 1523. Et

qui par ce moyen ont eu l'honneur, d'en recevoir les premières excuses, & plustost que le Pape. Auquel les lettres portées par Cliei, ne sont que du 18. Aoust. Et par tant ne peut estre en tout, ceste exception canonique.

*Vanité de  
danger  
spirituel.*

Car quant au spirituel dont on parle, pour la crainte, que le penitent ne perdît sa deuotion, ou qu'il fust detourné par les Huguenots, l'un & l'autre est trop ridicule. Le premier, pour ny auoir eu que craindre, de perdre ce qui n'estoit point. Et pour ce que n'ayant esté aultre ceste deuotion, sinon de consentir, d'vser de l'expedient de ceste fiction necessaire, ce seroit trop se mesprendre, d'appeller cela canonique. Et le second encore plus, puisque les Huguenots, d'aupres luy, Mornay, Sansy, & aultres, l'ont incité mesme a ce faire. Et quant a ceux qui le suyuent, si le scrupule les piquoit, pour la frequentation necessaire, avec l'excommunié, ils deuoient trop plus estre scrupuleux, de rien faire contre le S. Siege.

*Iugement  
de pren-  
dhomes  
ridicule.*

Et si c'est la toute la ressource, du iugement des Euesques, en qualité de *prendhommes*, pour bailler l'absolution, sur un danger temporel, & mesme en chose iniuste, & contre le iugement des loix, tant d'Eglise que d'Etat, cest mal s'acquiter de leur charge, de peres spirituels, & edificateurs de Sion, qui est l'Eglise, que de *plastrer la paroy, avec du mortier*

tier sans paille, cest a dire mal lié, & maçon-  
ner sans estoffe. N'auisant a ce que Dieu dict,  
& menace par son Prophete. *Dya ceux qui* Eze. b. 13.  
*maçonnent la paroy sans estoffe, qu'elle cherra.* Et de  
rechef, *Je destruiray la paroy, que vous auez pla-*  
*strée sans estoffe, & la rueray ius en terre, & sera*  
*son fondement descouuert :* & serez consuméz au  
my-lieu d'icelle, & scaurez que ie suis le Seigneur.  
I'accépliray ma fureur a la paroy, & a ceux qui la  
plastrent sans estoffe. Et vous diray, La paroy n'est  
plus, ne ceux qui l'ont plastrée. Car cest ainsi  
qu'il en parle, & a ceux qui sous couleur de  
dire *paix, paix,* ou il n'y a point de *paix,* suyuent  
leurs propre esprit, & fantasie particuliere.

Et si en tout, ceux de l'Arrest, n'ont aultre  
fondement de leur dire, ceste couuerture  
est trop claire, pour les cacher de l'heresie,  
& ce balton de rouseau trop foible, pour les  
soustenir en leur cheutte.

*Impertinence de l'inhibition, de proferer les propos  
de Chastel.*

CHAP. VI.

**R**ESTE le troysiemepoinct, qui est de  
l'inhibition & deffenſe, a toutes per-  
sonnes, de quelque qualite & condition  
qu'elles soient, *sur peine de crime de leze maieſté*  
*de dire ne proferer, en aucun lieu, public ne aultre,*  
*lesdicts propos de Chastel: lesquels ladicte Cour a de-*  
*claré, & declare scandaleux, & condamnez com-*  
*me heretiques, par les saints decretz.*

Ou

Incompe-  
tence de  
iugement  
spirituel  
pur des  
laïques.

Dessus  
page 133.

Ordre &  
partage  
des deux  
puissances  
Genes. 1.

Psal. 88.

Psal. 113.

1. Par. 19.

Ou comme l'heresie tourne en droict, & l'impieté s'en faict croire, deux choses sont a remarquer, a sçauoir l'entreprise au iugement, & le iugement en sa substance. Le premier, pour veoir icy determiner par gés lays, de la parolle de Dieu & d'heresie, cōme cy dessus de maïesté diuine. Ce qui n'appartient qu'à l'Eglise. Car si bien parmy-eux il y a quelques Ecclesiastiques, le nombre en estant si petit, & si peu respecté des aultres (au moins en ceste qualité) qui les emportent cōme vn torrét, cela ne doibt tenir lieu, que ce ne soit iugement de laïques. Ioinct l'entreprise dot a esté dict, de pourueoir aux benefices, disposer des confesseurs, voire aussi des predicateurs, & par dessus les Euesques mesme. Car ce n'est chose qui leur compete, ny comme Lays, ny cōme Clercs. Car si biē les Clercs y sont mis, pour soustenir les droicts de l'Eglise, si n'est ce pour entreprendre sur elle. Ny pour mettre en la main des Roys, ce qui est pur spirituel. On sçait l'ordre qui est en nature, & le partage qui en est faict. Que la Lune est pour la nuit, & le Soleil pour le iour. Et la nuit est le temporel, & le iour est le spirituel. Comme la Lune est la principauté, & l'Eglise est le Soleil, dont le throsne est deuāt Dieu. *Les cieux les cieux au Seigneur, mais il a donné la terre aux fils des hommes.* Ce que Iosaphat Roy de Iuda entendať *Amarias le Sacrificateur* (disoit-il) *presidera*



dera sur vous, en toutes choses du Seigneur: & Zabadias fils d'Ismaël, duc de la maison de Juda, sera sur tous les affaires du Roy. Et Hosius Euefque de Cordouë, a Constance l'Empereur. Ne vous meslez, ô Empereur, des choses Ecclesiastiques, & ne nous commendezy pas pour cest egard, mais plustost aprenezy de nous. Et S. Ambroise a Valentinian, Ne vous trauallez, ô Empereur, pesant auoir droit, de commender es choses diuines. Il est escript, Rendez a Cesar ce qui est a Cesar, & a Dieu ce qui est a Dieu. Les palais sont pour les princes, & les Eglises pour les prebstres. S. Athanase yroit plus oultre, & les appelleroit Antechrists, & l'abominatiõ de desolation predict par Daniel, cõme il fit le mesme Cõstance. N'appartenant qu'a ceux, a qui Iesus Christ a dict, comme mon pere m'a enuoyé, ainsi ie vous enuoye, de cognoistre de telles choses. Mal prit a Saul, & mal au Roy Ozias, de s'immiscer es choses sacrées, & tous deux y ont perdu, & le Royaume & la vie. Et Oza meurt soudainement, pour auoir mis indiscrettement la main a l'Arche, quoy que ce fust pour suppleer aux bœufs, qui preloque la faisoient tãber. Voire il en meurt cinquãte mil du peuple, & soixante & dix des Princes, pour auoir seulement decouuert, & regardé l'Arche. Aussi les mieux auisez Princes, se sont bien gardez d'y entreprendre. Constantin le grãd n'entre au Concile de Nice, sinon que tout le dernier, ne s'assied qu'avec permission

Athanas.  
ad solit.  
vitam  
agentes.

Epist. 33.

Athanas.  
vbi supra.

Ioh. 21.

1. reg. 13.

2. par. 26.

2. reg. 6.

1. reg. 6.

Euseb.  
lib. 3. de  
vita Cõst.  
Soc. lib. 1.  
c. 8.

des



des Euesques . Et ayant parlé vn peu de la paix & de la concorde, laisse le iugement de la foy aux Euesques. Voire ne veult cognoistre de leurs differends. Et Theodose le ieune, escriuant au troisieme Concile d'Ephe-se, dict qu'il se gardera bien, de parler des matieres de la religion, *pour n'estre loysible a aucun, sinon qui soit du nombre des Euesques, de s'immiscer aux chose, qui sont del'Eglise.*

Que si bien aujourd'huy en Angleterre, on en vse tout au contraire, ou vne femme mesme est receuë, pour presider es choses sacrées, quelle raison que la France soit emportée de ce vent? Que ces Aquilons l'entraiment? Et que ce que ceste pauvre Isle, n'a souffert que pied a pied, la France ycoure au galop?

Mais d'autant plus intolerables, d'entreprendre sur le ipirituel, qu'avec plus de seuerité, ils prohibent aux Ecclesiastiques, de parler du temporel. Et blasment si austere-ment en aultruy, ce que plus indignement ils commettent. Car si bien la Lune tient du Soleil, si le Soleil ne tient il de la Lune. Et plus de droict a en tout cas l'Eglise, de iuger du temporel, voire par la tesmoignage de S. Paul (*Scanez vous pas, dict-il, que nous iuge-rons les anges? Combien plus les choses seculieres?*) que non pas le temporel de l'Eglise.

1. Cor. 6.

Et plus encore le sont ils d'alleguer la parole de Dieu, & les saints Decrets, voire de s'en

s'en formaliser, qu'ils ne connoissent l'un ny l'autre, voire violét tous les deux. Et de condamner comme heresie, eux qui soustient l'heresie, & prononcent heresie. Car quelle parolle de Dieu en ceux, qui en tuent les ministres? en massacrent les prophetes? Ou quel goust de ceste eau viue, a qui en coupe les tuyaux? Et veu que la parolle de Dieu est en l'esprit, *qui seul vivifie, & la lettre tue*, & l'esprit n'est qu'en l'Eglise, comment la parolle de Dieu en ceux, qui se bandent contre l'Eglise?

2. Cor. 3.

De meisme est il des saints Decrets, en ceux qui violent les saints Decrets, & en font profession ouuerte. 1. Qui font mourir prestre & moynes, 2. qui cassent les prouisiōs de Rome, 3. qui desseindēt de plus y aller, 4. qui determinēt d'heresie, & de crime de leze maiesté diuine, 5. qui d'autorité souveraine osēt pourueoir aux benefices, 6. disposer des predicateurs: & pour legard de ces deux, faire la loy aux ordinaires. 7. Qui loustienēt vn excomunié par le S. Siege, estre en l'Eglise, sans & contre l'autorité du saint Siege. 8. Qui nyēt de pied ferme, la mesme autorité, & des sacrez Conciles, pour priuer les heretiques, de tout droit des Couronnes. Et generalemēt de l'Eglise, sur le temporel, en tous sens & en toutes sortes: & en font leur principale maxime, & sans admettre distinction aucune.

Qui

9. Qui commendent aux gés d'Eglise, cōme nagueres aux Chartreux, aux Minimes & Capuccins, de prier en public, & tout hault, pour l'excommunié, relaps, & contre l'essence mesme de l'excommunication, sur peine de vuidier le Royāume. 10. Qui ordōnent aux confesseurs, de reueler les confessions, voire mesme les y contraignent. 11. Qui brulēt les bulles du S. Siege, & par les mains d'un bourreau. 12. Qui n'aguères, & de fraische memoire, ont cassé & biffé la bulle du Iubilé, de N. S. Pere le Pape Clement VIII. a present seant, donné a Rome, du 3. Decembre, 1594. aux fins de prier, pour les necessitez publiques de la Chrestienté, assaillie de tous costez. Alleguant pour leur raison, la clause de reseruation y comprise, *des heretiques & schismatiques, speciallement declarez, & condamnez par l'Eglise*, a qui, & pour qui, la grace de l'indulgence n'estoit dōnée. 13. Qui veulent que l'heretique soit absous sans penitence, & que le relaps ait audience. Le tout contre les saincts Decrets, & constitutions conciliaires: voire contre tout ordre & police, tāt Ecclesiastique que Ciuile, & tout sentiment de Chrestienté. Car voyla la religion, & reuerence aux saincts Decrets, en ceux qui alleguent les Decrets, se formalisent pour les Decrets; & veulēt estre veus zelateurs des Decrets. Tout de mesme qu'en l'Euangile, le Diable allegue l'Escripture, luy qui est en-

nemy

nemy de l'Ecriture, condamné par l'Ecriture, & qui ne tache a rien plus, que de corrompre l'Ecriture. Et pourtant dignes comme luy, que silence leur soit imposé, indignes qu'ils foyent, de mentionner ou proferer par leur bouche, ny les Decrets ny l'Ecriture.

*Propos de Chastel ne sont scandaleux,  
ne seditieux.*

CHAP. VII.

**M**AIS pour venir au iugement, en sa subtilité, & n'insister seulement, comme l'on dict, *ad hominem*, prenons droit par leurs parolles. Et voyons quelle raison ils ont, de dire les propos de Chastel estre scandaleux, seditieux, contraires a la parolle de Dieu, & condamnez comme heretiques, par les saints Decrets.

Car pourquoy dire scandaleux? Ou comme prennent ils le scandale? Iamais verité ne fut scandale, qu'a l'ennemy de verité, ny la foy qu'a l'infidelle, ny la sainteté qu'au meschant. Qui est ce que les Theologiens disent, *scandale pris & non donné*. Bien heureux, *Mat. 11.* disoit Iesus Christ, *qui ne sera point scandalizé en moy*. Cela est le propre des Capernaïtes, qui ne veulent croire sa parolle, pour la mädication de son corps. C'est le propre des *Ioh. 6.* disciples apostats, qui disent *que ceste parolle est dure*. C'est le propre des Indes & sacramentaires, & de leurs disciples les Calvinistes,

N

qui

Isa. 3.

qui ont choppé a ceste mesme pierre, & tous se sont scandalizez. C'est le propre de deux maisons d'Israël (comme dict Esaie) c'est à dire de Simeon & Leui. L'une pour les Scribes & Pharisiens, l'autre pour les Pontifes & sacrificateurs, qui en sont venus, qui y ont choppé aussi. Brief c'est le propre de tous mechans, & des enfans de ce monde, a qui Iesus Christ desplaist, & a qui ils font la guerre. Ne pouuant estre vraiment scandalle, que ce qui est faux & vitieux, & qui par exemple ou instruction mauuaise, induit aultruy a errer ou mal faire. Tels que sont les propos de ceux, qui soustiennent les heretiques, qui affligent les Catholiques, qui font des schismes contre l'Eglise, qui font blasphemer le nom de Dieu, diminuer les enfans de lumiere, & multiplier ceux de la gehéne, comme il est faict par c'est Arrest. Et si Chastel a dict verité, si le contraire est heresie, comme il a esté montré cy dessus, quel preiugé feront d'eux mesmes, ceux qui y trouuent le scandalle? Et comme osent parler de scandale, ceux dont les actions entieres, voire la teste & les pieds, ne sont rien que pur scandalle?

Qu'c'est  
que vray  
scandale.

9. reg. 12.

Hier. 26.

3. reg. 22.

Ils ne sont nō plus seditieux, sinō de la sorte, que toute verité est appellée sedition, par celuy qui l'a en hayne. Cōme Helie de son temps, fut nōmé seditieux. Hieremie aussi, Michée & tous les autres Prophetes, & cōme  
tels

tels mal traictez aussi. De mesme aussi, que Iesus-Christ est accusé de seditiō, pour auoir presché verité, & comme tel condamné par Pilate. Et depuis tous les Martyrs, qui ont passé par les glaiues, & par les feus des tyrās. Et les confesseurs de mesme, les Athanases en Egypte, les Basiles, & les Chrysostomes en la Grece, & les Hilaires en la France. Et en tous endroicts, ceux qui preschent & disent verité. Ou comme on diroit seditieux, celuy qui crie voyant le larron, ou au loup qu'il voit venir. Qui dōne l'alarme sur l'ennemy, & le voyant sonne la trompette. Mais si au contraire est seditieux, celuy qui porte le mechant, qui met le feu dedans l'Eglise, qui renuerse les loix du pays, & qui faict que la raison cede a la force, comme s'en excuseront ceux qui parlent?

*Propos de Chastel, ne sont contraires a la parolle de Dieu.*

CHAP. VIII.

**M**AIS d'autant plus est il ridicule, de declarer ses propos cōtraires, a la parolle de Dieu, & condampnez comme heretiques, par les saints Decrets, que l'Escripture & les Decrets, montrent euidemment le contraire, & iustificient le dire de Chastel. Comme pour tous les deux articles, tant du Tyrā, heretique, relaps, excommunié, vsurpateur, &c. qu'il est loysible de faire mourir,

**N**a que

que pour l'excommunié du S. Siege, qui ne peut estre remis en l'Eglise, sans le Pape, il a esté monstré cy dessus, par l'Escripture & les Decrets.

Cars'ils pensent se preualoir, de ce qui est en l'Escripture, en faueur des Roys, il faudroit montrer deuant, que les heretiques & les tyrans fussent Roys. Ou que l'Escripture fauorifast telles gens, comme Roys. L'equiuoque estant trop grossier, de vouloir prendre l'un pour l'autre.

Exod. 22.

Pf. 104.

Mat. 22.

1. Pet. 2.

Rom. 13.

1. Timoth. 2.

Bien se trouue il escrit, *Tu ne maudiras point le Prince de ton peuple.* Et aillieurs, *Ne touchez point a mes oings* (quoy que l'un & l'autre est premierement dict des prebstres) & Iesus-Christ dict, *Rendez a Cesar, ce qui est a Cesar.* Et S. Pierre commande d'estre suiets a tout ordre humain, soit au Roy comme au supérieur, soit aux gouverneurs, comme enuoyez de par luy. Et derechef, *Craignez Dieu, honorez le Roy.* Et S. Paul enseigne, que toute personne soit sujette, aux puissances superieures. Et d'estre suiets, non seulement pour l'ire mais, aussi pour la conscience. *Rendre a qui tribut, le tribut: a qui peage, le peage: a qui crainte, la crainte: a qui hōneur, l'honneur.* Et qu'auant toutes choses, on face requestes, prieres, supplications, & actiōs de graces, pour tous hommes, pour les Roys, & pour tous ceux qui sont constituez en dignité. Et quant aux Decrets, on sçait ce qui a esté allegué cy dessus, du Concile 5. de Toledé, & de celui de Constance.

Mais



Mais aussi sçait on, que tout cela s'entend des Roys legitimes, & approuuez de l'Eglise. Et d'approbation, non de tolerance, ou souffrance seulement ( comme iadis en l'Eglise primitiue, que l'Eglise n'estoit paruenue a son autorité entiere, & particuliere-ment pour cest article ) mais aussi de reconnaissance, de vrays enfans & nourrissons de l'Eglise. Comme il est aduenu depuis, que les Roys se sont soubmis a l'Eglise, & ont reconneu tenir leurs couronnes de Iesus-Christ, en tiltre de fief, & comme Lieutenas d'iceluy. Suyuant ce qu'escriit le Psalmiste, parlant aux Roys. La ou, pour ce qu'on liect vulgairement *Apprehendite disciplinam*, il y a dans l'Hebrieu, *Baisez le fils*, asçauoir en signe d'hommage & suiection. Comme de faict l'Escripture explicant cela, & predisant ce qui estoit a auenir, appelle les Roys par le Sage, *Ministres du Royaume de Dieu*, sans plus. Et dans Esaie, *nourrissons de son Eglise*: qui en ceste qualité, *luy feront reuerence, la face baissée en terre, & lecheront la pouldre de ses pieds*. Comme estant celle, ou Iesus-Christ a estably son sceptre, & la maison de Iacob, *ou il regnera eternellement*. Et par le mesme Prophete, leur enioinct, & sur peine de perir, eux, leurs peuples, Royaumes & couronnes, *qu'ils ayent a se renger, & seruir a l'Eglise*. Ce qui est aussi le sens, du mystere reuelé a Nabuchodonosor, & interpreté par Daniel, de la pierrette

L'Escripture re-  
commen-  
dant les  
Roys, n'en-  
d par-  
ler que des  
legitimes.

Psal. 2.

Sap. 6.

Esa. 49.

Luc. 2.

Esa. 60.

Dan. 2.

roullée du hault de la montaigne, sans main d'homme, qui ruyna la statuë, figure des monarchies du monde. Pour les assuiettir aux loix de Chrestienté, & leur faire prédre vne meilleure forme.

Mais pour l'egard des heretiques, relaps & excommuniez, condamnez & priuez de droict, & par consequent illegitimes, & vrsurpateurs a faulx tiltre, telles faueurs ne se trouuent pour eux: & en parlent tant l'escriture, que les saincts Decrets, comme il a esté dict cy dessus; d'une bien differéte sorte. Et comme l'accord de ces deux, a seruy de fondement, a la Bulle d'excommunication, prononcée par Sixte V. contre le Roy pretendu: ainsi de la aprenons nous, que si ne luy est il acquis pourtant aucun droict, ny la liberté ostée aux Chrestiens, de se preualoir alencontre. Et par ainsi comme de l'escriture & des saincts Decrets on collige estre heresie (& la verité est telle) de dire *qu'il est permis tuer les Roys*, cest a dire les Princes legitimes, approuvez & non condamnez par l'Eglise, & par l'estat: ainsi dire le semblable de l'heretique & tyran, condamné, & exclus de la Couronne, par l'Eglise & les Estats, est autât éloigné d'heresie, cōme de dire que qui est tel, est Roy legitime, est vne vraye & damnable heresie.

*Exem-*

*L'Escriture n'ensend fandrifer l'heretique.*

*par. 2. ch. 31. & 12.*

*Deffus  
p. 28. 157.*

*Exemple des Empereurs, ne conclud pour les heretiques.*

CHAP. IX.

**Q**UE s'ils combattent par exemple, disant que du temps des Apostres, les Roys estoient infidelles, & n'ont laissé pourtant les Apostres, d'escrire en faveur d'eux, ce que dessus, & qui a esté pratiqué deslors. On respond, que si bien alors les Roys estoient infidelles, si ne laissoient ils d'estre encore legitimes. Pour n'auoir encor la loy, qui declare les infidelles illegitimes, esté publiquement receüe, par les Roys & les Royaumes. Ce que n'estant auiourdhuy de mesme, que l'Eglise vse de ses droicts, apres la submission des Roys, & de leurs Estats, telle qu'Esaie *Isa. 49.* l'auoit predict, & que la loy produit son effect, pour faire que ce qui subsistoit par nature, subsiste auiourdhuy par la grace (& pourtant se disent au iourd'hui Roys, non simplement, mais Roys par la grace de Dieu) n'est merueille, si l'escriture qui lors recommandoit les infidelles, auiourdhuy leur est contraire. Suyuant le dire de S. Paul (*2. Cor. 10.* & par l'interpretation de S. Augustin, ) qui ordonne d'estre appareillez, a venger toute desobeissance, apres que la premiere obeissance, (qui est *Aug. Ep. 50.* celle de la submission des Roys) sera accomplie. N'y ayant pour cela variation, au sens de l'escriture des Apostres, ains en la

matiere suierte. En ce que tel, qui alors estoit legitime, est auiourdhuy illegitime. Et l'Ecriture, comme à esté dict, ne fauorise que les legitimes.

Que pour legard des heretiques, si le paye est auiourdhuy incapable, d'autant plus l'est aussi tout heretique, que plus particulièrement, & personnellement, celuy qui est heretique, s'est obligé par le baptesme, d'obeir a Dieu & a l'Eglise. Ioinct aussi que l'heretique est incomparablement, plus dangereux & preiudiciable a l'Eglise, que tout payen & infidelle.

*Nyl'exemple des Empereurs heretiques.*

#### CHAP. X.

**E**T si on dict, que depuis ce temps, plusieurs Empereurs heretiques ont esté obeis, & recognus pour legitimes, on scait aussi pour respōce, les cruelles tragedies, qui ont esté executées sur leurs personnes. Dont les executeurs n'ot esté blasmez, quoy qu'ils eussent raiy l'Estat, si non pour auoir esté imitateurs, de l'infidelité de ceux, qu'ils auoient mis hors du monde. Comme iadis il s'est veu, au Royaume d'Israel, en Samarie. Es personnes de Baasa, qui tua Nadab, fils de Ieroboā. De Zambri, qui tua Ela, fils de Baasa. De Amri, qui fit mourir Zambri, qui se brula vif. De Iehu, qui tua Iorā & Jezabel, fils & femme d'Achab. Qui tous s'estans fai-

3. reg. 15.

3. reg. 16.

4. reg. 10.

sis de l'Estat, de ceux qu'ils auoient tuez, n'ont esté blasmez pourtant, ny chastiez de Dieu, sinon, ou pour auoir suiuy l'impieté de leurs deuanciers, ou pour l'auoir changée en vne aultre. Comme fêit Iehu, qui ayant ruyné l'impieté d'Achab, qui adoroit Baal, reuint a celle des veaux d'or, qu'auoit mis Ieroboam: Comme aussy le mesme Ie-<sup>Ibid.</sup> roboam, qui sauit la plus grand part, de l'Estat de Roboam, n'en a esté chastié ny blasmé de Dieu, ains seulement pour s'eltreamenti, de la religion de Dauid. Ce qui fut cause de sa ruïne, veu la promesse que Dieu luy auoiet faicte, par le Prophete Ahias, d'estre avec luy, & luy bastir vne maison ferme, pouruen qu'il gardast ses commandemens, & che-<sup>3. reg. 12.</sup> minast en la voye de Dauid. Argument euident, que ce que tels heretiques ont esté reconneus Empereurs, comme Valens, Basiliscus, Zeno, Anastasius, Philippicus, Copronymus, Sauratius, les deux Leons Iconomaches, Michaël Balbus, Theophilus, & aultres, a plus tost esté de faict, que de droict. Et partant, n'y a rien qui puisse de la, estre tiré en exemple, ny consequence, en faueur des heretiques.

*Et moins au royaume de France.*

CHAP. XI.

**I**OINCT, que quand en tout aultre royaume de Chrestienté, l'heretique ( ce que

non) pourroit auoir droit, de Prince legitime, le seul tiltre de Treschrellié, au Royaume de France, reiecteroit naturellement, & par prerogatiue speciale, tout espee d'heretique. Pour l'incompatibilité qu'il y a, d'heretique & de Treschrellien. Veu que par la confelsion des anciens peres, l'heretique n'est pas seulement Chrestien. Et est honte a ceux, qui pour se dire bon François, parlent si hault des priuileges du Royaume de France, d'obmettre, voire de fouller aux pieds; celuy qui est le plus beau, le plus digne, & le plus naturel de tous: & qui pour cest esgard, le rend comparable, a la dignité & puereté du S. Siege, qui est **DE NE POUVOIR ESTRE** legitiment commendé par vn heretique.

*Heretique  
n'est pas  
Chrestien.*

*Quel le  
plus beau  
& le plus  
digne pri-  
uilege de  
France.*

*Ny la patience des Saints.*

## CHAP. XII.

**E**T si on allegue les Saints, qui ont paty longuement sous telles dominations, & ne se sont auisez de tuer les Tyrans, quelque heretiques qu'ils fussent: on respond, oultre ce que l'argument negatif ne conclud, qu'il y a trop de difference, entre ce qui est licite & meritoire, & ce qui est d'obligation. Car si bien l'œuvre estoit meritoire, si n'y estoient ils tenus pourtant. Et si bien l'obligation n'y est, & ne perdent pour cela, ceux qui endurent les tyrans, & ne les tuent,

tuent, le mérite de leur patience, voire que, comme il a esté dict, c'est en icelle que consiste l'excellence du mérite, si ne laisse pourtāt, <sup>Dessus part. 3. ch. 11.</sup> celuy qui s'efforce de faire vertueusement, pour le public, & n'en vient a chef, d'auoir le fruit de son mérite. Et d'autāt plus grād, que pour ceste occasion, il endure de plus grandes peines.

*Nyl'exemple de Nabuchodonosor.*

CHAP. XIII.

**M**OINS encore faict en cest endroiēt, l'obiection tant de fois promenée & remuée, du cōmandement de Dieu, faict par Hieremie, au peuple de Iuda, de se submittre au Roy Nabuchodonosor, vsurpateur & infidelle. Pour estre cela vn faict particulier, qui ne doibt tourner en reigle, ny en exēple ou consequence. Non plus que le commandement, que Dieu feit au peuple d'Israël, <sup>Hier. 27.</sup> d'emprunter les bagues & ioyaux des Egyptiens, & les emporter sans les rendre. Et a Osee le Prophete, de prendre vne putain <sup>Exod. 120.</sup> pour femme. Et qui d'aillieurs, est assez contrebarré, par d'autres faicts particuliers cōtraires. Comme de l'execution a mort de <sup>Osee. 1.</sup> Amasias Roy de Iuda, pour son idololatrie, du remuemēt des Macchabées cōtre le Roy Antiochus, & aultres exemples cy dessus <sup>2. par. 25.</sup> mis. Aussi, qu'il n'y a point auioird'huy de <sup>1. Mac. 2.</sup> Hieremie, qui commande d'obeyr a ce Roy pretendu




pretendu (si ce n'est, que l'Archeuesque de Bourges, Patriarche des schismatiques, & ses consors, soy ét deuenus Prophetes) ains plustost qui le prohibe, qui est N. S. Pere. Et est merueille, comme ceste obiection si chancie, & trainée parmy les cendres, ose en cores paroistre au iour. Argument euident, du peu de support, que telles gens ont en l'Escripture, dont ils escorchent si pietrement la lettre nué.

# PARTIE

## CINQVIESME.

VICES ET IMPERTINANCES de l'Arrest contre les Iesuites.



ESTE le faict des Iesuites, & l'iniure, tant generale, que particuliere, que ceste barbare fureur, a vomy contre ceux de ce corps : ou plustost cõtre l'Eglise, & contre la religion entiere. C'est qu'a l'occasiõ de Chastel, qui a faict ses estudes aux Iesuites ( car d'aultres raisons n'alleguent ils poinct ) ils ordonnent en general, que les Prebstres & escholliers, du college de Clermont, & tous aultres soy disans de la diète societé, comme corrupteurs de la ieunesse,   
ert ir-

perturbateurs du repos public, ennemys du Roy & de l'Estat, vüderont en troys iours, apres la signification du present Arrest, hors de Paris, & aultres villes & lieux, ou sont leurs colleges. Et dans quinzaine apres, hors du Royaume, sur peine, ou ils seront trouuez, ledict temps passé, d'estre punis comme crimineux & coupables, du dict crime de leze maiesté. Les biens, tant meubles qu'immeubles, a eux appartenans, employez en auures pitoyables, & distribution d'iceux faicte, ainsi que par la Cour sera ordonné. Oultre, faict deffence a tous suietts du Roy, d'envoyer des Escholliers, aux colleges de ladicte société, qui sont hors du Royaume, pour y estre instruits, sur la mesme peine, de crime de leze maiesté. Car ce sont les mots de l'Arrest, & qui a esté ainsi executé.

Or on prie icy toutes gens, d'entendement & de raison, de vouloir arrester vn peu, pour veoir ce seul exemple, ce que peut la passion, pour aveugler les hommes, & pour transporter les iuges, en inconuenient & deffordre. Pour l'experience qui se trouue, en cest article entre les aultres, d'animosité precipitation, calomnie, iniustice euidente, & pour consommation de l'ceuvre, de rage & de furie. Car ce sont les belles parties, qui se voient icy assemblées, & qui, toutes s'accusent d'elles mesmes.

## CHAP. I.

**L**ANIMOSITE y est claire, a considerer tant la passion en general, de ce corps du Parlement, comme il est composé, en la teste, aux membres, & aux pieds, cōtre l'Eglise & les Ecclesiastiques: que la haine particuliere, qu'ils portent a ceux cest ordre. Le premier, pour y auoir vn chef, qui se qualifie bourreau de la Ligue, cest a dire de l'Eglise, & des Catholiques, & de tout ce qui est contraire a l'heresie. Car qui ouit iamais dire, qu'un bourreau deust estre iuge? Et en oultre, eleué a cest estat, par la faction de Geneue, dont entre aultres estoit son frere. Et la pluspart des membres, promeus par la mesme voye, comme a esté dict cy dessus. Et pour le parquet, qui sont les pieds, oultre le Procureur general, heretier de la religiō de son pere, la seule personne de Seruin aduocat, principale partie des Iesuites, huguenot, instruiēt a Geneue, fils d'un ministre, qui depuis a esté pendu, & dont l'estat a esté certainemēt payé, de la bourse Huguenotte, deuoit suffir pour toute preuue. Mais plus encor les fruiets qui en sont, par la mort cōiurée des Ecclesiastiques, & par les cruelles executiōs, qui tous les iours s'en continuēt. Sans auoir egard a leurs sainctes ordres, ny aux constitutions canoniques, ny a l'authorité

*President  
Harlay se  
qualifie  
bourreau  
de la li-  
gue.*

*page 109.*

*Servin  
Huguenot  
principale  
partie des  
Iesuites.*

rité de l'Eglise. Et mesme avec ceste ignominie, de pendre en mesme heure, & en mesme gibet, vn prestre avec vn bourreau, comme ils ont fait, en contumelie de l'ordre.

Et quant au particulier de la hayne, contre les Iesuites, l'occasion prise a propos, ou *Hayne particulière contre les Iesuites.* plustost tirée par les cheuaux, de ce dont ils auoient tant esté en peine, & qu'ils auoient tant recherché, les moys de Iuin, Iuillet, Aoust, & Septembre au parauant, pour faire ce qu'ils ont fait, & n'en auoient peu venir à bout. Et qu'ils ont pris finalement, sur vn cas tant inopiné & fortuit, pour les condamner, & sans aultre suiet, que d'vn phantasme en l'air, & du nuage d'vne soudaine emotion, montre assez ce qui en est.

De mesme que les Iuifs & Pharisiées contre Iesus Christ, dont ils espioient les actions, allant & tracassant ca & la, pour trouuer suiet de mesdire, voire de le perdre, & n'ont cessé, tant qu'ils l'ont mis a la croix.

Tesmoins les menaces de Sarmoyse, & des aultres Politiques, avec parolles iniurieuses, contre ceux de ceste Societé, au parauant la prodiction, & publiées tant de viue voix, que par escrit, en l'Antixspagnol, & ailleurs. Tesmoins depuis la trahyson, les allées & venues, du iudict qualifié bourreau, & de ses consors: qui sur ce suiet, & pour la résistence d'aucuns, qui ne suyuoient leur passion,

ONT

- ont sué sang & eau, & aillieurs que dans le Palais, & a d'autres heures que de iour. Tef-
- 3- moin le secours & aduis des ministres Huguenots, qui leur ont seruy au besoing, & y ont ioué leur rollet, comme tâtost sera dict.
- 4- Tefmoin les libelles diffamatoires, & horribles impostures, depuis publiées par escrit, cōtre les mesmes de ceste Societé, iusqu'a les traduire impudément, de sorcellerie & enchanterie. Comme il s'est veu, par vn certain traicté, intitulé *La leçon aux Ligneurs*, de l'inuention de celuy, qui de grand docteur qu'il estoit, & souuerainement reconeue aux Halles, pour faire la leçon aux Ligneurs, apréd la sienne au coin des Halles, & de la cloaque la plus impure des mechās. Tefmoin la continuation a cest effect, d'vn Huguenot eau de chirurgien, nōmé d'Amboyse, a la charge de Recteur de l'Vniuersité, intrus premieremēt de faict & de force a ce degré, a l'instant de la trahysō de Paris, & depuis cōtinué, par mesme violence, contre les formes & priuileges deladicte vniuersité, & au preiudice de la cōclusiō generale d'icelle, les quatre facultez assemblées, peu au parauant ladicte trahyson. Par la quelle, ledict chirurgien auoit
- 5- cité nommement exclus, & biffé deladicte Vniuersité, & déclaré indigne d'y receuoir aucun grade. Le tout pour seruir de brouillon, a renouveler le vieux proces, pendu au croc, de la dicte Vniuersité, contre lesdicts
- Iesuites

*Libelle  
diffama-  
toire cōtre  
les Iesui-  
tes.*

*Proces re-  
nouuélé  
expres  
contre les  
Iesuites.*

Iesuites. Et au preiudice de la declaration, que particulieremēt en firēt alors les Theologiens, par laquelle, ils renonçoient de leur part, a l'instance, & embrassoient ladicte Societé. Tesmoin le discours de Pontdaymery, sur le faict dont est question, & dedié au premier President, comme vn trophée au vainqueur, avec inuectiues cōtre ceux, qui auoient apporté plus de religion, pour ne condamner ladicte Societé, & cōme l'on dict sur l'etiquette du sac. Tesmoin l'inimitié de Seruin heretique, contre son collegue Seguier Catholique, qui s'est icy principalement eclosé. Tesmoin le triomphe des Huguenots dans Paris, & congratulations a leurs confreres du Parlement, sur ce suiet, & les bouffonneries qu'ils en ont publiées, tāt en prose comme en vers. Brief la caballe des ennemis de ceste Societé, a qui l'occasion du coup de Chastel, a seruy de manteau de charité, pour couvrir la multitude des iniquitez, qu'ils auoyent conceuës contre icelle. Dont ils ont esté en trauail tant de temps, & qu'ils ont enfantée a ceste heure.

*Precipitation & desordre au Iugement.*

CHAP. I.

**Q**VANT a la precipitation, la briefuēté du temps, les formes nullement gardées, & la malfaçon de l'arrest, en donnent suffisante preuue. Estant icy ou iamais, que

Brieveté  
de temps.

le proverbe a en lieu, *que la chienne qui se haste fait ses petits auengles*. Car pour le temps on peut iuger, quel loisir a gens forcenez, de rabattre leurs fumées, & donner lieu a la raison. Ny ayant qu'un iour entier, entre le coup de Chastel, qui fut le mardy 27. Decembre a 7. heures du soir, & l'arrest prononcé, le Ieudy 29. suyuant au matin. La malfacō n'y est moins, pour n'y veoir vn seul brin des formes ordinaires & vsitées. Sans charges, sans informations, sans partie, sans tesmoins, sans requeste du Procureur general, sans estre appelez, ouys, interrogez en general ou particulier, voire tant seulement mentionnez au proces. N'ayant esté la dict d'eux en tout, sinon que *Iehan Chastel a fait le cours de ses études en leur college*, & que *Iehan Gucret, precepteur dudict Chastel, estoit prestre de leur société, & demeurant audict college*. Ce que s'ils reputent pour crime, ou pour argumēt peremptoire de crime, comment se sauueront ils, qu'ils ne condamnent leurs enfans, qui ont demeuré audict college? Voire ceux mesmes de leur corp, qui y ont esté nourris, comme d'aultres? Je diray leurs personnes mesmes, qui tant de fois ont fait honneur, a leurs exercices publics, ou ils ont assisté avec tant d'applaudissemens? de benedictions? de louanges? d'actions de grace? de demonstrations d'obligation eternelle, qu'ils reconnoissoient auoir a leur merite?

Nullité de  
formes.

*Inge*



*Jugement  
sans ouyr  
les parties*

On vous appelle icy tous iuges, tous Iuriconsultes & Docteurs, tous practiciens des Cours, tant souueraines que subalternes, tant des Royaumes que Republiques, tant anciens que modernes, tant domestiques que forains, tant presens qu'auenir, venez, accourez, sondez, & voyez le iugement, & s'il y en eut vn iamaïs de semblable. On appelle icy Nicodeme, qui disoit aux prestres & Phariseans, qui en vouloyent vïer de mesme, contre Iesus-Christ. *Nestre loy iuge elle vn homme, deuant que del' auoir ouy, & cogneu ce qu'il a fait?* On appelle le Proconsul Festus, qui disoit que les Romains n'ont point la custume, *de liurer quelqu'un, deuant que celui qui est accuse, ait ses accusateurs presens, & qu'il ait lieu de se deffendre du crime.* On appelle le Iuriconsulte Vlpian, qui dict qu'en matiere criminelle, *matiere qui touche l'honneur de la personne, il fault que les preuues soyent plus claires que le iour.* On appellera mesme Pilate, lequel quelque inique iuge qu'il fust, si sceut il demander pourtant, *Quelle accusation apportez vous, a l'encontre de c'est homme?* On appelle la maximè vñtée en tous iugemens, qui est d'ouir la partie, suyuant ce que dict la Medee es tragedies.

*Iob. 7.*

*Act. 25.*

*Tit. de do-  
lo.*

*Iob. 18.*

*Qui iuge sans ouir la partie contraire,  
Est, quoy qu'il iuge bien, iniuste & temeraire.*  
Et le bon mot de Latin, du Roy Loys 12. *Audi partem.* Speciallement en matieres criminelles,

*l. Si qui  
t. Qui ac-  
cusare non  
possunt.  
Danger de  
condam-  
ner l'in-  
nocent.*

nelles, ou les circonstances a garder au iuge, sont instituées en faueur des criminels, pour estre LE DANGER plus grand, de condamner vn innocent, que d'absoudre vn meschât. N'y ayant qu'une seule occasion exceptée, pour commencer par l'execution, qui est de tumulte & sedition populaire, en flagrant delict, ou l'executiō faicte de quelques vns, le proces se faict par apres, tant contre les executez, que contre les aultres coupables.

*Ordonnā-  
ces vio-  
lées.*

On appelle les ordonnances des Roys de France, speciallement celle de 1539. de François premier, pour les formes de proceder, tant en matieres ciuilles, qui est de communiquer a la partie, & donner moyens de debatre & cōtre dire: qu'es matieres criminelles, ou les charges & informations precedent, puis l'interrogatoire, puis la confrontation de tesmoins, avec liberte de les reprocher, & dont le iuge mesme doibt aduertir l'accusé, s'il est simple & ignorant, des formes de la iustice. Le tout a peine de nullité de iugement.

Oultre les aultres regles & ordonnances, pour le faict de la conuiction de l'accusé: dōt la iustificatiō doibt estre recerchée, plus que la condemnation. Voire avec tāt de circonspectiō, & de necessité de preuues suffisantes, qu'au cas qu'elles ne soient, le Iuriconsulte deffend, de cōdamner l'accusé. Disant, qu'il vault mieux absoudre vne cetei-  
ne de

ne de meschans , que de condamner vn seul innocent. Et la loy commune de droict, qui <sup>*l. Absen- tem. ff. de panis.*</sup> veut que la preuue defaillant, le iuge donne l'absolution, attendu qu'il represente la per- <sup>*2. Par. 20.*</sup> sonne de Dieu. Et partant, doibt soustenir le droict de l'absent, qui est iugé tout notoire, quand la preuue default, de la part de l'accusateur.

Et pour n'obmettre riē en c'est endroiect, on appelle mesme leurs consciēces, & comme seuerement ils puniroient les iuges inferieurs, & qui resortissent a eux, si en matiere criminelle, ils auoyent faict la mesme faulte, que de passer ainsi sur les formes. Mais sur tout on vous appelle, Oames heureuses, de qui la vertu & preudhommie, a faict florir iadis en France, ce noble fleuron de iustice, la troisieme des fleurs de lis, & l'a faict en ceste, qualite, renommer par sus tous les Royaumes du monde. Pour iuger, l'indignite de ceux, qui soy disans vos successeurs, & assis sur les mesmes fleurs de lys, comme les sangliers en la vigne, honnissent ceste honorable peincture, par vne si precipitee iniquite, & precipitation si inique.

Ioinct, l'indignite commise, a l'endroiect d'une communaulte, speciallement de do- <sup>*Communautes d'Ecclesiastiques & professeurs, fa-*</sup> cteurs, escholliers, & professeurs publics, & mesmes Ecclesiastiques. Dont le Procureur general, & aduocats du Roy, doibuent d'office prendre la cause en main, comme des se- <sup>*neurables.*</sup>

minaires de pieté & vertus Republiques: & comme de gens reputez de droit, pour mineurs & pupilles, & de qui en ceste qualité, la Cour de Parlemēt a de rout temps esté la conseruatrice & protectrice, dont on voit bien icy le contraire.

3. Voire mesme qui est pis, ce qui iamais n'est denié aux plus estranges & barbares, & a qui l'on faiēt rousiours iustice, par les formes du Royaume, on le nie aux domestiques, & qui sont plus que bourgeois. Mais que dy-ie aux estrangers? Ce qui n'est pas mesme denié, aux plus grands volleurs & assassinateurs, & aux plus viles & abiectes personnes, qui tous sont iugez par les formes, on le denie a ceux, qui ont tousiours vescu en honneur, & de qui le merite est public, & par la confession mesme, de ceux qui les iugent.

4. Et ce qui accroist l'indignité, c'est que pour vn seul de la Societé, qui est denommé en l'atrest, aſcauoir Iehan Gueret, & sur vn faiēt, qui ne peut estre dict crime, ains est office approuué, meritoire, & honorable, ſcauoir est, d'auoir esté precepteur de Chastel, & qui en fin est trouué innocent, on passe oultre a condamner le corps. Ce qui ne pourroit mesme estre faiēt, quand l'vn des membres seroit attainct & conuaincu de crime veritable. N'y ayant loy ny pratique, qui ne iuge, *que les fautes sont personnelles, & que la peine suit le delict.* Et serpiēt biē, mar-  
ris

ris ces Messieurs, que pour certains de leurs corps, qui ont esté chastiez, comme heretiques, faulxaires & concussionnaires, ou autres crimes ( ie ne touche ceux qu'ils ont couuers, & qu'ils ont faict passer au trauers des loix, comme bourdons au trauers des toilles d'aregnes ) que pour cela fust faict breche a leur honneur. Et plus encor, que tous deussent subir mesme peine. Comme ils ne peuuent icy eschapper, qu'ayant faict la faulte en gros, & en corps, ils n'en soyent aussi tous vn iour, respōsables & punissables.

Et pour acheuer ce poinct, des formes mal gardées, c'est qu'ils iugēt incidemmer, ce qui est plus que le principal. Et ceux qui sçauent aillieurs, multiplier les instances, & d'vn proces en engendrer d'autres, iugeant a plusieurs fois, ce qui se peut iuger en vne, pour faire gagner les procureurs, & cōsommer les parties en frais (tesmoin celuy, qui supplia la Cour, de luy donner vn Arrest chastre, cest a dire definitif, & qui n'e engendrast plus d'autres) ils iugent icy tout en vn coup, & sans qu'il en fust besoing, ce que le sens & la nature, te moigne auoir deu estre faict autrement.

*Nulle raison valable de haster ce iugement.*

### CHAP. III.

**Q**UE si la halte qu'ils auoient, les a portez a ce desordre, quelle raison de se haster?

halter? Ou qui les pressoit de si pres? Si pour estre le faict constant, Chastel auouant son coup, *Quid tum* pour les Iesuïtes, qui ne l'auoient, ny ne n'ont faict? mesme que le criminel decharge? Quelle preuue de leur delict? Quel deuoir mesme d'informer, sinon par labus de la confession, & par la calomnie: la dessus formee? En tout cas, que n'y a il iugement a part? Que n'approfondit on le proces? Vn suiet de telle importance, meritoit il par vne instruction plus grande? Pourquoy en vn iour, & iour de feste, condamner vn tel corps, & sans instruction aucune, eux qui pour iuger vn particulier, font durer vn proces dix, douze, quinze & vingt ans, sous couleur de dire, qu'ils veulent veoir clair en l'affaire? Qui alleguent comme Dieux, en affaires beaucoup moins

*Genes. 18.* *le Des. endam & videbo*: Et icy vont sans reconnoistre, & sans regarder on ils frappent, comme les Andabates en tenebres? Quand ils veulent, auisez comme la

*2. Reg. 1.* *sagette de Ionathas*: & icy inconsiderez, comme materats sans plume? Quand ils veulent, clair voyans comme Dragons: & icy, auengles comme taupes? Quand ils veulent, plusque tortuës: & icy, subits plusque lieures? Durs & pesans, pour faire droit iugement, & qui ont les pieds vistes pour respandre le sang? O gens engagez a l'iniquité, qui soit pour se halter, soit pour delayer,

dilayer, ne peuuent faire qu'iniustice!

Sic'a esté pour le courroux, & resentiment de l'iniure, qu'en peuuent mais tant d'innocens? Ou quelle iustice desormais, si la passion s'auoue elle mesme, auetgle & ignorante qu'elle est, en auoir occupé la place? y prononcer ses Arrests? & en sa honte & turpitude, ne laisse de s'en faire croire?

Si pour l'occasion, de frapper le fer quand il est chaud, si pour satisfaire au vouloir, voire au mandement exples de leur maistre, (comme depuys on a faict, & continué a Dijon) si pour accomplir le desir, tant de luy, que d'eux mesmes, & de tous les heretiques, qui tous d'un consentement bruloient apres ceste execution, de mesme esprit que celuy, qui n'a rien plus en horreur, que le nom de IESVS & des IESVITES: si pour confisquer leurs biens, pour l'entretienement des Ministres, que l'on a faict venir de Geneue, moiennant l'estat de six vingts mil escuz, & adiouster ce nouveau sacrilege aux anciennes pilleries des réples, pour faire ouuerture aux fuyuantes (car ce sont les *œuvres pitoyables*, ou telles confiscations se dedient) disons les choses par leurs nom, & comme cest vne partie faicte, vne surprise de gueta peud, vne querelle d'Allemand, vn office de courtisans, vn seruice a volenté, ou plustost action d'esclaues: quoy que soit vn iugement d'Herodes, qui pour faire plaisir aux

*Oeuvres  
pitoyables  
quels.*



- Act. 12.* Iuifs, fit mettre Saint Pierre en prison, pour le faire mourir, comme il auoit fait saint Iaques: vn proiect de Iezabel & Achab, contre Naboth, condamné par calomnie, pour auoir confiscation de sa vigne, & de ceux qui disent en l'escriture, *Dressons embusches au iuste, pour le surprendre, pour ce qu'il est contraire a nos œuures:* vne intelligence mutuelle, du maistre & des seruiteurs, & correspondance d'une part, de celuy dont l'escriture dict, *L'homme apostat, & homme inutile chemine avec bouche peruerse, fait signe des yeux, parle du pied, enseigne des doigts, choses peruerfes sont en son cueur, il machine mal en tout temps, & seme des contentions;* & de l'autre, de ceux dont il est dict, *Selon qu'est le iuge du peuple, tels sont ses ministres:* vne pratique de ce qu'escrit le
- Mich. 7.* Prophete Michée, *Ils sont tous aguettans apres le sang, vn chacun chasse apres son frere, avec le iets. Le Prince demande, & le iuge est apres a le contenter. Le grand parle selon le desir de son ame, & ils le troublent dauantage* (luy accordant ses votes) *Celuy qui est le meilleur entre eux, est comme la ronce, & celuy qui est d'oturier, comme l'espine de la haye:* en vn mot, si c'est ce que dict le Sage en l'Ecclesiaste, *Iay ven sous le Soleil, l'impiereté au lieu de iugement, & au lieu de iustice, presider l'iniquité:* pour raurir le bien de l'Eglise, pour chasser les Catholiques, pour establir l'heresie: Brief pour aller en poste en Angleterre, & mettre Geneue par tout en France,

France, prenons droict sur ce discours, & laissons a iuger au monde, ou ceste precipitation menera la France, si biẽ tost elle n'est arrestée. Si la bride n'est bien tost mise, en la *Psal. 31.* machouere, de ce cheual eschappé, qui va par tout, ou la furie le meine.

*Calomnie & impostures en l'arrest.*

CHAP. I.

**M**AIS sur tout, les calomnies & impostures, se trouuent icy estre cruelles. Pour les termes dont ils vsent, les condamnant, *comme corrupteurs de ieunesse, perturbateurs du repos public, ennemys du Roy & de l'Estat.* Sils sont tels, ou est la peine? s'ils sont tels, ou est la preuue? Car on scait, que pour tels crimes, la peine n'est pas suffisante, d'estre bannis seulement. Socrates accusé (quoy que faulsement) de corrompre la ieunesse, est executé a mort. Et n'eurent les Iuifs plus fort argument pour induire Pilate, a condamner Iesus Christ a mort, si non de dire, *Luc. 23.* *qu'il troublait le peuple, & estoit ennemy de* *Iob. 19.* *Cesar & de l'Estat.* Les loix aussy contre telles gens sont connuës. Et de dire que la clémence, ou le respect enuers l'ordre Ecclesiastique, auroit retenu ces Messieurs, de passer oultre a les faire mourir, les cruaultez precedentes, & contre les gens d'Eglise, qu'ils ont, & en si grand nombre, & par tant de sortes de supplices, si inhumainement & bar-

barbaremēt executez, & du sang tout chaud desquels, ils ont encores les mains souillées, mais non saoullées, nous apprend ce qui en est.

Et neantmoins on demande, quelle corruption de ieunesse ils veulent dire, ou particuliere en ce faict, par l'instruction pretenduee donnée a Chastel : ou generale, enuers toute la ieunesse. Si le premier, pourquoy eschappé celuy, qui estoit le precepteur, & ou l'apparence est plus grande, d'en auoir esté le ministre? Que n'a il seruy d'exemple luy seul, pour réperer la rigueur aux aultres? Et pourquoy non specifié au proces? Et quand bien il seroit coupable, pourquoy les aultres chastiez? Veu que la faulte estant personnelle, la peine doit estre personnelle aussi, & non contre tout vn corps? Et quand il en faudroit venir la, que l'on deult estendre la peine, pourquoy hors de Paris, & par toute la France, veu que en tout cas, ce ne seroit qu'a Paris, que Chastel auroit esté instruit? Si le dernier, qu'a cela de commun au faict de Chastel? Pourquoy au mesme Arrest? Pourquoy confondre les matieres? Pourquoy estre question des aulx, & respondre des oignons? De mesme aussi, pour le crime de perturbateurs de repos public, le sont ils tous, ou en partie? Si en partie, pourquoy tous en peine? & bannis du Royaume? Si tous, que n'y a il Arrest, & pro-

& proces apart ? Et pourquoy en tout, y a il iugement sans proces ? & avec vne precipitation telle ?

Mais ce qui faict, que moins on s'eltonne, <sup>Possession</sup> de telles suppositions, est la possession, ou ils <sup>au Parle-</sup> sont, eux qui punissent les faulxaires, ou du <sup>ment du</sup> moins les doibuent punir, d'en vser souuēt <sup>iourd'huy,</sup> de mesme. Tescmoin de fraische memoire a <sup>de suppo-</sup> Paris, l'Arrest comploté, <sup>ser faux.</sup> ailleurs, que *in loco maiorum*, du temps des derniers Estats, en Ianuier, 1593. en faueur de l'excommunié, & de ce que depuis ils ont mis a chef. Ou ils disent. *Sur la requeste du Procureur general du Roy.* Et on sçait, & ne le peuuent nier, & par le tesmoignage du Procureur general mesme, & des aultres gens du Roy, qui estoient lors, que la requeste ne fut iamais. Et comme aucuns d'eux ont rougi, quand on le leur a remis en face.

Tescmoin a Tours au parauant, les faux tesmoins preparez, contre le feu pere Edmond Bourgoïn, prieur des Iacobins de Paris, pour le faict de la mort du feu Roy. Au deffault & a l'infirmité desquels (comme il est estoit innocent, & estoit vne supposition pure) apres l'auoir tenu quatre moys prisonnier, sans pouuoir trouuer aultre charge, suppléa finalement, comme il a esté dict, pour toute preuue, l'allegresse qu'il confessa, par son interrogatoire, en auoir eue, comme tous aultres. Et ainsi sup-  
posant

posant faux, & chose qui ne fut iamais, le tirerent a quatre cheuaux, & demêbrerent.

Tesmoin oultre les deux faulsetez, cy dessus mises contre Chastel, la recente calomnie, & supposition impudente, & de gés dont l'orgueil & oultrecuidance monte tousiours, sur laquelle ils ont osé faire le proces a M. le Duc d'Anjou, qu'ils ont executé en effigie, & tiré a quatre cheuaux, en pleine Grene dans Paris. Puis decapité, & le corps mis en quatre quartiers. Les armes lacerées, & déclaré roturier, luy & les siens. Luy imputant, pour crime, d'auoir vendu le chateau de Han aux Espagnols. Quoy que la chose soit constante, que comme cela n'estoit en sa disposition, ainsi il n'y en a en participatiō aucune. Et eust trop mieux sceu s'y cōporter, quād il eust manie l'affaire, que n'a fait celuy, qui y a perdu la teste. Ce qui apréd, iusques a ou ceste façō de faire se peut porter, contre les particuliers, puisqu'elle n'espargne mesme les Princes.

*Cōniuen-  
ce a la fal-  
sité.*

Et sur tout, pour mōtrer l'integrité, avec laquelle pour cest egard ils procedent, seruira d'exemple authentique, la cōniuenue ou pluustost approbation, de la falsité de Seruin, aussi a Tours, contre le Conseiller Pellerier, Catholique & prebstre, a la réception du quel, ledict Seruin s'opposoit. Duquel ayāt, pour cest effect, falsifié les informatiōs, & conuaincu de la faulseté, par sa confes-  
sion

sion mesme, & en pretence de la Cour, a qui la plainte en estoit faicte, fut receu a dire pour excuse, *que ce qu'il en auoit fait, estoit pour le Zele & affection, qu'il portoit au seruice du Roy.* Et comme depuis ledict Pelletier recusoit le calomniateur, pour iuge de la reception, ne fut la recusation receuë, ains en fut ouy l'aduis, comme si le cas n'eust esté.

*Iustification de Seruin.*

Et on laisse à iuger a tous, lequel vault mieux, ou le faulsaire, ou celuy qui le iustifie. Quel est le zele qui les mange, qui est le zele de calomnié, & partant zele diabolique (car Diable cest a dire calomniateur) & pis que ce que saint Iaques appelle, *Zeale amer.* Plus aussi quel est le saint, a qui on porte telles chandelles, & qu'on honore de tels seruices. Et d'abondant quelle seureté auront pres de luy, les prebstres & les Catholiques, puisque pour le zele de son seruice, le Magistrat Huguenot, est receu a vser cōtre eux, de faulseté notoire, & mesme en action publique. Et le faulsaire reconnu pour tel, ne laisse destre estably leur iuge, & contre les formés de la iustice. Quelle distribution de iustice on doibt esperer, ou il y a telle inegalité, & acception de personnes. Ou on coule les mouchérons des Catholiques, & engloutist le chameau des heretiques, & contre les Catholiques, & ceux mesmes qui se rengent a leur parry. Et si Dauid perseutoit ceux, *qui detraient en secret de leur prochain,*

*la. 3.*

*Psal. 100.*

*prochain.*

Dan. 13.

*prochain*, que feroit il du faulfaire manifeste, en action publique, abusant du Magistrat, & de ceux qui le reçoient? Ou que feroit Daniel, que de condamner de nouveau, & le calomniateur, & ceux qui le iustificient, comme il feit iadis les vieillards, calomniateurs de Susanne?

*Deffence de la Societé, contre les crimes de l'Arrest.*

## CHAP. V.

**M**AIS pour enfoncer la matiere, & n'arrestes seulement aux formes, voions vn peu quels sont ces crimes, quelle ceste corruption de ieunesse, quelles ces perturbations de repos public, quelle est ceste mini-tié au Roy & a l'Estat, qu'il a fallu si haultement & brauement publier par Arrest, & chastier avec vne seuerité si grande.

*Fruits & merites de ceste Societé.*

On sçait les merueilles, que Dieu a operé par ceste Societé insigne, & cōme en temps oportun, non sans prediction de Prophetes, que Dieu a suscité es derniers temps de l'Eglise, cōme de l'Abbé Ioachim & aultres, elle a esté enuoyée de Dieu, au mesme téps, que le rauage de l'heresie de Luther vint au monde. Pour y seruir d'antidote, comme au parauant, celles de S. Francoys, & S. Dominique du temps des heretiques Albigeois. Je ne toucheray icy plus amplemēt, la sainteté de l'instituteur, me remettant a ce qui en a esté



a esté escrit amplemēt, & a ce que bien tost en sera publié par l'Eglise, a la canonisation du personnage. Je me contenteray de dire, que comme cest ordre a esté diuinement erigé, pour la gloire de Dieu, & exaltation de son Eglise, tant au dehors, par la propagation de la toy Chrestienne, & conuersion des infidelles, es Indes, & prouinces nouuellement descouuertes: que au dedans, pour remedier aux maux, qui s'estoient glissez, tant par les heresiés, que refroidissement de deuotion, & deprauation de mœurs, tant au clergé, qu'estat seculier: & suppleer aux defaulx, que la malice du temps auoit apporté, tant en la religion & discipline publique, pour tous aages, sexes & estatz, que particulièrement pour l'instruction de la ieunesse, & pour semer en ces ieunes plantes, la pieté & doctrine enemble: comme par tout ils s'y sont employez, tant par labeur & industrie, que par l'effusion de leur sang, es Indes & en l'Europe, spécialement en Angleterre: les fruiets en ayant esté, conformement a l'intention & institution, si beaux, si grans, & si signalez, par toute la Chrestienté, & particulièrement en France, tant dehors que dās Paris, & tāt par la reformatiō des consciences, frequentation des sacremens, exercices pieux, & meditations saintes, multiplication du nombre des Religieux, Capucins, Chartreux & aultres, que par la cognoissan-

*Ne sont  
corrup-  
teurs de  
jeunesse.*

ce des langues, & sciences d'humanité, Philosophie & Theologie, que tout le monde le sçait, le voit, & se cõgnoist, & ceux mesmes qui les condannent, & par l'experience tant d'eux mesmes, que de leurs enfans, & par leur confession:

*2. Cor. 2.*

Si cela est corrompre la jeunesse, on peut veoir quel est le nez de ceux, qui tiennent ce langage, a qui la religion & pieté Catholique pur, comme au porc la marjolaine, & la rose a l'escarbot. Et a qui, cõme dict S. Paul, le bon odeur de *Iesus Christ*, est odeur de mort a mort, comme aux gens de bien, il est odeur de vie a vie. Quel leur zele enuërs la jeunesse, dont l'instruction Catholique les brule, la probité les offense, la deuotion les vlcere, la reformation les afflige, & le profit les tourmente. Ou plustost, quelle enuie ils ont, de la rendre comme leurs peres, *Generation peruerse & rebelle; generation qui n'a point dresse son cœur, & de qui l'esprit n'a point esté fidelé a Dieu.* Marris qu'ils sont, de la veoir affermie, sur la solidité de la pierre de l'Eglise, dont ils se sont separez.

*Psal. 7.*

*Ne sont  
perturba-  
teurs du  
repos pu-  
bli.*

Si troubler le repos public, on peut veoir quel est leur repos, a qui la vie exemplaire, & instruction de vertu, donne peine, comme le chant du coq aux dormeurs, le son de la trõpette aux poltrõs, le point du iour aux bestes de la forêt, & cõme la lumiere aux larrons, & la presence du iuste aux meschans & im-  
pies,

pies, mentionnez, en l'Eſcriture, pour ce  
 qu'il eſt contraire à leurs œuvres. Et que c'est-<sup>ſap. 2.</sup>  
 me ce ne peut eſtre le repos, que Jeſus-Chriſt  
 promet, à ceux qui viennent à luy, il s'enſuit <sup>Mat. 11.</sup>  
 que c'eſt pluſtoſt, celuy que luy meſme eſt <sup>Mat. 10.</sup>  
 venu deſtruire, & y mettre le glaive à la pla-  
 ce. Celuy qui rend la memoire de la mort amere, <sup>Eccle. 41.</sup>  
 qui eſt en paix, en la iouiſſance de ſes biens. Qui eſt  
 déclaré en l'Eſcriture, par le liſt de la pail- <sup>Apoc. 17.</sup>  
 larde Babylon, ou elle ſe conſit en delices: & <sup>Prou. 5.</sup>  
 de la femme folle, qui tire à ſoy le ieune hō-  
 me. Par l'oyſiveté, abondance, & ſaturité de <sup>Ezech. 16.</sup>  
 pain de Sodomie, qui la conſommée & per-  
 due. Par le bon temps des iours de Noë, que <sup>Mat. 24.</sup>  
 les hommes beuvoient, mangeoyent, & ſe  
 marioyent; & le deluge les perdit. Par le re- <sup>Ind. 18.</sup>  
 pos des habitans de Laïs, qui furent mis au  
 til de leſpec. Par le dormir des hommes, pen-  
 dant le quel l'ennemy ſeme la zizanie. Par le <sup>Mat. 13.</sup>  
 Sabbath, dont Jeſus Chriſt nous enſeigne de  
 prier, qu'en iceluy ne ſoit noltre fuite. <sup>Mat. 24.</sup>  
 Brief le repos, dont les moſdains diſent, *Paix paix*, <sup>Eze h. 13.</sup>  
 & il n'y a point de paix, dict le Prophete. Et <sup>1. Theſ. 5.</sup>  
 dont S. Paul dict, *que quand ils auront dit, Paix*  
*& ſeureté, il leur aduiendra une deſtruction ſou-*  
*daine.* Car c'eſt le repos, que celle Societé eſt  
 venu rompre, pour dire avec le meſme ſainct  
 Paul, *Toy qui dors, eueille toy, & te leue des mors,* <sup>Ephes. 3.</sup>  
*& Jeſus Chriſt t'eclairera.*

Si eſtre ennemis du Roy & de l'Eſtat, on <sup>Ny enne-</sup>  
 peut veoir quel eſt ce Roy, & quel c'eſt Eſtat <sup>mis du</sup>

Roy & de  
l'Estat.

Genes. 3.

Luc. 9.

Myſtere de  
a caballe  
& de l'in-  
tentio  
des enne-  
mis reue-  
lé.

Vray ſens  
des parol-  
les de  
l'arrest.

de Babylone, duquel on tient pour ennemis les prophetes & heraux de Dieu, les enfans de Hierusalem, & la ſemence de la femme, qui briſe la teſte au Dragon, qui eſt l'Egliſe Catholique. Et ceſt eſcadron de renfort, de nouvelle militie, qu'ameine le Dieu Sabaoth, pour cōbattre ſes ennemis, & rentrer en ſon heritage. Car ſi bié d'autres cōbattoyent in, ce n'eſt pour les empeschier, mais pour venir au ſecours. *Et qui n'eſt point cōtre nous, diſt Ieſus Chriſt, il eſt pour nous.*

Brief on iuge dela, quel eſt le myſtere de c'eſt Arrest, & ou tēd toute la caballe, qui eſt de ruyner l'Egliſe, & réuetſer les Sacremēs, eſtablir ſouuerainement l'hereſie, & introduire le Royaume de Satā en France. Cōme d'ailleurs, & par leurs autres actiōs, il eſt ayſé de iuger. Car ſi meſme on en eſt la venu, que frequēter les Sacremens, eſtre adōné a deuotiō, prier long tēps en l'Egliſe, eſtre reformé en ſes mœurs, zelé a l'honneur de Dieu, eſtre amateur de ſa parolle, & obeissant a l'Egliſe, eſt vne note de ſuſpicion, & que telles gens ſoyent eſpiez, trauerſez, calomniez, & traictēz comme Ligueurs, qui ne voit par eux meſmes, l'interpretation de leur dire, & que c'eſt le ſens, de ce qu'ils appellent corruption de ieuneſſe, troubler le repos public, & eſtre ennemy de l'Eſtat?

Car ſi pour leur iuſtification, ils alleguent le ſaiēt de Chaſtel, il leur falloit prouuer  
deux

deux choses, & quel'acte de soy fust mau-  
uais, & que ceste Societé l'y eust induict. Et  
quand bien le premier seroit (car de l'autre  
ils ne le peuvent dire, & se conuainqueroyét  
par eux mesmes) si ne sera il iamais dict, que  
d'un bel arbre, chargé de beaux & de bons  
fruits, & en grande quantité, pour vn seul  
qui s'y trouueroit, corrompu par la gresse, ou  
par le ver, qui s'engendre dedas, on en deust  
couper la racine. Et qu'en tout cas, si cela  
doibt auoir lieu, que pour tout fruit mau-  
uais, on mette la cognée a l'arbre, ce n'est la  
qu'il la falloir prendre. Ce n'est en Chastel,  
qu'est la mal. Eux mesmes sont les fruits  
mauuais, qui ont esté portez par c'est arbre.  
C'est a dire, qui ont esté la instruits. Quoy  
que ce n'est de luy, qu'ils ont pris ce mauuais  
suc, ains l'ont bien tiré d'ailleurs. Et doib-  
uent iuger par eux mesmes, que tout ce que  
faict l'eichollier, ne vient de celuy qui l'en-  
seigne.

*Deffence, contre le plaidoyé d'Arnauld.*

#### CHAP. VI.

**N**E les iustificera non plus, ny la caballe  
du proces, remué par l'Vniuersité, dôt  
ils se sont aydez, & par les plus inutiles, &  
qu'on ne scauoit pas qu'ils fussent nays, cō-  
me le Singe de la patte du chat, pour mou-  
uoir ceste Camarine: ny le playdoyé d'Ar-  
nauld, qu'ils ont publié deuy. Pour l'e-  
uidence.

*Proces de  
l'vniuer-  
sité par  
quiremés.*





deracinee. Et au contraire, comme dict Gamaliel, *ce qui est de Dieu, ne peut pas estre deffait* Act. 5.  
 Et que si bien l'opposition du commencement, sembloit estre bien fondée, si ne l'a elle Remue-  
ment de  
pro:es mal  
foudé.  
 peu estre maintenant, que les fructs subse-  
 quens en ont iustifié la cause. Mesmes que  
 les Theologiens s'estas departis de l'instan-  
 ce, ceux qui en ceste qualité s'y sont nommez  
 & intrus, sont autant de tort a ce corps, dōt  
 ils ne sont dignes d'estre les membres.

Et moins, pour mettre celuy en besongne,  
 duquel comme le nom approche de l'un de  
 ceux, que l'antiquité a attribué a l'Antechrist,  
 & ou se trouue le nombre de la beste, qui est  
*Agriuas*, & signifie *Renier* (ce que cest enne- Mystereem  
l'oppositio  
d'Arnaud  
aux Iesui-  
tes.  
 my sera, tant par mensonges, que par blas-  
 phemes) ainsi il semble, en auoir icy pro-  
 duit les effectz, pour chasser le nō de Ies vs,  
 en la personne des Iesuites. Et par les mes-  
 mes voyes, que ce *renieur* doit faire. Ne  
 remplissant son discours, que ou de men-  
 songes euidens, ou de blâmes de choses bō-  
 nes, ou du moins qui ne sont mauuaises. De  
 mesmes que iadis en ces deux sortes, les  
 Iuis persecutoient Iesus Christ. Ou le blas-  
 mant de ce qui estoit bon, comme de rece-  
 uoir les pecheurs, garir les malades au Sab- Luc..  
Ioh. 9.  
 bath, manger & boire parmy le monde: ou  
 luy imputant ce qui estoit faux, comme d'e- Ioh. 7.  
Mar. 11.  
Ioh. 8.  
 stre seducteur, gourmend, yurongne, de-  
 moniacle. Voire avec tant de curiosité, que



de mesme qu'en vſa vn certain Muſicien (c'eſtoit Adrian VVillart) qui fait en chantant, montre de ſon induſtrie, en la ſaincte Chappelle de Paris, preſent Certon, maiſtre de la Chappelle, en faſant tous faux accords, & n'en faſant vn ſeul bon: ou comme les peinctres de Flandre, quand ils peignent les Kermelles de village, ou l'excellence eſt, de n'y mettre vne ſeuile morgue, geſte, ny cōtenance, qui ne ſoit inepte & ridicule: auſſi il ſemble, que pour faire ce chef d'œuvre, il s'eſt eſtudié, de ne dire vn ſeul mot, ny de bié ny de verité, ſi ce n'eſt pour dōner blaſme. Et qui ne reſente *Après uau*, en l'vne ou l'autre de ces deux ſortes. Pour eſtre digne miniſtre de celui, au quel *a eſté donnée gueule, proſcr̃e gr̃des choſes, & blaſphemes*. Cōme auſſi ce ſont les deux chefs, ou tout ce plaidoyé ſe rapporte.

*Sommaire  
du plai-  
doyé d'Ar-  
naud.  
Apo. 13.*

*Blaſme de  
ch'eſes  
lonnes ou  
indiffere-  
tes.*

Pour le premier, les blaſmant de ce que la Societé a des biens. Que leur pere a eſté Eſpagnol, & leur ordre receu premierement en Eſpagne. Qu'ils ſont veu d'obedience a leur General. Qu'ils deſſendent l'autorité du S. Siege, pour excommunier meſme les Roys. Qu'ils ont cōferé a Paris, avec les Legats du S. Siege, preſché pour les Catholiques, reſuſé abſolution a ceux, qui ne qui-etoient le party du feu Roy excommunié. Ne prient pour l'excommunié du S. Siege. Que de petits commencemens, ils ſont fort multipliez, Meſme y en a de Cardinaux.

Pour

Pour le second, leur imputant, qu'ils sont factieux pour l'Espagne. Qu'ils sont ennemis de la France. Que leur Patriarche & instituteur, Ignace Loyola, vous estant blessé a la jambe, par les François, d'estre ennemy perpetuel de la France, & plus que Hânibal des Romains, & qu'en cela les fils suyuent le pere. Qu'ils ont faict des coniurations a Paris, avec les Ambassadeurs, & aultres ministres de la Maiesté Catholique. Ont voulu rédre la ville au Royd'Espagne, & luy ont enuoyé l'Estat du Royaume. Appellent le Roy d'Espagne, Roy vniuersel des Chrestiens. Toutes leurs pensées ne sont, que de la grandeur d'Espagne. Sont coupables de paricide, attenté contre le Roy, par la confession de Barriere, executé a Melun. Enseignent la ieunesse de tuer les Roys, de faire des seditions, & d'establi la tyrannie d'Espagne. Ont faict mourir le Roy Sebastian de Portugal. Ont introduict audict Portugal le Roy Philippe. Ont faict tuer les François aux Terceres. Sont autheurs des cruaucez, exercées par les Espagnols, aux Indes & terres neuues. Et pour consommation de l'œuure, les charge apres tout cela, d'un tōbereau d'iniures & de conuices.

Car voy-la a peu pres, la substance de ce digne plaidoyé, dōt les oracles sont publics, & les coppies imprimées, pour les traduire en tous endroiets, & faire passer ceste escu-

me en argent contant, comme ils ont fait au Parlement, & depuis en Allemagne, par la faction des heretiques: lesquels, comme on dict, en brouillent mesme des papiers. Et quelle respõce à tout cela? Ou plustost, quel-  
*le pierre a ce sepulchre ouuert, & au gossier, d'ou-*  
*fort vne telle halene?*

*Psal. 5.*

*Biens inpu-  
tez a cri-  
me.*

*Iob. 12.*

*Supputa-  
tion ridi-  
cule.*

Car de ce qu'il commence par les biens, c'est trop tost decourir la meche, & declarer le fond de la tragedie. Comme du proces de Naboth, & des proscriptions du Triumvirat, dont le crime estoit d'auoir des moyens. Comme si c'estoit crime aux comunaultez, d'auoir de quoy se sustenter. Et comme si en la compagnie mesme de Iesus Christ, il n'y eust la bourse commune. Car quant aux Baronnies & Comtez, qu'il les dict auoir en Italie & en Espagne, il en deuoit produire les tiltres, & ne les oublier en son sac, pour verifier son dire. Cõme pour l'egard de leur nombre, qu'il dict estre de neuf a dix mil, & de 228. Colleges, seulement en Espagne, c'est trop honorer l'Espagne, que de la faire estre tout vn mode. Veu que estãr cela enuiron le nõbre, de cequ'ils sont en toute la terre, tant en personnes qu'en colleges, dire tout cela estre en Espagne, est appeller tout le monde Espagne. De mesme est il, des deux millions d'or, qu'il assure qu'ils possèdent. Car d'ou en sçait il le compte? Et ou en a il veu les registres? Et s'il l'entend de l'Es-  
paigne

paigne seule, le voisinage est trop proche, pour faire croire ce mensonge, dont y a trop de tesmoins. Et faudroit parler de plus loin. Si de toutes les prouinces du monde, quelle merueille deueroit cē estre, veu le grand nombre qui y feroit, en proportion de l'Espaigne, qui seule en auroit dix mil? Et si deux cens liures pour teste, est bien petite-ment ce qu'il faut, que demeureroit il pour le reste, en France, Italie, Pays-bas, Allemagne, Suede, Pologne, Hongrie, toutes les terres de l'Empire, & toutes les prouinces des Indes, quand pour les seuls Espagnols, il ne faudroit a ceste raison; moins de deux millions de liures pour leur entretienement?

Et quant a l'institution, si bien leur pere estoit Espagnol, & la Societē a esté premierement receuē en Espaigne, il deuoit penser aussi, qu'e. le a commendē en Grāce. Voire y a esté baillie, & forgée dans Paris, & les premiers vœus faicts a Montmartre, en la chappelle des Martyrs. Et par vn iugement admirable, ace que par le cōcours de ces deux nations, de la Françoise & l'Espagnolles, la lumiere de celuy, qui monte sur l'occident, fust donnée au monde. Mais par tel si, que la clarté commenceroit de la France, pour ieuenir au mystere du chandelier du Tabernacle, figure de la vraye religion, dont les lys portoient immediatemēt la lumiere. Presage d'vne renouation de lumiere, qui doibt estre par

*Societē de  
Iesustan-  
mentē en  
France.*

*Psal. 67.  
Exod. 25.*

par la France. Et veu que la forme, est ce qui donne le nom, d'autât plus doit estre ceste Société, nommée Françoisse, & plus encore qu'Espagnolle, qu'elle a esté faicte & formée en France. Ce qu'estant vn tiltre d'honneur a la France, ce n'est faict en bon François, de le luy vouloir enuier, & moins encore de l'en priuer.

Aussi, que si pour estre le père Espagnol, la race en doit estre chassée, il falloit donc chasser S. Loys, & tout ce qui depuis en est venu, pour ce que sa mere estoit Espagnolle. Et pour approcher de plus pres, il faudroit par ceste mesme raison, chasser tout l'ordre de S. Dominique, que l'on scait auoir esté Espagnol, quoy que l'ordre ait aussi commencé en France. Et par la mesme, deuerôt estre chassez de l'Espagne, ceux des ordres de Cîteaux, de Grandmont, la Mercy, la Trinité, Clugny, Premonstré, de sainte Croix, de S. Guillaume, des Chartreux, de la Charité nostre Dame, dont les premiers peres estoient de France, & les chefs d'ordre sont en France.

Et quant a ce que la Société, a esté receüe en Espagne, qui ne scait les contradictions, & plus grandes incomparablement, qu'elles n'ont esté en France? Aussi, que si l'Espagne, pour en auoir donné le plant, en a deu goustier les fruiets, la France ne le deuoit pas moins, pour estre celle, ou il a esté transplanté,

*Société de  
Iesus, plus  
Françoisse  
qu'Espag-  
nolle.*

*Chefs  
d'ordres  
en France.*

*Société de  
Iesus con-  
tre ditte en  
Espagne.*

té, qui l'a receu en son gyron, la nourri, cultivé, arrousé, élevé, prouigné, brief donné toutes les façons, tant que les boutons estant eclos, elle en a veu les premières fleurs, & touché les premières grappes.

Mais de la blasmer, oultre tout cela, d'avoir veu d'obedience, & reconnoistre un supérieur, d'avoir deffendu l'autorité du S. Siege, conféré avec ses Legats, fait des predications Catholiques, refusé d'absoudre les Schismatiques, & n'avoit voulu prier en public pour l'excommunié, d'autant plus est il intolérable, que c'est se montrer en mesme instant, non seulement sans religion, mais aussi sans iugement & ceruelle. Comme, qui voudroit reprendre le fils, d'honorer le pere, le laboureur de cultiver la terre, le maçon de maçonner, le forgeron de forger, le soldat de combattre, voire ie diray le Soleil de luire, & la Lune & les estoilles de faire leurs cours ordinaire, & tant qu'il y a de creatures, de faire ce qui est de leur fonction ordinaire. Car pourquoy blâmer l'obedience, veu que c'est sans quoy, la religion ne subsiste? Pourquoy de deffendre le S. Siege, veu que cest l'obligation commune, & qui est à eux plus qu'aux autres? Pourquoy d'avoir veu les Legats, qui ont la iurisdiction & mission legitime? Pourquoy de prescher en Catholiques, veu que c'est leur vocation? Et pourquoy de refuser d'ab-

*Blâmes  
impies &  
ridicules.*

d'absoudre les schismaïques, & de prier pour les excommuniez, veu que c'est fuyuant les Canons, qui prohibent, l'un & l'autre?

De mesme est il de les traduire, de ce que de petits commencemens, ils se seroient fort multipliez. Comme si le mesme n'estoit de la religion Chrestienne, que pour ceste raison, Iesus Christ compare au grain de moustarde, qui estant la plus petite des semences, croist en un grand arbre, & les oyseaux du Ciel y viennent, & font leurs nids en ses branches. Et quant a ce qu'il y en a de Cardinaux, c'est autât les blâmer a tort, que comme ce n'a esté, ny a leur souheët, ny requête, ny mesme avec leur approbatiõ, & moins selon l'esprit de leur pere, qui y estoit du tout contraire, le mal qui y peut, ou en peut estre, ne leur doit estre imputé aussi.

*Imposture  
impudente.*

Mais pour venir aux calomnies, & iuger de l'une toutes les autres, d'autant plus est hors de raison, ce qu'il met sus au pere Ignace Loyola, d'auoir pis qu'un Hannibal, iuré d'estre ennemy a la France, que l'impudence est souueraine, de faire d'un agneau, un loup, & d'une colombe un milan. C'est a dire d'un Chrestien, un infidelle: d'un homme resigné a Dieu, un conuoiteux & insatiable: d'un patient, un vindicatif: d'un humble & doux, un superbe & cruel: d'un pere spirituel, un meurtrier: d'un exemplaire de charité,



charité, vn homme de feu & de sang : d'vn que le zele de Dieu & du prochain m'ageoit, qui ne respiroit que le gain des ames, vn barbare & ennemy, sans Dieu, sans foy, & sans loy, tel qu'on scait qu'Hanibal estoit. Brieç, d'vn que l'esprit de Dieu conduict, vn que les demons infernaux agitent. O subtil & gracieux parallele, & digne d'estre receu au lieu, ou les tenebres sont lumiere, & la lumiere sont tenebres !

- Et de mesme esprit est le reste, qu'il impute a ceste Societé, des massacres faicts es Indes, comme du Roy de Portugal en Marroch, & des François aux Terceres: comme si le fureur de Mars, se gouuernoit par les prebstrs. Et de mesme contre les amys, que contre les ennemys. Et comme si a qui chercher le salut de tous, la mort de tous deult estre imputée. Tel aussi le patricide pretendu au faict de Barriere, pour n'auoir voulu violer le seel de la confession, & en faueur d'vn ennemy public, & qui lors faisoit guerre ouuerte, & par vn seul, a qui le secret fut cōmis. Et pour s'estre iceluy gardé de commettre vn sacrilege, qui l'eust rendu autant damnable, que barbare & impie est la cruauté de ceux, qui pour ce suiect, l'ont demembré en effigie. Cōme aussi ils ont faict le Curé de S. André a Paris, pour luy en auoir seulement esté faicte ouuerture, a laquelle il n'auoir voulu respondre.

*Injustice*

*Injustice & tyrannie en la condamnation.*

CHAP. VII.

**E**T si c'est la dessus neantmoins, que le fondement est pris, de chasser & bannir, avec confiscation de biens, non vn particulier, mais vn corps: & non de Paris seulement, mais de tout le Royaume: & non du Royaume seulement, mais de tout le monde, tant qu'en eux est, pour l'inhibition qu'ils adioustét, *sur peine de crime de leze maiesté, d'enueyer des Escholliers a leurs colleges*, hors du Royaume: si la ensemble se voit a loeil, injustice & tyrannie, & accompagnée de furie, qui les en pourra garentir, ou decharger de ce blasme?

*Attaquer  
le general  
pour le  
particu-  
lier, acte  
tyranni-  
que.*

Car bien l'injustice y est claire, oultre les animositez, & passiōs que dessus, puisqu'on iuge sans suiect, general ou particulier, & sur pure calomnie, & calomnie palpable. Et quant le particulier y seroit (comme a este montré le contraire) de s'en prendre a vn general, cela a tousiours esté sans exemple, sinon des Tyrans manifestes, & persecuteurs de l'Eglise. Tel que fut Herodes, qui pour vn seul Iesus Christ, feit tuer tous les petits enfans, qui estoient en Bethlehem. Tel que fut Saul, contre tous les prebstres, que estoient en la ville de Nobé, & tous les habitans d'icelle, hommes, femmes & enfans, qu'il fit passer au fil de l'espee, pour vn  
seul

*Mat. 2.*

*1. reg. 22.*

seul Achimélech Sacrificateur, qui auoit receu Dauid en passant. Tel que le superbe Aman, contre toute la nation Iudaïque, pour *Esth. 3.* vn seul Mardochée. Tel que le cruel Sylla, & le Triumvirat depuis, cōtre tout vn peuple, pour les inimizies particulieres. Tel que le Turc Mahumed 2. qui pour vn concombre mangé, donna sentence de mort, contre vn grand nombre de ieunes gens, qu'il faisoit fendre par le ventre. Mais qui ont aussi esté punis de mesme. Comme Herode & Sylla mägez de poux. Saul tué de sa propre main. Et Aman pendu au gibet, qu'il auoit préparé a vn aultre.

Et si bien Theodose, qui d'ailleurs estoit bon Prince, a commis la mesme faulte, si n'e eschappera il neantmoins, que l'acte ne soit iugé tyrannique. Et par sa confession mesme, veu le chastiment qu'il en eut, & la penitence qu'il en feit. Quoy que plus excusable neantmoins, en vn grand surpris de cholere, & ou le courroux ioinct a la puissance, esclatte aysement tels tonnerres, qu'en vn corps de Parlement, ou la raison doit dominer. Et speciallement de celuy, de qui le deuoir est de tout tēps, de moderer les courroux, & volonteiz precipitées des Roys. Qui en a bien vſé icy aultrement, que ne fit saint Ambroise enuers Theodose.

Consideré aussi, que ny ayant qu'un cas, auquel on peut condamner vne commu-

Q

naulté

naulté ou generalité, a sçauoir s'il y a vie scandaleuse & depraüée, & preiudiciable a la religion & l'Estat, comme est celle des heretiques & schismatiques, Apostats, Iuifs & aultres ennemis de l'Eglise, ou mal viuans, (car ce sont telles vermines, qu'il conuient exterminer, pour ne gaster & infecter les autres) il ne se trouue icy rien de semblable.

Ioinct, que cela estant l'ordinaire des tyrans, d'auoir les bons en hayne, & la vertu pour suspecte, soit pour l'antipathie qui est en eux, comme du serpent au fresne, & des crapaux a la rue: soit pour la synterese, & remord de leur indignité, comme Neron & Caligula, qui ne pouuoient souffrir, gens plus habiles qu'eux, en quelque vacation que ce fust: soit pour l'apprehension qu'ils ont, que telles gens portent leur ruyne, comme l'eau du feu, les chiens du loup, & le chat de la souris, c'est aussi ce, dont on voit icy la pratique.

Et ce qui est plus en core, c'est que s'attquant au general, & a ceux, ou il n'y a aucune scintille de suspiciõ, qui sont ceux de dehors Paris, & mesme de dehors la France, ils montrent, que ce n'est a aucun crime, ains a l'ordre, & a la cause de l'institution d'iceluy, qu'ils en veulent. Laquelle n'estant aultre, sinon pour auancer la pieté Chrestienne, obuier a l'heresie, & promouoir les biens, dont a esté dict cy dessus, cela aussi est s'attriquer

quer a Iesus Christ mesme, & vouloir reduire tout, aux termes des premiers Tyrás, pour mettre la religion en crime. Comme aussi en Angleterre.

N'estant au surplus, a ceux qui sont ainsi condamnez, que le malheur appartient. Nō plus qu'aux aultres prebstres & docteurs, qui ont esté chassez deuant eux. Pour l'honneur que ce leur est, d'endurer pour Iesus-<sup>Act. 5.</sup> Christ. Ains a ceux qui les chassent, sur qui ils secouent la pouldre de leurs pieds, pour<sup>Luc. 9.</sup> leur estre vn iour en tesmoignage: & au peuple qu'ils abandonnent. Auquel ils peuent dire, comme celuy dont ils portent le nom, & qui est chassé avec eux, *Ne ploreZ*<sup>Luc. 23.</sup> *point sur nous, mais sur vous, & sur vos enfans, qui seront frustrez, de ce qui leur estoit le plus vrile. Et sur le peuple, qui comme du temps d'Ozias le ladre, sera destitué de Prophetes. Et (ce qui est la plus grande menace, que Dieu face en l'Escripture) verra le silence estre imposé a sa mere, en la nuit de persecution: les nuées retenues, pour ne plus dōner la pluye: & en consequence, la faim qui viendra dessus luy, non de pain & de vin, mais de la parole de Dieu.*<sup>Amos 8.</sup> Pour estre abandonné a ceux, qui prophetisent de leur cueur, & qui suyuent leur esprit, separez<sup>Ezech. 13.</sup> qu'ils sont de l'Eglise: & pensant veoir, ne voyent goutte. A ce qu'il soit de l'Eglise, comme du Senat, & comme dict le Prophete,<sup>Isa. 22.</sup> *ainsi que le peuple, ainsi soit le prebste.*<sup>Osee. 4.</sup> Qu'il leur

*Exod. 32.* en preñne comme aux Egyptiens, par la sortie d'Israël, qui fut cause de leur ruyne. Ou  
*Mat. 21.* comme a Ierusalem, ayant ietté hors l'heretier, de la vigne de Dieu. Et pourtant, n'en  
*Luc. 19.* demoura pierre sur pierre.

*Iniustice contre le P. Iehan Gueret.*

CHAP. VIII.

*Osée 4.* **M**AIS cela n'estoit assez, si le sang, comme dict le Prophete, ne touchoit vn autre sang, par la peine & le supplice, par dessus le general, de deux de ce mesme corps. Qui sont la pere Iehan Gueret, qu'ils ont mis a la torture, & le pere Iehan Guygnard, qu'ils ont faict pendre & estrangler, le 7. de Ianuier suyuant, & reduire le corps en cendre. Tous deux prebstres, & professeurs, l'vn en Philosophie, & l'autre en Theologie. Soit qu'ils l'ayent faict, pour saouller leur passiõ, soit pour donner couleur a leur faict, par vn odeur de charge & atteincte sur les condäñez, & de iustice de leur part. Voire aussi de misericorde, comme ayant faict moins, que ce qu'ils pouuoient. Mais autant iniquement, qu'il n'y auoit suiect, ny en l'vn, ny en l'autre, pour en venir si auant.

*Nulle charge contre le pere Gueret.* Car on sçait pour le premier, que la question ne se donne, que ou au conuaincu, pour sçauoir les cõplices, ou a celuy qui est chargé, pour le moins de demy-preuue, pour en tirer la charge entiere. Et quelle charge sur ledict

ledict Gneret, qui n'a esté accusé seullemēt? Car si pour auoir esté precepteur de Chastel (& qu'il auoit quicté, des vn an ou enuiron) il fault qu'il entre en ceste peine, & dure & non ouye condition, si chacun est tenu de ceux, qu'il auroit eu en sa charge, & de ce qu'ils feront par apres.

Bien trouuons nous, que Diogene le Philosophe, voyant vn ieune eschollier faire le fol, en presence de son maistre, donna du baston au maistre, qui permettoit l'insolence. Mais aussi c'estoit le maistre, & qui l'auoit en sa discipline, & en oultre estoit present. Et se fust bien gardé le Philosophe, de luy faire cest affront, pour la faulte de l'eschollier, faicte en l'absence de luy, & plus encore vn an apres, qu'il eust esté sorty de son escholle. Le Seigneur, par la loy, ne respond pas de celuy, qui a mis en liberté, s'il faict rien mal a propos. Et biē est il dict en l'escri-  
*Recherche inique pour auoir esté precepteur.*  
 ture, que si vn bœuf suiect a heurter & dont le maistre auoit esté aduerty, & ne l'auoit gardé, tuoit homme ou femme, le bœuf estoit lapidé, & le maistre en respōdoit, ou de la vie, ou de la rençon, telle qui luy estoit imposée. Mais si le bœuf n'auoit heurté au parauant, & heurtoit homme ou femme, tellement que mort en ensuiuiſt, le bœuf estoit lapidé, & le maistre en estoit quicté. Le Capitaine en faction, est responsable de ses soldats, & les doibt représenter. Mais  
*Exod. 21.*  
 Q<sub>3</sub> non



non de ce qu'ils ferōt, apres les auoir cassez. Ainsi le geollier, de ceux qui luy sont baillez en garde, mais non de ceux, a qui les prisons sont ouuertes, & dont il a suffisante descharge. Les parens de l'aueugle nay, disoyent de leur fils, *Il a del'aage, qu'il parle pour luy*. Encores que peultestre, ils n'eussent que celuy la. Et en tout cas, l'escriture dict, *que le fils ne portera point l'iniquité du pere, ny le pere l'iniquité du fils*. Et Iesus Christ mesme interrogé, par le grand Prebstre, de ses disciples, non qui auoient esté, mais qui estoient avec luy, ne respond aucun mot sur ceste article. Et feroient bien marris ces Messieurs, si pour les actes & forfaitts de ceux, qui sont sortis de leur barreau, voire mesme de leur corps, on les venoit prendre a partie.

Car si cela a lieu vne foys, que respondent dōc les vignērōs, des fautes que font les yurongnes. Qu'ō recherche les quinqualliers, des meurtres qu'ō faiēt par leurs armes. Que les medecins soiēt en peine, pour les poisons qui se donnēt. Qu'on s'attaque aux Theologiens, pour le heresies de ceux, qui ont esté instruiēt a leur escholle. Car qui les pourra garētir, a y proceder dela sorte? Et miserables les Catholiques, qu'il faudra a tout propos, & sans propos neantmoins, estre mis en peine & en gehenne. Qu'il faudra estre responsables, des feuilles qui remueront, & tōberont des arbres: de tout le vent qui soufflera, & de

de tout ce que le fumer, des plus eschauffez cerueaux, produira de iour en aultre.

Mais belle va, qu'ils l'ont absous, l'ayant trouué innocent, & veu que c'est celuy, pour lequel, & en consequence duquel, ils semblent auoir banny tous les aultres, & confisqué leurs biens, ils condânent neantmoins leur iugement, par eux mesmes. Car quelle plus grâde iustificacion, que de declarer innocent celuy, pour qui on punit les aultres ?

*Cruauté & sacrilege, en la personne du Pere  
Guygnard.*

#### CHAP. IX.

**M**AIS d'autant plus cruel a esté l'exces, commis en la personne du pere Guygnard, que moindre estoit aussi, voire du tout nul le suiet, sur le quel ils luy ont fait perdre la vie. A sçauoir, pour des collections & memoires, tirez tant des Peres, que des Decrets, pour montrer qu'il est loysible, de faire la guerre, aux princes heretiques & excōmuniez, qu'ils ont trouué en sō estude. Sur l'aduis special, qu'un certain Ministre, qui auoit quelques années au parauant, ouy le dict Guygnard, preschant a Bourges sur ce suiet, leur donna, de le fouillier, & les seruit a ce besoing.

Car si pour des collections scholastiques, il fault condamner a mourir, quel preiugé contre les saincts Peres, dont elles ont esté

Q4

tirées?

*Ecrits des  
anciens  
peres con-  
damnez.  
par l'Ar-  
rest.*

tirées? Si tels memoires sont damnables, que ne le sont ceux dont ils sont pris? Et comment sauué S. Hilaire, la lumiere des François, & Lucifer Euesque de Sardaigne, qui de leur temps ont escrit si viuement, sur ce suiet, contre l'Empereur Cōstantius, & luy ont enuoyé leurs liures? Et commēt aussi S. Cyrille, & S. Gregoire de Nazanze, contre Iulian l'Apostat? Si ce sont choses debatues, de temps immemorial, digerées par l'accord des anciens, ratifiées par le iugement de l'Eglise, a qui seule appartient, decider telles veritez, & depuis receuës & publiées, es escholles des Theologiēs, depuis quād venus ces censeurs, qui si haultemēt les reprouēt? qui condamnent le S. esprit? & otent iuger des couleurs, ou ils ne sont que vrayz aueugles, & conducteurs d'autres aueugles?

*Et ceux  
des here-  
tiques to-  
leréz.*

Et si telles collections condamnées, & si seuerement punies, comment souffertes celles des heretiques? Comment leurs liures & pestilens escrits, leurs propositions & maximes, iugées & condamnées qu'elles sont, tant par l'Eglise, que par les Parlemens de France? Pourquoy leurs presches & blasphemés tolerez, cōtre Dieu & cōtre l'Eglise, voire aprouuez par edict, & verifié par eux?

Ioinct, que cela en tout n'estoit condemnable, pour estre vne proposition Scholastique & generale, & purement de la doctrine de l'Eglise. Et en tout cas, appartenant au  
general

general du party, & par cōsequent couuert, tant par l'ediēt, de la trahison de Paris, que par celuy, qui depuis a esté publié. Veu qu'a en vser ainſi, il n'y auoit aucū, non ſeulement de ladiēt Societé, mais ny auſſi Eccleſiaſtique bien zelé, voire ny de tout le party Catholique, qui ne deult ſubir meſme peine.

Et voyla comme ils adioulter au tas, pour remplir la meſure, tāt d'eux meſmes, que de leurs peres. Pour faire mourir les prebſtres, & tuer les oingts de Dieu. Continuant les erres de Tours, & ce qu'ils y ont faiēt, en la perſonne, de plus de quatre vingts & dix, tant prebſtres que religieux. Sans autre propos ny ſuiect, ſinō de leurs impietez, & pretenſions heretiques. Sans garder meſmes les formes, & ſolennitez iuridiques, portées par les Decrets, & ordonnances du Royaume, practiquées es Parlemens, & toutes iuriſdictions criminelles, de ne toucher aux Eccleſiaſtiques, tant qu'ils ſoyent condamnez par l'Egliſe, & liurez au bras ſeculier. Comme vrayſ Idumeās, de la tace de Doēg, & miniſtres de ceſte fēme, enyurée du ſāg des ſaincts & martyrs de Ieſus-Chriſt, qu'on appelle Babilō, mere des fornicatiōs, & abominations de la terre, qui eſt l'herēſie. N'auſſant a ce que diēt le S. Eſprit, *Ne touchez pas a mes oingts*, Et ailleurs, *Qui vous touche, touche la prunelle de mon œil*. Ny aux fouldres & cenſures, fulminées par l'Egliſe, contre tels entrepreneurs

*Perſecution ouverte contre les prebſtres.*

*1. reg. 22.*

*Apor. 17.*

*Psal. 104.*

*Zach. 2.*

& sacrileges. Et dont le cas est reserué sur tous, par le Concile de Constance, pour tenir reng, par quiconque en est coupable, de gens excommuniez *nominatim*. *Afin que vienne dessus eux, tout le sang iuste, qui a esté repã du, dessus la terre, depuis le sang d' Abel le iuste, le premier prebstre. Et de tous ceux de cest ordre, qui ont esté massacrez par les heretiques, & heretiques Caluinistes, tant en Angleterre & Pays-bas, que depuis trente ans en France.*

*Martyre du P. Guignard, iustifié de tout point.*

# CHAP. X.

**H**EUREUX cependant celuy, qui payant au prix de son sang, la folie & temerité des iuges, comme iadis S. Iehan Baptiste celle d' Herodes, en rapporte ce bon heur, que d'en tirer le prouffit, & iouir du bien de la faulte. Mort qu'il est, non sur vn songe de sa part, non sur vne vanité phantasque, non sur vn fondement en l'air, ou sable mouuant d'heresie: & non, comme dict S. Paul, *courant comme a l'incertain, ou comme vn qui bat le vët,* mais cōme vn, qui se tient ferme, sur la base & solidité, de la pierre Euāgelique. C'est a dire de l'obeissance, & pour l'obeissance de l'Eglise. Qui sçait d'ou il vient, & ou il va. *Regardant al' auteur de salut, Iesus Christ, & attendant de luy la couronne de iustice.*

Et quoy qu'ils ayent bruslé le corps, & ietté

Mat. 23.

Mar. 6.

1. Cor. 9.

Mat. 7.

Heb. 12.

2. Timo. 4

iectté la cendre en l'air, si ne laissera pourtant le sang iuste, de bouillonner, & les playes de saigner, en presence des meurtriers, deuant le Dieu Sabaoth, qui vn iour le leur sçaura rendre.

La constance du personnage, iusques au dernier soupir, pour ne vouloir reconnoistre pour Roy, celuy que l'Eglise a condamné, ny pour iuges legitimes, ceux qui se sont separez de l'Eglise, & iugét cõtre l'Eglise: & pour ne vouloir proferer, les clau-  
 tes & parolles, portées par leur Arrest, pour faire l'amende honorable: persistant en la verité, de ce qu'il auoit presché, & couché en ses memoires ( pour raison dequoy en fut l'executiõ precipitée, & sur le champ, & en chemise, sans le remener aux prisons ) & en qui par ce moyen de tout poinct, a esté iustifié le martyr, pour n'y auoir aultre suiet, sinon d'une pure verité Catholique, soustenue iusqu'à la mort inclusiuement, dont le contraire est heresie: est ce qui seruira de tesmoignage, pour leur faire vn iour leur proces, les tenir aux fers pieds & mains, leur prononcer leur Arrest, & condamner diffinitiuement, & de iugement irreuocable, comme *ceste gloire est a tous les Saints*. Lors que celuy, *qui garde la verité eternellement*, qui tient ri-  
 ere soy les liures du greffe eternal, ou tout est escrit, voire mesme qui en est le li-  
 ure, *fera iugement a ceux, qui souffrent iniure*. Que

*Constance  
du P.*

*Guygnard*

*Psal. 149.*

*Apoc. 20.*

*Psal. 146.*

*les*

sap. 5.

les iustes s'eleueront en grande l'asseurance,  
 en la face de ceux, qui les ont tourmentez.  
 Qui les voyât, serôt troub'ez, & saisis d'hor-  
 rible craincte, effrayez de les veoir sauuez,  
 contre leur attente. Et changeans d'opinion  
 & souspirans de l'angoyssé, qu'ils auront en  
 leurs esprits, diront contre eux. *Voicy ceux*  
*de qui aultrefois nous rions, & faisons des pro-*  
*uerbes de deshonneur. Nous insensez, estimions*  
*leur vie estre forcenerie, & leur mort infame. Et cõ-*  
*me ils sont comptez entre les fils de Dieu, & leur*  
*part est entre les saintés ! Nous auons donc four-*  
*uoyé, hors du chemin de verité, & la lumiere de*  
*iustice ne nous a point eclairez, & le Soleil de iusti-*  
*ce, ne s'est point leué sur nous. Et ce qui est plus*  
*amplement en l'escriture.*

*Auis aux Catholiques, sur la consequence de ce*  
*faict.*

## CHAP. XI.

Luc. 23.

**E**T pensent icy tous Catholiques, ou va  
 ceste premiere atteincte. Et quelle en-  
 trée a l'auenir, de chasser tant qu'il y a, de re-  
 ligieux & de prebstres, voire de les faire  
 mourir, & perdre la religion. Et ce qui est  
 le plus deplorable, quelle bouche ouuerte &  
 bayante, pour deuorer la ieunesse, & l'ense-  
 uelir au profond, du gouffre de l'heresie. O  
 puissance de tenebres, comme tu as auourd-  
 huy le temps !

Et si c'est par le temporel, que les hommes  
 se gou-



se gouuernent, pensent ceux qui y ont coopéré, qu'ils y viendront comme les aultres, & n'en seront pour cela garentys. Qu'ils se souuiennent, qu'en Angleterre, ceux qui ont fauorisé le schisme, ont esté des premiers punis. Et par ceux mesme, dont ils ont soustenu la cause. Tel que fut le Cardinal d'Yorc, principal ministre des impietez de Héry 8. Lequel en fin disgracié, & rendu crimineux de leze maiesté, mourut en prison, comme on le menoit a Londres. Tel aussi que Mylord Cromel, autheur de la confiscation, du reuenue de l'Eglise en Angleterre. Lequel ayant donné aduis, de faire passer en edict, qu'un seul resmoin suffiroit, pour le crime de leze maiesté, fut par le mesme edict (qui fut reuocé apres) le premier & dernier, & un seul pour tous, executé a mort: & pour vne parolle, qu'en la presence d'un seul, il auoit legerement dicté. Car *s'il est ainsi du bois verd, que sera ce du bois sec?* Si ceux, dont les fruiets & actions, ne sont que de pieté & doctrine, de former les consciéces, promouoir l'honneur de Dieu, & le salut du prochain, ont esté maniez de la sorte: s'ils ont esté traittez de mesme que ce luy, dont ils portent le nō, que sera ce de ceux, qui n'excellent qu'en leur vice, & que nulle vertu ne recommande? Qui sont muets comme poissons, vaisseaux remplis d'iniquité, dont l'air put & est infecté des ordures? Si sans propos & suite, on atta-

*Aduis particulier aux fau-  
teurs de  
l'heretique.*

*Luc. 23.*

on attaque l'innocence des vns, quel suiet n'aura le Ministre, de chasser & mettre hors le scandale & impureté des aultres, pour empieter leur temporel ?

Si les vices des gens d'Eglise, ont seruy aux heretiques, de si specieux suiet, quand ils estoient nuds & miserables, pour les charger & courre sus, mesmes que sans cela, les pauvres morfondus Ministres, seroient le plus souuent muets, & au bout de leur roulet, que sera-ce quand ils seront les maistres, & verront le temps venu, pour s'enrichir de leurs depouilles ? Et que gagneront lors leurs fauteurs, contre leurs puissans ennemis, quand apres les noix abatues, ils ietteront le baston au feu ? Quand montez sur leurs grans cheuaux, l'ouuerture leur estant faicte, ils leur passerôt sur le ventre, comme sur enfans perdus ? Quand ils raconteront leurs legendes, dont ils ont faict des registres, & qu'ils gardent au dernier mets, pour seruir de bonne bouche ? Brief, si le bon sel est foulle, que sera-ce du mauuais, & qui n'a nulle saueur ?

Mat. 5.

*Auis de cooperer avec Dieu, contre la tyrannie heretique.*

## CHAP. XII.

**Q**U'EST-il tel est le iugement du Ciel, pour les pechez de la Frâce, & pour tât de vices enormes, dont le Soleil a eu horreur, si c'est

c'est le fruit des misericordes, qu'elle n'a que trop fait aux meschâs, qui aujourd'huy selon la parole de Dieu, *luy sont cloux en ses yeux, & lances en ses costez.* Si l'effect de la grappe de verius, que nos peres ont mangée, & nos dents en sont agacées, quelle raison neantmoins, de ne resister au mal, de ne cooperer avec Dieu, & auoir recours a luy, pour y apporter le remede?

Num. 33.

Hier. 31.

Ezech. 18.

Le nature du suiet, qui est la cause de Dieu mesme, & l'offense delicate, qui le touche au cueur & a l'œil, est ce qui nous en donne assurance. Pour luy dire *O dieu leue toy. Aye memoire de l'opprobre, qui t'est fait par le fol, iournellement. N'oublie point le cry de tes aduersaires, ny l'orgueil de tes hameurs, qui monte continuellement.*

Fondemēt

en la cau-

se de Dieu.

Psal. 73.

Sa iustice nous promet le mesme, pour l'ennemy d'une part, qui le braue & le despise, qui opprime son Eglise, met les loups dans son bercail, contamine ses Sacremens, massacre ses seruiteurs, persecute ses Prophetes, mesprise ses commiendemens, autorise le peché, la Simonie en l'Eglise, la violence en la Noblesse, la vengeance en la Iustice, l'adultere aux bons menages, & l'heresie en l'Estat. Et de l'autre, pour les clameurs de son peuple, qui gemit a la brique & au mortier, dōt seul il considere le labour & la douleur. Le labour, pour son merite, pour son zele a la religiō, & a deffendre son Eglise, escouter

En la iu-

stice.

Exod. 1.

Psal. 9.

sa parolle, frequenter ses sacremens, les coruées & les veilles, la longanimité & constance, & deuoirs en toutes sortes. Et la douleur, pour les peines, qu'il a eues des ennemis, & qu'il a eues des amis, les traualx qu'il a soufferts, les dommages qu'il a receus, l'oppression qu'il endure, & la captiuité ou il est.

*Psal. 143.* Car si heureux est le peuple, auquel le Seigneur est son Dieu, & par consequent, celuy qui a combatu pour son Dieu, qui a souffert pour luy, la famine dans les murs, & le glaue par dehors, comme maintenant il faict, & la persecution au dedás, & l'exil hors du Royaume: brief qui a donné preuue de la Chrestieté, deuant Dieu, deuant les anges, & deuant les hommes, *Psal. 73.* pourquoy este debouté a iamais? Et estre le courroux de Dieu, si long temps enflambé, sur le troupeau de sa pasture? Et si les hayneurs de Dieu, ont braué & retenty, au milieu de la solennité, cest a dire de l'Eglise: s'ils ont mis leurs signes pour signes, cest a dire leurs Arrest, comme trofées, pour faire la loy a l'Eglise: sur le hault d'icelle, comme en un carrefour, & sans respect, cest a dire, par dessus l'autorité & dignité mesme du S. Siege, comme s'il leur estoit suiet, & eussent affaire a gens du simple peuple. Si avec congnees, ils en ont brisé les portes, & les ornemens, chassant de force, & non de droit, ceux qui instruisoient le peuple, & le faisoient entrer en Iesus

en Iesus Christ. S'ils ont mis le feu de l'heresie, au Sanctuaire de Dieu, par la publication, de liberte de conscience, cest a dire, Licence d'estre meschant & impie. S'ils ont pollue le tabernacle de son nom. S'ils ont dict en leur cueur, eux & toute leur race: Venez, & ruinons toutes les fests de Dieu, de dessus la terre. Si le peuple ne voit plus ses signes, s'il n'ya plus de Prophetes, & de gens qui les connoisse, c'est a dire, qui soient entéduduz, a manier les consciences, pourquoy Dieu retirera il sa dextre, & tiendra sa main en son sein? Pourquoy luy qui est son Roy, qui a operé le salut au mylieu de la terre, pendant en croix, qui a brisé la teste du Dragon, qui est le Diable, n'aura il memoire, de l'ennemy qui le braue, & du peuple insense, qui depite son nom?

Mais sur tout, la misericorde de celuy, deuant qui la patience des pauvres, ne perit point eternellement. Qui mortifi: & viuisie, qui blesse & garit les playes. En la volonté duquel est la vie, & l'ire en son indignation. Cest a dire, qui se plaist a dōner la vie, & ne se courrouce qu'a regret. Qui ne se plaist point en la perdition des viuans. Qui ne permet la tentation, par dessus les forces, & en sçait donner bonne yssue. Qui se plaist en ceux qui le craignent, & qui esperēt en sa misericorde. Qui promet de s'eleuer, pour la misere des souffreteux, & pour le gemissement des pauvres; de venger le sang de ses seruiteurs, & d'estre propice a la terre de son peuple: est ce qui l'asseure d'autant plus, que c'est la pierre ferme & so-

Liberté de  
conscience  
que c'est.

Psal. 9.

1. reg. 2.

Psal. 29.

Sap. 1.

1. Cor. 10.

Psal. 146.

Psal. 11.

Dent. 32.

*Pf. 39.* lide, sur laquelle Dieu a posé ses pieds: & la mai-  
*Pfal. 30.* son de refuge, pour le sauuer: Et cōme dict le Pro-  
*Pf. 90.* phete, c'est la force du chetif, & la force du pauvre  
*Esa. 25.* en sa tribulation: le refuge contre le tourbillon, &  
 l'ōbrage cōtre la chaleur. Voir le secret de sa face,  
*Pfal. 30.* ou il le mussé, contre les troublemens des hommes: &  
 la loge, ou il le cache, arriere de la contradiction des  
 langues.

*Obligation*  
*de coope-*  
*rer avec*  
*Dieu.*  
*1. Cor. 3.* Comme aussi, ce qui oblige les hommes, a  
 cooperer avec luy, est l'ordre qu'il a mis en  
 nature, d'ayder a qui s'ayde soy-mesme. Cō-  
 me S. Paul, nous appelle *cooperateurs de Dieu.*  
*Iob. 1.* Et comme sans luy rien n'est fait, ainsi ne veut  
 il faire seul, ains qu'avec luy on trauaille.

La terre ne porte sans semence, ny la vig-  
 ne sans estre labourée. *Ee en la sueur de son*  
*Genes. 3.* *corps*, il faut que l'homme mange son pain.  
 La science n'est sans l'estude, ny la victoire  
*Mat. 11.* sans combat, ny le ciel acquis sans violence.  
 Dieu par l'homme engendre l'homme, le  
 nourrit, eleue & instruit: le vestit, conduit,  
 & gouuerne: le garit, le sauue, & deliure. Et  
 tellement l'homme ayde a l'homme, que cō-  
 me dict le prouerbe, *l'homme a l'homme est un*  
*Pfal. 135.* *Dieu.* Pourquoi non donc garentir les hom-  
 mes, de la main de ses ennemis, par l'ayde &  
 secours des hommes? Si Dieu tue Seon Roy  
*Num. 21.* des Amorrhéens, Og Roy de Bazan, & au-  
 tres Roys puissans, Iotue en est le ministre. Si  
 Eglon Roy des Moabites, & tyran du peuple  
*Iud. 3.* de Dieu, c'est par l'accorte hardiesse, du de-  
 terminé



determiné Aiod. Si Oreb, Zeb, Zebec & Sal- <sup>Psal. 82.</sup>  
 manah, Tyrans Madianites, c'est le glaive du <sup>Iud. 7.</sup>  
 Seigneur, & de Gedeon ensemble. S'il renuerse <sup>1. reg. 17.</sup>  
 Goliath, c'est par la main de Dauid. S'il cou- <sup>Iudith. 13.</sup>  
 pela teste a Holofernes, c'est par la main  
 d'une femme. S'il fait mourir Ochosias Roy <sup>4. reg. 9.</sup>  
 de Iuda, Ioram Roy d'Israël, & la cruelle Ie- <sup>Iud. 3.</sup>  
 zabel, Iehu en fera l'office. Ainsi ont seruy a <sup>Iud. 4.</sup>  
 Dieu de ministres, Othoniel contre Cusam-  
 rathaim, Roy de Mesopotamie: Barac contre  
 Iabin, Roy des Cananeans: Iahel, contre Si-  
 sara: Iepthe, Samson, Saul, Dauid contre les  
 Philistins; les Machabées, contre Antiochus.  
 Les Prophetes mesmes & les prebstres, ny <sup>1. reg. 15.</sup>  
 sont espargnez, comme Samuel contre Agag <sup>4. reg. 11.</sup>  
 Roy d'Amalech, qu'il tue de sa propre main.  
 Et Ioiada contre la Roynne Athalie. Et Elie <sup>3. reg. 18.</sup>  
 contre les faux prophetes.

Ainsi depuis la Chrestienté, Dieu s'est ser-  
 uy des armes de Constantin, contre Maxence  
 & Licinius; d'Heraclius, contre Cosroes, Roy  
 des Perse; de Clouis, contre les Cots Arias;  
 de Simo de Montfort, contre les Albigeois;  
 de George Castriot Scaderbeg & Huniades,  
 contre les Turcs; de Charles le quint, contre  
 les Protestans: Et des Ducs de Guyle, pere &  
 fils decedez, contre les Caluinistes en Fran-  
 ce. Et par les heureux exploicts qu'ils ont  
 faiets, Dieu a monstre, que leur action luy  
 estoit agreable.

Et ne s'ensuit, que si bien Dieu permet



les meschans, que pourtant on n'y doibue  
 toucher. Car Dieu enuoye aussi les loups,  
 les lions, & autres bestes furieuses. Comme  
 il est dict en Hieremie. Et sans sa permissiō,  
 les brigans ne peuent rien faire, comme il  
 se voit au liure de Iob. Et cela n'empesche  
 pourtant, qu'on ne doibue aller au deuant,  
 les prédre & leur rompre la teste. Et moins  
 sera il dict, que pour telles permissions de  
 Dieu, les nobles & seigneurs feodaux, soyēt  
 rendus quictes, de l'obligation qu'ils ont, de  
 leur courre sus, & deliurer le pais, comme  
 on dict, *de male beste, & male gent*. Ou que soit  
 pour neant le droit, que pour ce seul effect  
 ils ont, de iustice haulte, moyenne, & basse  
 d'une part, & de la chasse de l'autre; & de  
 tymbrer en consequence, en guise de tro-  
 phées, leurs armes: & orner les portes de  
 leurs maisons, des hures des loups & san-  
 gliers, & autres bestes ennemyes. Comme  
 ceux qui d'office, doibuent estre les Hercu-  
 les, & Alexikakes du pays. La peste est vn  
 fleau de Dieu, comme toutes autres mala-  
 dies, si ne lairra l'on pourtant, d'vser de la  
 médecine, pour se preualoir alencontre. Et  
 si Dieu enuoye, les inondations des eaux, si  
 ne laisse il d'estre permis, de faire des digues,  
 pour y seruir de répart. Les Diables mesmes,  
 qui ne sont enuoyez aux corps des hommes,  
 que par vn iugement de Dieu, ne laissent  
 d'estre chassez de force. Et si Dieu permet  
 qu'ils

*Hier. 15.**Iob. 1.*

*Droit de  
 iustice, de  
 chasse, &  
 de tymbrer  
 leurs ar-  
 mes &c.  
 pourquoy  
 aux No-  
 bles.*

qu'ils nous tentent, si fault il resister neât-<sup>Pourquoy</sup>  
 moins. Et l'Escripture le cōmande, voire que <sup>les tenta-</sup>  
 c'est a ceste fin, que les tentations sont per-<sup>tions sont</sup>  
 mises, & enuoyées diuinemēt. Et le mesme <sup>permises.</sup>  
 est de tous ennemis, qui viennent avec main  
 armée. Auxquels de dire qu'il ne faut resi-  
 ster, est vne proposition non seulement ri-  
 dicule, mais aussi heretique, & comme telle  
 condamnée par les De crēts.

Et si bien il n'a encor reussi, pourquoy ne  
 reussira il apres. Tel qui fait du premier  
 coup, a enfilé la bague, n'y fauldra au secōd,  
 ou troisieme. Et fera le quatriesme, ce que  
 le tiers n'aura peu faire. Le iour d'apres, est  
 disciple, de celuy qui va deuant, Le siege ne  
 se leue par l'assiegeāt, pour auoir esté batu a  
 vn assaut. La goutte peu a peu caue la pier-  
 re, & les formis a force d'aller. Les enfans <sup>Iud. 20.</sup>  
 d'Israël batūs, pour la premiere & seconde  
 fois, par les Benjamites, les ont vaincus a la  
 troisieme. Les Romains, desfaicts plusieurs  
 fois par Hānibal, sont en fin demeurez vain-  
 queurs. Et comme dict le Poëte moral.

*Tel souuent est battu, qui en fin est le maistre.*

Et si de fraische memoire, le premier coup dō  
 né au Prince des Gueux, n'adressa qu'en la  
 machouere, le second n'a failly apres. Dont  
 le premier fut le presage, comme encore sera  
 il en celuy, qui en a eu au mesme endroiēt.  
 Suyuāt ce que dict l'Escripture, que Dieu cas-  
 sera leurs dēs, en leur bouche: il rôpera les machoueres

des Lyons. Attendât, que le meschant s'escole & s'en aille comme l'eau. Que tirant ses fleches elles soient comme rompues Qu'ils fonde comme la cire, ou comme la limace, qui vient de terre. Que le feu du ciel tombe, & ne voie plus le Soleil. Que d'espine qu'il est, auant que deuenir ronce, cest a dire, que la tyrannie soit du tout consommée, Dieu en son courroux l'engloutisse tout viuant. Et lors le iuste s'eionira, quand il verra la vengeance, & lauera la plante de ses pieds, au sang des meschans. Et chacun dira, que certainemēt il y a fruit au iuste. Et certainemēt il y a un Dieu, qui iuge en la terre. Et que la plus grande finelle, qui soit au monde, est se renger a son party, & attendre ses misericordes.

*Exhortation finale, a exterminer l'enemy de Dieu, & de son Eglise.*

### CHAP. XIII.

**H**EVREUX ce pendant celuy, par la forte dextre de qui, sera la beste terrassée. Heureux celuy, qui rendra a Babylon, la pareille qu'elle nous a faicte. Heureux, qui perdra ses enfans, & les froissera sur la pierre.

C'est a quoy doibuent penser, tous les grâds de Chrestienté, pour ruyner d'un accord, celuy qui est la ruyne, du bien commun des Chrestiens. Au siffle & mouuement duquel, routes fortes d'ennemys, & heretiques aux dedans, & infideles au dehors, de la maison de Dieu, sont venus en mesme temps,

101

pour

pour deuorer la religion, & l'Eglise Catholique. Cest la que les armes sont iustes, & plus que contre tout infidele. Comme l'heresie aussi est pire, que toute infidelité, & conformement a la parolle de Dieu. Lequel permettant a son peuple, de faire paix & alliance, avec les citez payennes, qui estoient loing de luy, mais nullemēt avec celles, qui estoient proches, lesquelles sans remission, il vouloit estre mises au fil de l'espée, sans en épargner vn seul, nous apprend ceste Theologie. N'estant aultre chose l'infidele, qui est proche, sinon celuy, qui sous le nom de Chrestienté, coule ses impietez & blasphemes, comme faiēt tout heretique. Mais si iuste contre l'heretique, combien plus contre le chef des heretiques ? Et si pour le chasser de tout Royaume Chrestien, combien plus du Royaume Treschrestien ?

*Heretique  
pire que le  
payen.*

*Dent. 20.*

C'est la gloire aussi qui est deuë, a ce Monarque trempuissant, & Roy vraiment Catholique, que Dieu sur tous a choisy, pour deffendre son Eglise. Pour porter en tous endroicts, comme vn aultre Constantin, la banniere du Crucifix, & de la religion Catholique: soustenir le faix de toute la Chrestienté ebranlée, qui le rendra inuincible. Et qui comme, il est la butte, de tous les mescreans de la terre, Idolatres, Mahumetās, Iuifs, heretiques de toutes sortes, & de tous quartiers, & de leurs confederez les Politiques,

*Roy Catholique  
support &  
porte banniere de  
la foy.*

*Est la butte  
de tous  
mescreans.*

& tant qu'il y a de meschans : ou comme di& l'Escripture, des Idumeans, Ismaelites, Moabites, Agarenes, Gebal, Ammon & Amalec : &

**Psal. 82.** en oultre des Philistins, Tyriens & Assyriens : dont les sept premiers, pour appartenir a Abraham, & en estre venus, signifient les heretiques & Politiques, & les trois autres, les infidelles estrangers : & ensemble signi-

**Hier. 1.** fient par le nōbre de dix, tous ceux qui s'opposent a Dieu, & a son Eglise : ainsi Dieu le fai& estre, comme une colomne de fer, & visaige d'airain, qui resiste contre tous. Et si bié tous luy font la guerre, si ne pourront ils rien contre luy, pour ce que Dieu est avec luy. Et son ange

**Psal. 33.** campe entour luy. Comme iadis entour Elisée, **4. reg. 6.** & depuis entour Theodose le ieune, combattant cōtre les Sarrafins. Par le moyen de-  
**Soc. lib. 7.** quoy, il seconera ses ennemys, comme fai& le  
**c. 18.** taureau de sa corne, & au nom de Dieu, il passera

**Psal. 43.** sur le ventre a ceux, qui s'eleuent contre luy. Voire les brisera ainsi qui pots de terre. Comme l'homme sage de l'Euangile, qui a edifié sa maison sur la roche. Et la pluye est tombée, les torrens sont

**Mat. 7.** venus, & les vents ont soufflé & heurté contre  
**Prosperité** ceste maison, & n'est point tombée : car elle est  
**& grand-** fondée sur la roche. Cest a dire, sur la cause de  
**deur du** Dieu, & de sa religion, vnique & veritable.  
**Roy Ca-** Qui comme vn champ heureux & fertile,  
**tholique** luy germe des couronnes, & multiplie les  
**pour def-** Estats. Comme au bō & fidele seruiteur, qui  
**fendre la** multiplie les marcs d'argent de son maistre, & le  
**religion.**

**xc. 19.** mai-

maître en recompense, luy multiplie les charges & gouuernemens. Suyuant ce qu'il dict ailleurs, *Qui m'honorera ie l'honoreray, & ceux qui me mesprisent, seront contemnez.* Voire, <sup>1. reg. 2.</sup> pour estre celuy, qui faict regner Iesus Christ par tout, il a l'honneur aussi, de participerauec luy, en ce qui en a esté predict, & dont il est faict le ministre. *Qu'il dominera depuis vne mer, iusqu'a l'autre, & depuis vn fleue iusqu'aux bouts de la terre.* Tenât ministeriellemēt, & en fief & hommage, ce que Iesus Christ tient en propriété, & souueraineté: qui est le rond de la terre, & le cercle qui a esté predict, pour faire ouir la voix des Apostres. Et cōme il est <sup>Psal. 71.</sup> le refuge & support des Catholiques, il merite aussi d'estre dict, non seulement Roy Catholique, mais aussi des Catholiques. <sup>Psal. 118.</sup>

Et au contraire, l'ignominie est a ceux, qui se bandant a l'encontre, pour des fantasies d'Estat, qu'ils mettent par sus la religion, & s'attaquant a Dieu meisme, se preparent vn iugement, <sup>Ruyne preparée aux Politiques.</sup> que Dieu fera en Israel, lequel qui- <sup>1. reg. 3.</sup> conque orra, les deux oreilles luy corneront. Com- <sup>Mat. 7.</sup> me le fol de l'Euangile, qui a edifié sa maison sur le sable. Et la pluye est tombée, les torrens sont venus, & les vents, ont soufflé, & heurté contre ceste maison. Laquelle est tombée, & sa ruyne a esté grande. Comme l'experience en fera, lors que moins ils s'y attendront. Que Dieu se rira de leur perdition, & se moquera, quand ce qu'ils crai- <sup>Pro. 1.</sup> gnent sera auenu. Quand la calamité soudaine vi-



dra sur eux, & leur perdition comme la tempeste: & tourment & angoisse tombera sur eux. Lors ils appelleront Dieu, & ne respondra point, ils le chercheront du matin, & ils ne le trouueront point. Pour autant qu'ils ont hay la science, & n'ont point receu la crainte du Seigneur. N'ont point voulu de son conseil, & ont vilipendé toute sa correction.

C'est aussi a ce protecteur, que se doibuent ioindre, tous vrayz zelez Catholiques. Comme a celuy qui est l'Hercule, & Alexikake, estably de Dieu, pour courre sus a ceste Hydre, a ces monstres bigarrez, a ce Dragõ veneneux, & roux du sang des Catholiques: qui infecte de son fiffle, le seiour le plus beau, & le plus delicat, de la Chrestienté. Voire mesme s'y vouer, comme iadis Israël, contre le Cananean (& Dieu le combla de victoire) pour abbattre cest ennemy, & tout ce qui luy adhere. Ce que doibuent faire d'autant plus, ceux qui ont gousté, que c'est du mal de l'heresie, que plus cruelles sont les marques, des lieux, villes & prouinces, ou ces tygres ont passé. Dont les temples ruynez, les ordures & sacrileges, & excès de toutes sortes, donneront a iamais tesmoignage. Pour exciter les cœurs, les plus froids, de ceux qui ont quelque sentiment, de religion Catholique, d'en-extermir l'engeance. Et d'autant plus encore en France, que pour l'excellence naturelle d'icelle, les môstres necessairement y sont pires, en matiere d'heresie. Luy  
en

Des'vnir  
auec le  
Roy Ca-  
tholique.

Num. 21.

Hereti-  
ques pires  
en France,  
qu'ail-  
leurs.



en prenant, comme au bon vin; qui rend le  
 poison plus mortifere. Côme a l'air le plus  
 subtil, qui plus dangereusement se corrompt.  
 Et comme aux corps les mieux temperez, &  
 plus nobles, dont l'infection est plus grâde,  
 quand la corruptiō y est mise. Pour en chas-  
 ser le Sanglier, qui gaste la vigne de Dieu; & les <sup>Psal. 62.</sup>  
 renardeaux, qui le suyuent. Pour entuoyer <sup>Cant. 2.</sup>  
 l'impie, enfermée dans un boisseau, & cou- <sup>Zach. 5.</sup>  
 uerte d'une masse de plomb, c'est a dire vaincue  
 & captiue, en la terre de Sennar, ou Babylone,  
 & hors la Chrestienté, comme il est dict en  
 Zacharie. Pour destruire les sages d'Edom, & la <sup>Abd. ver.</sup>  
 prudence de la montaigne d'Esau, celt a dire, le Cō-  
 seil sanguinaire, & la caballe entiere, de la ty-  
 rannie Politrique, qui est de terre, & non du <sup>Baruch. 3.</sup>  
 ciel: declarée par Esau, mespriseur des cho-  
 ses saintes, qui pourtant est appelée, profane. <sup>Genes. 27.</sup>  
 Pour faire que honte le couure, & soit exterminé. <sup>Heb. 12.</sup>  
 a iamais, pour l'occision & iniure, qu'il a faicte a  
 son frere Iacob, qui est le pauvre Catholique. <sup>Abd. ver.</sup>  
 Que Iacob r'entre en ses biens, apres la persecu-  
 tion, & soit comme le feu; & Ioseph, comme la <sup>Vers. 18.</sup>  
 flamme, & la maison d'Esau comme l'esteule, sur  
 laquelle ils s'allumerēt, & la deuorerēt, tāt que nul  
 relief n'en demeure. Pour sauier tant d'ames  
 Chrestiennes, qui gemissent sous ce ioug.  
 Pour garétir la ieunelle, de ce poison si mor-  
 tel. Pour repurger la maison, ou Dieu a tāt  
 habité, & le cabinet secret, de celui, qui paist  
 entre les lys, Pour y rebastir l'autel, & de pierres <sup>Cant. 2.</sup>  
 toutes

toutes neuues, comme feirent les Macchabées, pour la corruption & souilleure, qui est aux vieilles. Pour reunir ce beau corps, a l'vnion de l'Eglise. Et pour faire en somme que par l'establissement, d'une sainte Royauté, par laquelle les *Saluateurs*, & *perseneurs* en la cause de Dieu, pour monter en la montaigne de Sion, iuger la montaigne, d'Esau, (qui est le regne Politique) LE ROYAUME SOIT AV SEIGNEVR. Cest a dire que DIEU regne, de tout poinct, par vn ordre mieux dressé, tant en l'Eglise, par election de prebstres sans macule, & ayans leur volonté en la loy de Dieu: qu'en l'Estat, par vn Roy, qui regnera en iustice, & les Princes consideront en equité. Pour conforter ce qui est affoibly, guarir ce qui est malade, radouber ce qui est rompu, ramener ce qui est deuoyé, recèrcher ce qui est perdu, du bercail de Iesus Christ.

Et par la reunion, qui sera lors, de ceux que la furie de la guerre, auroit ietté en discord, comme du temps de Dauid, par l'establissement de son regne, lors qu'apres la mort de Saül, & de tout ceux de sa maison, il fut oinct Roy paisible sur tout Israël, on chante le mesme Cantique, que Dauid composa a lors, & qu'il accorda sur sa harpe.

*Psal.* 132.

O bien sur tous desirable,

O allegresse d'espris,

De veoir que d'un cueur semblable.

Tous les fiers soient unis!

Comme

Comme l'onguent qui decoule,  
 Dessus la barbe d'Aaron:  
 Et du parfun qui en coule,  
 Remplit toute la maison.  
 Comme d'Hermon la roussee,  
 Qui tombe au mot de Sion,  
 Dont la campagne engraissee,  
 Remplit toute la maison.  
 Car c'est la que l'on eprouue,  
 De Dieu les dons & bien faicts,  
 Et que la vie se trouue,  
 Vie qui dure a iamais.

F I N.

## A D D I T I O N S   R E C E V E S

depuis l'impression, lesquelles pour auoir  
 semblé necessaires, ont esté mises en ce  
 lieu.

*Page 77. apres ces mots. Prelats de France.*

Et ne seruira de dire pour excuse, que  
 c'est vne maladie d'esprit, qui doibt estre ga- *Excuse des*  
 rye par remedes spirituels, & non par peines *heretiques*  
 corporelles. Comme ont dict ceux du Par- *par ceux*  
 lement, emprisonnant vn religieux, de *du Parlem.*  
 l'ordre de sainte Croix, pour auoir dict en *ment.*  
 preschant, que les heretiques doibuent estre punis  
 par

*par le feu, & qu'encore a present ils tiennent.*  
 Comme s'il y auoit vice au monde, qui ne  
 fust maladie d'esprit. Qui ne subsistast en  
 l'esprit, & par ainsi ne receust la mesme ex-  
 cuse. Ou comme si l'heresie estoit simple er-  
 reur, & non plustost yne malice. Comme si  
 c'estoit vice d'entendement, & non plustost  
 de volonte, qui ne veult *captiuer l'entendement,*  
*en obeissance de la foy.* Ou comme si l'erreur  
 estoit excusable, quand les choses sont defi-  
 nies: ou s'il falloit encore chercher, quand les  
 choses sont trouuees, & iugees veritables,  
 par celle qui en est la reigle, & comme dict  
 S. Paul, *est la colonne & firmanent de verite,*  
 qui est l'Eglise, & de vouloir aller a l'encon-  
 tre. Et come si cela n'estoit iuge, & par leurs  
 loix mesmes, estre *crime public,* & de leze ma-  
 ieste diuine & humaine, & auquel la mort est  
 deuë. Et pourquoy donc punir au corps, ce-  
 luy qu'ils tiennent en prison, puisqu'en tout  
 cas, selon leur dire, cela ne seroit qu'erreur  
 d'esprit? Car s'ils alleguent la consequence,  
 & le trouble qui en pourroit estre, les trou-  
 bles qu'ont faict les Huguenots, & le feu  
 qu'ils ont mis par tout, les deuoir trop plus  
 emouuoir, pour les punir & chastier. Et de-  
 uoyent iuger par le fruct, que l'arbre doibt  
 estre mis au feu. Comme les soustenant clai-  
 rement, & se declarant estre du nombre, at-  
 tendant, qu'estant les plus forts, ils facent  
 contre les Catholiques, ce que a deu estre  
 fait

Heresie  
 vice de  
 volonte  
 & malice.  
 2. Cor. 10.

Gal. 3.

Authent.  
 Gazaros.  
 c. de he-  
 ret. l. Ari-  
 ani. c. de  
 heret.

2  
faict contre eux mesmes, ils montrent aussi  
parce moyen, que parlât en leur propre cau-  
se, leur iugement n'est receuable.

*Page 101. ligne. 8. apres ce mot, Couronne.*  
(pluistost qu'a luy, & si l'exception de Bal-  
de auoit lieu)

*page 102. l. 3. apres ce mots, grande facherie.*  
Et comme nouuellement la practique en a  
esté a Dourlans, ou ledict Bouillon, ayans  
engagé les Catholiques, qui y sont demeu-  
rez, se eut gémir se retirer de la presse, & y-  
ser de la maxime. Et on scait le peu de regret  
qu'il a montre y auoir, quoy que la perte n'y  
ait esté moindre, que de cinq ces cinquante ge-  
tilhommes. Ne faignant de dire que c'estoit  
vne partie, de ce qu'ils auoyent desiré perdre.

*Page 213. a la fin.*  
De mesme estoife est ce qu'il dict, qu'ils ont  
voulu rendre Paris a l'Espagnol. Comme  
si cela eust esté en eux, & n'eussent eu les  
Espagnols, prou d'autres moyens, & plus  
aysez, quand ils y eussent voulu entendre.  
Ou comme si le lieu & le temps, qu'ils alloi-  
ent en leurs Colleges, soit a S. Iaques, pour  
assister a leurs actes, soit a S. Loys rue S.  
Antoine, pour se confesser & communier  
aux festes, eust esté propre, pour traicter de  
l'Estat. Car si bien les deuotions Politiques,  
sont autant de coups d'Estat, cest a dire, de  
complots, pour effectuer leurs desseins,  
pourquoy dire le semblable, des deuotions

Catho-

Catholiques, & dont on scait que les deportemens, sont aultres?

Et pour l'egard de la ieunesse, qu'il diët estre instruite par eux, a tuer les Roys, cōme la calomnie est impudente, & qui se refuse d'elle mesme, si pourtant c'est la ressource, de la clause de l'Arrest, qui a vsé des mesmes termes, ô gens aysez a persuader, & soudains a croire mal, a qui la simple imposture, sert d'instruction & d'oracle! Et bien alterez d'ouir mesdire, & des eaus de contradiction, si vn tel boubier les abreueue.

*Page 222. ligne 27. apres ce mot verifié par eux?*

Et s'il n'est loysible de faire la guerre a vn Prince heretique, comment loysible a l'heretique, de la faire au Prince Catholique? Et quelle iustification pour celuy, qui comme chef des Heretiques, a faict la guerre toute sa vie, aux Roys de France Catholiques? Qui est tout, ce dōt il s'est fait valoir, & pourquoy il a esté condâné, & qu'ils reconnoissent pour leur Prince? Pourquoy non loysible contre luy, ce dont oultre l'autorité des Decrets, luy mesme a donné l'exemple?

